

周密編
查爲仁箋
厲鸚箋

絕妙好詞箋

世界書局印行

長短句在文藝上之價值，以時代思潮之演進，文學技術之蛻變，至今日有需重行新的估定者。蓋新體詩之趨勢，對於律絕形式，上句的字數之制限，固已解放；願為歌詠諧美之故，仍有沿用雙聲疊韻入詩者。矧今復古思潮漸滋，文壇之士，求調和於新舊間之純文藝作品，既可暢抒情感而無所拘窒，復使運詞選聲合於美的觀感，於是倡為有韻之新體詩，以期適應潮流。此於接近民間文學之中，復表現文藝固有之美，在一種文學體制演變之會，實應有之過程也。胡適謂：『詞曲盛行之後，長短句的體裁，漸漸得文人的公認，成爲一種新詩體；於是詩人常用這種長短句體作新詞。形式是詞，其實只是一種借用詞調的新體詩。』（詞選附錄）是長短句與新體詩之價值，可等量而齊觀矣。

長短句在現今文學上重估之價值，現已確定，則當新體詩正在演進而達於成熟之今日，取長短句為範本，作新體詩之借鏡，實最切於時代之需要。本書重行整理發刊之主旨，即在於是。爰析為數點，概述於左：

（一）長短句昉於中唐，成於兩宋，而唐時詞譜，在於黎園，歌唱聲律，率為五七言詩。厥後士夫填其泛聲，詞之體制，於焉形成。顧猶拘牽音律，未能解放情感。迨入宋，依譜填詞，不為格泥，個人之風格，方得表見。至辛稼軒乃集其大成。胡適詞選序曰：『詞到了朱希真與辛稼軒，詞的應用的範圍，越推越廣大；詞人的個性的風格，越發表現出來。無論何種題目，無論何種內容，都可以入詞。悲壯、蒼涼、哀艷、閑逸、放浪、頹廢、譏諷、忠愛、遊戲、詼諧……這種風格，都呈現在各人的詞裏。』歷代選家，對於詞選之輯，已可充棟。本書斷代南宋，獨探其元，具有歷史上之價值。此其一。

（二）文藝作品，首重個性之表現。本書輯者，生丁宋末，於中興以還之詞人，類多親炙；所選詞三百餘首，合作者一百三十二人，披砂揀金，衆妙畢匯。而於各個作家之風格，尤粲然悉備。如辛稼軒之縱橫超脫，陸放翁之閒適飄逸，劉改之劉後邨之渾樸率直，不假彫琢，吳夢窗王聖與之芊綿綺麗，典重無倫。以至姜白

石之創作新意，自譜新聲；張玉田之詠物選詞，細入腠理，莫不以縝密之眼光，爲公平之棄取。較之黃玉林中與以來極妙詞選，屬純蓋判霄壤已。此其二。

(三) 歷來詞選，大都備於格調而略於作法。本書有查蓮坡厲樊榭爲之箋注，不獨作者之里居出處，蒐討務備，卽詞中之本事，詞外之佚事，以及名篇秀句，零珠碎玉，亦莫不抉摘遠述，俾讀者展卷時，不特如親聆古人之笑話，親挹古人之風藻，而詞之內蘊，句之外琢，篇章之結構布置，亦瞭然而無疑闇。如每篇摘錄之詞旨，警句，屬對，詞眼等，足爲研討之津梁，規撫之準的。此其三。

(四) 詞既由五七言詩填入泛聲而成，於是各調句讀，以及字數增損，各個作家，概不一律。苟以詞律泥之，鮮有不誤者。例如生查子下半之起句，可作五字，可作兩句三字，亦可作七字。臨江仙每半闋之起句，可作六字，亦可作七字；結兩句，可作五與五，亦可作四與五。沈義府樂府指迷云：「古曲譜多有異同，至一腔有兩三字多少者；或句法長短不等者。蓋被教師更換，亦有嘌唱一家多添了字。」更有天才奔放，大膽創作之詞人，其詞尤不可依詞律以爲句讀，本書特爲逐句圈點，用便學者。此其四。

(五) 周氏所輯，僅止七卷，讀者或有未饜；且詞之形成，李唐旣叛其體，五代復隆其軌，至於趙宋，則柳屯田之曉風殘月，蘇玉局之亂石崩雲，更有爲初學所當諷玩取則者。於是本書復有續鈔，附錄及續詞選共五卷，附於編末，於唐、五代及兩宋之作家，庶無闕憾。而學者一櫛之賞，亦可規詞風流變之一斑。此其五。

基上五點，重刊茲書，在現今新文壇中，猶律絕之於唐詩三百首，允宜人手一編，奉爲科律，以期靈珠荆玉之在御也。民國二十四年四月韓楚原識。

原序

粵稽詩降為詞。六朝潛啓其意。而體創于李唐。五代繼隆其軌。而風暢于趙宋。柳屯田之曉風殘月。蘇學士之亂石崩雲。世所共稱。固無論已。建炎而後。作者斐然。數南渡之才人。無非妍手。詠西湖之麗景。盡是耑家。薄醉尊前。按紅牙之小拍。清歌扇底。度白雲之新聲。況乎人間玉椀。闕下銅駝。不無荆棘之悲。用誌黍離之感。文弦鼓其淒調。玉笛發其哀思。亦有登山臨水。勝情與豪素爭飛。惜別懷人。秀句共郵筒俱遠。凡斯體製。有待纂編。于是草窗周氏。彙次成書。山玉川珠。供其採擷。蜀羅趙錦。藉彼翦裁。蔡家幼婦之碑。固應無媿。黃氏散花之集。詎可齊觀。秀遠為前。此所無。規矩實後來之式。然而劍氣長埋。珠光易匿。五百年之星移物換。金石尙爾銷沈。一卷書之雲散。波流簡帙。能無散佚。於今風雅。殆勝曩時。翡翠筆牀。人宗石帚。瑠璃硯匣。家擬梅溪。爰有好事之家。千金購其善本。嗜奇之士。古鼎質其祕書。時歲甲子。訪戚虞山。叔丈遵王。招攜永日。鄙方回之游讌。久欽逸少門風。廬子諒之婚姻。夙附劉琨世戚。觴詠之暇。籤軸斯陳。謝氏五車。未足方其名貴。田宏萬卷。猶當遜其珍奇。得此一編。如逢拱璧。不謂失傳已久。猶能藏弄至今。諷詠自深。剗刷有待。河北膠東之紙。傳此名篇。然脂弄墨之餘。成余素志。上借諸父。俾我弟昆。共訂魯魚。重新梨棗。從此光華不沒。風景常新。非惟一日之賞心。允矣千秋之勝事。武唐柯煜序。

高士奇序

草窗周公謹。集選宋南渡以後諸人詩餘。凡七卷。名之曰絕妙好詞。公謹生於宋末。以博雅名東南。所作音節淒清。情寄深遠。非徒以綺麗勝者。茲選披沙揀金。合一百三十二人。為詞不滿四百。亦云精矣。余嘗論選家以今稽古。病在不親。穀梁所謂聽遠音者。聞其疾而不聞其舒也。若同時之人。徵蒐該博。參互詳審。其去痕瘡。正謬悠。較之後代。難易什伯。宋人選宋詞。如曾慥樂府雅詞。趙粹夫陽春白雪。以及謫仙蘭畹諸集。皆名存書逸。每為可惜。草窗所選。乃虞山錢氏祕藏鈔本。柯子南陔得之。與其從父寓匏舍人及余。考校缺謨。繕刻以行。夫古書顯晦。各有其時。

皇上聖學淵奧。凡經史子集。以及類說稗乘。罔不搜討。宋元舊本。漸已畢出。彼曾趙諸集。又豈無撿廢麓而弃之者。是書之出。其嚆矢夫。康熙戊寅夏五江邨高士奇序於清吟堂。

絕妙好詞紀事

何焯讀書敏求記跋。絳雲未燼之先。藏書至三千九百餘部。而錢遵王此記。凡六百有一種。皆紀宋板元鈔。及書之次第完闕。古今不同。手披目覽。類而載之。遵王畢生之菁華。萃於斯矣。書既成。局之枕中。出入每自攜。靈蹤微露。竹垞謀之甚力。終不可見。竹垞既應。召後二年。典試江左。遵王會於白下。竹垞故令客置酒高譙。約遵王與偕。私以黃金翠裘。予侍書小史。啓鏞。豫置楷書生數十於密室。半宵寫成。而仍返之。當時所錄。并絕妙好詞在焉。詞既刻。函致遵王。漸知竹垞詭得。且恐其流傳於外也。竹垞乃設誓以謝之。又跋。遵王纂成此書。祕之笈中。知交罕得見者。竹垞檢討校士江南日。冀方伯遍召諸名士。大會秦淮河。遵王與焉。是夕私以黃金青鼠裘。予其侍史。啓篋得是編。命藩署廊吏鈔錄。并得絕妙好詞。既而詞先刻。遵王疑之。竹垞為之設誓以謝之。不授人也。按柯崇樸絕妙好詞序云。往余與朱檢討竹垞。有詞綜之選。撫拾散逸。采掇備至。所不得見者數種。周草窗絕妙好詞。其一也。嗣聞虞山錢子遵王。藏有寫本。余從子煜。為錢氏族壻。因得假歸。然傳寫多訛。逮再三參考。始釐然復歸于正。爰鏤板以行之。據此。則非先生所詭得矣。義門之言近誣。(楊謙朱竹垞先生年譜。康熙二十年辛酉。五十三歲。)

厲鶚。字太鴻。號樊榭。錢塘人。康熙五十九年舉人。乾隆元年薦舉博學鴻詞。有樊榭山房集。徵君性情孤峭。義不苟合。讀書撿奇愛博。鉤新摘異。尤熟於宋元以來叢書稗說。以孝廉需次縣令。將入京。道經天津。查蓮坡先生留之水西莊。觴咏數月。同撰周密絕妙好詞箋。遂不就選而歸。揚州馬秋玉兄弟。延為上客。嗣後往來竹西者。凡數載。馬氏小玲瓏山館。多藏舊書善本。閒以古器名畫。因得端居探討。所撰宋詩紀事。遼史拾遺。極為詳洽。今皆錄入。

四庫書中。其先世家於慈谿。故以四明山樊榭為號。予於戊辰歲。在長洲趙君飲谷小吳船遇之。辱為忘年交。嗣

後徵君過吳，必訪余于朱氏寶花水閣。凡三年，而徵君下世。其詞直接碧山玉田，予錄入琴畫樓詞鈔。樊榭下世，葬于杭州西溪王家塢。因無子嗣，不久化為榛莽。後四十餘年，何君春渚琪游西溪田舍，見草堆中樊榭及姪人月上栗主在焉。取歸，偕同人送武林門外牙灣黃山谷祠，埽灑一室以供之。予為撰丈室花同天女散摩圍詩。共老人參句，以題其楹。李光甫方繼，蔣蔣邨炯，陶彙香梁諸子，皆有詩詞記之。樊榭生于康熙三十一年五月初二日辰時，歿于乾隆十七年（此十四字原本失寫，今據栗主補入）。九月十一日辰時，月上姓朱氏，名滿孃，烏程人。生于康熙五十八年三月二十四日辰時，歿于乾隆七年正月初三日戌時。並屬蔣邨，及項金門塘許周生宗彥。各于忌日奉酒脯薦焉。（王昶菴山房詩話。蔡木龕煨云：厲徵君子繡周，有女適桑敬甫先生之孫近仁，繡周亡後，其妻丁氏，龍泓先生女，無所歸，奉厲氏先代栗主，依于桑。桑家車橋，先與其甥倪米樓稻孫同居。而北郭之童佛庵銓，又故與米樓善，性好奇。一日訪米樓，值無人，遂于厲氏家廟中，檢徵君暨月姬主懷歸。月姬主為樊榭手書，樊榭主為丁龍泓手書也。童以告何春渚琪，謠言得之西溪田舍草堆中。何轉告王述庵司寇，因率同人皮置湖市宋黃文節公祠，各贖百錢致祭。時為嘉慶六年四月六日也。不一載，其事即廢。道光丁亥春正月二十二日，邑人公請其主，由黃公祠移供西溪之焚蘆庵塔院內。類未詳載厲徵君祀志。

欽定四庫全書總目提要（集部詞曲類詞選之屬）

絕妙好詞箋七卷（兵部侍郎紀昀家藏本）

絕妙好詞，宋周密編。其箋則國朝查為仁、厲鶚所同撰也。密所編南宋歌詞，始於張孝祥，終於仇遠，凡一百三十二家，去取謹嚴，猶在會稽樂府雅詞、黃昇花菴詞選之上。又宋人詞集，今多不傳，併作者姓名，亦不盡見於世。零璣碎玉，皆賴此以存。於詞選中，最為善本。初為仁探摭諸書以為之箋，各詳其里居出處，或因詞而致證其本事，或因人而附載其佚聞，以及諸家評論之語，與其人之名篇秀句，不見於此集者，咸附錄之。會鶚亦方箋此集，尙未脫橐，適遊天津，見為仁所箋，遂舉以付之。剛復補漏，合為一書。今簡端並題二人之名，不沒其助成之力也。所箋多泛濫旁涉，不盡切於本詞，未免有嗜博之弊。然宋詞多不標題，讀者每不詳

其事如陸淞之瑞鶴仙。韓元吉之水龍吟。辛棄疾之祝英臺近。尹煥之唐多令。楊恢之二郎神。非參以他書。得其原委。有不解為何語者。其疏通證明之功。亦有不可泯者矣。密有癸辛雜識諸書。鷓有遼史拾遺諸書。皆已著錄。為仁字心毅。號蓮坡。宛平人。康熙辛卯舉人。是集成於乾隆己巳。刻於庚午。鷓序稱其尙有詩餘紀事如干卷。今未之見。殆未成書歟。

厲鶚序

絕妙好詞七卷。南宋弁陽老人周密公謹所輯。宋人選本朝詞。如曾端伯樂府雅詞。黃叔暘花菴詞選。皆讓其精粹。蓋詞家之準的也。所采多紹興迄德祐閒人。自二三鉅公外。姓字多不著。夫士生隱約。不得樹立功業。炳煥天壤。僅以詞章垂稱後世。而姓字猶在若滅若沒閒。無人為從故紙堆中抉剔出之。豈非一大恨事耶。津門查君蓮坡。研精風雅。耽玩倚聲。披閱之暇。隨筆劄記。輯有詩餘紀事如干卷。於是編尤所留意。特為之箋。不獨諸人里居出處十得八九。而詞中之本事。詞外之佚事。以及各篇秀句。零珠碎金。擲拾無遺。俾讀者展卷時。恍然如聆其笑語。而共其游歷也。予與蓮坡有同好。向嘗掇拾一二。每自矜舛獲。會以衣食奔走。不克卒業。及來津門。見蓮坡所輯。頗有望洋之歎。并舉以付之。次第增入焉。譬諸掇遺材以裨建章。投片瓊以厠懸圃。其為用不已微乎。蓮坡通懷集益。猶不忘所自。必欲附賤名於簡端。辭不得已。因述其顛末如此云。乾隆戊辰閏七夕前三日。錢塘厲鶚書於津門之古春小茨。

余氏原序

詞至南宋而工。詞律亦至南宋而密。此絕妙好詞之所以獨傳也。草窗編輯原本七卷。人不求備。詞不求多。而蘊藉雅飭。遠勝草堂花菴諸刻。又經樊榭箋疏。使詞中本事。詞外逸聞。歷歷可見。誠善本也。向閱宋人說部。見有與集中可引證者。隨筆錄出。用補樊榭之闕。惜不能重刻以廣其傳。而草窗所錄詞。見於雜著者。多同時人所賦。為絕妙詞之所未載。因別為一卷。而其人與事。有可備探撫者。亦做樊榭之意。備錄於篇。雖無當著述。要亦草窗之志也。秋室書。

絕妙好詞箋（武林黃樹姓氏）

閣齋龔麗正陽谷

聽篁沈鏗彪蔚哉

杏野項晟晨也

丹堂祝德風培南

蕪泉黃士珣俊人

蔣邨蔣炯葆存

芸臬周凱仲禮

芝階莊仲方

香槎陳培樹信

章黼次白

笑生周三燮南卿

香雪王乃份吉甫

睡菴朱俊彥甫

許乃豐玉年

健人夏之盛松如

夢鷗汪方祿純佑

米山汪遠孫久也

臥陶陳觀西二山

寄松汪潭印三

林桂森秋園

醴香吳培元淳甫

鏡泉羅以智子仲

夢園汪金鏞在東

阮竹孫承勛子勤

王泰安伯

漱崖趙祖玉

芸舫金森桂堂

夢蕪姜同書文

積客吳敬毅篤六

次歐吳敬范左雍

穎山瞿世瑛良玉

小園樊元進之

戴熙醇士

汪國采予若

月樵董璣子獻

許延敬君脩

燕來汪正海晏甫

竹雲汪之虞翽卿

絕妙好詞題跋附錄

花氣烘人尙暖。珠光出海猶寒。如今賀老見應難。解道江南腸斷。謾擊銅壺浩歎。空存錦瑟誰彈。莊生蝴蝶夢春還。簾外一聲鶯喚。調西江月。玉田生張炎叔夏。《山中白雲詞》。

弁陽老人選此詞。總目後又有目錄。卷中詞人。大半予所未曉者。其選錄精允。清言秀句。層見疊出。誠詞家之南董也。此本又經前輩細看批閱。姓氏下各朱標其出處里第。展玩之。心目了然。或曰弁陽老人卽周草窗。未知然否。虞山錢遵王。《錢氏述古堂藏書題詞》。

詞人之作。自草堂詩餘盛行。屏去激楚陽阿。而巴人之唱齊進矣。周公謹絕妙好詞。選本中多俊語。方諸草堂所錄。雅俗殊分。顧流布者少。從虞山錢氏鈔得。嘉善柯孝廉南陔重鈔之。作者百三十有二人。第七卷仇仁近殘闕。目亦無存。可惜也。公謹自有鬻洲漁笛譜。其詞足與陳衡仲。王聖與。張叔夏方駕。金風亭長朱彝尊。《曝書亭文集》。

張玉田樂府指迷云。近代詞。如陽春白雪集。絕妙詞選。亦有可觀。但所取不甚精一。豈若草窗所選絕妙好詞。為精粹。惜此板不存。墨本亦有好事者藏之。據此。則是書在元時已為難得。有明三百年。樂府家未曾見其隻字。徒奉沈氏草堂選為金科玉律。無怪乎雅道之不振也。幸虞山錢遵王。氏收藏抄本。禾中柯孝廉南陔。錢塘高詹事江邨。校刊以傳。是書乃流布人間矣。近時購之頗艱。余最有倚聲之癖。吳丈志上。掇殘帙以贈。僅得二卷。又借於符君幼魯。屬門人錄成。乃為完好。聊志歲月於簡端。時康熙六十一年十二月九日。錢唐厲鶚題于無盡意齋。

絕妙好詞箋目錄

卷一

張孝祥	一
陸游	五
姚寬	八
劉過	一一
陳亮	一三
蔡桷	一五
張鉉	一六
周文璞	二〇
潘枋	二二
張良臣	二二
范成大	三
陸淞	六
吳琚	八
謝懋	一二
真德秀	一四
洪咨夔	一五
盧祖臯	一七
徐照	二〇
劉翰	二二
洪遵	四
韓元吉	七
辛棄疾	九
章良能	一三
劉光祖	一四
岳珂	一六
張履信	一九
俞灝	二一
劉子寰	二二

卷二

姜夔	二四
史達祖	三一
張輯	三六
鄭域	三九
韓膠	四〇
劉仙倫	二九
高觀國	三四
李石	三七
王岵	三九
孫惟信	三〇
劉鎮	三五
李泳	三八
蔡松年	三九

卷二

劉克莊	四二	吳潛	四三	尹煥	四四
趙以夫	四五	姚鑄	四六	羅椅	四六
方岳	四七	楊伯岳	四七	周晉	四八
楊纘	四八	翁孟寅	四九	趙汝堯	五〇
馮去非	五一	許棐	五二	陸獻	五二
蕭泰來	五三	趙希邁	五三	趙崇嶠	五四
趙希彭	五四	王澡	五五	趙與錫	五五
樓槃	五五	鍾過	五六	李肩吾	五六
黃簡	五七	陳策	五八	黃曷	五九
李振祖	五九	薛夢桂	五九	曾揆	六〇

卷四

吳文英	六一	翁元龍	六五	鄭楷	六六
黃孝邁	六六	江開	六七	譚宣子	六八
陳逢辰	六八	樓采	六八	奚滅	六九
趙聞禮	七〇	施岳	七二		

卷五

陳允平	七四	張樞	七六	李濱	七八
-----	----	----	----	----	----

莫 嵩	丁 寤	儲 泳
趙汝迵	樓 扶	史介翁
周端臣	楊子咸	楊 恢
何光大	趙 潛	趙 淇
毛 珩	潘希白	李 珏
利 登	曹 邊	劉 瀾
張龍榮		

卷六

李彭老	李萊老	應灋孫
王億之	余桂英	胡仲弓
尚希尹	柴 望	朱 藻
黃 鑄	王同祖	王茂孫
王易簡	張 桂	張 磐
張 林	朱彞孫	吳大有
張 炎	趙崇霄	范晞文
鄭斗煥	曹良史	董嗣杲

卷七

周 密	王沂孫	趙與仁
-----	-----	-----

仇遠……………一一五

絕妙好詞箋卷一

張孝祥

孝祥字安國。號于湖。烏江人。紹興二十四年廷對第一。授承事郎。簽書鎮東軍判官。累遷中書舍人。直學士院。兼督府參贊軍事。領建康留守。尋以荆南湖北路安撫使。進顯謨閣直學士致仕。有于湖集詞一卷。
湯俟序紫微詞云。于湖平昔為詞。未嘗著毫筆。酣興健。頃刻即成。無一字無來處。

念奴嬌 過洞庭

洞庭青草。近中秋。更無一點風色。玉界瓊田三萬頃。著我扁舟一葉。素月分輝。明河共影。表裏俱澄澈。悠然心會。妙處難與君說。應念嶺表經年。孤光自照。肝膽皆冰雪。短鬢蕭疏。襟袖冷。穩泛滄溟空闊。盡吸西江。細斟北斗。萬象為賓客。叩舷獨嘯。不知今夕何夕。

四朝聞見錄云。張于湖嘗舟過洞庭。月照龍堆。金沙盪射。公得意。命酒唱歌所作詞。呼羣吏而酌之曰。亦人子也。其坦率皆類此。

鷗山魏了翁跋此詞真蹟云。張于湖有英姿奇氣。著之湖湘間。未為不得。洞庭所賦。在集中最為傑特。方其吸江酌斗。賓客萬象時。詎知世間有紫微青瑣哉。

西江月 丹陽湖

問訊湖邊春色。重來又是三年。東風吹我過湖船。楊柳絲絲拂面。世路如今已慣。此心到處悠然。寒光亭下水連天。飛起沙鷗一片。

輿地紀勝云。丹陽湖在當塗縣東南六十九里。杜預注云。春秋宣城縣西南有桐水。出白石山。西北入丹陽是也。

按景定建康志載此詞云。題溧陽三塔寺。按志。三塔湖一名梁城湖。在溧陽縣西七十里。又云。溧水西承丹陽湖。自東壩成。丹陽湖水不復通本縣界。岳珂玉楮集亦云。溧陽三塔寺寒光亭柱上。刻張于湖詞。自當以建康

志爲據。

清平樂

光塵撲撲。宮柳低迷綠。鬪鴨闌干春詰曲。簾額微風繡蹙。碧雲青翼無憑。困來小倚雲屏。楚夢不禁春晚。黃鸝猶自聲聲。

菩薩蠻

東風約略吹羅幙。一簾細雨春陰薄。試把杏花看。溼雲嬌暮寒。佳人雙玉枕。烘醉鴛鴦錦。折得最繁枝。暖香生翠帷。（雲一作紅）

詞旨警句。盡吸西江。細對北斗。萬象爲賓客。叩舷獨嘯。不知今夕何夕。（念奴嬌）寒光亭下水連天。飛起沙鷗一片。（西江月）

能改齋漫錄。去年今日。從駕遊西苑。彩仗壓金波。看水戲。魚龍曼衍。寶津南殿。宴坐近天顏。金杯酒。君王勸。頭上宮花顫。六軍錦繡。萬騎穿楊箭。日暮翠華歸。擁鈞天。笙歌一片。如今關外。千里未歸人。前山用。西樓晚。望斷思君眼。此陳濟翁鷺山溪也。舍人張孝祥。知潭州。因宴客。妓有韻此。至金盃酒。君王勸。頭上宮花顫。其首自爲之。搖動者數四。坐客忍笑指目者甚衆。而張竟不覺也。

癸辛雜識。張于湖知京口。王宣子代之。多景樓落成。于湖爲大書樓扁。公庫送銀二百兩爲潤筆。于湖卻之。但需紅羅百匹。於是大宴合樂。酒酣。于湖賦詞。命妓合唱。甚懽。遂以紅羅百匹犒之。

吳禮部別集詩話。于湖玩輓亭。晉明帝規王敦營壘處。自溫庭筠賦詩後。張文潛又賦于湖曲。以正湖陰之誤。詞皆奇麗警拔。膾炙人口。張安國賦滿江紅云。千古婁淥興亡事。但悲陳迹。凝望眼。吳波不動。楚山叢碧。巴嶺綠。駭追風遠。武昌雲旆連天赤。笑老姦遺臭。到如今。留空壁。邊書靜。烽煙息。通輶傳。銷鋒鏑。仰太平天子。聖明無敵。慶闡揚州開帝里。渡江天馬龍爲匹。看東南。佳氣鬱蔥蔥。傳千億。雖間采溫張語。而詞氣亦不在其下。嘗見安國大書此詞。後題云。乾道元年正月十日。筆勢奇偉可愛。

于湖詞。西江月。十里輕紅自笑。兩山儂翠相呼。意行著脚到精廬。借我繩牀小住。解飲不妨文字。無心更狎

歸魚。一夢長窗暮煙孤。袖手西窗歸去。

范成大

成大。字致能。號石湖。吳郡人。紹興二十四年進士。孝宗時。累官權吏部尚書。拜參知政事。進資政殿學士。提舉洞霄宮。卒諡文穆。有石湖集詞一卷。

醉落魄

樓烏飛絕。絳河綠霧星明滅。燒香曳簾眠清越。花影吹笙。滿地淡黃月。好風碎竹聲如雪。昭華三弄臨風咽。鬢絲撩亂綸巾折。涼滿北窗。休共輭紅說。

朝中措

長年心事寄林扃。塵鬢已星星。芳意不如水遠。歸心欲與雲平。留連一醉。花殘日永。雨後山明。從此量船載酒。莫教閒卻春情。

眼兒嬌

酣酣日脚紫煙浮。妍暖試輕裘。困人天氣。醉人花底。午夢扶頭。春情恰似春塘水。一片縠紋愁。溶溶洩洩。東風無力。欲鍛還休。

憶秦娥

樓陰缺。闌干影臥東廂月。東廂月。一天風露。杏花如雪。隔煙催漏金虬咽。羅幃暗淡燈花結。燈花結。片時春夢。江南天闊。

霜天曉角

晚晴風歇。一夜春威折。脈脈花疏天淡。雲來去。數枝雪。勝絕。愁亦絕。此情誰共說。惟有兩行低鴈。知人倚畫樓。月。

詞旨警句。花影吹笙。滿地淡黃月。(醉落魄)燈花結片時。春夢江南天闊。(憶秦娥)惟有用行低鴈。知人

倚畫樓月。(霜天曉角)

劉克莊後村集詩話。范石湖南柯子云。悵望梅花驛。凝情杜若洲。香雲低處有高樓。可惜高樓不近木蘭舟。緘素雙魚遠。題紅片葉秋。欲憑江水寄離愁。江已東流。那肯更西流。

澄懷錄。范石湖云。淳熙己亥重九。與客自閩門汎舟。徑橫塘。宿霧一白。垂垂欲用。至綵雲橋。氛翳豁然。晴日滿空。風景開矣。無不與人意會。四郊刈熟。露積如練。垣田家婦子著新衣。略有節物。挂帆颺越來溪。潦收淵溢。如行玻璃地上。菱花雖殘。尚可採擷。櫛櫂石湖。叩柴荆。坐千巖觀下。菊叢中大金錢一種。已爛漫積香。正午熏入酒盃。不待轟飲。已有醉意。其旁丹桂二畝。皆感開。多纒枝。芳氣尤不可耐。攜壺渡石梁。登姑蘇後臺。躋攀勇往。謝去巾與筇杖。石棧草滑。皆若飛步。山頂正平。有塲堂薛石。可列坐。相傳爲吳故宮開臺別館所在。其前湖光接松陵。獨見孤塔之尖。少北。墨點一螺。爲崑山。其後西山競秀。紫青叢碧。與洞庭林屋相賓。大約目力踰百里。具登高臨遠之勝。始余使虜。是日過燕山館。嘗賦水調。首句云。萬里漢家使。後每自和。桂林云。萬里漢都護。成都云。萬里橋邊客。明年徘徊藥市。頗歎倦游。不復再賦。但有詩云。年來厭把三邊酒。此去休哦萬里詩。今年幸甚。獲歸故園。借鄰曲二。三子。酬酢佳節於鄉山之上。乃復用舊韻。首句云。萬里吳船泊。歸訪菊籬秋。石湖詞。浪淘沙。黯黯養花天。小用能慳。煙輕雲薄有無聞。官柳絲絲都綠。猶有春寒。空翠溼征鞍。馬首千山。多情若是肯俱還。別有玉杯承露冷。留共君看。玉杯。官舍中牡丹。絕品也。菩薩蠻云。雪林一夜收寒了。東風恰向燈前到。今夕是何年。新春新月圓。綺叢香霧隔。猶記疏狂客。留取鏡金爐。夜鏡相並看。

洪邁

邁。字景廬。號野處。又號容齋。鄱陽人。忠宣公皓子。紹興十五年登第。兄文惠。文安。皆中博學宏詞科。由是三洪名滿天下。累遷吏禮二部員外郎。尋進煥章閣學士。知紹興。告老。以端明殿學士致仕。卒諡文敏。有容齋五筆。夷堅志。萬首唐人絕句。野處類稿。行於世。

躡莎行

院落深沈。池塘寂靜。簾鉤捲上梨花影。寶箏拈得鴈難尋。篆香消盡山空冷。釵鳳斜敲。鬢蟬不整。殘紅立褪慵

着鏡。杜鵑曉月一聲聲。等閒又是三春盡。

夷堅志。紹興開。余在臨安試詞科。三場畢。與五友同過抱劍街孫氏小樓。夜月如晝。正臨闌凭几。兩燭結花。燦然若連珠。孫倡黠慧。白坐中曰。今夕桂魄皎潔。燭花呈祥。五君較藝蘭省。其高擢不疑。請各賦一詞。爲他日佳話。有自明卽操筆作浣溪沙一闕云。草草杯盤訪玉人。燈花呈喜坐添春。徵郎覓句要清新。黛淺波嬌情厭厭。雲輕柳弱意真真。從今風月屬閒人。衆傳觀歎賞。獨恨其未句失意。余續臨江仙曰。綺席流歡歡正洽。高樓佳氣重重。釵頭小篆燭花紅。直須將喜事。來報主人翁。桂月十分秋正半。廣寒宮殿匆匆。姮娥相對曲闌東。雲梯知不遠。平步躡東風。孫滿酌一觥。相屬相勸曰。學士必高中。此瑞殆爲君設也。已而果奏名。第餘皆不揭。

陸游

游。字務觀。山陰人。以蔭補登仕郎。隆興初。賜進士出身。范成大帥蜀。爲參議官。以文字交。不拘禮法。人譏其頽放。因自號放翁。嘉泰初。詔同修國史。陸寶章閣待制。有劍南集詞二卷。

朝中措

幽姿不入少年場。無語只淒涼。一箇飄零身世。十分冷淡心腸。江頭月底。新詩舊恨。孤夢清香。任是春風不管。也曾先識東皇。

烏夜啼

金鴨餘香尙暖。綠窗斜日偏明。蘭膏香染雲鬢膩。釵墜滑無聲。冷落鞦韆伴侶。闌珊打馬心情。繡屏驚斷瀟湘夢。花外一聲鶯。

又

紈扇嬋娟素月。紗巾縹緲輕煙。高槐葉長陰初合。清潤雨餘天。弄筆斜行小草。鉤簾淺醉閒眠。更無一點塵埃到。枕上聽新蟬。

韓林玉露。陸務觀。農師之孫。有詩名。恃酒頽放。因自號放翁。作詞云。橋如虹。水如空。一葉飄然煙雨中。天教稱放翁。晚年爲韓平原作南園記。除從官楊誠齋寄詩云。君居東浙我江西。鏡裏新添幾縷絲。花落六回疏信息。月明千里兩相思。不應李杜翻鯨海。更羨夔龍集鳳池。道是樊川輕薄殺。猶將萬戶比千詩。蓋切磋之也。然南園記。唯勉以忠獻之事業。無諛辭。晚年和平粹美。有中原承平時氣象。朱文公喜稱之。著舊續聞。陸放翁官南昌日。代還。有贈別詞云。甬斷西山晚照明。悄無人。幽夢自驚。說道去多時也。到如今。真箇口行。遠山已是無心。畫小樓空。斜掩繡屏。你曠早收心呵。趁劉郎雙鬢未星。又閒居三山日。方務德侍郎攜妓訪之。公有詞云。三山山下閒居士。巾履蕭然。小醉閒眠。風引飛花落釣船。並不載於集。齊東野語。放翁在蜀日。有所盼。賦詩云。碧玉當年未破瓜。學成歌舞入侯家。如今顛顛蓬窗底。飛上青天妒落花。出蜀後。每懷舊遊。多見之賦詠。有云。金鞭珠彈憶春游。萬里橋東罨畫樓。夢倩曉風吹不斷。書憑春雁寄無由。鏡中顏鬢今如此。席上賓朋好在否。篋有吳牋三百箇。擬將細字說春愁。又云。裘馬清狂錦水濱。最繁華地作閒人。金盞投箭消長日。翠袖傳杯領好春。幽鳥語隨歌處拍。落花鋪作舞時茵。悠然自適君知否。身與浮名孰重輕。又以此詩。稟括作風入松云。十年裘馬錦江濱。酒隱紅塵。黃金選勝鶯花海。倚疏狂。驅使青春。弄笛魚龍盡在。題詩風月俱新。自憐華髮滿紗巾。猶是官身。鳳樓會記當時話。問浮名何似身親。欲寫吳牋說與。這回真箇閒人。前輩風流雅韻。猶可想見也。

陸 淞

淞字子逸。號雪溪。山陰人。著舊續聞云。陸辰州子逸。左丞相之孫。晚以疾廢。卜築於秀野。越之佳山水也。放傲世閒。不復有榮念。對客則終日清談不倦。尤好語前輩事。

瑞鶴仙

臉霞紅印枕。睡覺來。冠兒還是不整。屏閒麝煤冷。但眉峯壓翠。淚珠彈粉。堂深畫永。燕交飛。風簾露井。恨無人說。與相思。近日帶圍寬盡。重省。殘燈朱幌。淡月紗窗。那時風景。陽臺路迴。雲雨夢。便無準。待歸來先指。花梢教看。卻把心期細問。問因循。過了青春。怎生意穩。

昔舊續聞云。南渡初。南班宗子。富居會稽。爲近屬士。園亭甲於浙東。一時坐客。皆騷人墨士。陸子遂嘗與焉。士有侍姬盼盼者。色藝殊絕。公每屬意焉。一日宴客偏睡。不預捧觴之列。陸因問之。士即呼至。其枕痕猶在。公爲賦瑞鸞仙。有臉霞紅印枕之句。一時感傳。逮今爲雅唱。後盼盼亦歸陸氏。張叔夏云。景中帶情。屏去浮豔。

韓元吉

元吉字无咎。號南礪。許昌人。門下侍郎。維四世孫。東萊先生呂伯恭之外舅也。官至吏部尙書。有焦尾集詞一卷。子熈仲止。有詩名。

水龍吟 書英華事

兩餘疊。蠟浮空。望中秀色。仙都是。洞天未鎖。人間春老。玉妃曾墜。錦瑟繁絃。鳳簫清響。九霄歌吹。問分香舊事。劉郎去後。知誰伴。風前醉。回首暝煙千里。但紛紛。落紅如洗。多情易老。青鸞何許。詩成誰寄。斗轉參橫。半簾花影。一溪寒水。悵飛鳧路杳。行雲夢遠。有三峯翠。

昔舊續聞云。元豐中。縉雲令開封李長卿女。慧性過人。姿度不凡。染疾逝。殯於邑之仙巖寺三峯閣。李公罷。因昇歸。宣和庚子。青溪寇起。焚燒無遺。惟三峯閣獨存。主簿以爲靡舍。濟南王傳慶。及內表曹穎借來。館曹于廟治之東。一夕有女子打扇而至。與語。皆出塵氣。詰其姓氏。曰開封李長卿女。季蓁其名。英華其字。辟巖有年。身輕於羽。知子歸居。故來相慰。唱和殆無虛日。曾有親陳觀察。挽之從軍。將就道。英華與訣曰。妾與君之緣斷矣。子宿緣寡淺。塵業未償。他日當有兵難。敬授靈香一瓣。有急。請蒸以告。當陰有所護。不然。亦無如之何也。曹公勇爲朔方之行。不意獲謫麾下。追惟英華之言。欲取所遺香蒸之。軍行無宿火。卒正法。英華詩有云。醒酒清風搖竹去。催詩小雨過山來。非詩人所易到也。

文獻通考云。英華集三卷。李季蓁爲鬼仙。縉雲人傳其詩。亦怪矣。墨莊漫錄云。處州縉雲簿廩。爲武尉司。頃有一婦人。常現形與人接。妍麗閒婉。有殊色。其來也。異香芬馥。非世間之香。自稱曰英華。或曰綠華。前後官此者。多爲所惑。永嘉蔣輝遠爲邑簿。祠以香火。其怪益絕。

好事近 汴京賜宴

韓元吉 姚寬 吳璠

凝碧舊池頭。一聽管絃淒切。多少梨園聲在。總不堪華髮。杏花無處避春愁。也傍野花發。惟有御溝聲斷。似知人嗚咽。

金史交聘表云。大定十三年三月癸巳朔。宋遣試禮部尚書韓元吉。利州觀察使鄭與裔等。賀萬春節。按宋孝宗乾道九年。為金世宗大定十三年。南朝汴京賜宴之詞。當是此時作。

姚寬

寬字令威。號西溪。會稽續志。姚寬。嶺人。以父舜明任補官。權尚書戶部員外郎。樞密院編修官。詞章之外。頗工篆隸及工伎之事。請用韓世忠舊法。以意增損。為三弓合彈弩。詔許之。既成。矢激二里。所中皆沒羽。又嘗論大驚鹵簿指南車。得古不傳之法。所著有西溪集十卷。注司馬遷史記一百三十卷。西溪叢語一卷。玉璽書一卷。葉水心跋西溪集云。公著書二百卷。古今同異。無不繫括。惜其盛年不預采錄。晚始召對殿中。忽感風眩而死。

菩薩蠻

斜陽山下明金碧。畫樓返照融春色。睡起揭簾旌。玉人蟬鬢輕。無言空佇立。花落東風急。燕子引愁來。眉愁那得開。

生查子

郎如陌上塵。妾似堤邊樹。(一作絮)相見兩悠揚。蹤跡無尋處。酒面撲春風。猴眼零秋雨。過了別離時。還解相思否。

吳堦

堦字居父。號雲壑。汴人。憲聖太后之姪。太寧郡王益之子。歷尚書郎。部使者。直學士。慶元間。以鎮安節度使留守建康。還少保。卒諡忠惠。有雲壑集。

柳梢青 元日立春

綵仗鞭春。椒盤迎旦。斗柄回寅。拂面東風。雖然料峭。終是寒輕。帶花折柳心情。怎捱得元宵放燈。不是東園。有

些殘雪。先去踏青。

浪淘沙

雲葉弄輕陰。屋角鳩鳴。青梅著子欲生仁。冷落江天寒食雨。花事關情。池館畫盈盈。人耐寒輕。一川芳草只銷凝。時有入簾新燕子。明日清明。

又

岸柳可藏鴉。路轉溪斜。忘機鷗鷺立汀沙。咫尺鍾山迷望眼。一半雲遮。臨水整烏紗。兩鬢蒼華。故鄉心事在天涯。幾日不來春便老。開盡桃花。

景定建康志引此詞。題云游青溪。呈馬野亭。野亭跋其後云。秦淮梅之詞。獨擅一時。字未聞。米寶晉善詩。然終不及字。若公可謂兼之矣。辛酉季春。承議郎充江南東路轉運司主管文字馬之純謹書。

武林舊事。淳熙九年八月十八日。駕詣德壽宮。奉迎上皇觀潮。百戲撮弄。各呈技藝。上皇喜曰。錢唐形勝。天下所無。上起奏曰。江潮亦天下所獨。宣諭侍臣各賦。醉江月一闕。至晚呈上。以吳塘爲第一。其詞曰。玉虹遙挂。望青山隱隱。恍如一抹。忽覺天風吹海立。好似春霆初發。白馬凌空。瓊壺駕水。日夜朝天闕。飛龍舞鳳。鬱蔥環拱。吳越。此景天下應無。東南形勝。偉觀真奇絕。好是吳兒飛綵幟。蹴起一江秋雪。黃屋天臨。水犀雲擁。看擊中流楫。晚來波靜。海門。飛上明月。兩宮賞賜無限。至月上始還。

辛棄疾

棄疾。字幼安。號稼軒。歷城人。耿京聚兵山東。節制忠義軍馬。留掌書記。奉表來歸。高宗召見。授承務郎。簽判江陰。累官浙東安撫。加龍圖閣待制。樞密院都承旨。德祐初。以謝枋得請。贈少師。諡忠敏。有稼軒長短句十二卷。

劉後村云。公所作。大聲鏗鞳。小聲鏗鈞。橫絕六合。掃空萬古。其積麗縣密者。亦不在小宴秦郎之下。

摸魚兒

更能消。幾番風雨。愔愔春又歸去。惜春長怕花開早。何況落紅無數。春且住。見說道。天涯芳草無歸路。怨春不語。

辛棄疾

算只有殷勤。畫簷蛛網。盡日惹飛絮。長門事。準擬佳期又誤。蛾眉曾有人妬。千金縱買相如賦。脈脈此情誰訴。君莫舞。君不見。玉環飛燕皆塵土。閒愁最苦。休去倚危欄。斜陽正在。煙柳斷腸處。

鶴林玉露云。辛幼安晚春摸魚兒詞。意殊怨。斜陽煙柳之句。比之未須愁。日暮天際是輕陰者異矣。使在漢唐時。寧不買種豆種桃之禍哉。愚聞壽皇見此詞。頗不悅。然終不加罪。可謂感德也已。

瑞鶴仙 梅

雁霜寒透幙。正護月雲輕。嫩冰猶薄。溪奩照梳掠。想含香弄粉。靚妝難學。玉肌瘦弱。更重重龍綃襯著。倚東風。一笑嫣然。轉盼萬花羞落。寂寞。家山何在。雪後園林。水邊樓閣。瑤池舊約。鱗鴻更仗誰託。粉蝶兒只解尋花覓柳。開徧南枝未覺。但傷心冷淡黃昏。數聲畫角。

祝英臺近

寶釵分。桃葉渡。煙柳暗南浦。怕上層樓。十日九風雨。斷腸點點飛紅。都無人管。倩誰勸。唳鶯聲住。鬢邊覩。應把花卜歸期。纔簪又重數。羅帳燈昏。哽咽夢中語。是他春帶愁來。春歸何處。卻不解。帶將愁去。

貴耳集云。呂終。呂正己之妻。正己爲京畿漕。有女。事辛幼安。因以微事觸其怒。竟逐之。今稼軒桃葉渡詞。因此而作。

詞旨警句。應把花卜歸期。纔簪又重數。(祝英臺近)是他春帶愁來。春歸何處。卻不解帶將愁去。(同上)

歸潛志。黨懷英。辛棄疾。少同舍。屬金國初亂。辛率數千騎南渡。顯於宋。黨在北。擢第入翰林。二公皆有榮寵。後辛退閑。有鷓鴣天云。壯歲旌旗擡萬夫。錦鞵突騎渡江初。燕兵夜捉銀胡索。漢箭朝飛金僕姑。思往事。歎今吾。春風不染白髭鬚。都將萬字平戎策。換得東郊種樹書。

清波別志。稼軒在上饒。屬其室病。呼醫對脈。吹笛婢名整整者侍側。乃指以謂醫曰。老妻病安。以此人爲贈。不數日。果勿藥。乃踐前約。整整去。因口占好事近云。醫者索酬勞。那得許多錢帛。只有一箇整整。也合盤感得。下官歌舞轉淒涼。賸得幾枝笛。觀著者般火色。告媽媽將息。一時戲謔。風調不羣。

太平清話。鉛山縣南二里許。有稼軒書院。分水嶺下。厥墓在焉。張莖古山樂府。水龍吟。爾辛稼軒墓云。嶺頭

一片青山。可能埋沒。凌雲氣。擬方異域。當年倚盡英雄。清淚。星斗擗。雲煙直。縱橫遊戲。夢人間。留得歸春白雪。千載下。無人繼。不見戟門華第。見蕭蕭竹。枯松悴。問誰料理。帶烟煙景。感泉風味。萬里中原。不堪回首。人生如寄。且臨風高唱。逍遙舊曲。爲先生醉。

劉過

過字改之。號龍洲道人。太和人。有龍洲集詞一卷。黃叔暘云。改之。稼軒之客。詞多壯語。蓋學稼軒者也。陶九成云。改之造詞。詹逸有思致。

賀新郎

老去相如倦。向文君說似而今。怎生消遣。衣袂京塵曾染處。空有香紅尙軟。料彼此魂銷腸斷。一枕新涼眠客舍。聽梧桐。疏雨秋聲顫。燈暈冷。記初見。樓低不放珠簾捲。晚妝殘。翠鈿狼籍。淚痕凝臉。人道愁來須殢酒。無奈愁多酒淺。但託意焦琴紈扇。莫鼓琵琶江上曲。怕荻花楓葉俱淒怨。雲萬疊。寸心遠。

龍洲詞題云。去年秋。余試牒四明。賦贈老媪。至今天下與禁中皆歌之。江西人來。以爲鄧南秀詞。非也。

唐多令

蘆葉滿汀洲。寒沙帶淺流。二十年重到南樓。柳下繫船猶未穩。能幾日。又中秋。黃鶴斷磯頭。故人今在否。舊江山總是新愁。欲買桂花重載酒。終不似。少年遊。

龍洲詞題云。安遠樓小集。侑觴歌板之姬。黃其姓者。乞詞於龍洲道人。爲賦此唐多令。同柳阜之。劉去非。石民瞻。周嘉仲。陳孟參。孟容。時八月五日也。

花菴詞選題云。重過武昌。

醉太平

情高意真。眉長鬢青。小樓明月調箏。寫春風數聲。思君憶君。魂牽夢縈。翠銷香暖雲屏。更那堪酒醒。

詞旨警句。翠銷香暖雲屏。更那堪酒醒。（醉太平）

吹劍錄。稼軒帥越。招劉改之。不去。乃寄情沁園春曰。斗酒彘肩。風雨渡江。豈不快哉。被香山居士。約林和靖。

與東坡老。駕勒吾回。坡謂西湖正如西子。濃抹淡妝臨照臺。二人者。俱掉頭不顧。只管傳杯。白云天竺去來。看金碧嵒巖圖畫開。更縱橫一瀾。東西水鏡。兩山南北。高下雲堆。道曰不然。暗香疏影。何似孤山先探梅。須晴去訪稼軒未晚。且此徘徊。此詞雖粗。而局段高。與三賢游。固可睨視稼軒。視林白之清致。則東坡所謂淡妝濃抹。已不足道。稼軒富貴。焉能挽我哉。

江湖紀聞。劉改之。性疎豪。好施。辛稼軒客之。稼軒帥淮時。改之以母病告歸。囊囊蕭然。是夕稼軒與改之。微服登倡樓。適一都吏。命樂飲酒。不知爲稼軒也。命左右逐之。二公大笑而歸。卽以爲有機密文書。喚某都吏。其夜不至。稼軒欲籍其產而流之。言者數十。皆不能解。遂以五千緡爲改之母壽。請言於稼軒。稼軒曰未也。令倍之。都吏如數增作萬緡。稼軒爲買舟於岸。舉萬緡于舟中曰。可卽行。無如常日輕用也。改之作念奴嬌。爲別云。知音者少。算乾坤許大。著身何處。直待功成方肯退。何日可尋歸路。多景樓前。垂虹亭下。一枕秋。用虛名相誤。十年枉費辛苦。不是奏賦明光。上書北闕。無驚人之語。我自匆忙。天不肯。贏得衣襟塵土。白壁堆前。黃金買笑。付與君爲主。尊鱸江上。浩然明月歸去。

僻宦紀聞。予於菊圃高九萬處。見蘇紹安手書。憶劉改之摸魚兒一闋云。望闕河。試窮遙眼。新愁似絲千縷。劉郎豪氣。今何在。應是九疑三楚。堪恨處。便拚得。一生寂寞。長羈旅。無人寄語。但弔麥傷桃。邊松倚竹。空憶舊詩句。文章事。到底將身自誤。功名難料。邊暮。鶉衣簞食。年年。受侮世間兒女。君信否。盡懸簿高門。歲晚誰青願。何如引去。任槎上張鷟。山中李廣。商略儘風度。紹安有冷然詩集十卷。行於世。

謝 懋

懋。字勉仲。有詩寄居士樂章二卷。

黃叔暘云。居士樂章。吳坦伯明爲序。稱其片言隻字。夏玉敲金。蘊藉風流。爲世所賞。

暮山溪

厭厭睡起。無限春情緒。柳色借輕煙。尙殘怯。東風倦舞。海棠紅皺。不奈晚來寒。簾半捲。日西沉。寂寞閒庭戶。飛雲無據。化作溟濛雨。愁裏見春來。又只恐。愁催春去。惜花人老。芳草夢淒迷。題欲徧。瑣窗紗。總是傷春句。

風入松

老年常憶少年狂。宿粉棲香。自憐獨得東君意。有三年。窺宋東牆。笑舞落花紅影。醉眠芳草斜陽。事隨春夢去。悠揚。休去思量。近來眼底無姚魏。有誰更管領年芳。換得河陽衰鬢。一簾煙雨梅黃。

浪淘沙

黃道兩初乾。霽靄空蟠。東風楊柳碧毵毵。燕子不歸花有恨。小院春寒。倦客亦何堪。塵滿征衫。明朝野水幾重山。歸夢已隨芳草綠。先到江南。

霜天曉角 桂花

綠雲翦葉。低護黃金屑。占斷花中聲譽。香和韻。兩清潔。勝絕君聽說。當時來處別。試看仙衣猶帶。金庭露。玉階月。

詞旨警句。燕子不歸花有恨。小院春寒。（浪淘沙）

章良能

良能字達之。麗水人。淳熙五年進士。除著作佐郎。嘉泰元年。爲起居舍人。寧宗朝。居兩制。登政地。謚文莊。有嘉林集百卷。

小重山

柳暗花明春事深。小闌紅芍藥。已抽簪。雨餘風軟碎鳴禽。遲遲日。猶帶一分陰。往事莫沉吟。身閒時序好。且登臨。舊遊無處不堪尋。無尋處。惟有少年心。

齊東野語。外大父文莊章公。自少好雅潔。性滑稽。居一室。必汛掃垢飾。陳列琴書。親朋或譏其駭。辭無遠志。一日大書素屏云。陳蕃不事一室而欲掃除天下。吾知其無能爲矣。識者知其不凡。閒作小詞。極有思致。先就龍口誦數首。小重山云云。

陳亮

亮字同甫。號龍川。永康人。隆興初。以解頭薦上中興五論。不報。居太學上舍。紹熙四年。光宗親策進士。擢爲第

章良能 陳亮 真德秀 劉光祖

一。授建康軍簽判。未至官。病。一夕而卒。端平初。諡文毅。有龍川集詞二卷。葉水心云。同甫長短句四卷。每一章成。輒自歎曰。平生經濟之懷。略已陳矣。予所謂微言。多此類也。

水龍吟

開花深處層樓。畫簾半捲東風軟。春歸翠陌。平莎茸嫩。垂楊金淺。遲日催花。淡雲閣雨。輕寒輕暖。恨芳菲世界。遊人未賞。都付與鶯和燕。寂寞憑高念遠。向南樓一聲歸雁。金釵鬪草。青絲勒馬。風流雲散。羅綬分香。翠綃封淚。幾多幽怨。正銷魂又是。疏煙淡月。子規聲斷。

詞旨屬對。羅綬分香。翠綃封淚。(水龍吟)

龍川詞。好事近。詠梅云。的皪三兩枝。點破暮煙蒼碧。好在屋簷斜處。傍玉奴吹笛。月華如水過林塘。花影弄苔石。欲向夢中飛蝶。恐幽香難覓。

真德秀

德秀。字希元。浦城人。慶元五年進士。授南劍州判官。繼試中博學宏詞科。爲太學正。紹定中。召爲禮部侍郎。拜參知政事。進資政殿直學士。提舉萬壽觀。卒諡文忠。學者稱西山先生。有真文忠公集五十四卷。

蝶戀花 紅梅

兩岸月橋花半吐。紅透肌香。暗把遊人誤。盡道武陵溪上路。不知迷入江南去。先自冰霜真態度。何事枝頭。點點胭脂汗。莫是東君嫌淡素。問花花又嬌無語。

劉光祖

光祖。字德修。號後谿。簡池人。登進士第。慶元初。官侍御史。改司農少卿。遷起居郎。終顯謨閣直學士。提舉嵩山崇福宮。卒。有鶴林詞一卷。

洞仙歌 敗荷

晚風收暑。小池塘荷靜。獨倚胡牀酒初醒。起徘徊。時有香氣吹來。雲藻亂。葉底游魚動影。空擎承露蓋。不見冰

容。惆悵明妝曉。鸞鏡。後夜月涼時。月淡花低。幽夢覺欲憑誰省。也應記。臨流凭闌干。便遙想江南。紅酣千頃。

鷓鴣林詞歸莎行。持徑花零。闌門春曉。恨長無奈東風短。起來消息探茶蘼。雲條玉蕊都開。晚月魂清。夕陽香遠。故山別後誰拘管。多情於此更情多。一枝鬢罷遠重撚。

魏了翁鷓鴣山集。劉左史光祖之生。正月十日。李夫人之生以十九日。賦恨淘沙寄之。鷓外倚樓看。雲點晴天。天高雞犬復雲關。掉臂雙仙留不徹。還住人間。客佩振珊瑚。來賀平安。年年直待卷燈還。似是天公偏著意。占破春闈。

蔡 柑

柑。字堅老。南城人。宣和以前人。沒於乾道庚寅。會公卷。呂居仁輩。皆與之倡和。有雲壑隱居集三卷。詞有佳歌。集一卷。趙希弁讀書附志云。嘗爲宜春別稿。

鷓鴣天

病酒厭厭與睡宜。珠簾羅幙捲銀泥。風來綠樹花含笑。恨入西樓月斂眉。驚瘦盡。怨歸遲。休將桐葉更題詩。不知橋下無情水。流到天涯是幾時。

洪咨夔

咨夔。字舜俞。號平齋。於潛人。嘉定二年進士。累官刑部尚書。翰林學士。知制誥。加端明殿學士。提舉萬壽觀。端平三年卒。諡忠文。有平齋集詞一卷。

眼兒媚

平沙芳草渡頭村。綠遍去年痕。游絲上下。流鶯來往。無限銷魂。綺窗深靜人歸晚。金鴨水沈溫。海棠影下。子規聲裏。立盡黃昏。

詞旨警句。海棠影下。子規聲裏。立盡黃昏。(眼兒媚)

平齋詞。南鄉子德清舟中和韻云。霜月冷娉婷。夾岸蘆花雪點成。短艇。水晶宮裏繫閒情。誰道芙蓉更有城。

阿鵲數歸程。人倚低窗小畫屏。莫恨年華飛上鬢。堪憑。一度春風一度鶯。

岳珂

珂字肅之。號亦齋。亦號倦翁。相臺人。忠武王孫。敷文閣待制。霖子。管內勸農使。知嘉興。歷官戶部侍郎。淮東總領兼制置使。有玉楮集。魏郊錄。讀史備忘。東陸事略。程史。籲天辨誣錄。金陀粹編。行世。

滿江紅

小院深深。悄鎮日。除晴無據。春未足。闌愁難寄。琴心誰與。曲徑穿花尋躑躅。虛闌傍日教鸚鵡。笑十三楊柳女兒腰。東風舞。雲外月。風前絮。情與恨。長如許。想綺窗今夜。與誰凝竚。洛浦夢回留珮客。秦樓聲斷吹簫侶。正黃昏時候杏花寒。廉纖雨。

生查子

芙蓉清夜游。楊柳黃昏約。小院碧苔深。潤透雙鴛薄。暖玉慣春嬌。敝敝花鈿落。缺月故窺人。影轉闌干角。

京口三山志。岳珂登多景樓祝英臺近云。甕城高。盤徑近。十里筍輿穩。欲駕還休。風雨苦無準。古來多少英雄。平沙遺恨。又總被長江流盡。倩誰問。因甚衣帶中分。吾家自畦珍。落日潮頭。慢寫屬餽憤。斷腸煙樹揚州。興亡休論。正愁盡。河山雙鬢。

張鑑

鑑字功甫。號約齋。西秦人。循王諸孫。居臨安。官奉齋郎。有玉照堂詞一卷。

念奴嬌 宜用亭咏千葉海棠

綠雲影裏。把明霞。織就千重文繡。紫膩紅嬌扶不起。好是未開時候。半怯春寒。半便晴色。養得胭脂透。小亭人靜。嫩鶯曉破春晝。猶記攜手芳陰。一枝斜戴。嬌豔波雙秀。小語輕憐。花總見。爭得似花長久。醉淺休歸。夜深同睡。明日還相守。免教春去。斷腸空歎詩瘦。(林案便當作俱)

武林舊事云。張約齋柱隱百課。在南湖。有玉照堂梅花四百株。蒼寒堂青柏二百株。鬚香館雜春花百餘。慘碧

字修竹十畝。藥珠洞茶藤二十五株。綠畫軒木犀臨砌。書葉軒栢二十株。餐霞軒櫻栢三十餘株。宜雨亭海棠二十株。夾流水滿霜亭栢五十餘株。

昭君怨 園池夜泛

月在碧虛中住。人向亂荷中去。花氣雜風涼。滿船香。雲被歌聲搖動。酒被詩情撥送。醉裏臥花心。擁紅衾。

玉照堂詞。咏菱鵲橋仙云。蓮灯接燄。紫蓓帶藻。蕙葉香浮光滿。煙吹露木蘭輕。照波底。紅嬌翠婉。玉纖捧來。銀籠攜去。一曲山長水遠。綵鷺雙鴦。恨南浦。離多夢短。

盧祖皋

祖皋。字申之。號蒲江。永嘉人。慶元中登進士第。爲軍器少監。嘉定十四年。權直學士院。有蒲江詞一卷。

黃叔陽云。蒲江。樓攻媿之甥。趙紫芝。翁豐舒之詩友。樂章甚工。字字可入律呂。

東嘉姓譜。盧申之。嘉定中以軍器少監直北門。屬時慶澤孔殷。繪言查布。臬抒思泉湧。號爲稱職。俄卒于官。工樂府。江浙間多歌之。

宴清都 初春

春訊飛瓊管。風日薄。度牆曉鳥聲亂。江城次第。笙歌翠合。綺羅香暖。溶溶澗綠冰泮。醉夢裏。年華暗換。料黛眉。重鎖隋隄。芳心暗動梁苑。新來雁闊雲音。鸞分鏡影。無計重見。曉春細雨。籠愁淡月。恁時庭院。離腸未語先斷。算猶有。憑高望眼。更那堪。芳草連天。飛梅弄晚。

江城子

畫樓簾幙捲新晴。掩銀屏。曉寒輕。墜粉飄香。日日喚愁生。暗數十年湖上路。能幾度。著娉婷。年華空自感飄零。擁春醒。對誰醒。天闊雲閒。無處覓簫聲。載酒買花年少事。渾不似。舊心情。

賀新涼 彭傳師于吳江三高堂之前。作釣雪亭。蓋擅漁人之窟宅。以供詩境也。子野命予賦之。

挽住風前柳。問鴟夷。當日扁舟。近曾來否。月落潮生無限事。零亂茶煙未久。謾留得。尊鱸依舊。可是從來功名誤。

盧祖皋

撫荒祠誰繼風流後。今古恨。一搔首。江涵雁影梅花瘦。四無塵雪飛風起。夜窗如畫。萬里乾坤清絕處。付與漁翁釣叟。又恰是。題詩時候。猛拍闌干呼鷗鷺。道他年。我亦垂綸手。飛過我。共樽酒。

程史云。彭傳師名法。以恩科得官。依錢東巖之門。督府嘗欲舉以使他金。不克遣。終老于選調云。中吳紀聞云。越上將軍范蠡。江東步兵張翰。贈右補闕陸龜蒙。各有畫像。在吳江鱸鄉亭旁。東坡嘗有吳江三賢畫像詩。後易其名曰三高。且更為塑像。醜菴主人王文孺。巖其地雪巖。因遷之。今在長橋之北。與垂虹亭相望。石湖居士為之記。

吳郡志云。三高祠。在吳江縣垂虹橋北。即王氏醜菴之雪巖也。昔堂在垂虹南。地極偏仄。乾道三年。縣令趙伯虞徙之雪巖。又云。醜菴在松江之濱。邑人王份。有超俗趣。營此以居。圍紅湖以入園。故多柳塘花嶼。景物秀野。名聞一時。名勝喜游之。皆為題詩。園中有與開平遠。種德及煙雨觀。橫秋閣。凌風臺。鬱峩城。釣雪巖。琉璃沼。醜翁洞。竹簾。龜巢。雲閣。巖林。楓林等處。而浮天閣為第一。總謂之醜菴。份字。文孺。以特恩補官。嘗為大冶令。歸老焉。

嘉靖吳江縣志。釣雪亭在雪巖。宋嘉泰二年縣尉彭法建。華亭林至記。

倦尋芳 春思

香泥墨燕。密葉巢鶯。春晴寒淺。花徑風柔。著地舞茵紅軟。鬪草煙欺羅袂薄。鞦韆影落春遊倦。醉歸來。記寶帳歌慵。錦屏春暖。別來悵。光陰容易。還又茶蘼。牡丹開遍。妒恨疏狂。那更柳花盈面。鴻羽難憑芳信短。長安猶近歸期遠。倚危樓。但鎮日。繡簾高捲。

清平樂

錦屏開曉。寒入宮羅峭。脈脈不知春又老。簾外舞紅多少。舊時駐馬香階。如今細雨蒼苔。殘夢不成重理。一雙蝴蝶飛來。

又

柳邊深院。燕語明如翦。消息無憑聽又懶。隔斷畫屏雙扇。寶杯金縷紅牙。醉魂幾度兒家。何處一春游蕩。夢中

猶恨楊花。

謁金門

香漠漠。低捲水風池閣。玉腕籠紗金半約。睡濃團扇落。兩過涼生雲薄。女伴棹歌聲樂。采得雙蓮迎笑剝。柳陰多處泊。

又

風不定。移去移來簾影。一雨池塘新綠淨。杏梁歸燕並。翠袖玉屏金鏡。薄日綺疏人靜。心事一春疑酒病。鳥曉花滿徑。

烏夜啼

幾曲微風按柳。生香暖日蒸花。鴛鴦睡足方塘晚。新綠小窗紗。尺素難將情緒。嫩羅還試年華。憑高無處尋殘夢。春思入琵琶。

又 西湖

濛濛暖紋波。颭颭吹晴絲雨濛濛。輕衫短帽西湖路。花氣撲青驄。鬪草寒衣溼翠。軟韉瞥眼飛紅。日長不放春醪困。立盡海棠風。

張履信

履信字思順。號遊初。鄱陽人。侍郎南仲之孫。嘗監江口鎮。官至連江守。

柳梢青

兩歇桃繁。風微柳靜。日淡湖灣。寒食清明。雖然過了。未覺春閒。行雲掩映春山。真水墨山陰道間。燕語侵愁。花飛撩恨。人在江南。

謁金門

春睡起。小閣明窗兒底。簾外兩聲花積水。薄寒猶在裏。欲起還慵未起。好是孤眠滋味。一曲廣陵應忘記。起來

張履信 周文璞 徐照

調綠綺。

周文璞

文璞字晉仙。號方泉。又號野齋。又號山楹。陽穀人。有方泉先生集二卷。子伯執。能詩。

一翦梅

風韻蕭疏玉一團。更著梅花。輕裊雲鬟。這回不是戀江南。只為溫柔。天上人間。賦罷閒情共倚闌。江月庭蕪。總

是銷魂。流蘇斜掩燭花寒。一椽眉尖。兩處關山。
張伯用真居詞云。周晉仙浪淘沙云。遺了酒家錢。便好安眠。大槓宮裏著貂蟬。行到江南知是夢。雪壓漁船。盤礴古梅邊。也是前緣。鵝黃雪白又醒然。一事最奇君聽取。明日新年。晉仙。宋南渡來名士。一號方泉老人。此詞解于困學每愛書之。百年後。方外士張伯用追和一章。以為笑樂。惜困學公不能為我賞音。挑下杖頭錢。取次高眠。玉梅金縷孟家蟬。說著錢塘都是夢。巖間游船。誰信酒壚邊。別有仙緣。自家天地一陶然。醉寫桃符都不記。明日新年。

徐照

照字道潭。又字靈暉。號山民。永嘉人。與徐璣。翁卷。趙師秀。號永嘉四靈。詩皆工。晚唐體。有山民集。

南歌子

簾景窺金綫。爐煙裊翠絲。菰芽新出滿盆池。喚取玉瓶添水。買魚兒。意取釵重碧。慵梳髻。翅垂。相思無處說相思。笑把畫羅小扇。覓春詞。

清平樂

綠圍紅繞。一枕屏山曉。怪得今朝偏起早。笑道牡丹開了。迎人捲上珠簾。小螺未拂眉尖。貪教玉籠鸚鵡。楊花飛滿妝奩。

阮郎歸

綠楊庭戶靜沉沉。楊花吹滿襟。晚來閒向水邊尋。鶯飛雙浴禽。分別後。重登臨。暮寒天氣陰。妾心移得在君心。方知人恨深。

俞灝

詞旨警句。相思無處說相思。笑把畫羅小扇覓春詞。（南歌子）妾心移得在君心。方知人恨深。（阮郎歸）
灝。字商卿。世居杭。紹熙四年進士。開禧議開邊。政府密引灝畫計。灝言輕脫寡謀之人不可信。趙良嗣張覺。往轍可鑿。歷秉麾節。皆有聲。寶慶二年致仕。築室九里松。自號青松居士。有青松居士集。

點絳脣

欲問東君。爲誰重到江頭路。斷橋薄暮。香透溪雲渡。細草平沙。愁入凌波步。今何許。怨春無語。片片隨流水。

潘枋

枋。字庭堅。號紫巖。閩人。瑞平二年進士。廷對第三人。歷太學正。遷判潭州。有紫巖集。

南鄉子

生怕倚闌干。閣下溪聲閣外山。空有舊時山共水。依然。暮雨朝雲去不還。想見躡飛鸞。月下時時認佩環。月又漸低霜又下。更闌。折得梅花獨自看。

劉後村詩話題云。鍾律懷舊。花菴絕妙詞選題云。題南劍州妓館。

劉後村詩話。延平樂籍中。有能墨竹草聖者。潘廷堅爲賦念奴嬌。美其書畫。末云。玉帶懸魚。黃金鑄印。侯封萬戶。待從頭繳納君王。覓取愛卿歸去。余罷袁守。歸塗赴郡集。席間借觀。今不復有此舊人矣。

吳中舊事。潘庭堅羽仙歌云。雕簷綺戶。倚晴空如畫。曾是吳王舊臺榭。自浣紗去後。落日平蕪行雲斷。幾見花開花謝。淒涼闌干外。一簇江山。多少圖王共爭霸。莫閒愁。金杯欲釀。對酒當歌。歡娛地。夢中與亡休話。漸倚遍。西風晚。潮生明月裏。鷺鷥背人飛下。

劉翰

俞灝 潘枋 劉翰 劉子寰 張良臣

翰。字武子。長沙人。吳雲壑居父之客。有小山集一卷。

好事近

花底一聲鶯。花上半鉤斜月。月落烏啼何處。點飛英如雪。東風吹盡去年愁。解放丁香結。驚動小亭紅雨。舞雙蝶。

蝶戀花

團扇題詩春又晚。小夢驚殘。碧草池塘滿。一曲銀鈎簾半捲。綠窗睡足鶯聲軟。瘦損衣圍羅帶減。前度風流。陡覺心情嬾。誰品新腔拈翠管。畫樓吹徹江南怨。

清平樂

淒淒芳草。怨得王孫老。瘦損腰圍羅帶小。長是錦書來少。玉簫吹落梅花。曉煙猶透輕紗。驚起半簾幽夢。小窗淡月曉鴉。

詞旨警句。驚起半簾幽夢。小窗淡月曉鴉。(清平樂)

劉子寰

子寰。字圻父。號篁嶼。建陽人。居麻沙。早登朱子之門。劉後邨序其詩行世。

霜天曉角

橫陰漠漠。似覺羅衣薄。正是海棠時候。紗窗外。東風惡。惜春春寂寞。尋花花冷落。不會這些情味。元不是。念離索。

古今詞話。圻父咏山泉詞云。靜坐時看松鼠飲。醉眠不礙山禽浴。是真得山泉之趣者。

張良臣

俗本作景臣誤

良臣。字武子。號雪窗。大梁人。避地來鄴。因家焉。隆興元年。試南省。魏文節公杞。時為參詳官。攜其二策。見知舉。張彙曰。此文拙古。必故人張武子所為。及撤棘。果良臣也。官止監左藏庫。有集十卷。刻于廣信郡。

西江月

四壁空圍恨玉。十香淺捻曉綃。殷雲度雨井桐凋。雁雁無書又到。別後釵分燕尾。病餘鏡減鸞屐。蠻江荳蔻影連梢。不道參橫易曉。

樓翰攻媿集。書張武子詩後云。與武子評詩。謂嘗有悟入處。非積學所能到也。君讀之。以爲得我意。又嘗自哦其詩曰。客向愁中都老盡。祇留平楚伴銷凝。又哦其詩云。昨日豆花籬下過。忽然迎面好風吹。獨自立多時。其大約可見矣。閉門讀書。室中無一物。性嗜詩。未嘗強作。或終歲無一語。故所作必絕人。妻孥至不免飢寒。或謂君不爲歲晚計。君曰。水禽有名信天公者。食魚而不能捕。凝立沙上。俟它禽過。偶墜魚于前。乃拾之。然未聞有餒死者。其夷澹類此。

絕妙好詞箋卷二

姜夔

夔字堯章。鄱陽人。蕭東夫愛其詞。妻以兄子。因富居吳與之武康。與白石洞天為鄰。自號白石道人。又號石帚。慶元中。會上書乞正太常雅樂。得免解。訖不第。有白石詩一卷。詞五卷。又有絳帖平。續書譜。大樂譜。張循王遺事集。古印譜。

黃叔暘云。白石詞極精妙。不減清真。其高處有美成所不能及。

沈伯時云。姜白石清勁知音。未免有生硬處。

張叔夏云。詞要清空。不要質實。姜白石如野雲孤飛。去留無跡。

暗香

舊時月色。算幾番照我。梅邊吹笛。喚起玉人。不管清寒與攀摘。何遜而今漸老。都忘卻。春風詞筆。但怪得。竹外疎花。香冷入瑤席。江國正寂寂。歎寄與路遙。夜雪初積。翠樽易竭。紅萼無言耿相憶。長記曾攜手處。千樹壓。西湖寒碧。又片片。吹盡也。幾時見得。

魏北雜志。小紅。范成大青衣也。有色藝。成大請老。姜夔詣之。一日。授簡徵新聲。夔製暗香疎影兩曲。成大使二妓習之。音節清婉。成大尋以小紅贈之。其夕大雪。過垂虹。賦詩曰。自喜新詞韻最嬌。小紅低唱我吹簫。曲終過盡松陵路。回首烟波十四橋。

疎影 仲呂宮

苔枝綴玉。有翠禽小小。枝上同宿。客裏相逢。籬角黃昏。無言自倚修竹。昭君不慣胡沙遠。但暗憶。江南江北。想珮環。月下歸來。化作此花幽獨。猶記深宮舊事。那人正睡裏。飛近蛾綠。莫似春風。不管盈盈。蚤與安排金屋。還教一片隨波去。又卻怨。玉龍哀曲。等恁時。重覓幽香。已入小窗橫幅。

白石道人歌曲題云。辛亥之冬。予載雪詣石湖。止既月。授簡索句。且徵新聲。作此兩曲。石湖把玩不已。使妓隸

習之。音節諧婉。乃命之曰暗香疎影。

張叔夏云。白石暗香疎影二曲。前無古人。後無來者。自立新意。真爲絕唱。疎影前段用少陵詩。後段用壽陽事。此皆用事。不爲事使。

楊廉夫東維子集云。元松陵陸子敬。居分湖之北。壘石爲山。樹梅成林。取姜白石詞語。名其軒曰舊時月色。

揚州慢 仲呂宮

淮左名都。竹西佳處。解鞍少駐初程。過春風十里。盡薺麥青青。自胡馬。窺江去後。廢池喬木。猶厭言兵。漸黃昏清角。吹寒都在空城。杜郎俊賞。算而今。重到須驚。縱豆蔻詞工。青樓夢好。難賦深情。二十四橋仍在。波心蕩。冷月無聲。念橋邊紅藥。年年知爲誰生。

白石道人歌曲題云。淳熙丙申至日。予過維揚。夜雪初霽。薺麥彌望。入其城。則四顧蕭條。寒水自碧。暮色蒼茫。戍角悲吟。予懷愴然。感慨今昔。因自度此曲。千巖老人以爲有黍離之感也。

玲瓏四犯 黃鐘商

疊鼓夜寒。垂燈春淺。愔愔時事如許。倦游歡意少。倦仰悲今古。江淹又吟恨賦。記當時。送君南浦。萬里乾坤。百年身世。惟有此情苦。揚州柳垂官路。有輕盈換馬。端正窺戶。酒醒明月下。夢逐潮聲去。文章信矣知何用。漫贏得。天涯羈旅。教說與春來要。尋花伴侶。

白石道人歌曲題云。越中聞簫鼓感懷。

琵琶仙 吳興春遊

雙槳來時。有人似。舊曲桃根桃葉。歌扇輕約。飛花蛾眉正奇絕。春漸遠汀洲自綠。更添了。幾聲啼鴉。十里揚州。三生杜牧。前事休說。又還是。宮燭分煙。奈愁裏愔愔換時節。卻把一襟芳思。與空階榆莢。千萬縷。藏鴉細柳。爲玉樽。起舞回雪。想見西出陽關。故人初別。

白石道人歌曲題云。吳都賦戶藏煙浦。家具畫船。惟吳興爲然。春遊之感。西湖未能過也。己酉歲。予與蕭時甫。載酒南游。因過成歌。

張叔夏云。情景交鍊。得言外意。又云。白石疎影。暗香。揚州慢。一萼紅。琵琶仙。淡黃柳等曲。不惟清虛。且又騷雅。讀之。使人神觀飛越。

法曲獻仙音 張彥功官舍

虛閣籠寒。小簾通月。暮色偏憐高處。樹隔離宮。水平馳道。湖山盡入樽俎。柰楚客淹留久。砧聲帶愁去。屢回顧。過秋風。未成歸計。誰念我。重見冷楓紅舞。喚起淡妝人。問逋仙。今在何許。象筆鸞牋。甚如今。不道秀句。怕平生幽恨。化作沙邊煙雨。

白石道人歌曲題云。張彥功官舍。在鐵冶嶺上。卽昔之教坊使宅。高齋下瞰湖山。光景奇絕。予數過之。爲賦此。

念奴嬌 吳興荷花

鬧紅一舸。記來時。長與鴛鴦爲侶。三十六陂人未到。水佩風裳無數。翠葉吹涼。玉容消酒。更灑菰蒲雨。嫣然搖動。冷香飛上詩句。日暮青蓋亭亭。情人不見。爭忍凌波去。只恐舞衣寒易落。愁入西風南浦。高柳垂陰。老魚吹浪。留我花間住。田田多少。幾回沙際歸路。

白石道人歌曲題云。予客武陵。湖北憲治在焉。古城野水。喬木參天。予與二三友。日蕩舟其間。意象幽閒。不類人境。秋水且潤。荷葉出地尋丈。因列坐其下。上不見日。清風徐來。綠雲自動。間于疎處。窺見遊人畫船。亦一樂也。揭來吳興。數得相半荷花中。又夜汎西湖。光景奇絕。故以此句寫之。

一萼紅 人日登定王臺

古城陰。有官梅幾許。紅萼未宜簪。池面冰膠。牆腰雪老。雲意還又沉沉。翠藤共。閒穿徑竹。漸笑語。驚起臥沙禽。野老林泉。故王臺榭。呼喚登臨。南去北來何事。蕩湘雲楚水。極目傷心。朱戶黏雞。金盤簇燕。空歎時序侵尋。記曾共。西樓雅集。想垂柳。還裊萬絲金。待得歸鞭到時。只怕春深。

白石道人歌曲題云。丙午人日。余客長沙別駕之觀政堂。堂下曲沼。西負古垣。有盧橘幽篁。一徑深曲。穿徑而南。官梅數十株。如椒如菽。或紅破白露。枝影扶疎。著屐蒼苔。細石間。野興橫生。亟命駕登定王臺。亂湘流。入蒼山。湘雲低昂。湘波容與。興盡悲來。醉吟成調。

方輿勝覽云。定王臺。在潭州。俗傳漢長沙定王載米博長安土。築臺于此。以望其母唐姬。張安國名曰定王臺。自爲書扁。

齊天樂 蟋蟀

庚郎先自吟愁賦。淒淒更聞私語。露濕銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵。候館迎秋。離宮弔月。別有傷心無數。幽詩漫與。笑籬落呼燈。世間兒女。寫入琴絲。一聲聲更苦。

白石道人歌曲題云。丙辰歲。與張功父會飲張達可之堂。聞屋壁間蟋蟀有聲。功父約予同賦。以授歌者。功父先成詞。甚美。予襄回末利花間。仰見秋月。頓起幽思。尋亦得此。蟋蟀中都呼爲促織。善鬪。好事者或以二三十萬錢致一枚。鑲象齒爲樓觀以貯之。又自注云。宣政間。有士大夫製蟋蟀吟。張叔夏云。全章皆精粹。所咏瞭然在目。且不留滯於物。

淡黃柳 客合肥

空城曉角。吹入垂楊陌。馬上單衣寒惻惻。看盡鵝黃嫩綠。都是江南舊相識。正岑寂。明朝又寒食。強攜酒。小橋宅。怕梨花。落盡成秋色。燕燕飛來。問春何在。惟有池塘自碧。

小重山 湘梅

人繞湘皋月墜時。斜橫花自小。浸愁漪。一春幽事有誰知。東風冷。香遠茜裙歸。鷗去昔遊非。遙憐花可可。夢依依。九疑雲杳斷魂啼。相思血。都沁綠筠枝。

樓鑰攻媿集云。潘端叔惠紅梅一本。全體皆江梅也。香亦如之。但色紅爾。來自湖湘。非他種比。自此嘗稱爲紅梅以別之。王文公。蘇文忠。石曼卿諸公。有紅梅詩。意其皆未見此種也。

點絳脣 松江

燕雁無心。太湖西畔隨雲去。數峯清苦。商略黃昏雨。第四橋邊。擬共天隨住。今何許。凭闌懷古。殘柳參差舞。白石道人歌曲題云。丁未冬。過吳江作。

吳郡志云。松江在郡南四十五里。禹貢三江之一也。南與太湖接。吳江縣在江濱。垂虹跨其上。天下絕景也。

惜紅衣 吳興荷花 無射宮

枕簟邀涼。琴書換日。睡餘無力。細灑冰泉。并刀破甘碧。牆頭喚酒。誰問訊。城南詩客。岑寂。高柳晚蟬。說西風消息。虹梁水陌。魚浪吹香。紅衣半狼籍。維舟試望。故國渺天北。可惜柳邊沙外。不共美人游歷。問甚時同賦。三十六陂秋色。

白石道人歌曲題云。吳興號水晶宮。荷花感麗。陳簡齋云。今年何以報君恩。一路荷花相送到青墩。亦可見矣。丁未之夏。余游千巖。數往來紅香中。自度此曲。以無射宮歌之。

詞旨屬對。虛閣籠寒。小簾通月。池面冰膠。牆腰雪老。翠葉吹涼。玉容銷酒。

警句。千樹壓。西湖寒碧。(暗香)波心蕩。冷月無聲。(揚州慢)牆頭喚酒。誰問訊。城南詩客。岑寂。高柳晚蟬。說西風消息。(惜紅衣)問甚時。重賦三十六陂秋色。(同上)

劉後村詩話。姜堯章有平聲滿江紅。自敘云。滿江紅。舊詞用仄韻。多不協律。如無心撲歌者。將心字融入去聲。方諧音律。予欲以平韻爲之。久不能成。因汎巢湖。祝口。得一夕風。嘗以平韻滿江紅爲神姥壽。言訖。風與帆俱殿。頃刻而成。末句闕瓏環。則協律矣。其詞云。仙姥來時。正一望。千頃翠瀾。旌旗擁。亂雲俱下。依約前山。命駕羣龍。金作輓。相從諸娣玉爲冠。(廟中列坐。如夫人者十五人)向夜深。風定。悄無人。聞瓏環。神奇處。君試看。奠淮右。阻江南。遣六丁雷電。別守東關。卻笑英雄無好手。一篙春水走曹瞞。又怎知。人在小紅樓。簾影間。此闕甚佳。惜無人能歌之者。

澄懷錄云。姜堯章云。余別石湖。歸吳興。雪後過垂虹。賦詩云。笠澤茫茫雁影微。玉峯重疊護雲衣。長橋寂寞春寒夜。只有詩人一舸歸。後五年冬。復與俞商卿。張平甫。鈺朴翁。自封禺同載詣梁溪。道經吳淞。山寒天迥。雲浪四合。中夕相呼。步垂虹。星斗下垂。錯雜漁火。朔風凜凜。卮酒不能支。朴翁以衾自纏。猶相與行吟。因賦慶宮春云。雙鬢尊波。一蓑松雨。暮愁漸滿空闊。呼我盟鷗。鷗欲下。背人還道木末。那回歸去。蕩雲雪。孤舟夜發。傷心重見。依約眉山。黛痕低壓。采香徑裏春寒。老子婆娑。自歌誰答。垂虹西望。飄然引去。此與平生難。酒醒波遠。正凝想。明璫素珥。如今安在。唯有闌干。伴人一鬢。

青舊續詞。美堯章嘗寫吳興張仲遠家。仲遠屢出外。其室人知書。賓客過門。必先窺來札。性頗好。堯章嘗作百宜嬌以遺仲遠云。看垂楊遠苑。杜若侵沙。愁損未歸眼。信馬青樓去。重簾下。鳩婦人。妙系絳琴尊共款。聽鶯歌。郎意先感。便攜手。月地雲階裏。愛良夜微燠。無限風流疎散。有暗藏弓履。儉寄香翰。明日聞津鼓。湘江上。催人還。解春纜。亂紅萬點。悵斷魂。煙水遙遠。又爭似相攜乘一舸。鎮長見。仲遠歸。竟莫能辨。則受其指爪損面。至不能出外云。

開慶四明續志。吳潛暗香疎影二詞序云。猶記己卯庚辰之間。初識堯章于維揚。至己丑。嘉興再會。自此契闊。聞堯章死西湖。嘗助諸丈為殯之。今又不知幾年矣。自昭忽錄示堯章暗香疎影二詞。因信手酬酢。并廣潘德久之詞云。雪來比色。對倏然一笑。休喧笙笛。莫怪廣平。鐵石心腸為伊折。信是三花兩蕊。猶萬古才人駭筆。尚記得。醉臥東園。天暮地為席。回首往事寂。正用暗霧昏。萬種愁積。錦江路悄。媒聘音沈。兩空憶。終是茅簷竹戶。難指望。凌煙金碧。惟悴了。完管裏。怨誰始得。(右暗香) 佳人步玉。待月來弄影。天挂參宿。冷透屏幃。倩入肌膚。風敲又聽簾竹。前村不管深雪閉。猶自繞。枝南枝北。算平生。此段幽奇。占壓百花會。獨聞想羅浮舊恨。有人正醉裏。姝翠蛾綠。夢斷魂驚。幾許淒涼。卻是千林梅屋。雞聲野渡。溪橋滑。又角引成樓。悲曲。怎得知清足亭邊。自在杖藜巾幅。自注云。梅聖俞詩云。十分清意足。余別墅有梅亭。扁曰清足。(右疎影)

劉仙倫

仙倫。一名傑。字叔擬。號招山。廬陵人。有招山小集一卷。

江神子

東風吹夢落巫山。整雲鬟。卻霜紈。雪貌冰膚。曾共控雙鸞。吹罷玉簫香霧溼。殘月墜。亂峯寒。解璫回首憶前歡。見無緣。恨無端。憔悴蕭郎。贏得帶圍寬。紅葉不傳天上信。空流水。到人間。

菩薩蠻 效唐人閨怨

吹簫人去行雲杳。香篝繡被都閒了。疊損縷金衣。伊家渾不知。冷煙寒食夜。淡月梨花下。猶有軟心腸。為他燒夜香。

蝶戀花

小立東風誰共語。碧盡行雲。依約蘭皋暮。誰問離懷知幾許。一溪流水和煙雨。媚蕩楊花無著處。纔伴春來。忙底隨春去。只恐遊蜂黏得住。斜陽芳草江頭路。

一翦梅

唱到陽關第四聲。香帶輕分。羅帶輕分。杏花時節雨紛紛。山繞孤村。水繞孤村。更沒心情共酒樽。春衫香滿。空有管痕。一般離思兩銷魂。馬上黃昏。樓上黃昏。

霜天曉角 蛾眉亭

倚空絕壁。直下江千尺。天際兩蛾凝黛。愁與恨。幾時極。暮潮風正急。酒醒聞塞笛。試問謫仙何處。青山外。遠煙碧。

方輿勝覽云。天門山在當塗縣西南三十里。又名蛾眉山。夾大江。東曰博望。西曰梁山。蛾眉亭在采石山上。望見天門山。壁間有詩曰。中分黛色三千尺。不著人間一點愁。詞旨警句。一般離思兩銷魂。馬上黃昏。樓上黃昏。(一翦梅)

孫惟信

惟信。字季蕃。號花翁。開封人。在江湖頗有標致。多見前輩。多聞舊事。善雅談。長短句尤工。曾有官。棄去不仕。有花翁集一卷。

沈伯時云。孫花翁有好詞。亦善運氣。但雅正中時有一二市井語。

畫錦堂

薄袖禁寒。輕妝媚晚。落梅庭院春妍。映戶盈盈回倩。笑整花鈿。柳裁雲翦腰支小。鳳盤鴉聳鬢偏。東風裏。香步翠搖。藍橋那日因緣。嬋娟。流慧眄。渾當了。恩恩密愛深憐。夢過欄杆猶認。冷月鞦韆。杏梢空闌相思眼。燕翎難繫斷腸牋。銀屏下。爭信有人真個病也。天天。

夜合花

風葉敲窗。露蛩吟甃。謝娘庭院秋宵。屏半掩。釵花映燭紅搖。潤玉暖。膩雲嬌。染芳情。香透鮫綃。斷魂留夢。煙迷楚驛。月冷藍橋。誰念賣藥文簫。望仙城路杳。鶯燕迢迢。羅衫暗摺。蘭痕粉跡都銷。流水遠。亂花飄。苦相思。寬盡香腰。幾時重凭。玉聽過處。小袖輕招。

燭影搖紅 牡丹

一朵鞋紅。寶釵壓髻東風溜。年時也是牡丹時。相見花邊酒。初試夾紗半袖。與花枝盈盈鬪秀。對花臨景。為景牽情。因花感舊。題葉無憑。曲溝流水空回首。夢雲不到小山屏。真個歡難偶。別後知他安否。軟紅街。清明還又。絮飛春盡。天遠書沈。日長人瘦。

醉思凡

吹簫跨鸞。香銷夜闌。杏花樓上春殘。繡羅衾半閒。衣寬帶寬。千山萬山。斷腸十二闌干。更斜陽暮寒。

南鄉子

璧月小紅樓。聽得吹簫憶舊游。霜冷闌干天似水。揚州。薄倖聲名總是愁。塵暗鷓鴣裘。裁翦曾勞玉指柔。一夢覺來三十載。風流。空對梅花白了頭。

詞旨屬對。薄袖禁寒。輕妝媚晚。

警句。絮飛春盡。天遠書沈。日長人瘦。(燭影搖紅)

劉後村孫花翁墓誌。季著實開封。會祖昇。祖可。父頤。武爵。季著少受祖澤。調監當。不樂。棄去。始婚于藝。後去。藝遊。留蘇杭最久。一榻之外無長物。躬爨而食。書無乞米之帖。文無逐貧之賦。終其身如此。名重江浙。公卿間聞花翁至。爭倒屣。所談非山水風月。一不挂口。長身緼袍。意度疎曠。見者疑為俠客異人。其倚聲度曲。公瑾之妙。敵髮橫笛。野王之逸。奮袖起舞。越石之壯也。

史達祖

達祖。字邦卿。號梅溪。汴人。有梅溪詞一卷。四朝聞見錄。韓侂胄為平章。專倚省吏史達祖。奉行文字。擬帖擬旨。

俱出其手。侍從東札。至用申呈。韓敗。遂黜焉。

姜堯章云。奇秀清逸。有李長吉之韻。蓋能融情景于一家。會句意于兩得。

張功甫云。史生之作。情詞俱到。纖綃泉底。去塵眼中。有瓊奇警邁。清新開婉之長。而無詭蕩汗淫之失。端可分鑲清真。平脫方回。

綺羅香 春用

做冷欺花。將煙困柳。千里偷催春暮。盡日冥迷。愁裏欲飛還住。驚粉重。蛺蝶寂西園。喜泥潤。燕歸南浦。最妨他。佳約風流。鈿車不到杜陵路。沈沈江上望極。還被春潮晚急。難尋官渡。隱約遙峯。和淚謝娘眉嫵。臨斷岸。新綠生時。是落紅。帶愁流去。記當日。門掩梨花。翦燈深夜語。

雙雙燕

過春社了。度簾幙中間。去年塵冷。羞池欲住。試入舊巢相竝。還相雕梁藻井。又軟語。商量不定。飄然快拂花梢。翠尾分開紅影。芳徑芹泥雨潤。愛貼地爭飛。競誇輕俊。紅樓歸晚。看足柳昏花暝。應自棲香正穩。便忘了。天涯芳信。愁損玉人。日日畫欄獨凭。

黃叔暘云。形容盡矣。又云。姜堯章最賞其柳昏花暝之句。

夜行船

不翦春衫愁意態。過收燈。有些寒在。小雨空簾。無人深巷。已早杏花先賣。白髮潘郎寬沈帶。怕看山。憶他眉黛。草色拖裙。煙光惹鬢。常記故園挑菜。

東風第一枝 春雪

巧翦蘭心。偷黏草甲。東風欲障新暖。謾疑碧瓦難留。信知暮寒較淺。行天入鏡。做弄出。輕鬆纖軟。料故園。不捲重簾。誤了乍來雙燕。青未了。柳回白眼。紅不斷。杏開素面。舊遊憶著山陰。厚盟遂妨上苑。寒爐重煖。且慢放。春衫鍼線。恐鳳鞮。挑菜歸來。萬一灞橋相見。

黃叔暘云。結句尤為姜堯章拈出。

又 燈夕

酒館歌雲。燈街舞縵。笑聲喧似簫鼓。太平京國多歡。大酺綺羅幾處。東風不動。照花影。一天春聚。耀翠光。金縷相交。茸茸細吹香霧。羞醉玉。少年丰度。懷豔雪。舊家伴侶。閉門明月關心。倚窗小梅索句。吟情欲斷。念嬌俊。知人無據。想袖寒珠絡藏香。夜久帶愁歸去。

黃鍾喜遷鶯 元霄

月波凝滴。望玉壺天近。了無塵隔。翠眼圈花。冰絲織練。黃道寶光相直。自憐詩酒瘦。難應接。許多春色。最無賴。是隨香趁燭。曾伴狂客。蹤跡漫記憶。老了杜郎。忍聽東風笛。柳院燈疎。梅廳雪在。誰與細傾春碧。舊情拘未定。猶自學。當年游歷。怕萬一。誤玉人。夜寒簾隙。

張叔夏云。不獨措詞精粹。又且見時節風物之感。

清商怨

春愁遠。春夢亂。鳳釵一股輕塵滿。江煙白。江波碧。柳戶清明。燕簾寒食。憶。鶯聲晚。簫聲短。落花不許春拘管。新相識。休相失。翠陌吹衣。畫橋橫笛。得得。

蝶戀花

二月東風吹客袂。蘇小門前。楊柳如腰細。蝴蝶識人遊冶地。舊曾來處花開未。幾夜湖山生夢寐。評泊尋芳。只怕春寒裏。今歲清明逢（一作連）上巳。相思先到瀟湘水。

玉樓春 社前一日

遊人等得春晴也。處處旗亭閒繫馬。兩前紅杏尙娉婷。風裏殘梅無顧藉。忌拈鍼指還逢社。鬪草贏多裙欲卸。明朝新燕定歸來。叮囑重簾休放下。

青玉案

蕙花老盡離騷句。綠染徧。江頭樹。日暝酒消聽驟雨。青榆錢小。碧苔錢古。難買東君住。官河不礙遺鞭路。被芳草將愁去。多定紅樓簾影暮。蘭燈初上。夜香初炷。猶自聽鸚鵡。

高麗國

詞旨屬對。斷備沈雲。空山挂雨。畫裏移舟。詩邊就夢。做冷欺花。將煙困柳。巧翦蘭心。儉黏草甲。警句。臨斷岸。新綠生時。是落紅。帶愁流去。記當日。門掩梨花。翦燈深夜語。（綺羅香）愁損玉人。日日畫闌獨凭。（雙雙燕）恐鳳韓。挑菜歸來。萬一灞橋相見。（東風第一枝）自憐詩酒瘦。難應接許多春色。（喜遷鶯）詞眼。柳昏花暝。

梅溪詞。水龍吟。陪節欲行。留別社友云。道人越布單衣。與高愛學蘇門嘯。有時也伴。四佳公子。五陵年少。歌裏眠香。酒酣喝月。壯懷無撓。楚江南。每爲神州未復。闌干靜。慵登眺。今日征夫在道。敢辭勞。風沙短帽。休吟瘦。休尋喬木。獨憐遺老。同社詩囊。小寶鍼線。斷腸秋早。看歸來。幾許吳霜染鬢。驗愁多少。（按梅溪會陪使臣至金。故有此詞。）

高觀國竹屋癡語。齊天樂。中秋夜懷梅溪云。晚雲知有關山念。澄霽卷開清霽。素景中分。冰盤正溢。何啻蟬娟千里。危闌靜倚。正玉鏡吹涼。翠觴留醉。記約清吟。錦袍初喚醉魂起。孤光天地共影。浩歌誰與舞。淒涼風味。古驛煙寒。幽垣夢冷。應念秦樓十二。歸心對此。想斗插天南。雁橫遠水。試問姮娥。有愁能爲寄。

高觀國

觀國字賓王。山陰人。有竹屋癡語一卷。

陳唐卿云。竹屋梅溪詞。要是不經人道語。其妙處。少游美成不及也。

張叔夏云。竹屋白石。夢窗梅溪。俱能特立清新之意。剛削靡曼之詞。自成一家。

齊天樂

碧雲缺處無多雨。愁與去帆俱遠。倒葦沙閒。枯蘭寂冷。寥落寒江秋晚。樓陰縱覽。正魂怯清吟。病多依黯。怕挹西風。袖羅香自去年減。風流江左久客。舊游得意處。珠簾曾捲。載酒春情。吹簫夜約。猶憶玉嬌香怨。塵棲故苑。歎璧月空檐。夢雲飛觀。送絕征鴻。楚峯煙數點。

玉樓春 宮詞

幾雙海燕來金屋。春滿離宮三十六。春風翦草碧纖纖。春雨浥花紅撲撲。衛姬鄭女屐如束。齊唱陽關新製曲。

曲終移宴起笙簫。花下晚寒生翠縠。

金人捧露盤 水仙

夢湘雲。吟湘月。弔湘靈。有誰見。羅襪塵生。凌波步弱。背人羞整六銖輕。娉娉裊裊。暈嬌黃。玉色輕明。香心靜。波心冷。琴心怨。客心驚。怕佩解。卻返瑤京。盃擎清露。醉春蘭友與梅兄。暮煙萬頃。斷腸是。雪冷江清。

又梅

念瑤姬。翻瑤佩。下瑤池。冷香夢吹上南枝。羅浮路杳。憶曾清晚見仙姿。天寒翠袖。可憐是。倚竹依依。溪痕淺。雲痕凍。月痕淡。粉痕微。江樓怨。一笛休吹。芳香待寄。玉堂煙驛雨淒迷。新愁萬斛。爲春瘦。卻怕春知。

祝英臺近

一窗寒。孤燼冷。獨自箇春睡。繡被薰香。不是舊風味。靜聽滴滴簷聲。驚愁攪夢。更不管。庾郎心碎。念芳意。一併十日春風。梅花灑憔悴。嬾做新詞。春在可憐裏。幾時挑菜踏青。雲沈雨斷。盡分付。楚天之外。

思佳客

翦翠衫兒穩四停。最憐一曲鳳簫吟。同心羅帕輕藏素。合字香囊半影金。春思悄。畫窗深。誰能拘束少年心。鶯來驚碎風流膽。踏動櫻桃葉底鈴。

霜天曉角

春雲粉色。春水和雲溼。試問西湖楊柳。東風外。幾絲碧。望極連翠陌。蘭橈雙槳急。欲訪莫愁何處。旗亭在。畫橋側。

風入松

捲簾日日恨春陰。寒食新晴。馬蹏只向南山去。長橋愛花柳多情。紅外風嬌日暖。翠邊水秀山明。杜郎歌酒過平生。到處蓬瀛。醉魂不入重城晚。穠歡寄。桃葉桃根。繡被嫩寒清曉。鶯囀喚起春醒。

謁金門

煙墅暝。隔斷仙源芳徑。雨歇花梢魂未醒。溼紅如有恨。別後香車誰整。怪得畫橋春靜。碧漲平湖三十頃。歸雲

何處問。

詞旨屬對。倒葦沙閒。枯蘭漱冷。

警句。愁萬斛。為春瘦。卻怕春知。（金人捧露盤）驚愁攪夢。更不管庚郎心碎。（祝英臺近）

詞眼。玉嬌香怨。

劉 鎮

鎮。字叔安。南海人。嘉泰二年進士。學者稱爲隨如先生。有隨如百詠。

劉潛夫云。屬不致褻。新不犯陳。周柳辛陸之能。庶乎兼之。

玉樓春 東山探梅

泠泠水向橋東去。漠漠雲歸溪上住。疎風淡月有來時。流水行雲無覓處。佳人獨立相思苦。薄袖欺寒修竹暮。

白頭空負雪邊春。著意問春春不語。

隨如百詠。丙戌清明。和章質夫韻。水龍吟云。弄晴臺館收煙候。時有燕泥香墜。宿醒未解。單衣初試。騰騰春

思。前度桃花。去年人面。重門深閉。記彩鸞別後。青驄歸去。長亭路。芳塵起。十二屏山偏倚。任蒼苔點紅如綴。

黃昏人靜。緩香吹月。一簾花碎。芳意婆娑。綠陰風用。畫橋煙水。笑多情司馬。留春無計。濕青衫淚。

張 韓

張韓。字宗瑞。號東澤。鄱陽人。連江太守思順之子。有東澤詩語債二卷。

朱湛盧云。東澤得詩法于姜堯章。世所傳欸乃集。皆以爲月下謫仙復作。不知其又能詞也。其詞皆以篇末之

語立新名云。

疎簾淡月

梧桐兩細。漸滴作秋聲。被風驚碎。潤逼衣篝線。裊。薰爐沈水。悠悠歲月天涯醉。一分秋。一分憔悴。紫簫吹斷。素牋恨切。夜寒鴻起。又何苦。淒涼客裏。負草堂春綠。竹溪空翠。落葉西風吹老。幾番塵世。從前請盡江湖味。聽商歌。

歸興千里，露侵宿酒，疎簾淡月，照人無寐。

山漸青

山無情。水無情。楊柳飛花春雨晴。征衫長亭短。擬行行。重行行。吟到江南第幾程。江南山漸青。

謁金門

花半溼。睡起一簾晴色。千里江南真咫尺。醉中歸夢直。前度蘭舟送客。雙鯉沈沈消息。樓外垂楊如此碧。問春來幾日。

念奴嬌

嫩涼生曉。怪得今朝。湖上秋風無跡。古寺桂香山色外。腸斷幽叢金碧。驟雨俄來。蒼煙不見。苔徑孤唵屐。繫船高柳。晚蟬嘶破愁寂。且約攜酒高歌。與鷗相好。分坐漁磯石。算只藕花知我意。猶把紅芳留客。樓閣空濛。管絃清澗。一水盈盈隔。不如休去。月懸良夜千尺。（按案得字衍文）

祝英臺近

竹閒棋。池上字。風日共清美。誰道春深。湘綠漲沙觜。更添楊柳無情。恨煙颺雨。卻不把扁舟偷繫。去千里。明日知幾重山。後朝幾重水。對酒相思。爭似且留醉。奈何琴劍悠悠。而今心事。在月夜杜鵑聲裏。

詞旨警句。悠悠歲月天催醉。一分秋。一分憔悴。（疎簾淡月）落葉西風。次老幾番塵世。（同上）露侵宿酒。疎簾淡月。照人無寐。（同上）算只藕花知我意。猶把紅芳留客。（念奴嬌）詞眼。恨烟颺雨。

東澤綺語。債馮可遷號予為東仙。故賦東仙寓沁園春云。東澤先生。誰說能詩。與到偶然。但平生心事。落花鳴鳥。多年盟好。白石清泉。家近宮亭。眼中蘆草。九疊屏開雲錦邊。出門去。且掀髯大笑。有釣魚船。一絲風裏。輝娟愛。月在滄浪上下天。更叢書觀徧。筆牀靜晝。蓬窗睡起。茶竈疎煙。黃鸝來遲。丹砂成未。何日風梳葛稚川。人閒世。聽江湖詩友。號我東仙。

李石

李石 李詠

石。字知幾。號方舟。資陽人。乾道中進士。以薦任太學博士。出為成都倅。仕至都官員外郎。有方舟集。

木蘭花令

轆轤軛門前井。不道隔窗人睡醒。柔絲無力玉琴寒。殘麝徹心金鴨冷。一鶯曉破簾櫳靜。紅日漸高花轉影。起來情緒寄游絲。飛絆翠翹風不定。

花草粹編。李知幾臨江仙云。煙柳疎疎人悄悄。畫樓風外吹笙。倚闌聞喚小紅聲。熏香臨欲睡。玉漏已三更。坐待不來來又去。一方明月中庭。粉牆東畔小橋橫。起來花影下。扇子撲流螢。

李 詠

詠。字子永。號蘭澤。廬陵人。嘗為溧水令。與兄洪子大。璋子倩。弟浙子秀。侄子召。著李氏華萼集五卷。姪倫為序。

定風波

點點行人趁落暉。搖搖煙艇出漁扉。一路水香流不斷。零亂。春潮綠浸野薔薇。南去北來愁幾許。登臨懷古欲沾衣。試問越王歌舞地。佳麗。只今惟有鷓鴣啼。

清平樂

亂雲將雨。飛過鴛鴦浦。人在小樓空翠處。分得一襟離緒。片帆隱隱歸舟。天邊雪捲雲游。今夜夢魂何處。青山不隔人愁。

夷堅志。大紅宮他縣。有甘寧將軍廟。殿宇雄偉。行舟過之者。必具牲醴祇謁。李子永嘗自西下。舟次散花洲。有神鴉飛立檣竿。久之東去。即得便風。晡時抵岸步。青蛇傲箭而來。至舟尾不見。是夕獲舟。明日賽神。其前大樓七間。尤壯偉。郡守周少隱。采東坡詞語。扁為卷雪。子永作詩曰。卷雪樓前萬里紅。亂峯卓立森旗槍。上有甘公古祠宇。節制供施掌風雨。甘公一去險千年。至今忠氣猶凜然。我來再拜攬陳跡。斜陽白鳥橫蒼煙。初題梁間時。本云英威凜然。如有人擊其肘。乃改為忠氣。又賦望月水調歌頭云。危樓雲用上。其下水扶天。羣山四合。飛動寒翠落簷前。盡是秋清闌檻。一笑波翻濤怒。雪陣卷蒼煙。炎暑去無跡。清殿久闕。夜將闌。人欲靜。月初圓。素娥弄影。光射空際。綠輝嬋娟。不用灑纓垂釣。喚取龍宮仙駕。耕此萬瓊田。橫笛望中起。吾意

已超然。及旦移舟，神清氣爽，送至長風沙而止。

鄭域 俗本作陸域誤

域，字中卿，號松窗。三山人。慶元丙辰，隨張貴謨使金。有燕谷剽聞二卷。記北庭事甚詳。

昭君怨 梅

道是花來春未道。道是雪來香異。水外一枝斜。野人家。冷落竹籬茅舍。富貴玉堂瓊樹。兩地不同栽。一般開。

王 惲

惲，字季夷，號貴英。陳氏書錄解題。季夷，北海人。紹淳間名士。富居吳興。陸務觀與之厚善。三子：甲、田、申，皆登科。有北海集。

祝英臺近

柳煙濃。花露重。合是醉時候。樓倚花梢。長記小垂手。誰教釵燕輕分。鏡鸞慵舞。是孤負幾番晴晝。自別後。聞道花底花前。多是兩眉皺。又說新來。比似舊時瘦。須知兩意常存。相逢終有。莫謾被春光僂僂。

夜行船

曲水鱗裙三月二。馬如龍。鈿車如水。風颺游絲。日烘晴晝。人共海棠俱醉。客裏光陰難可意。埽芳塵。舊游誰記。午夢醒來。不覺小窗人靜。春在賣花聲裏。（格案不覺二字衍文）

詞旨警句。春在賣花聲裏。（夜行船）

蔡松年

松年，字伯堅，從父靖除真定府判官。遂為真定人。仕金。官至尚書右丞相。封衛國公。自號蕭閒老人。卒謚文簡。工樂府。與吳彥高齊名。號吳蔡體。有蕭閒公集六卷。

鷓鴣天 賞荷

鄭域 王惲 蔡松年 韓偓

秀樹橫塘十里香。水光晚色靜年芳。燕支膚瘦薰沈水。翡翠盤高走夜光。山黛遠。月波長。暮雲秋影照瀟湘。醉魂應逐凌波夢。分付西風此夜涼。

王若虛淳熙集詩話云。蕭閒樂善堂賞荷詞。胭脂膚瘦薰沈水。翡翠盤高走夜光。世多稱之。此句誠佳。然蓮實肥。不宜言瘦。予友彭子升。嘗易膩字。此似差勝。

尉遲盃

紫雲暖。恨翠雜珠樹。雙棲晚。小花靜院逢迎。的的风流心眼。紅潮照玉枕。午香重。草綠宮羅淡。喜銀屏小語私分。麝月春心一點。華年共有好願。何時定妝。鬢莫兩零亂。夢似花飛。人歸月冷。一夜曉山新怨。劉郎與尋常不淺。况不似。桃花春溪遠。覺情隨。曉馬東風。病酒餘香相半。

歸齋志云。蔡丞相伯堅。嘗奉使高麗。爲館妓賦石州慢云。雲海蓬萊。風霧鬢鬢。不假梳掠。仙衣卷盡霓裳。方見宮腰纖弱。心期得處。世間言語非真。海犀一點通寥廓。無物比情濃。與無情相博。離索。曉來一枕餘香。酒病頰花醫卻。欲鬢金尊。收拾新愁重酌。半帆雲影。載得無限關山夢魂。應被梅花覺。梅子雨絲絲。滿江千樣闊。高麗故事。上國使來。館中有侍妓。蔡之仙衣卷盡霓裳。方見宮腰纖弱。不免爲人疵議之矣。

淳熙詩話。蕭閒云。風頭夢雨吹無跡。蓋用之至細者。若有若無。謂之夢。田夫野婦皆道之。賈方回有風頭夢雨吹成雪之句。又云。蕭閒憶恆陽家山云。好在斜川三尺玉。公宅前有池。可三畝。號小斜川。又自鎮陽還兵府。贈離筵乞言者云。待人閒。覓箇無情心緒。著多情換。此篇有恨別之意。故以情爲苦。而還羨無情。終章言之宜矣。

中州樂府。蔡松年聲聲慢。涼院寄內云。青燕平野。小雨千峯。遺成暮暝。寒色。裁翦芸窗。憶得伴人良夕。遙憐幾重眉黛。恨相逢。少于行役。梨花淚。正宮衣春瘦。曉紅無力。應怪浮雲夫婿。不解趁新晴。醉眠涼月。怨入關山。西去又傳消息。誰知倦游心事。向年來。苦思泉石。人未老。約闌翠。多占秀碧。

韓 廖

廖。字子耕。號蕭閒。文獻備考。韓廖有蕭閒詞一卷。

高陽裏 除夕

頻聽銀錢重。難終歲。年華夜夜驚心。餞舊迎新。能消幾刻光陰。老來可慣通宵飲。待不眠還怕寒侵。掩清尊多謝梅花。伴我微吟。鄰娃已試春妝了。更蜂枝簇翠。燕股橫金。勾引春風。也知芳意難禁。朱顏那有年年好。逞豔游羸取如今。恣登臨殘雪樓臺。遲日園林。

浪淘沙

莫上玉樓看。花雨斑斑。四垂羅幙護朝寒。燕子不知春去也。飛認欄杆。回首幾關山。後會應難。相逢祇有夢魂閒。可奈夢隨春漏短。不到江南。

又 豐樂樓

裙色草初青。鴨鴨波輕。試花霏雨溼春晴。三十六梯人不到。獨喚瑤箏。艇子憶逢迎。依舊多情。朱門只合鎖娉婷。卻逐彩鸞歸去路。香陌春城。

武林舊事云。豐樂樓在湧金門外。舊為衆樂亭。又改聳翠樓。政和中改今名。淳祐閒。趙京尹與憲重建。宏麗為湖山冠。又登月池。立秋于樓門。植花木。構數亭。春時遊人繁盛。舊為酒肆。後以學館致爭。但為朝紳同年會拜鄉會之地。吳夢窗嘗大書所作鸞曉序于壁。一時為人傳誦。詞旨警句。試花霏雨溼春晴。(浪淘沙)

絕妙好詞箋卷二

劉克莊

克莊字潛夫。號後村。莆田人。以蔭仕。淳祐中賜同進士出身。官至龍圖閣直學士。有後村別詞一卷。

摸魚兒 海棠

甚春來冷煙淒雨。朝朝遲了芳信。暮然作暖晴三日。又覺萬姝嬌困。天怎忍。潘令老不成也。沒看花分。才情減盡。悵玉局飛仙。石湖絕筆。辜負這風韻。傾城色。懊惱佳人薄命。牆頭岑寂誰問。東風日暮無聊賴。吹得燕支成粉。君細認。花共酒古來二事。天尤吝。年光去迅。漫綠葉成陰。青苔滿地。做取異時恨。

卜算子 海棠為風雨所損

片片蝶衣輕。點點猩紅小。道是天工不惜花。百種千般巧。朝見樹頭繁。莫見枝頭少。道是天工果惜花。雨洗風吹了。

清平樂 頃在維揚陳師文參議家。舞姬絕妙。為賦此詞。

宮腰束素。只怕能輕舉。好築避風臺護取。莫遣鷺鷥飛去。一團香玉溫柔。笑顰俱有風流。貪與蕭郎眉語。不知舞錯伊州。

生查子 燈夕戲陳敬叟

繁燈奪鬢華。戲鼓侵明滅。物色舊時同。情味中年別。淺畫鏡中眉。深拜樓中月。人散市聲收。漸入愁時節。

花菴絕妙詞選云。陳以莊名敬叟。號月溪。建安人。劉後村陳敬叟集序云。敬叟詩才氣清拔。力量宏放。為人曠達。如列禦寇莊周。飲酒如阮嗣宗。李太白。筆札如谷子雲。草隸如張顛李顛。樂府如溫飛卿韓致光。余每歎其所長非復一事。為製城黃子厚之甥。故其詩酷似云。

詞旨警句。貪與蕭郎眉語。不知舞錯伊州。(清平樂)

劉克莊詩集注。寶慶初。史彌遠廢立之際。錢唐書肆陳廷宗之。能詩。凡江湖詩人。俱與之言。刊江湖集以售。劉

蘇夫前岳妻與焉。宗之賦詩有云。秋雨梧桐皇子宮。春風楊柳相公橋。本改劉涪山句也。或據秋用春風之句。爲敖客之所作。言者併梅詩論列。虜江編集板。二人皆坐罪。初。彌遠謫下大理遠治。鄭丞相清在之。瓊閣。白彌遠中輟。而宗之坐流配。于是詔禁士大夫作詩。如孫花翁之徒。改業爲長短句。紹定癸巳。彌遠死。詩禁解。潛夫爲訪梅絕句云。夢得因桃卻左遷。長源爲柳忤當權。幸然不識桃并李。也被梅花累十年。此可備梅花大公案也。

吳潛

潛。字毅夫。號履齋。寧國人。嘉定十年。進士第一。淳祐中。觀文殿大學士。封慶國公。改封許國公。景定初。安置循州。卒。贈少師。有履齋詩餘三卷。

滿江紅 金陵烏衣園

柳帶榆錢。又還過清明寒食。天一笑。滿園羅綺。滿城簫笛。花樹得晴紅欲染。遠山過雨青如滴。問江南。池館有誰來。江南客。烏衣巷。今猶昔。烏衣事。今難覓。但年年燕子。晚煙斜日。抖擻一春塵土債。悲涼萬古英雄迹。且芳樽隨分趁芳時。休虛擲。

景定建康志云。烏衣園在城南二里烏衣巷之東。一堂扁曰來燕。歲久傾圮。咸淳元年。馬公光祖撥而新之。堂後植桂。亭曰綠玉香。中梅花彌望。堂曰百花頭上。其餘亭館。日更展。日穎立。日長春。日望岑。日提華。日更好。左右位置森列。佳花美木。芳蔭蔽虧。非復曩時寒煙衰草之陋矣。

南柯子

池水凝新碧。闌花駐老紅。有人獨倚畫橋東。手把一枝楊柳。繫春風。鵲伴游絲墜。蜂黏落蕊空。鞦韆庭院小簾櫳。多少閒情。聞緒。雨聲中。

景定建康志。吳潛用花臺。再用前韻滿江紅云。瑤瑤岡頭。左醞酒。右持螯食。懷舊處。磨東怡劍。弄青溪笛。望裏向。嶽山是障。醉中要捲紅無滴。這一堆心事。總成灰。蒼波客。歎俛仰。成今昔。愁易攪。歡難覓。正平蕪遠樹。落霞殘日。自笑頻招猿鶴怨。相期蚤混漁樵跡。把是非得失與榮枯。虛空擲。

吳潛 尹煥

開讀四明續志。吳潛丞遇樂。己未元夕云。祝告天公。放燈時節。且收今雨。萬戶千門。六街三市。絳水晶雲母。香車寶馬。珠簾翠幙。不怕禁更敲五。覓裝曲。驚回好夢。誤遊紫宮朱府。沈思舊日京華。風景迥曉。猶聽戲鼓。分鏡圓時。斷釵合處。倩笑歌與舞。如今開院。蜂殘蠟燭。猶夜果邊自語。虧人殺。(去聲)梅花紙帳。權將睡袖。滿江紅。戊午二月十七日四明窗賦云。芳景無多。又還是亂紅飛墜。空帳望。昭亭深處。家山桃李。柳眼花心。都脫換。蜂鬚蝶翅。難沾綴。謾相攬。一笑競良辰。春醪美。金獸蒸香。風細。金鳳拍歌雲賦。儘秦箏燕管。但逢場爾。只恐思鄉情味惡。怎禁寒食清明裏。問此翁。不止四宜休。翁歸未。

豹隱紀。談徐參政清安。微時。贈建寧鼓唐玉詩云。上國新行巧樣花。一枝聊插鬢雲斜。嬌羞未肯從郎意。故把芳容故故遮。吳履齋丞相和以賀新郎詞云。可意人如玉。小簾櫳。輕勻皎抹。道家妝束。長恨春歸無尋處。全在波明黛綠。看拾葉倡條。彈俗。比似江梅清有韻。更臨風對月斜依竹。看不足。詠不足。曲屏半掩春山簇。正輕寒。夜深花睡。半敲殘燭。縹緲九霞光裏夢。香在衣裳賸馥。又只恐銅壺聲促。試問送人歸去後。對一奩花影垂金粟。腸易斷。恨難續。

至元嘉禾志。吳潛水調歌頭題煙雨樓云。有客抱幽獨。高立萬人頭。東湖千頃漚用。占斷幾春秋。自有茂林修竹。不用買花沽酒。此樂若為酬。秋到天空闊。浩氣與雲浮。歎吾曹。綠五斗。尚遲留。練江亭下長憶。開了釣魚舟。矧更調搖身世。又更奔騰歲月。辛苦復何求。咫尺桃源隔。他日擬重遊。

齊東野語。朔齋劉震孫。知宛陵。毅夫丞相方聞居。劉日陪午橋之游。後以召還。吳錢之郊外。劉賦摸魚兒詞為別。末云。怕綠野堂邊。劉郎去後。誰伴老裴度。毅夫為之揮淚。繼遣一价追和此詞。并倩以小奩。啓之。精金百星也。前輩憐才賞音如此。

尹 煥

煥。字惟曉。山陰人。嘉定十年進士。自爲澹陰右司郎官。有梅津集。

覓裝中序第一 茉莉

青鞵素鬢。海國仙人偏耐熱。餐盡香風露屑。便萬里凌空。肯憑蓮葉。盈盈步月。悄似憐輕去。瑤闕。人何在。憶渠疑小。點點愛輕攏。愁絕。舊游輕別。忍重看鎖香金篋。淒涼今夜。簟席。怕杳杳詩魂。真化風蝶。冷香青到骨。夢十

星梅花露雪。詩來也厭厭心事。自共素娥說。

全芳備祖云。素馨花。舊名都悉茗。一名野悉茗。昔劉餗有侍女。名素馨。家上生此花。因以得名。尹梅崖覺裳中序第一云云。

眼兒嬌

垂楊裊裊蘸清漪。明綠染春絲。市橋繫馬。旗亭沽酒。無限相思。雲梳雨洗風前舞。一好百般宜。不知爲甚。落花時節。都是顰眉。

唐多令 若溪有故之之感

蘋末轉清商。溪聲供夕涼。緩傳盃催喚紅妝。慢縮烏雲新浴罷。褰拂地。水沈香。歌短舊情長。重來驚鬢霜。悵綠陰青子成雙。說著前歡。伴不保。鴈蓮子。打鴛鴦。

齊東野語云。尹梅津未第時。薄游苕霅。籍中適有所盼。後十年。問訊舊遊。則久爲宗子所據。且育子。而猶挂名籍中。于是假之郡將。久而始來。顏色瘁殺。不足膏沐。相對若不勝情。梅津爲賦唐多令云。

吳文英夢窗甲稿。水龍吟壽尹梅津云。望春樓外滄波。舊年照眼青銅鏡。煉成寶月。飛來天上。銀河流影。紺玉鈞簾。處橫犀塵。天香分鼎。記殷雲段瓊。栽花翦露。曲江畔。春風勁。槐省紅塵盡靜。午朝回。吟生晚興。春霖儲筆。雲邊清曉。金猊旋整。闌苑芝生。貌生綉對。綠窗深景。弄瓊英。數點。宮梅信早。占年光永。

趙以夫

以夫。字用父。號虛齋。福之長樂人。嘉定中。正奏名。歷知邵武軍。漳州。皆有治績。嘉熙初。爲樞密都承旨。二年。拜同知樞密院事。俸祐初罷。尋加資政殿學士。進吏部尚書。兼侍讀。詔與劉克莊同纂修國史。

憶舊遊慢 荷花

望紅蕖影裏。冉冉斜陽。十里沙平。喚起江湖夢。向沙鷗住處。細說前盟。水鄉六月無暑。寒玉散清冰。笑老去。心情也將醉眼。鎮爲花青。亭亭步明鏡。似月浸華清。人在秋庭。照夜銀河落。想粉香溼露。恩澤親承。十洲縹緲何許。風引綵舟行。尙憶得。西施餘情。裊裊煙水汀。

虛齋樂府徵詠雪云。玉壺凍裂琅玕折。駸駸逼人衣袂。暖絮張空飛失。前山橫翠。欲低還起。似妝點滿園春意。記憶當時剡中情味。一溪雲水天際絕。行人高吟處。依稀灞橋鄰里。更翦翦梅花落。雲階月地。化工真解事。強句引老來詩思。楚天暮。驛使不來。帳出關獨倚。

姚鑪

鑪字希聲。號雪蓬。剡溪人。贛州守。有雪蓬集一卷。剡錄云。姚鑪。嘉定十年吳潛榜進士。

謁金門

吟院靜。遲日自行花影。熏透水沈雲滿鼎。晚妝窺露井。飛絮游絲無定。誤了鶯鶯相等。欲喚海棠教睡醒。奈何春不肯。

羅椅

椅字子遠。號洞谷。癸辛雜識云。羅椅。廬陵人。富家子。壯年捐金結客。後為饒雙峯高弟。又以薦。登買師憲之門。丙辰第進士。以秉義郎為江陵教。改潭教。及宰贛之信豐。遷提轄權貨。度宗升遐。失於入臨。論罷。

寶祐四年登科錄。第二甲第三十人羅椅。字子遠。小名天驥。第七十一承感下。年四十三。十二月十五日寅時生。外氏孫。治賦。四舉。娶劉氏。會祖上達。祖維翰。宣政郎。父所。宣義郎。本貫吉州廬陵縣化仁鄉。祖為戶。

柳梢青

萼綠華身。小桃花扇。安石榴裙。子野聞歌。周郎顧曲。曾惱夫君。悠悠羈旅愁人。似零落青天斷雲。何處銷魂。初三夜月。第四橋春。

詞旨警句。何處銷魂。初三夜月。第四橋春。(柳梢青)

翰墨全書。羅椅八聲甘州。孤山有感云。甚愔愔歲月。又人家插柳記清明。政南北高峯。風傳笑響。如泛簫聲。吹散樓臺煙雨。鶯語諄也春晴。何所無芳草。惟此青青。誰管孤山山下。任種梅月。冷薦菊泉清。看人情如此。沈醉不須醒。問何時。樊川歸去。歎故鄉。七十五長亭。君知否。桐雲隱月。笑我飄零。

方岳

岳字巨山。號秋崖。祁門人。紹定五年進士。兩為文學掌故。官中祕書。出守袁州。有秋崖先生詞藁。

江神子 牡丹

窗綃深掩護芳塵。翠眉顰。越精神。幾兩幾晴。做得這些春。切莫近前輕著語。題品錯。怕花嗔。碧壺難貯玉粼粼。碎苔茵。晚風頻。吹得酒痕。如洗一番新。只恨謫仙渾癩事。辜負卻。倚闌人。

秋崖詞藁。滿江紅九日登冶城樓云。且問黃花。陶令後。幾番重九。應解笑。秋崖人老。不堪詩酒。宇宙一舟吾倦矣。山河兩戒君知否。倚西風。無奈劍花寒。剗龍吼。紅欲醺。談天口。秋何負。持螯手。儘石麟燕沒。斷煙衰柳。故國山圍青玉案。何人印佩黃金斗。倘只消。紅左管夷吾。終須有。

楊伯岳

伯岳字彥瞻。號詠齋。楊和王諸孫。居臨安。淳祐間。除工部郎。出守衢州。錢塘薛尚功之外孫。弁陽周公謹之外舅也。有六帖補二十卷。九經被讀一卷。行世。

踏莎行雪中。疏寮借閣帖。更以薇露送之。

梅觀初花。蕙庭殘葉。當時慣聽山陰雪。東風吹夢到清都。今年雪比前年別。重釀官醪。雙鉤官帖。伴翁一笑成三絕。夜深何用對青藜。窗前一片蓬萊月。

法帖譜系云。熙陵以武定四方。載鑿弓矢。文治之餘。留意翰墨。乃出御府歷代所藏真蹟。命侍書王著摹勒。刻板禁中。釐為十卷。此歷代法帖之祖。

格古要論云。太宗搜訪古人墨蹟。於淳化中。命侍書王著摹勒。作十卷。用聚木板刻置祕閣。上有銀錢紋。用澄心堂紙。李庭珪墨拓打。以手措之。墨不汚手。親王大臣。各賜一本。人間罕得。

讀書附志云。淳熙祕閣續法帖十卷。淳熙十二年三月十九日。奉聖旨摹勒鐘繇諸人帖。武林舊事云。諸色酒名。薔薇露。旒香。並御庫。

中興館閣續錄云。高似孫。字續古。鄞縣人。淳熙十一年進士。慶元五年十月。除祕書省校書郎。六年二月。遷判

徽州。
按似孫號疏寮。

周 晉

晉。字明叔。號晴齋。

點絳脣訪牟存安南漪釣隱。

午夢初回。捲簾盡放春愁去。晝長無侶。自對黃鸝語。絮影蘋香。春在無人處。移舟去。未成新句。一研梨花雨。

癸辛雜識云。牟端明園。本郡志南園。後歸李寶謨。其後又歸牟存齋。園中有碩果軒。(大梨一株。)元祐學堂。

芳菲二亭。萬錦亭。(茶蘼)雙李亭。桴觴齋。岷峨一啟宮。前枕大溪。曰南漪小隱。吳興掌故集云。牟子才。字存安。其先井研人。愛吳興山水清遠。因家湖州之南門。

清平樂

圖書一室。香暖垂簾密。花滿翠壺熏研席。睡覺滿窗晴日。手寒不了殘碁。篝香細勘唐碑。無酒無詩情緒。欲梅欲雪天時。

珊瑚網。郭昇手書此詞。跋云。大德十一年。歲丁未。十月初十日。客寓燕山。奔走暮歸。黃塵滿面。挑燈讀此詞一過。想像江南。如夢中也。

柳梢青 楊花

似霧中花。似風前雪。似雨餘雲。本自無情。點萍成綠。卻又多情。西湖南陌東城。甚管定。年年送春。薄倖東風。薄情遊子。薄命佳人。

楊 纘

纘。字繼翁。嚴陵人。居錢唐。寧宗楊后兄。次山之孫。號守齋。又號紫霞翁。國朝寶鑑云。度宗朝。女為淑妃。官列

好古博雅。全。有紫霞洞。時作異詩。

八六子 牡丹次白雲韻

怨殘紅。夜來無賴。雨催春去。但暗水新流。芳恨。蝶。幾。千。林。嫩。綠。迷。空。那。知。國。色。還。逢。柔。弱。華。清。扶。倦。輕。盈。洛。浦。臨。風。細。認。得。凝。妝。點。脂。勻。粉。露。蟬。聳。翠。藥。金。團。玉。成。叢。幾。許。愁。隨。笑。解。一。聲。歌。轉。春。融。眼。朦。朧。凭。闌。干。半。醒。醉。中。

一枝春 除夕

竹爆驚春。競喧填。夜起千門。簫鼓流蘇。帳暖。翠鼎。緩。騰。香。霧。停。杯。未。舉。柰。剛。要。送。年。新。句。應。自。有。歌。字。清。圓。未。誇。上。林。鶯。語。從。他。歲。窮。日。莫。縱。閒。愁。怎。減。劉。郎。風。度。屠。蘇。辦。了。迤。邐。柳。欺。梅。妒。宮。壺。未。曉。早。騎。馬。繡。車。盈。路。還。又。把。月。夜。花。朝。自。今。細。數。

武林舊事云。守歲之詞雖多。極難其選。獨守齋一枝春。最爲近世所稱。

被花惱 自度腔

疏疏宿雨。釀寒輕。簾幙靜垂。清曉。寶鴨微溫。瑞煙少。簷聲不動。春禽對語。夢怯頻驚覺。敲。珀。枕。倚。銀。牀。半。窗。花。影。明。東。照。惆。悵。夜。來。風。生。怕。嬌。香。混。瑤。草。披。衣。便。起。小。徑。回。廊。處。處。多。行。到。正。千。紅。萬。紫。競。芳。妍。又。還。似。年。時。被。花。惱。暮。忽。地。省。得。而。今。雙。鬢。老。

詞旨詞眼。蝶。樓。蜂。慘。

翁子孟寅

孟寅。字賓陽。號五峯。錢塘人。四朝聞見錄云。翁孟寅。其先本建之崇安人。祖中丞彥國。僑楚。張邦昌僭帝時。嘗提兵勤王。爲李丞相綱之臣。父謙之。進士。孟寅首登臨安鄉書。

齊天樂 元夕

紅香十里銅駝夢。如今舊遊重省。節序飄零。歡娛老大。傭立燈光蟾影。傷心對景。怕回首。東風雨。晴難準。曲巷幽

翁孟寅 趙汝荒

坊管絃一片笑相近。飛棚浮動翠葆。看金釵半溜。春爐紅粉。鳳輦鼇山。雲收霧斂。迤邐銅壺漏迴。霜風漸緊。展一幅青綃。手懸孤鏡。帶醉扶歸。曉醒春夢穩。

燭影搖紅

樓倚春城。瓊窗曾共巢春燕。人生好夢逐春風。不似楊花健。舊事如天漸遠。柰晴絲牽愁未斷。鏡塵埋恨。帶粉棲香。曲屏寒淺。環珮空歸。故園羞見桃花面。輕煙殘照下欄干。獨自疏簾捲。一信狂風又晚。海棠花隨風滿院。亂鴉歸後。杜宇颺時。一聲聲怨。

阮郎歸

月高樓外柳花明。單衣怯露零。小橋燈影落殘星。寒煙蘸水萍。歌袖窄。舞環輕。梨花夢滿城。落紅颺鳥兩無情。春愁添曉醒。

吳文英夢窗乙集。紅神子。送翁五峯自鶴江還都云。西風一葉送行舟。淺棹留。鷺汀洲。新浴紅衣。綠水帶香流。應是離宮城外。晚人好立小簾鉤。新歸重省別來愁。黛眉頭。半痕秋。天上人間。斜月繡幃樓。湖浪莫迷花蝶夢。江上釣。負輕鷗。

趙汝芑

汝芑。字參時。號霞山。宋史宗室世系表。商王元份八世孫。善官子。

梅花引

對花時節不會歡。見花殘。任花殘。小約簾櫳。一面受春寒。題破玉楠雙喜鵲。香燼冷。遶雲屏。渾是山。待眠。未眠。事萬千。也問天。也恨天。髻兒半偏。繡裙兒寬了。還寬。自取紅氈。重坐暖金船。惟有月知君去處。今夜月。照秦樓。第幾聞。

夢江南

簾不捲。細雨熟櫻桃。數點鬢霞天又曉。一痕涼月酒初消。風緊絮花高。蕭閒處。磨盡少年豪。昨夢醉來騎白鹿。

滿湖春水段空橋。濯髮聽吹簫。

戀繡衾

柳絲空有萬千條。繫不住溪頭畫橈。想今宵也對新月。過輕寒何處小橋。玉簫臺榭春多少。溜曉痕盈臉未消。怪別來燕支慵傅。被春風偷在杏梢。

漢宮春

著破荷衣。笑西風吹我。又落西湖。湖開舊時飲者。今與誰俱。山山映帶。似攜來畫卷重舒。三十里芙蓉步障。依然紅翠相扶。一目清無留處。任屋浮天上。身集空虛。殘燒夕陽過雁。點點疏疏。故人老大。好襟懷消滅全無。漫贏得秋聲兩耳。冷泉亭下騎驢。

如夢令

小砑紅綾牋紙。一字一行春淚。封了更親題。題了又還塘起。歸未。歸未。好箇瘦人天氣。

詞旨警句。怪別來臆脂慵傅。被東風偷在杏梢。（戀繡衾）

馮去非

去非。字可遠。號深居。南康都昌人。淳祐元年進士。幹辦淮東轉運司。寶祐四年。召爲宗學諭。

喜遷鶯

涼生遙渚。正綠芰擎霜。黃花招雨。雁外漁燈。蜚邊蠡舍。絳葉表秋來路。世事不離雙鬢。遠夢偏欺孤旅。送望眼。但憑舷微笑。書空無語。慵看清鏡裏。十載征塵。長把朱顏污。借箸青油。揮毫紫塞。舊事不堪重舉。閒闊故山猿鶴。冷落同盟鷗鷺。倦遊也。便檣雲拖月。浩歌歸去。

吳文英夢窗丙癸。燭影搖紅。錢馮深居真日深居初度。云。飛蓋西園。晚秋恰勝春天氣。霜花開盡錦屏空。紅葉新裝綴。時放清杯泛水。暗渡涼。東風舊事。夜吟不就。松影闌干。月簾寒翠。莫唱陽關。但憑綵袖歌千歲。秋屋入夢隔明朝。十載吳宮會。一棹回潮渡葦。正西窗燈花報喜。柳蠶櫻素。試酒爭憐。不教不醉。

馮去非 許棐 陸叡

許 棐

棐字忱夫。海鹽人。嘉熙中。隱居秦溪。於水南種梅數十樹。自號梅屋。室中懸白香蘇東坡二像事之。人有奇癖。見無不錄。以故環室皆書。著有獻醜集一卷。梅屋臺三卷。點春小綴一卷。樵談一卷。梅屋詩餘一卷。

鷓鴣天

翠鳳金鸞繡欲成。沈香亭下款新晴。綠隨楊柳陰邊去。紅踏桃花片上行。
鶯意緒。蝶心情。一時分付小銀箏。歸來玉醉花柔困。月窻紗約半更。

琴調相思引

組繡盈箱錦滿機。倩人縫作護花衣。恐花飛去無復上芳枝。已恨遠山迷望眼。不須更畫遠山眉。正無聊賴兩外一鳩曉。

後庭花

一春不識西湖面。翠羞紅倦。兩窗和淚搖湘管。意長牋短。知心惟有雕梁燕。自來相伴。東風不管琵琶怨。落花吹遍。

梅屋詩餘。滿宮春云。嬾博香。慵弄粉。猶帶淺醺微困。金鞍何處掠新歡。倩燕鶯尋問。柳供愁。花獻恨。袞袞嬌成陳。碧樓能有幾番春。又是一番春盡。虞美人云。杏花窗底人中酒。花與人相守。簾衣不肯護春寒。一聲嬌嚏兩眉攢。攢衾眠。明朝又有秋千約。恐未忒。梳掠倩誰。傳語畫樓風略吹。絲雨壓春紅。綰遊蹤。山花子云。接柳揉花渡染衣。絲絲紅翠撲春輝。羅綺叢中。無此豔小西施。腰細最便圍舞帕。袖寒時。復罩香奩。誤點一痕殘。粉淚怕人知。

陸 叡

叡字景思。號雲西。會稽人。會稽續志。進士表。紹定五年。徐元杰榜。陸叡。佃五世孫。景定建康志。陸叡。淳祐中沿江制置使參議。除禮部員外。崇政殿說書。

瑞鶴仙

煙雲黏雁影。望征路愁迷離緒。整千金買光景。但疏鐘催曉。亂鴉曉暝。花悰暗省。許多情相逢夢境。便行雲都
不歸來。也合寄將音信。孤迥。盟鸞心在。跨鶴程高。後期無準。情絲待翦。翻惹得舊時恨。怕天教何處。參差雙燕。
還染殘朱剩粉。對菱花與說相思。看誰瘦損。

詞旨警句。對菱花。與說相思。看誰瘦損。（瑞鶴仙）

蕭泰來

泰來。字則陽。號小山。臨江人。紹定二年進士。有小山集。癸辛雜識云。泰來。理宗朝為御史。附謝丞相。為右司李
伯玉所劾。姚希得指為小人之宗。

天霜曉角 梅

千霜萬雪。受盡寒磨折。賴是生來瘦硬。渾不怕。角吹徹。清絕影也別。知心惟有月。元沒春風情性。如何共。海棠
說。

庶齋老學叢談云。此作與王瓦全梅詞。命意措詞。略相似。
詞旨警句。清絕影也別。知心惟有月。（霜天曉角）

趙希邁

希邁。字端行。（詞本作端行誤）號西里。永嘉人。宋史宗室世系表。燕王德昭九世孫。簡僚第三子。續文獻通
考云。趙希邁著有西里藁。高疏寮跋。

八聲甘州 竹西懷古

寒雲飛萬里。一番秋。一番攪離懷。向隋隄躍馬。前時柳色。今度蒿萊。錦纜殘香在否。枉被白鷗猜。千古揚州夢。一
覺庭槐。歌吹竹西難問。拚菊邊醉著。吟寄天涯。任紅樓蹤跡。茅屋染蒼苔。幾傷心橋東片月。趁夜潮流恨入秦
淮。潮回處。引西風恨。又渡江來。

蕭泰來 趙希邁 趙崇禧 趙希彭

詩話總龜云。蜀岡者。維揚之地也。蜀岡之南。有竹西亭。修竹疏翠。後卽禪智寺也。取杜牧之斜陽竹西路。歌吹是揚州。自蜀岡以南。景氣頓異。北風至此遂絕。
葛洞江都志云。竹西亭在城北五里禪智寺側。向子固易曰。歌吹。經紹興兵火。周崇重建。復舊名。

趙崇嶠

崇嶠。字漢宗。號白雲。南豐人。嘉定十六年進士。授石城令。改淳安。嘗上疏極論儲嗣未定。及中人專橫。官至大宗丞。有白雲囊。宋史宗室世系表。商王元份九世孫。後悉長子。

蝶戀花

一翦微寒禁翠袂。花下重開。舊燕添新壘。風旋落紅香匝地。海棠枝上鶯飛起。薄霧籠春天欲醉。碧草澄波。的情如水。料想紅樓挑錦字。輕雲淡月人憔悴。

菩薩蠻

桃花相向東風笑。桃花忍放東風老。細草碧如煙。薄寒輕暖天。折釵鸞作股。鏡裏參差舞。破碎玉連環。捲簾春睡殘。

趙希彭 一作蕭

希彭。字倩中。號十洲。四明人。宋史宗室世系表。燕王九世孫。師鄭長子。延祐四明志。寶慶二年王會館榜進士。

霜天曉角 桂

姮娥戲劇。手種長生粒。寶榦婆娑千古。飄芳吹滿。虛碧。韻色。檀露滴。人間秋第一。金粟如來境界。誰移在小亭側。

秋蕊香

鬢穩冠宜翡翠。壓鬢絲絲金蕊。遠山碧淺蘸秋水。香煖榴裙襯地。寧寧二八餘年紀。惱春意。玉雲凝重步塵細。獨立花陰寶砌。

王 澡

澡。字身甫。號瓦全。庶齋老學叢談云。澡。四明人。有瓦全集。文獻通考。王澡。寧海人。太常博士。初名律。字子知。

霜天曉角 梅

疏明瘦直。不受東皇識。留與伴春應肯。千紅底。怎著得。夜色何處笛。曉寒無柰力。飛入壽陽宮裏。一點點。有人惜。

方岳深雪偶談云。太常博士瓦全王先生。有落梅小詞云云。劉公濟夫已附于後村集詩話中。予亦僭附之拙稿。雖然。先生文行表表。一詞固何足為先生軒輊也。予少時。即登門。以先公同生丙戌。且相友善之故。遂辱撰先公墓銘。誌中有文不逮岳而岳強以銘之語。當知前輩獎掖後進。有如此也。

趙與勳 詞本誤作嶺

與勳。字慶節。號崑崙。宋史宗室世系表。燕生十世孫。希沙第三子。

謁金門

歸去去。風急蘭舟不住。夢裏海棠花下語。醒來無覓處。薄倖心情似絮。長是輕分輕聚。待得來時春幾許。綠陰三月暮。

樓 檠

梁。字考甫。號曲風。

霜天曉角 梅

月淡風輕。黃昏未是晴。吟到十分清處。也不管。二三更。曉鐘天未明。曉霜人未行。只有城頭殘角。說得盡。我平生。

又

王澡 趙與勳 樓檠 鍾適 李肩吾

剪雪裁冰。有人嫌太清。又有人嫌太瘦。都不是。我知音。誰是我知音。孤山人姓林。一自西湖別後。辜負我。到如今。

鍾過

鍾。字改之。號梅心。廬陵人。中寶祐二年乙卯解試。

步蟾宮

東風又送酴醿信。蚤吹得愁成潘鬢。花開猶似十年前。人不似十年前俊。水邊珠翠香成陣。也消得燕窺鶯認。歸來沈醉月朦朧。覺花氣滿襟猶潤。

詞旨警句。花開猶似十年前。人不似十年前俊。(步蟾宮)

詞眼。燕窺鶯認。

李肩吾

肩吾。字子我。號嶺州。眉州人。精六書之學。嘗著字通。為魏鶴山之客。虞集字通序云。李君在魏文靖公門下。有師友之道焉。

搗毬樂

風冒鶯紅雨易晴。病花中酒過清明。綺窗幽夢亂於柳。羅袖淚痕凝似錫。冷地思量。著春色三停。早二停。

風流子

雙燕立虹梁。東風外。煙雨溼流光。望芳草雲連。怕經南浦。葡萄波漲。怎博西涼。空記省。殘妝眉暈斂。冒袖唾痕香。春滿綺羅。小鶯捎曉。夜留絃索。么鳳求凰。江湖飄零久。頻回首。無奈觸緒難忘。誰信溫柔牢落。翻墮愁鄉。便(別本作使非)玉箋銅爵。花間陶寫。瑤釵金鏡。月底平章。十二主家樓苑。應念蕭郎。

清平樂

笑人嬌小。鏡裏容顏好。秀色侵人春帳曉。郎去幾時重到。叮嚀記取兒家。碧雲隱映紅霞。直下小橋流水門前。

一樹桃花。

風入松 冬至

霜風連夜做冬晴。曉日千門。香葭暖透黃鍾管。正玉臺彩筆書雲。竹外南枝意早。數花開對清樽。香闥女伴笑輕盈。倦繡停鍼。花甌一綫添紅景。看從今迤邐新春。寒食相逢何處。百單五箇黃昏。

烏夜啼

徑辭痕沿碧甃。簷花影壓紅闌。今年春事渾無幾。游冶懶情慳。舊夢鶯鶯於水。新愁燕燕長干。重門十二簾休捲。三月尙春寒。

清平樂

東風無用。吹得愁眉重。有意迎春無意送。門外經雲如夢。韶光九十慳慳。俊遊回首關山。燕子可憐人去。海棠不分春寒。

鷓鴣天

綠色吳箋覆古苔。濡毫重擬賦幽懷。杏花簾外鶯將老。楊柳樓前燕不來。倚玉枕。墜瑤釵。午窗輕夢繞秦淮。玉鞭何處貪游冶。尋徧春風十二街。（橋按倚當作鼓）

詞旨警句。叮嚀記取兒家。碧雲隱映紅霞。直下小橋流水。門前一樹楊花。（清平樂）

黃 簡 柯氏刊本作闌高氏作闌俱誤

簡。一名居簡。字元易。號東浦。文肇社虎邱志云。黃居簡。字元易。建安人。工詩。嘉熙中卒。顧判翁逢龍葬之虎邱。王懿姑蘇志云。滄潭陳氏北園。范石湖書扁。東浦黃簡為記。即其人也。

柳梢青

病酒心情。喚愁無限。可奈流鶯。又是一年。花驚寒食。柳認清明。天涯翠巘層層。是多是少。長亭短亭。倦倚東風。只憑好夢。飛到銀屏。

玉樓春

黃簡 諫策

龜紋曉扇堆雲母。日上綵闌新過雨。眉心猶帶寶觥醒。耳性已通銀字譜。密匿綵索看看午。暈素分紅能幾許。妝成接鏡問春風。比似庭花誰解語。

陳策

策。字次買。號南壁。上虞人。以功授武階。

摸魚兒 仲宣樓賦

倚危梯。酌春懷古。輕寒纔轉花信。江城望極多愁思。前事惱人方寸。湖海興。算合付元龍舉白澆談吻。憑高試問。問舊日王郎。依劉有地。何事賦幽憤。沙頭路。休記家山遠近。賓鴻一去無信。滄波渺渺空歸夢。門外北風淒緊。烏帽整。便做得功名難綠。星星鬢。敲吟未穩。又白鷺飛來。垂楊自舞。誰與寄離恨。

李會伯可齋雜稿。仲宣樓記略云。按江陵志。樓名助于祥符。復于紹興。淳祐十年。買公似道爲制置使。重新是樓。夏六月。易鎮全淮。覃懷李某繼之。如前畫。越半暮。告成。蜡月二十有五日。爰集賓校。置酒而落之。又點絳脣。錢陳次買云。嶺上巍樓。楚江一望天無際。漫漭萍寄。莫挽東流水。一片秋光。直到山陰里。人還記。戍邊歸未。更憶鱸魚美。又齊天樂和陳次買爲壽韻云。今年塞上秋來早。昂銜尙餘芒屨。舉目關河。驚心弧矢。願我豈堪戎。蠶。幾番鳳諾。愧保障何功。恩隆旒藻。笑指呼鷹。露花煙草。憶劉表。頭顱如許。相與歲寒。猶賴有白髮公道。對月懷人。臨風訪古。往事淒涼難考。何時是了。莫馳志伊吾。貪名清廟。松菊歸來。稽山招此老。按淳祐中。可齋爲荊州閩帥。次買在賓幕。相與倡和。此詞正作于仲宣樓落成之日也。

江陵志餘云。仲宣樓在城東南隅。憑墻結構。列榭參差。相傳後梁高季興所建望沙樓也。陳堯佐鎮荊。乃易今名。然登樓賦注。言樓在江陵。梁孝元出江陵縣還詩。朝出屠牛縣。夕反仲宣樓。先賢傳亦云。荊州有王粲宅。則樓屬江陵。亦自有據。不必泥指當陽襄陽爲定案也。

滿江紅 楊花

倦繡人閒。恨春去淺。翠輕掠。章臺路。雪黏飛燕。帶芹穿幕。委地身如遊子倦。隨風命似佳人薄。歎此花飛後更無花。情懷惡。心下事。誰堪託。憐老大。傷飄泊。把前回離恨。暗中描摸。又趁扁舟低欲去。可憐世事今非昨。看等閒

飛過女牆來。軟繩索。

黃 易 高氏刊本作曷誤

曷。字叔陽。號玉林。胡季直云。玉林蚤棄科舉。雅意讀書。吟詠自適。游受齋稱其詩為晴空冰柱。樓秋房聞其與魏菊莊友善。并以泉石清士目之。有絕妙詞選二十卷。散花菴詞一卷。

清平樂 宮詞

珠簾寂寂。愁背銀缸泣。記得少年初選入。三十六宮第一。當時掌上承恩。而今冷落長門。又是羊車過也。月明花落黃昏。

詞旨警句。又是羊車過也。月明花落黃昏。(清平樂)

散花菴詞。浪淘沙云。秋色滿層霄。翦翦寒颼。一襟殘照兩無聊。數盡歸鴉人不見。落木蕭蕭。往事欲魂消。亭想風標。春江綠漲水平橋。側帽停鞭沽酒處。柳軟鶯嬌。

李振祖

振祖。號中山。寶祐四年登科錄。第四甲第十三人。李振祖。字起翁。第萬一慈侍下。年四十六。二月丁酉日丑時生。外氏趙一舉。娶劉氏。會祖簡能。御史。祖。承義郎。父寧。本貫福州閩縣。祖為戶。

浪淘沙

春在畫橋西。畫舫輕移。粉香何處度縹漪。認得一船楊柳外。簾影垂垂。誰倚碧闌低。酒暈雙眉。鴛鴦並浴燕交飛。一片閒情春水隔。斜日人歸。

薛夢桂

夢桂。字叔載。號梯隱。永嘉人。寶祐癸丑姚勉榜進士。嘗知福清縣。四朝聞見錄云。夢桂父公主。紹熙五年上書光宗。請建儲。東嘉姓譜云。薛夢桂。仕至平江倅。

醉落魄

黃易 李振祖 薛夢桂 會撰

單衣乍著。帶寒更傍東風作。珠簾壓定銀鉤索。雨弄新晴。輕旋玉塵落。花脣巧借妝紅約。嬌羞纔放三分萼。樽前不用多評伯。春淺春深。都向杏梢覺。

眼兒媚 綠牋

碧筒新展綠蕉芽。黃露灑榴花。蘸煙染就。和雲捲起。秋水人家。只因一朵芙蓉月。生怕黛簾遮。燕銜不去。雁飛不到。愁滿天涯。

三姝媚

薔薇花謝去。更無情連夜。送春風雨。燕子呢喃。似念人憔悴。往來朱戶。漲綠煙深。早零落點池萍絮。暗憶年華。羅帳分釵。又驚春暮。芳草淒迷。征路待去也。還將畫輪留住。縱使重來。怕粉容銷膩。卻羞郎覩。細數盟言。猶在悵青樓何處。縮盡垂楊爭似。相思寸縷。

浣溪紗

柳映疏簾花映林。春光一半幾銷魂。新詩未了枕先溫。燕子說將千萬恨。海棠開到二三分。小窗銀燭又黃昏。

會 揆

揆字舜卿。號巖翁。南豐人。

西江月

欄雨輕敲夜夜。牆雲低度朝朝。日長天氣已無聊。何況洞房人悄。眉共新荷不展。心隨垂柳頻搖。午眠彷彿見金翹。驚覺數聲啼鳥。

絕妙好詞箋卷四

吳文英

文英字君特號夢窗四明人從吳履齋諸公游有夢窗甲乙丙丁稿。

尹惟曉云求詞於吾宋前有清真後有夢窗此非煥之言天下之公言也。

沈義甫云夢窗深得清真之妙其失在用事下語太晦處人不可曉。

張叔夏云吳夢窗如七寶樓臺眩人眼目撻碎下來不成片段。

入聲甘州 陪庚幕諸公秋登靈巖

渺空煙四遠是何年青天墜長星幻蒼崖雲樹名娃金屋殘霸宮城箭逕酸風射眼劍水染花腥時鞞雙鴛響廊
葉秋聲宮裏吳王沈醉倩五湖倦客獨釣醒醒問蒼波無語華髮柰山青水涵空閣凭高處送亂鷗斜日落漁
汀連呼酒上琴臺去秋與雲平。

吳郡圖經續記云研石山在吳縣西二十一里越絕書云吳人於研石山置館娃宮山頂有三池日月池日研
池日玩花池蓋吳時所鑿也山上舊傳有琴臺又有響屐廊或曰鳴屐廊以樓榭藉地西子行則有聲故名
嘗登靈巖之巔俯瞰具區煙濤浩渺一目千里而碧巖翠塢點綴於滄波之間誠絕景也或云晉陸玩捨宅為
寺即靈巖寺也。

吳郡志云靈巖山前有采香徑橫斜如臥箭。

聲聲慢 閨重九飲郭園

檀欒金碧婀娜蓬萊游雲不蘸芳洲露柳霜蓮十分點綴殘秋新彎畫眉未穩似含羞低度牆頭愁送遠駐西臺
車馬共惜臨流知道池亭多宴掩庭花長是驚落秦謳膩粉闌干猶聞凭袖香留輸他翠縵拍甃瞰新妝時浸
明眸簾半捲帶黃花人在小樓。

夢窗乙稿絳都春余往來清華館六年賦詠屢以感昔傷今益不堪懷乃復作此解云春來雁渚弄豔怡又
入垂楊如許困舞瘦腰曉徑宮黃池塘雨碧船蒼葭雲根路向追想凌波微步小樓重上憑誰為唱舊時金鏡

凝眸煙蘿翠竹。欠羅袖爲倚。天寒日暮。強醉梅邊。招得花奴來尊俎。東風須惹春雲住。莫把飛瓊吹去。便教移取薰籠。夜溫繡戶。花心動。郭倩華新軒云。入眼青紅。小玲瓏。飛簷度雲微壓。繡檻展春。金屋寬花。誰管采菱波狹。翠深知是深多少。都不放。夕陽紅入。待妝綴新綺。張翠。小園荷葉。比去春風滿篋。應時鎖蛛絲。淺虛塵榻。夜用試燈。晴雪吹梅。趁取飛簪重盃。捲簾不解招新燕。春須笑。酒慳歌罷。半窗掩日長。困生翠睫。按郭園當卽是郭倩華池館。惜人與地俱不可考矣。

青玉案

短亭芳草長亭柳。記桃葉煙江口。今日江村重載酒。殘盃不到。亂紅青塚。滿地閒春繡。翠陰曾摘梅枝嗅。還憶鞦韆玉蔥手。紅索倦將春去後。薔薇花落。故園蝴蝶。粉薄殘香瘦。

又

新腔一唱雙金斗。正霜落分甘手。已是紅窗人倦繡。春詞裁燭。夜溫香被。怕減銀壺漏。吳天雁曉雲飛後。百感情懷頓。別本作賴非。疎酒綵扇何時翻翠袖。歌邊拚取。醉魂和夢。化作梅邊瘦。

好事近

飛露灑銀牀。葉葉怨梧曉碧。蕪竹粉連香汗。是秋來陳跡。藕絲空纜宿湖船。夢闌水雲窄。還繫鴛鴦不住。老紅香月白。

唐多令

何處合成愁。離人心上秋。縱芭蕉、不雨也飈颼。都道晚涼天氣好。有明月。倦登樓。年事夢中休。花空煙水流。燕辭歸。客尙淹留。垂柳不繫裙帶住。漫長是。繫行舟。

張叔夏云。此詞疎快。不質實。

高陽臺 落梅

宮粉雕痕。仙雲隨影。無人野水荒灣。古石埋香。金沙鎖骨連環。南樓不恨吹橫笛。恨曉風。千里關山。半飄零。庭院黃昏。月冷欄杆。壽陽宮裏愁鸞鏡。問誰調玉髓。暗補香瘢。細雨歸鴉。孤山無限春寒。離魂難倩招清些。夢綺衣。

解佩溪邊。最愁人。曉鳥清明。葉底清圓。

杏花天 重午

幽懽一夢成炊黍。知綠暗汀菰幾度。竹西歌斷芳塵去。寬盡經年臂縷。梅黃後。林梢更雨。小池面。曉紅怨莫。當時明月重生處。樓上宮眉在否。

風入松

聽風聽雨過清明。愁草瘞花銘。樓前綠暗分攜路。一絲柳。一寸柔情。料峭春寒中酒。交加曉夢驚鶯。西園日日埽林亭。依舊賞新晴。黃蜂頻撲鞦韆索。有當時。纖手香凝。惆悵雙鴛不到。幽階一夜落生。

朝中措

晚妝慵理瑞雲盤。鉞線傍燈前。燕子不歸簾捲。海棠一夜孤眠。踏青人散。遺鈿滿路。雨打鞦韆。尙有落花寒在。綠楊未褪青絲。

西江月 青梅枝上晚花

枝裊一痕雪在。葉藏幾豆春濃。玉奴最晚嫁東風。來結梨花幽夢。香力添薰羅被。瘦肌猶怯冰綃。綠陰青子老溪橋。羞見東鄰嬌小。

浪淘沙

燈火雨中船。客思緜緜。離亭春草又秋煙。似與輕鷗盟未了。來去年年。往事一潸然。莫過西園。凌波香斷綠沾錢。燕子不知春事改。時立鞦韆。

高陽臺 豐樂樓分韻得如字

修竹凝妝。垂楊駐馬。憑闌淺畫成圖。山色誰題。樓前有雁斜書。東風緊送斜陽下。弄舊寒。晚酒醒餘。自銷凝。幾許花前。頰老相如。傷春不在歌樓上。在燈前敲枕。兩外薰爐。怕有游船。臨流可奈清懼。飛紅若到西湖底。攪翠瀾。總是愁魚。莫重來。吹盡香絲。淚滿平蕪。

思嘉客

吳文英

迷蝶無蹤曉夢沈。寒香深閉小庭心。欲知湖上春多少。但看樓前柳淺深。愁自遣。酒孤斟。一簾芳景燕同吟。杏花宜帶斜陽看。幾陣東風晚又陰。

采桑子慢 九日

桐敲露井。殘照西窗人起。悵玉手曾攜烏紗。笑整風敲。水葉沈紅。翠微雲冷雁慵飛。樓高莫上。魂銷正在。搖落江
籬。走馬斷橋。玉臺妝榭。羅帕香遺。歎人老長安。鏡外愁換秋衣。醉把茱萸。細看清淚溼芳枝。重陽重處。寒花怨
蝶。新月東籬。

三姝媚 過都城舊居有感

湖山經醉慣。漬春衫。曉痕酒痕無限。久客長安。歎斷襟零袂。婉塵誰浣。紫曲門荒。沿敗井風搖青蔓。對語東鄰。猶
是曾巢。謝堂雙燕。春夢人閒須斷。但怪得當時。夢緣能短。繡屋秦箏。傍海棠偏愛。夜深開宴。舞歇歌沈。花未減
紅顏先變。貯久河橋欲向。斜陽淚滿。

詞旨屬對。霜林敲寒。風鐙搖夢。盤絲繫院。巧篆垂簷。落葉霞飄。敗窗風咽。風泊波驚。露零秋冷。

警句。連呼酒上琴臺去。秋與雲平。(八聲甘州) 簾半捲。帶黃花。人在小樓。(聲聲慢) 玉奴最晚嫁東風。來

結梨花幽夢。(西江月) 綠陰青子老溪橋。羞見東鄰嬌小。(同上) 月落盃空無影。(齊天樂) 不約舟移

楊柳岸。有綠人映桃花見。(倦尋芳) 斷老芙蓉。猶自帶霜看。(同上)

標拔。詞綜作帶霜重看。鐵網珊瑚。吳文英手書詞稿。古香慢。自度腔。夷則商犯無射宮。賦滄浪看桂云。怨娥

墜柳。離佩搖蕩。霜訊南浦。謾憶橋扉倚竹。袖寒日暮。還同月中游夢。飛過金風翠羽。把殘雲剩水萬頃。暗熏

冷麝。淒苦。漸浩渺。凌山高處。秋澹無光。殘照誰主。露粟侵肌。夜約羽林輕誤。翦碎惜秋心。更腸斷珠塵薛路。

怕重陽。又催近滿城細雨。

沈伯時樂府指迷云。余自幼好詩。壬寅秋。始識靜翁於澤濱。癸卯識夢窗。暇日相與倡酬。率多填詞。因講論
作詞之法。然後知詞之作難於詩。蓋音律欲其協。不協則成長短之詩。下字欲其雅。不雅則近乎纏令之體。

用字不可太露。露則直突而無深長之味。發意不可太高。高則狂怪而失柔婉之意。思此。則知所以為難。

周公謹寶洲漁笛譜。玉漏遲。題吳夢窗詞集云。老來慳意少。錦鯨仙去。紫簫聲杳。怕展金匱。依舊故人懷抱。

猶想烏絲醉墨。鶯俊語。香紅圍繞。聞自笑。與君共是承平年少。用窗短夢難憑。是幾調宮商。幾番吟嘯。候眼

東風。回首四橋煙草。載酒倦游處。已換卻花開鷓鴣。春恨悄。天涯暮雲殘照。張炎山中白雲聲聲慢。題夢窗自度曲霜花臉卷後云。煙堤小舫。雨屋深燈。春衫慣染京塵。舞柳歌桃。心事

翁元龍

元龍字時可。號處靜。熒江題詠云。句章人。

杜成之云。時可之作。如絮浮水。如荷壓露。紫旋流轉。似沾非著。

水龍吟 雪霽登吳山見滄閣聞城中簫鼓聲。

畫樓紅溼斜陽。素妝褪出山眉翠。街聲暮起。塵侵鏡戶。月來舞地。宮柳招鶯。水荇飄雁。隔年春意。黯梨雲散作。人間好夢。瓊簫在。錦屏底。樂事輕隨流水。暗蘭消作花心計。情絲萬軸。因春織就。愁羅恨綺。昵枕迷香。占簾看夜。舊游經醉。任孤山賸雪。殘梅漸頰。跨東風騎。

西湖遊覽志云。吳山石龜巷內寶奎寺。宋相喬行簡故第。後捨為寺。有理宗書見滄二字。勒之崖石。

兩湖塵談云。吳山下寶奎寺。門徑幽深。樹石清雅。乃宋相喬行簡故第。其西偏坡陀。可眺立。大江一望在目。有巨石。上刻見滄二字。其旁款壘云。御書之寶。相傳宋理宗書。

風流子 聞桂花懷西湖

天闌玉屏空。輕雲弄淡墨。畫秋容。正涼挂半蟾。酒醒窗下。露催新雁。人在山中。又一片。好秋花占了。香換卻西風。簫女夜歸。帳栢青鳳。鏡娥妝冷。釵墜金蟲。西湖花深窈。閒庭砌曾占。席地歌鐘。載取斷雲歸去。幾處房櫺。恨小簾燈暗。粟肌消瘦。薰爐煙滅。珠袖玲瓏。三十六宮清夢。還與誰同。

醉桃源 柳

千絲風雨萬絲晴。年年長短亭。聞黃看到綠成陰。春由他送迎。鶯思重。燕愁輕。如人離別情。繞湖煙冷窳波明。

畫船移玉筵。

謁金門

鶯樹煖。弱絮欲成芳繭。流水惜花流不遠。小橋紅欲滿。原上草迷離苑。金勒晚風嘶斷。等得日長春又短。愁深山翠淺。

絳都春 秋晚海棠與黃菊感開

花嬌半面。記蜜燭夜闌。同醉深院。衣袖粉香。猶未經年。如年遠。玉顏不趁秋容換。但換卻春遊同伴。夢回前度。郵亭倦客。又拈牋管。慵按。梁州舊曲。怕離柱斷絃。驚破金雁霜被睡濃。不比花前。良宵短。秋娘羞占東籬畔。待說與深宮幽怨。恨他情淡陶郎。舊緣較淺。

詞旨屬對。種石生雲。移花帶月。

詞眼。愁羅恨綺。

花草粹編。翁處靜瑞龍吟云。清明近。還是遶遶東風。做成花信。芳時一刻千金。半晴半雨。醉春未準。雁歸盡。離字向人欲寫。暗雲難認。西園猛憶逢迎。翠袖障面。花間笑隱。曲徑悠蓮。平砌絳裙。會與羅香繡粉。無奈燕幕驚簾。輕負嬌俊。青榆巷陌。隔馬紅成寸。十年夢。鞦韆弔影。鞦羅塵棍。事往憑誰問。晝長病酒添新恨。燈冷斜陽。晚山黛遠。曲曲闌干凭損。柳絲萬尺。半堤風緊。

鄭楷

楷字持正。號眉齋。三山人。常著文房擬制表一卷。載元人樊雪舟士寬所輯文章善戲。

訴衷情

酒旗搖曳柳花天。鶯語軟於絲。碎綠未盈芳沼。倒影蘸鞦韆。匳玉燕。套金蟬。負華年。試問歸期。是除臙後。是牡丹前。

黃孝邁

孝慈。字德文。號雪舟。

劉克莊後村集。跋雪舟長短句云。十年前。會評君樂章。毫矣。復觀新腔一卷。賦梨花云。一春花下。幽恨重重。又愁晴。又愁雨。又愁風。水仙云。自側金卮。臨風一笑。酒容吹盡。恨東風。忙去。薰桃染柳。不念淡妝人冷。又云。驚鴻去後。輕拋素鬢。杳無音信。細看來。祇怕蔡仙不肯讓。梅花俊。暮春云。店舍無煙。關山有月。梨花滿地。二十年好夢。不會圓合。而今老。都休矣。其情麗。叔原方回不能加。其縣密。巖巖秦郎和天也。稜之作。

湘春夜月

近清明。翠禽枝上消魂。可惜一片清歌。都付與黃昏。欲共柳花低訴。怕柳花輕薄。不解傷春。念楚鄉旅宿。柔情別緒。誰與溫存。空樽夜泣。青山不語。殘月當門。翠玉樓前。惟是有一波湘水。搖蕩湘雲。天長夢短。問甚時重見桃根。這次第。算人閒沒箇。并刀剪斷。心上愁痕。

水龍吟

閒情小院沈吟。草深柳密。簾空翠。風簷夜響。殘燈慵剔。寒輕怯睡。店舍無煙。關山有月。梨花滿地。二十年好夢。不曾圓合。而今老。都休矣。誰共題詩秉燭。兩厭厭。天涯別袂。柔腸一寸。七分是恨。三分是淚。芳信不來。玉簫塵染。粉衣香退。待問春怎把。千紅換得。一池綠水。

江開

開。字開之。號月湖。

浣溪沙

手撚花枝憶小蘋。綠窗空鎖舊時春。滿樓飛絮一筆塵。素約未傳雙燕語。離愁還入賣花聲。十分春事倩行雲。

杏花天

謝娘庭院通芳徑。四無人花梢轉影。幾番心事無憑準。等得青春過盡。鞦韆下佳期又近。算畢竟沈吟未穩。不成又是教人恨。待倩楊花去問。

詞旨警句。不成又是教人恨。待倩楊花去問。(杏花天)

譚宣子

宣子字明之。號在菴。

謁金門

人病酒。生怕日高催繡。昨夜新番花樣瘦。旋描雙蝶。閒凭繡牀呵手。卻說春愁還又。門外東風吹綻柳。海棠花。厮勾。

江城子 詠柳

嫩黃初染綠初描。倚春嬌。索春饒。燕外鶯邊。想見萬絲搖。便作無情終輕笑。天賦與。眼眉腰。短長亭外短長橋。駐金鑣。繫蘭橈。可愛風流。年紀可憐宵。辦得重來攀折後。煙雨暗。不辭遙。

花草粹編。譚在菴春聲碎云。津館貯輕寒。脈脈離情如水。東風不管。垂楊無力。總用聲煙隄。關千外。怕看燕掠。文疏鼓疊。春聲碎。劉郎易憔悴。况是厭厭病起。花牋謾展。便寫就新詞倩誰寄。當此際。彈似夢缺啼湘。擗一寸。相思意。漁家傲云。深意纏絲歌宛轉。橫波停恨燈前見。最憶來時門半掩。春不暖。梨花落盡成秋苑。疊鼓收聲帆影亂。燕飛又起東風軟。目力謾長心力短。消息斷。青山一點和煙遠。

陳逢辰

逢辰字長祖。號存照。

烏夜啼

月痕未到朱扉。送郎時。暗裏一汪兒淚。沒人知。搵不住。收不聚。被風吹。吹作一天愁雨。損花枝。

西江月

楊柳雪融滯雨。醲醲玉軟欺風。飛英簌簌扣雕櫳。殘蝶歸來粉重。罨畫扇題塵掩。繡花紗帶寒籠。送春先自費。曉紅更結疎雲秋夢。

樓 采

采字君亮。

瑞鶴仙

凍痕銷。夢草。又招得春歸。舊家池沼。園扉掩寒峭。倩誰將花信。徧傳深窈。追遊趁早。便裁卻輕衫短帽。任殘梅飛滿溪橋。和月醉眠清曉。年小。青絲纖手。綵勝嬌鬟。賦情誰表。南樓信杳。江雲重。雁歸少。記衝香嘶馬。流紅回岸。幾度綠楊殘照。想暗黃依舊東風。灞陵古道。

雨遲

絮花寒食路。晴絲罥日。綠陰吹霧。客帽欺風。愁滿畫船煙浦。綵柱鞦韆散後。悵塵鎖燕簾鶯戶。從閒阻。夢雲無準。鬢霜如許。夜永繡閣藏嬌。記掩扇傳歌。剪燈留語。月約星期。細把花須頻數。彈指一襟幽恨。謾空趁曉鶉聲訴。深院宇。黃昏杏花微雨。

法曲獻仙音

花匣玄絃。象匳雙陸。舊日留歡情意。夢到銀屏。恨裁蘭燭。香篝夜闌鴛被。料燕子。重來地。桐陰鎖窗綺。倦梳洗。暈芳鈿自羞鸞鏡。羅袖冷。煙柳畫欄半倚。淺雨壓茶糜。指東風芳事餘幾。院落黃昏。怕春鶯驚笑憔悴。倩柔紅約定。喚取玉簫同醉。

好事近

人去玉屏閒。逗曉柳絲風急。簾外杏花細雨。冑春紅愁溼。單衣初試麴塵羅。中酒病無力。應是繡牀慵困。倚鞦韆斜立。

二郎神

露牀轉玉。喚睡醒綠雲梳曉。正倦立銀屏。新寬衣帶。生怯輕寒料峭。悶絕相思無人問。但怨入牆陰。唬鳥。嗟露屋鎖春。晴風喧晝。柳輕梅小。人悄。日長謾憶。鞦韆嬉笑。悵爐冷爐薰。花深鶯靜。簾箔微紅。醉裏帶結留詩。粉痕銷。把情遠竊香年少。凝恨極。盡日憑高。目斷淡煙芳草。

玉樓春

癸 歲 趙聞禮

東風破曉寒成陣。曲鎖沈香。簧語嫩。鳳釵敲枕玉聲圓。羅袖拂屏金縷褪。雲頭雁影占來信。歌底眉尖。紫淺暈。淡煙疎柳一簾春。細雨遙山千疊恨。

詞旨屬對。花匠么絃。象履雙陸。(法曲獻仙音) 珠壁花真。翠翻簾額。汗粉難融。袖香新竊。詞眼。月約星期。

癸 減

賦。字倬然。號秋崖。

芳草 南屏晚鐘

笑湖山紛紛歌舞。花邊如夢如薰。響煙驚落日。長橋芳草外。客愁醒。天風送遠。向兩山喚醒。凝雲猶自有迷林。去鳥不信黃昏。銷凝。油車歸後。一眉新月。獨叩湖心。藥宮相答處。空巖虛谷。應猿語香林。正酣紅紫夢。便市朝有耳。誰聽。怪玉兔金烏不換。只換愁人。

董嗣臬西湖百詠注云。南屏山在興教寺後。舊多摩厓。剝落之餘。止存司馬溫公隸書家人卦。米元章書琴臺二字。東坡訪僧臻詩云。我識南屏金鱗魚。重來無檻散齋餘。今寺非昔比。山則蒼翠自若。

華胥引 中秋紫霞席上

澄空無際。一幅輕綃。素秋弄色。翦翦天風。飛飛萬里。吹淨遙碧。想玉杵茫寒。聽珮環無迹。圓缺何心。有心偏向歌席。多少情懷。甚年年共憐。今夕。藥宮珠殿。還吟飄香秀筆。隱約霓裳聲度。認紫霞樓笛。獨鶴歸來。更無清夢成。覓。

癸辛雜識。買秋壑八月八日生辰。四方善頌者以數千計。悉俾翹館臚考。第其甲乙。四方傳誦。為之紙貴。奚倬然有齊天樂云。金颺吹淨人間暑。連朝弄涼新雨。萬寶功成。無人解得。秋入天機深處。閑中自歡。幾心酌乾坤。手翹霜露。護了山河。共看元影在錢兔。而今神仙正好。向青空覓箇沖澹襟宇。常念羣生。如何便肯。從我乘風去。夷遊洞府。把月杼雲機。教他兒女。水逸山明。此情天付與。

趙聞禮

閨情。字立之。號釣月。

千秋歲

鶯囀晴晝。南國春如繡。飛絮眼。凭闌袖。日長花片落。睡起眉山鬪。無箇事。沈煙一縷騰金獸。千里空回首。兩地厭厭瘦。春去也。歸來否。五更樓外月。雙燕門前柳。人不見。鞦韆院落清明後。

魚遊春水

青樓臨遠水。樓上東風飛燕子。玉鈎珠箔。密密鎖紅關翠。翦勝裁旛春日戲。簇柳簪花。元夜醉。閒憶舊歡。漫捺新淚。羅帕曉痕未洗。愁見同心雙鳳翅。長安十日輕寒。春衫未試。過盡征鶴。知幾許。不寄蕭郎書一紙。愁腸斷也。箇人知未。

風入松

麴塵風雨亂春晴。花重寒輕。珠簾捲上還重下。怕東風吹散歌聲。棋倦盃頻。畫永。粉香花豔清明。十分無處著閒情。來覓娉婷。薔薇誤罨尋春袖。倩柔荑爲補香痕。苦恨嗁鶻驚夢。何時翦燭重盟。

水龍吟 水仙花

幾年埋玉藍田。綠雲翠水烘春煖。衣薰麝馥。鞦羅塵沁。凌波步淺。鈿碧搔頭。膩黃冰腦。參差難翦。乍聲沈素瑟。天風佩冷。蹁躑舞。霓裳遍。湘浦盈盈月滿。抱相思。夜寒腸斷。含香有恨。招魂無路。瑤琴寫怨。幽韻淒涼。莫江空渺。數峰清遠。祭迎風一笑。持花酌酒。結南枝伴。

隔浦蓮近

愁紅飛眩醉眼。日淡芭蕉捲。帳掩屏香潤。楊花撲春雲暖。嗁鳥驚夢遠。芳心亂。照影收匳晚。畫眉嬾。微醒帶困。離情中酒相半。裙腰粉瘦。怕按六么歌板。簾捲層樓。探舊燕腸斷。花枝和悶重撚。

賀新郎

池館收新雨。耿幽叢。流光幾點。半侵疎戶。入夜涼風吹不滅。冷燄微茫暗度。碎影落仙盤秋露。漏斷長門空照淚。袖紗寒映竹無心願。孤枕掩。殘燈炷。練囊不照詩人苦。夜沈沈。拍手相親。駭兒癡女。欄外撲來羅扇小。誰在風

廊笑語。競戲踏金釵雙股。故苑荒涼悲舊賞。悵寒蕪衰草隨宮路。同燐火。徧秋圃。
詞旨警句。珠簾捲上還重下。

施岳

岳字仲山。號梅川。武林舊事云。施梅川。吳人。精於律呂。其卒也。楊守齋爲樹梅作亭。薛梯隱爲誌其墓。李實房書。周草窗題。蓋葬於西湖虎頭巖下。
沈義甫云。梅川音律有源流。故其聲無舛誤。讀唐詩多。故語雅淡。

水龍吟

翠鰲湧出滄溟。影橫棧壁迷煙墅。樓臺對起。欄杆重凭。山川自古。梁苑平蕪。汴堤疎柳。幾番晴雨。看天低四遠。江空萬里。登臨處。分吳楚。兩岸花飛絮舞。度春風滿城簫鼓。英雄暗老。昏潮曉汐。歸帆過艫。淮水東流。塞雲北渡。夕陽西去。正淒涼望極。中原路杳。月來南浦。

清平樂

水遙花暝。隔岸炊煙冷。十里垂楊搖嫩影。宿酒和愁都醒。（原本云此下缺六首）

解語花

雲容沍雪。莫色添寒。樓臺共臨眺。翠叢深窅。無人處。數藥弄春猶小。幽姿謾好。遙相望。含情一笑。花解語。因甚無言。心事應難表。莫待牆陰暗老。稱琴邊月夜。笛裏霜曉。護香須早。東風度。咫尺畫闌瓊沼。歸來夢繞。歌雲墜。依然驚覺。想凭時。小几銀屏冷未了。

蘭陵王

柳花白。飛入青煙巷陌。憑高處。愁鎖斷橋。十里東風正無力。西湖路咫尺。猶阻仙源信息。傷心事。還似去年。中酒慳慳度寒食。閒窗掩春寂。但粉指留紅。茸唾凝碧。歌塵不散蒙香澤。念鸞孤金鏡。雁空瑤瑟。芳時涼夜。盡怨憶。夢魂省難覓。鱗鴻渺踪跡。縱羅帕親題。錦字誰織。緘情欲寄重城隔。又流水斜照。倦簫殘笛。樓臺相望對暮色。

恨無極。

曲遊春 清明樹上

畫河西冷路。占柳陰花影。芳意如織。小楫衝波。度麴塵扇底。粉香簾隙。岸轉斜陽隔。又過盡別船簫笛。傍斷橋。翠繞紅圍。相對半篙晴色。頃刻。千山暮碧。向沽酒樓前。猶繫金勒。乘月歸來。正梨花夜綺。海棠煙霧。院宇明寒食。醉乍醒。一庭春寂。任滿身露溼。東風欲眠未得。

步月 茉莉

玉宇薰風。寶階明月。翠叢萬點晴雪。煉霜不就。散廣寒霏屑。采珠蓓綠萼露滋。噴銀豔小蓮冰潔。花魂在。纖指嫩痕。素英重結。枝頭香未絕。還是過中秋。丹桂時節。醉鄉冷境。怕翻成消歇。玩芳味春焙旋熏。貯穠韻水沈頻爇。堪憐處。輸與夜涼睡蝶。

弁陽老人原注云。茉莉。嶺表所產。古今咏者不甚多。文公會咏二絕句。鄭道鄉亦會題咏。此篇小蓮冰潔之句。狀茉莉最佳。此花四月開。直至桂花時尙有。玩芳味。古人用此花焙茶。故云。詞旨屬對。竹深水遠。臺高石出。香背沾袖。粉甲留痕。就船換酒。隨地攀花。

絕妙好詞箋卷五

陳允平

允平字君衡一字衡仲四明人著有西麓詩藁一卷續周集一卷日湖漁唱二卷

張叔夏云詞欲雅而正志之所之一爲物役則失其雅正之音近代陳西麓所作平正亦有佳者

絳都春

鞦韆倦倚。正海棠半坼。不奈春寒。殢雨弄晴。飛梭庭院。繡簾間。梅妝欲試芳情。嬾翠顰愁入眉彎。霧蟬香冷。霞綃淚搵。恨襲湘蘭。悄悄池臺步晚。任紅醺杏靨。碧沁苔痕。燕子未來。東風無語。又黃昏。琴心不度春雲遠。斷腸難託。曉鶻夜深猶倚。垂楊二十四闌。

日湖漁唱自注云。舊上聲韻。今改平聲。

瑞鶴仙

燕歸簾半捲。正漏約瓊籤。笙調玉琯。蛾眉畫來淺。甚春衫懶試。夜燈慵翦。香溫夢暖。訴芳心。芭蕉未展。眇雙波。望極江空。二十四橋凭徧。蔥蒨銀屏。綵鳳霧帳金蟬。舊家坊院。煙花弄晚。芳草恨。斷魂遠。對東風無語。綠陰深處。時見飛紅數片。算多情尙有黃鸝。向人覓覓。

思佳客

錦幄沈沈寶篆殘。惜春無語倚闌干。庭前芳草空惆悵。簾外花飛自往還。金屋靜。玉簫閒。一樽芳酒駐紅顏。東風落盡餘醺雪。滿地清香夜不寒。

戀繡衾

多情無語斂黛眉。寄相思。偏仗柳枝。待折向樽前唱。奈東風吹作絮飛。歸來醉抱琵琶睡。正酒醒香盡漏移。無賴是梨花夢。被月明偏照翠帷。

唐多令

休去采芙蓉。秋江烟水空。帶斜陽一片征鴻。欲頓閒愁無頓處。都著在，兩眉峯。心事寄題紅。畫橋流水東。斷腸人無奈秋濃。回首層橋歸去懶。早新月，挂梧桐。

滿江紅 和清真韻

目斷烟江。相思字難憑。鴈足。從別後。翠眉慵。素腰如束。困倚牙牀春繡。釧金斜隱香頰肉。畫漸長。誰與對文枰。翻新局。枝上鵲。心期卜。芳草暗。西廂曲。謝多情。海燕伴愁華屋。明月空圓。雙蝶夢。綵雲難駐。孤鷺宿。任畫簾不捲。玉鉤閒。楊花撲。

秋藥香

晚酌宜城酒。媛玉輭嫩紅潮面。醉中窈窕度嬌眼。不識愁深愁淺。繡窗一縷香絨綫。繫雙燕。海棠滿地夕陽遠。明月笙歌別院。

一落索

欲寄相思愁苦。倩流紅去。淚花寫不斷離懷。都化作無情雨。渺渺暮雲江樹。淡烟橫素。六橋飛絮夕陽西。盡總是春歸處。

垂楊

銀屏夢覺漸淺黃嫩綠。一聲鶯小。細雨輕塵。建章初閉東風悄。依然千樹長安道。翠雲鎖玉窗深窈。斷腸人空倚斜陽。帶舊愁多少。還是清明過了。任烟縷露條。碧織青嫋。恨隔天涯。幾回惆悵蘇隄曉。飛花滿地誰爲掃。甚薄倖隨波縹緲。縱嗁鶻不喚春歸人自老。

詞旨警句。燕子未來。東風無語。又黃昏。琴心不度春雲遠。斷腸難托嗁鶻。夜深猶倚。垂楊二十四闌。（降都春）

寄相思。偏仗柳枝。待折向樽前唱。怕東風吹作絮飛。（總備金）

日湖魚唱。齊天樂。澤國樓閣賦云。湖光偶在闌干外。凭虛遠迷三楚。舊柳猶青。平蕪自碧。幾度朝昏烟雨。天涯。匪倦旅。愛小卻遊。共揮談麈。頓覺塵席。宦情高下等風絮。芝山蒼翠縹緲。黯然仙夢杳。吟思飛去。故國樓臺。斜陽巷陌。回首白雲何處。無心訪古。對雙塔樓。鷓鴣半汀歸鷺。立盡荷香。月明人笑語。綺羅香秋用云。鴈字。

蒼寒。蚤疏翠冷。又是淒涼時候。小揭珠簾。衣潤唾。花羅幃。鏡曉鷺獨立衰荷。迴歸燕向樓殘砌。想黃花羞避東籬。斷無新句到重九。孤檠清夢易覺。腸斷唐宮舊事。聲迷宮漏。滴入愁心。秋似玉樓人瘦。烟檻外。催下梧桐。帶西風。亂拍鴛鴦。記畫簷。燈影沈沈。共裁春夜韭。

張炎山中白雲解連環拜陳西麓墓云。句章城郭。問千年往事。幾回歸鶴。嘆貞元朝士無多。又日冷湖陰。柳邊門鎖。向北來時。無處認。江南花落。燈荷衣未改。病損茂陵。終是蕭索。山中故人去卻。但碑寒峴首。舊景如昨。悵二喬空老春深。正歌斷簾空。草昏銅雀。楚明難招。被萬疊間雲迷著。料應是聽風聽雨。朗吟夜壑。原注。山中樓扁。萬疊雲。

張 樞

樞字斗南。號寄閒。西秦人。居臨安。循王之後。善詞。名世。子炎。能傳其家學。見鄧牧伯牙琴。

瑞鶴仙

捲簾人睡起。放燕子歸來。商量春事。風光又能幾。減芳菲都在。賣花聲裏。吟邊眼底。披嫩綠移紅換紫。甚等閒半委東風。半委小溪流水。還是苦痕滿兩。竹影留雲。待晴猶未。蘭舟靜熾。西湖上。多少歌吹。粉蝶兒守定。落花不去。溼重尋香兩翅。怎知人一點新愁。寸心萬里。

風入松

春寒懶下碧雲樓。花事等閒休。紅絲溼透鞦韆索。記伴仙曾倚嬌柔。重疊黃金約臂。玲瓏翠玉搔頭。熏爐誰熨煖衣篝。消遣酒醒愁。舊巢未著新來燕。任珠簾不上瓊鉤。何處東風院宇。數聲揭調甘州。

南歌子

柳戶朝雲溼。花窗午篆清。東風未放十分晴。留戀海棠顏色。過清明。壘潤樓新燕。籠深鎖舊鶯。琵琶可是不堪聽。無奈愁人把做。斷腸聲。

謁金門

春夢怯。人靜玉闥平帖。睡起眉心端正貼。綽枝雙杏葉。重整金泥蹀躞。紅皺石榴裙褶。款步花陰尋蛺蝶。玉纖

和粉捻。

慶宮春

斜日明霞。殘虹分雨。輕風淺掠蘋波。聲冷瑤笙。情疏寶扇。酒醒無奈秋何。彩雲輕散。漫敲缺銅壺浩歌。眉痕留怨。依約遠峯。學斂雙蛾。銀牀露洗涼柯。屏掩香銷。忍掃裊羅。楚驛梅邊。吳江楓畔。庾郎從此愁多。草蟲喧砌。料催織迴文鳳梭。相思遙夜。簾捲翠樓。月冷星河。

壺中天 月夕登繪幅堂與質房各賦一解。

鴈橫迴碧。漸烟收極浦。漁唱催晚。臨水樓臺乘醉倚。雲引吟情閒遠。露腳飛涼。山眉鎖暝。玉宇冰匳滿。平波不動。桂華低印清淺。應是瓊斧修成。鉛霜擣就。舞霓裳曲徧。窈窕西窗誰弄影。紅冷芙蓉深苑。賦雪詞工。留雲歌斷。偏惹文簫怨。人歸鶴唳。翠簾十二空捲。

周密寶洲魚笛譜。瑞鶴仙湖上繪幅堂云。翠屏圍畫錦。正柳纖烟銷。花明春鏡。層欄幾回凭看。六橋烟曉。雨隄鷗暝。晴嵐隱隱。映金碧樓臺遠近。謾會誇。萬幅丹青畫幅。畫應難盡。那更波涵月影。露裏蓮妝。水描梅影。詞朱弄紛。憑誰寫。四時景。問玉函。西子山眉波盼。多少濃施淡暈。算何如。付與吟翁。緩吟細品。按弁陽詞。繪幅堂在湖上。考武林舊事諸書不載。始末未詳。

詞旨屬對。金谷移春。玉壺貯暖。擁石池臺。約花闌檻。

警句甚等閒。半委東風。半委小溪流水。(瑞鶴仙)粉蝶兒守定落花不去。慳重尋香雨翅。(同上)雲引吟

情閒遠。(壺中天)

詞眼。移紅換紫。

陳允平日湖漁唱。木蘭花慢。和李質房題張寄問家園韻云。愛吟休閒。渡為詩句。幾憑闌。有可畫亭臺。宜春帳箔。如寄身閒。宵中四時勝景。小蓬萊。幻出五雲間。一掬蘋香暗沼。半梢松影。虛壇相看倦。羽久知還。回首鷺盟寒。記步履尋雲。呼燈驟用。越嶺吳巒。幽情未應共艱。把周郎舊曲譜新翻。簾外垂楊自舞。為君時按弓彎。

李 演

演。字廣翁。號秋堂。有盟鷗集。

摸魚兒 太湖

又西風四橋疏柳。驚蟬相對秋語。瓊荷萬笠花雲重。娟娟紅衣如舞。鴻北去。渺岸芷汀芳幾點斜陽字。吳亭舊樹。又繫我扁舟。漁鄉釣里。秋色淡歸鷺。長干路。草莽疏烟斷墅。商歌如寫羈旅。丹溪翠岫登臨事。苔屐尙黏蒼土。鷗且住。怕月冷吟魂婉冉空江暮。明燈暗浦。更短笛銜風。長雲弄晚。天際畫秋句。

聲聲慢 問梅孤山

輕鷗繡谷。柔屐烟隄。六年遺賞新續。小舫重來。惟有寒沙鷗熟。徘徊舊情易冷。但溶溶翠波如縠。愁望遠。甚雲銷月老。莫山自綠。嘖笑人生悲樂。且聽我樽前。漁歌樵曲。舊閣塵封。長得樹陰如屋。淒涼五橋歸路。載寒秀一枝疏玉。翠袖薄。晚無言空倚修竹。

逸昌雜錄云。錢唐湖上。舊多行樂處。西太乙宮。四聖觀。皆在孤山。西太乙成後。西出斷橋。次蘇公隄。皆植花柳。時時有小亭館可憩。宮有景福之門。迎真之館。黃庭之殿。結構之巧。丹雘之麗。真擅葦葦道山之勝。余童時。尙記孤山之陰。一小亭在高阜上。曰歲寒。樓亭皆古梅。下臨水曰挹翠閣。上下皆拱斗砌成。極爲宏麗。

醉桃源 題小扇

雙鴛初放步雲輕。香簾蒸未晴。杏鎔暗淚結紅冰。留春蝴蝶情。寒薄薄。日陰陰。錦鳩花底鳴。春懷一似草無憑。東風吹又生。

南鄉子 夜晏燕子樓

芳水戲桃英。小滴燕支浸綠雲。待覓瓊觚藏綵信。流春。不似題紅易得沈。天上許飛瓊。吹下蓉笙染玉塵。可惜素鸞留不得。更深。誤翦燈花斷了心。

八六子 次眞房韻

乍鷗邊。一番腴綠。流紅又怨蘋花。看晚吹約晴歸路。夕陽分落漁家。輕雲半遮。縈情芳草無涯。還報舞香一曲。

玉瓢幾許春華。正細柳青烟。舊時芳陌。小桃朱戶。去年人面。誰知此日重來繫馬。東風淡墨敲鴉。黯窗紗。人歸綠陰自斜。

祝英臺近 次真房韻

采芳躋。縈去縹。歸步翠微雨。柳色如波。縈恨滿煙浦。東君若是多情。未應花老。心已在綠成陰處。困無語。柔被裏損梨雲。閒修牡丹譜。妒粉爭香。雙燕爲誰舞。年年紅紫如塵。五橋流水。知送了幾番愁去。

莫 崑

崑。字子山。號雨山。紅都人。寓家丹徒。度宗咸淳四年。陳文龍榜進士。見正德丹徒縣志。

水龍吟

鏡寒香歇。江城路。今度見春全懶。斷雲過雨。花前歌扇。梅邊酒琖。離思相欺。萬絲縈繞。一襟銷黯。但年光暗換。人生易感。西歸水。南飛雁。也擬與愁排遣。奈江山遮攔不斷。嬌語夢語。溼熒熒。嗁袖。迷心醉眼。繡轂華裯。錦屏羅薦。何時拘管。但良宵空有。亭亭霜月。作相思伴。

玉樓春

綠楊芳徑鶯聲小。簾幙烘香桃杏曉。餘寒猶峭雨疏疏。好夢自驚人悄悄。憑君莫問情多少。門外江流羅帶繞。直饒明日便相逢。已是一春閒過了。

生查子

三兩信涼風。七八分圓月。愁緒到今年。又與前年別。衾單容易寒。燭暗相將滅。欲識此時情。聽取鳴蛩說。

卜算子

紅底過絲明。綠外飛絲小。不道東風上海棠。白地春歸了。月笛曲欄留。露鳥芳池繞。爭得閒情似舊時。徧索簷花笑。

詞旨警句。但良宵空有。亭亭霜月。作相思伴。(水龍吟)

丁 宥

宥。字基仲。號宏菴。

水龍吟

鴈風吹裂雲痕。小樓一綫斜陽影。殘蟬抱柳。寒蛩入戶。淒音忍聽。愁不禁秋。夢還驚客。青燈孤枕。未更深。早是梧桐。相眩露。那更度。蘭宵永。空嘆銀屏金井。醉鄉醒。溫柔鄉冷。征塵倦撲。閒花謾舞。何心管領。蔥指冰絃。蕙懷春錦。楚梅風韻。悵芙蓉城杳。藍雲依黯。鎖巫峯暝。

吳文英夢窗甲稿。高山流水。丁基仲側室。垂絲桐賦詠。曉達音律。備歌舞之妙云。素絃一一起秋風。寫柔情。都
在春蔥。微外斷腸聲。霜響暗落鶯鳩。低翠處。翦綠裁紅。仙郎伴。新製還廢舊曲。映月簾櫳。似名花並蒂。日日醉
春濃。吳中空傳有西子。應不解換徵移宮。蘭蕙滿襟懷。唾碧總噴花茸。後堂深。想費春工。客愁重。時聽蕉窗雨
碎。淚溼瓊鍾。恁風流也。稱金屋貯嬌慵。按基仲水龍吟。蔥指冰絃。蕙懷春錦。又云。悵芙蓉城杳。當是悼其側室
而作。觀夢窗詞。可證也。

詞旨屬對。疏綺簾寒。淺雲樓月。蟬碧句花。鴈紅攢月。
警句。鴈風吹裂雲痕。小樓一綫斜陽影。(水龍吟)倩陰一架。顛顛藉菊醉花碧。(六么令)

儲 泳

泳。字文卿。號華谷。雲間人。著華谷祛疑說。

齊天樂

東風一夜吹寒食。紅片枝頭猶戀。宿酒初醒。新吟未穩。凭久闌干留暖。將春買斷。恨苔徑榆階。翠錢難贖。陌上鞦韆。相逢難認舊時伴。輕衫粉痕褪了。絲緣餘夢在。良宵偏短。柳綫穿烟。鶯梭織霧。一片舊愁新怨。慵拈象管。待寄與深情。怎憑雙燕。不似楊花。解隨人去遠。

趙汝仕

後世。字叔午。一作叔魯。號寒泉。樂清人。登嘉定進士。食剡雷州。請官而卒。宋史宗室世系表。商王元份八世孫。善折第三子。

清平樂

初鶯細雨。楊柳低愁縷。烟浦花橋如夢裏。猶記倚樓別語。小屏依舊圍香。恨拋薄醉殘妝。判卻寸心雙淚。爲他花月淒涼。

樓

扶 椽案扶。當據淳祐四年圓通殿記作扶。从木旁。鎗之孫也。（又有樓臚舉者名扶。別是一人。）

扶。字叔茂。號梅麓。景定建康志云。樓扶。端平中沿江制置司幹官。泰州志云。淳祐間知泰州軍事。延祐四明志云。靈應廟。鄞人樓扶爲記。

水龍吟 次清真梨花韻

素娥洗盡繁妝。夜深步月鞦韆地。輕腮暈玉。柔肌籠粉。緇塵斂避。霽雪留香。曉雲同夢。昭陽宮閉。悵仙園路杳。曲欄人寂。疏雨溼。盈盈淚。未放游蜂葉底。怕春歸不禁狂吹。象牀困倚。冰魂微醒。鶯聲喚起。愁對黃昏。恨催寒食。滿襟離思。想千紅過盡。一枝獨冷。把梅花比。

菩薩蠻

絲絲楊柳鶯聲近。晚風吹過鞦韆影。寒色一簾輕。燈殘夢不成。耳邊消息在。笑指花梢待。又是不歸來。滿庭花自開。

延祐四明志。招寶山宋梅麓。樓公扶登山。山名園春云。開闢以來。便有此山。獨當怒濤。正秋空萬里。寒催雁信。塵寰一簇。輕算鳩毛。小可詩情。尋常酒量。到此應須分外豪。難爲水。笑平生。未有此番登高。飄飄身躡金鷺。嘆終日風波無限勞。看檣烏縹緲。帆歸遠浦。塵魚雜沓。網帶餘罾。待約詩人。相將月夜。取次攜盃持酒。整。乘槎意。問誰人領解。空立亭皋。詞鐫崖石。今不存。

史介翁

樓扶 史介翁 周端臣 楊子咸

介翁。字吉父。號梅屋。

菩薩蠻

柳絲輕颺黃金縷。織成一片紗窗雨。鬪合做春愁。因慵熏玉篝。暮寒羅袖薄。社雨催花落。先自爲詩忙。薔薇一陣香。

周端臣

端臣。字彥良。號葵窗。武林舊事云。御前應制。

木蘭花慢 送人之官九華

霜芳陰未解。乍天氣。過元宵。訝客袖猶寒。吟窗易曉。春色無聊。梅梢尙留顧藉。滯東風未肯雪輕飄。知道詩翁欲去。遞香要送蘭橈。清標會上叢霄。千里阻。九華遙。料今朝別後。他時有夢。應夢今朝。河橋柳愁未醒。贈行人又恐越魂銷。留取歸來繫馬。翠長千縷柔條。

方輿勝覽云。九華山在池州青陽縣界。舊名九子山。李白以峯如蓮花。改名九華。

玉樓春

華堂簾幙飄香霧。一搦楚腰輕束素。翩躚舞態燕還驚。綽約妝容花盡妒。樽前謾詠高唐賦。巫峽雲深留不住。重來花畔倚闌干。愁滿闌干無倚處。

楊子咸

子咸。號學舟。

木蘭花慢 雨中茶園

紫凋紅落後。忽十丈。玉蚪橫。望衆綠幃中。藍田璞碎。鮫室珠傾。柔條繫風無力。更不禁連日峭寒清。空與蕤圓香夢。枉教鶯訴春情。深深苔徑悄無人。闌檻溼香塵。嘆寶髻鬆鬆。粉鉛狼藉。誰管飄零。不愁素雲易散。恨此花開後更無春。安得胡牀月夜。玉醅滿蘸瑤英。

楊 恢 林按別本作楊恢，說

恢。字充之。號西村。眉山人。

二 郎 神 用徐幹臣韻

瑣窗睡起。閒吟立海棠花影。記翠檝銀塘。紅牙金縷。杯泛梨花冷。燕子銜來相思字。道玉瘦不禁春病。應蝶粉半銷。鴉雲斜墜。暗塵侵鏡。還省香痕碧唾。春衫都凝。悄一似茶蘼。玉肌翠帔。消得東風喚醒。青杏單衣。楊花小扇。閒卻晚春風景。最苦是。蝴蝶盈盈弄晚。一簾風靜。

揮毫餘話云。徐伸。字幹臣。三衢人。政和初。以知音律爲太常典樂。出知常州。嘗自製轉調二郎神云。悶來彈韻。又攪碎一簾花影。謾試著春衫。還思纖手薰微。金虬爐冷。動是愁端如何向。但怪得新來多病。嗟舊日沈腰。如今潘鬢。怎堪臨鏡。重省別時。淚滴羅襟猶凝。想爲我。厭厭日高慵起。長託春醒未醒。雁足不來。馬嘶難駐。門掩一庭芳景。空佇立。盡日闌干倚徧。畫長人靜。既成。會開封尹李孝壽。來牧吳門。李以嚴治京兆。號李剛羅。道出郡下。幹臣大合樂燕勞之。噲琴娼令誦此詞。必待其問乃止。娼如戒。歌至三四。李果詢之。幹臣蹙頰云。某頃有一侍婢。色藝冠絕。前歲以亡室不容逐去。今聞在蘇州一兵官處。屢遣信欲復來。而今之主公斬之。感愴賦此。詞中所敘。多其書中語。適有天幸。公擁麾於彼。不審能爲我致之否。李云此甚不難。可無慮也。既次無錫。賓贊者請受謁次第。李云郡官當至楓橋。橋距城十里而遠。翼日獲舟其所。官吏上下。望風股栗。李一閱刺字。忽大怒云。都監在法不許出城。乃亦至此。使郡中萬一有火盜之虞。豈不殆哉。斥都監下階。荷校送獄。又數日。取其供贖。判奏字。其家震懼。求援宛轉。哀鳴致懇。李笑云。且遺徐典樂之妾了來理會。兵官者解其指。卽日承命。然後舍之。

倦尋芳

錫簫吹暖。蠟燭分烟。春思無限。風到棟花。二十四番吹徧。烟溼濃堆楊柳色。畫長閒。墜梨花片。悄簾櫳聽幽禽對語。分明如翦。記舊日西湖行樂。載酒尋春。十里塵鞭。背後腰肢。彷彿畫圖曾見。宿粉殘香隨夢冷。落花流水和天遠。但如今。病厭厭。海棠池館。

楊 恢

滿江紅

小院無人。正梅粉一階狼藉。疏雨過。溶溶天氣。早如寒食。曉鳥驚回芳草夢。峭風吹淺桃花色。漫玉爐沈水熨春衫。花痕碧。綠穀水。紅香陌。紫桂權。黃金勒。悵前歡如夢。後遊何日。酒醒香消人自瘦。天空海闊春無極。又一林新月照黃昏。梨花白。

祝英臺近

宿醒蘇。春夢醒。沈水冷金鴨。落盡桃花。無人掃紅雪。漸催煮酒園林。單衣庭院。春又到。斷腸時節。恨離別。長憶人立茶糜。珠簾捲香月。幾度黃昏。瓊枝爲誰折。都將千里芳心。十年幽夢。分付與一聲鷓鴣。

又 中秋

月如冰。天似水。冷浸畫欄溼。桂樹風前。釀香半狼藉。此翁對此良宵。別無可恨。恨只恨古人頭白。洞庭窄。誰道臨水樓臺。清光最先得。萬里乾坤。元無片雲隔。不妨彩筆雲箋。翠尊冰醞。自管領一庭秋色。

八聲甘州

摘青梅薦酒甚殘寒。猶怯苧蘿衣。正柳腴花瘦。綠雲冉冉。紅雪霏霏。隔屋秦箏依約。誰品春詞。回首繁華夢。流水斜暉。寄隱孤山山下。但一瓢飲水。深掩苔扉。羨青山有思。白鶴忘機。悵年華不禁搔首。又天涯彈淚送春歸。銷魂遠。千山啼鴉。十里茶糜。

詞旨警句。燕子銜來相思字。道玉液。不禁春病。（二郎神）宿粉殘香隨夢冷。落花流水和天遠。（倦尋芳）都將千里芳心。十年幽夢。分付與一聲啼鴉。（祝英臺近）不妨彩筆雲箋。翠尊冰醞。自管領一庭秋色。（祝英臺近）

涪溪集。眉山楊牧游涪溪詞云。碧崖倒影。侵一片寒江如練。正岸岸梅花。村村修竹。喚醒春風筆現。拆水舟輕輕如葉。只消得溪風一箭。看水部雄文。太師健筆。月寒波卷。游倦片雲孤鶴。紅湖都徧。嶽金屋藏妖。續屏包禍。欲與三郎痛辨。回首前朝。斷魂殘照。幾度山花崖薛。無限都付猿尊。漠漠水天遠。按此詞甚佳。惜不著詞名。

樂望遠。鼓吹。祝英臺近。丁巳莫春。訪楊百村湖上樓舊云。小船兒。雙去。紅溼海棠雨。燕子歸時。芳草暗南浦。自從翠袖香銷。明瑤聲斷。怕回首。舊尋芳處。向誰語。可憐金屋無人。冷落鳳簫譜。翠入殘花。娥眉爲誰。嬾斷腸明月天涯。春風海角。恨不做楊花飛去。

何光大

光大。字謙履。號半湖。

謁金門

天似水。池上蕩花風起。隔岸垂楊青到地。亂螢飛又止。露溼玉闌閒倚。人靜自生涼意。泛碧沈朱供晚醉。月斜纔去睡。

趙潛

潛。字元晉。號冰壺。潭州人。忠靖公葵子。咸淳中沿江制置使。知建康府。宋季三朝政要云。廣王登極於福州。改元景炎。以趙潛爲江西制置使。進兵邵武。山房隨筆云。趙靜齋淮被執。死於瓜洲。其兄冰壺潛。自京口遷金陵。北兵至。棄家而遁。南徙不返。死葬海旁山上。

臨江仙

西湖春泛

隄曲朱牆近遠。山明碧瓦高低。好風二十四花期。驕鸞穿柳去。文艫挾春飛。簫鼓晴雷殷殷。笑歌香霧霏霏。閒情不受酒禁持。斷腸無立處。斜日欲歸時。

吳山青

水仙

金璞明。玉璞明。小小盃椀翠袖擎。滿將春色盛。仙珮鳴。玉珮鳴。雪月花中過洞庭。此時人獨清。

趙洪

洪。字元建。葵次子。宋末。直龍圖閣。廣南東路發運使。加右文殿修撰。尚書。刑部侍郎。元至元間。行省承制。署廣東宣撫使。入見世祖。拜湖廣道宣慰使。卒贈湖廣行省參知政事。追封天水郡公。諡文惠。有文集二十卷。圖繪

何光大 趙潛 趙洪 毛珩 潘希白 李珣

寶鑑云。趙洪。號平遠。又號太初道人。故合而曰平初。又號靜菴翁。

謁金門

吟望直。春在闌干咫尺。山插玉壺花倒立。雪明天混碧。曉露絲絲瓊滴。虛揭一簾雲溼。猶有殘梅黃半壁。香隨流水急。

詞旨警句。春在闌干咫尺。(謁金門)

毛珣

珣。字元白。號吾竹。柯山人。有吾竹小彙一卷。

浣溪紗 桂

綠玉枝頭一粟黃。碧紗帳裏夢魂香。曉風和月步新涼。吟倚畫欄懷李賀。笑持玉斧恨吳剛。素娥不嫁爲誰妝。

潘希白

希白。字履古。號漁莊。永嘉人。寶祐中登第。幹辦臨安府節制司公事。德祐中起史館檢校。不赴。

大有 九日

戲馬臺前。採花籬下。問歲華還是重九。恰歸來南山翠色依舊。簾櫳昨夜聽風雨。都不似登臨時候。一片宋玉情懷。十分衛郎清瘦。紅黃佩空對酒。磁杵動微寒。暗欺羅袖。秋已無多。早是敗荷衰柳。強整帽簷敲側。曾經向天涯搔首。幾回憶故國尊鱸。霜前鴈後。

李珣

珣。字元暉。號鷓田。吉水人。年十二。通書經。召試館職。除秘書正字。批差充幹辦御前翰林司。主管御覽書籍。除閣門宣贊舍人。初領應奉賜紫袍紅鞵小金帶。一朝士密之詩云。上直朝朝紫禁深。歸來無事只清吟。不須更借頭銜看。便是當年李翰林。有雜著四集。錢唐百詠。行於世。年八十九而終。見成化吉安府志。

擊梧桐 別西園社友

楓葉濃於染。秋正老江上。征衫寒淺。又是秦鴻過。霽烟外。寫出離愁幾點。年來歲去。朝生暮落。人似吳潮展轉。怕聽陽關曲。奈短笛喚起。天涯情遠。雙屐行春。扁舟嘯晚。憶著鷗湖鷺苑。鶴帳梅花屋。霜月後。記把山犀牢掩。惆悵明朝。何處故人相望。但碧雲半斂。定蘇隄重來時候。芳草如翦。

都城紀勝云。文士有西湖詩社。非其他社集之比。乃行都士夫及寓居詩人。舊多出名士。

木蘭花慢 寄豫章故人

故人知健否。又過了。一番秋。記十載心期。蒼苔茅屋。杜若芳洲。天遙夢飛不到。但滔滔歲月水東流。南浦春波舊別。西山暮雨新愁。吳鉤光透黑貂裘。客思晚悠悠。更何處相逢。殘更聽鴈。落日呼鷗。滄江白雲無數。約他年攜手上扁舟。鴉陣不知人意。黃昏飛向城頭。

利登

登。字履道。號碧佩。金川人。著有散齋一卷。

風入松

斷蕪幽樹際烟平。山外更山青。天南海北知何極。年年是。匹馬孤征。看盡好花結子。暗驚新筍成林。歲華情事苦相尋。弱雪鬢毛侵。十千斗酒悠悠醉。斜河界白月雲心。孤鶴盡邊天闊。清猿啼處山深。

曹憲

憲。字擇可。號松山。武林舊事云。御前應制。

玲瓏四犯 茶蘼應制

一架幽芳。自過了梅花。猶占清絕。露葉檀心。香滿萬條晴雪。肌素靜洗鉛華。似弄玉乍離瑤闕。看翠剗白鳳飛舞。不管莫鴉啼鴂。酒中風格天然別。記唐宮賜尊芳列。玉蕤喚得餘春住。猶醉迷飛蝶。天氣乍雨乍晴。長是伴牡丹時節。夜散瓊樓宴。金鋪深掩。一庭春月。

劉瀾

利登 曹憲 劉瀾 張龍榮

瀾。字發源。號江村。瀟臺律髓注云。劉瀾。天台人。嘗爲道士。還俗。學唐詩。有所悟。干謁無成。丙子年卒。

慶宮春 重登蛾眉亭感舊

春翦綠波。日明金渚。鏡光盡浸寒碧。喜溢雙蛾。迎風一笑。兩情依舊脈脈。那時同醉。錦袍壓烏紗。欹側。英游何在。滿目青山。飛下孤白。片帆誰上天門。我亦明朝。是天門客。平生高興。青蓮一葉。從此飄然入極。磯頭綠樹。見白馬書生。破敵。百年前事。欲問東風。酒醒長笛。

瑞鶴仙 海棠

向陽看未足。更露立闌干。日高人獨。江空佩鳴玉。問烟鬟霞臉。爲誰膏沐。情閒景淑。嫁東風無媒自卜。鳳臺高。貪伴吹笙。驚下九天霜鶴。紅覺。花開不到。杜老溪莊。已公茅屋。山城水國。歡易斷。夢難續。記年時馬上。人酣花醉。樂奏開元舊曲。夜歸來。駕錦漫天。絳紗萬燭。

齊天樂 吳興郡宴遇舊人

玉釵分向金華後。回頭路迷仙苑。落翠驚風。流紅逐水。誰信人間重見。花深半面。尙歌得新詞。柳家三變。綠葉陰陰。可憐不似那時看。劉郎今度更老。雅懷都不到。書帶題扇。花信風高。茗溪月冷。明日雲帆天遠。塵緣較短。怪一夢輕回。酒闌歌散。別鶴驚心。感時花淚澣。

張龍榮

龍榮。字成子。號梅溪。

摸魚兒

又吳塵暗斑吟袖。西湖深處能流。晴雲片片平波影。飛趁棹歌聲遠。回首喚。彷彿記春風共載斜陽岸。輕攜分短。恨柳密藏橋。烟濃斷徑。隔水語音換。思量徧。前度高陽酒伴。離蹤悲事何限。雙峯塔露書空穎。情共暮鴉盤轉。歸思嬾。悄不似留眠水國蓮花畔。燈簾暈滿。正蠹帙重緝。沈煤半冷。風雨閉宵館。

絕妙好詞箋卷六

李彭老

彭老字商隱，號箕房。景定建康志。李彭老，淳祐中沿江制置司屬官。

木蘭花慢

正千門繫柳。賜宮燭。散青煙。看秀鬢芳脣。塗妝暈色。試盡春妍。田田。滿階榆莢。弄輕陰。淺冷似秋天。隨處。賜香杏暖。燕飛斜。鞦韆。朱絃。幾換華年。扶淺醉。落紅前。記舊時游冶。燈樓倚扇。水院移船。吟邊。夢雲飛遠。有題紅都。在薛濤牋。聽絕殘簫倦笛。夜堂明月。窺簾。

壺中天 登寄開吟臺

青鷗蕩碧。喜雲飛寥廓。清透涼宇。倦鶻驚翻臺榭迴。葉葉秋聲歸樹。珠斗斜河。冰輪輾霧。萬里青冥路。蕪深屏翠。桂邊滿袖風露。煙外冷逼玻璃。漁郎歌杳。擊空明歸去。怨鶴知更。蓮漏悄。竹裏篩金簾戶。短髮吹寒。閒情吟遠。弄影花前舞。明年今夜。玉樽知醉何處。

高陽臺 落梅

飄粉杯寬。盛香袖小。青青半掩苔痕。竹裏遮寒。誰念減盡芳雲。么鳳叫晚吹晴雪。料水空烟冷西泠。感凋零。殘縷遺鈿。迤邐成塵。東園曾趁花前約。記按箏籌酒。戲挽飛瓊。環珮無聲。草暗臺榭春深。欲倩怨笛傳清譜。怕斷霞難返吟魂。轉銷凝。點點隨波。望極江亭。

法曲獻仙音 官園賦梅繼草窗韻

雲木槎枒。水荻搖落。瘦影半臨清淺。翠羽迷空。粉容羞曉。年華柱絃頻換。甚何遜。風流在。相逢共寒晚。總依黯。念當時看花游冶。曾錦纜移舟。寶箏隨輦。池苑鎖荒涼。嗟事逐鴻飛天遠。香徑無人。甚蒼蘚黃塵自滿。聽鴉嚙春寂。暗雨蕭蕭吹怨。

一萼紅 寄弁陽翁

李彭老

過薔薇。正風喧雲瘴。春去未多時。古岸停橈。單衣試酒。滿眼芳草斜暉。故人老。經年賦別。鏡暈裏相對。夜何其。泛剡清愁。買花芳事。一卷新詩。流水孤帆漸遠。想家山猿鶴。喜見重歸。北阜尋幽。青津問釣。多情楊柳依依。最難忘吟邊舊雨。數菖蒲。老是來期。幾夕相思。夢繞飛繞蘋溪。（蘇案喧當作喧）

高陽臺 寄題蘇壁山房

石筍埋雲。風篁嘯晚。翠微高處幽居。縹緲雲籤。人間一點塵無。綠深門戶。看堆牀寶晉圖書。儘蕭閒浴硯臨池。滴露研朱。舊時曾寫桃花扇。弄霏香秀筆。春滿西湖。松菊依然。柴桑自愛吾廬。冰絃玉麈風流在。更秋蘭香染衣裾。照窗明小字珠璣。重見歐虞。

佩楚軒客談云。金應柱。字一之。雅標度。能歐書。受知買似道。居西湖南山中。築蘇壁山房。左弦右壺。中設圖史。客至。撫摩詩玩。清談纒纒。每肩輿入城府。幅巾篋衣。望之若神仙然。

探芳訊 湖上春遊繼草窗韻

對芳晝。甚怕冷添衣。傷春疏酒。正緋桃如火。相看自依舊。閒簾深掩梨花雨。誰問東陽瘦。幾多時。漲綠鶯枝。墮紅鴛鴦。隄上寶鞍驟。記草色薰晴。波光搖岫。蘇小門前。題字尙存否。繁華短夢隨流水。空有詩千首。更休言張緒風流似柳。

祝英臺近

杏花初。梅花過。時節又春半。簾影飛梭。輕陰小庭院。舊時月底鞦韆。吟香醉玉。會細聽歌珠一串。忍重見。描金小字題情。生綃合歡扇。老了劉郎。天遠玉簫伴。幾番鶯外斜陽。欄杆倚徧。恨楊柳遮愁不斷。

鬪莎行 題草窗十擬後

紫曲迷香。綠窗夢月。芳心如對春風說。蠻牋象管寫新聲。幾番曾試瓊壺缺。（一作缺） 庾信書愁。江淹賦別。桃花紅雨梨花雪。周郎先自足風流。何須更擬秦笙咽。

浪淘沙

潑火雨初晴。草色青青。傍簷垂柳賣春鶯。畫舫載花花解語。縮燕吟鶯。簫鼓入西泠。一片輕陰。鈿車羅蓋競詩

城。別有水窗人喚酒。弦月初生。

四字令

蘭湯晚涼。鸞釵半妝。紅巾膩雪吹香。擘蓮房賭雙。羅紈素璫。冰壺露牀。月移花影西廂。數流螢過牆。

生查子

羅襦隱繡茸。玉合銷紅豆。深院落梅鈿。寒峭收燈後。心事卜金錢。月上鵝黃柳。拜了夜香休。翠被聽春漏。

詞旨屬對。紫曲迷香。綠窗夢月。暗雨敲花。柔風過柳。

警句。明年今夜。玉尊知醉何處。(壺中天)閒簾深掩梨花雨。誰問東陽瘦。(探芳訊)幾番鶯外斜陽。闌干倚徧。恨楊柳送愁不斷。(祝英臺近)

樂府補題。李彭老天香賦龍涎香云。搗麝成塵。薰蕙注露。風酣百和花氣。品重雲頭。葉翻蕉樣。共說內家新製。波浮梅味。誰喚覺。鮫人春睡。清瀾俱鏡。片腦芬氲。半是沈水。相逢酒邊雨外。火初溫。翠爐香細。不似寶珠金縷。領巾紅墜。苟令如今憔悴。銷未盡。當時愛香意。爐暖鏡寒。秋聲素被。摸魚兜賦。薄云。過垂虹。四橋飛雨。沙痕初漲。春水。鯉波十里吳歛遠。綠萼半紫船尾。連復碎。愛滑卷。青綃香裊冰絲細。山人雋味。笑杜老無情。香羹碧瀾。空徂賦芹美。歸期早。誰似季鷹高致。鱸魚相伴。菰米。紅塵如海。邱園夢。一葉又秋風起。湘湖外。看采擷芳條。際曉隨魚市。舊游漫記。但望裏。紅南。素餐寶鏡。渺渺隔燈水。

吳文英夢窗乙稿。絳都春爲李質房量珠賀云。情黏舞線。悵駐馬鬪橋。天寒人遠。旋翦露痕。移得春嬌栽瓊苑。流鶯浪語。煙中怨恨。三月飛花零亂。豔陽歸後。紅蕖翠掩。小坊幽院。誰見。新腔按徹背燈暗。共倚寶屏蔥蒨。繡被夢輕。金屋裝深沈香。梅重洗春風面。正溪上參橫月轉。並禽飛上金沙。瑤香霧縠。

李萊老

萊老。字周隱。號秋崖。新定續志。嚴州知州。李萊老咸淳六年任。

惜紅衣 寄弁陽翁

笛送西泠。帆過杜曲。畫陰芳綠。門巷清風。還尋故人書屋。蒼華髮冷。笑瘦影相看如竹。幽谷。煙樹曉鶯。訴經年愁。

李萊老

獨。殘陽古木。書畫歸船。愔愔又南北。賓州鷗鷺。素熟舊盟續。甚日。皓歌招隱。聽雨弁陽同宿。料重來時候。香蕩幾灣紅玉。

青玉案 草窗詞卷

吟情老盡江南句。幾千萬垂絲縷。花冷絮飛寒食路。漁煙鷗雨。燕昏鶯曉。總入昭華譜。紅衣妝靚涼生緒。環碧斜陽舊時樹。拈葉分題觴詠處。荀香猶在。庾愁何許。雲冷西湖賦。

揚州慢 瓊花次韻

玉倚風輕。粉凝冰薄。土花祠冷無人。聽吹簫月底。傳暮草金城。笑紅紫紛紛成雨。遡空如蝶。肯墮珠塵。嘆而今杜郎。還見應賦悲春。佩環何許。縱無情鶯燕猶驚。悵朱檻香銷。綠屏夢杳。腸斷瑤瓊。九曲迷樓依舊。沈沈夜想。竟行雲。但荒煙幽翠。東風吹作秋聲。

山房隨筆云。揚州瓊花。天下祇一本。土大夫愛重。作亭花側。榜曰無雙。德祐乙亥。北師至。花遂不榮。趙棠園炎有絕句弔曰。名擅無雙氣色雄。忍將一死報東風。他年我若修花史。合傳瓊妃烈女中。

謁金門

春意態。閒卻遠山橫黛。香徑莓苔嗟粉壞。鳳韉雙鬪綵。折得花枝嬾戴。猶戀鴛鴦飛蓋。舊恨新愁都只在。東風吹柳帶。

浪淘沙

榆火換新煙。翠柳朱簷。東風吹得落花顛。簾影翠梭懸繡帶。人倚鞦韆。猶憶十年前。西子湖邊。斜陽催入畫樓船。歸醉夜堂歌舞月。拚卻春眠。

生查子

妾情歌柳枝。郎意憐桃葉。羅帶縮同心。誰信愁千結。樓上數殘更。馬上看新月。繡被怨春寒。怕學鴛鴦疊。

高陽臺 落梅

門掩香殘。屏搖夢冷。珠鈿糝綴芳塵。臨水牽花。流來疑是行雲。辭梢空挂淒涼月。想鶴歸猶怨黃昏。黯銷凝人老。

天涯鴈影沈沈。斷腸不在聽橫笛。在江皋解佩。翳玉飛瓊。煙溼荒村。背春無限愁深。迎風點點飄寒粉。悵秋孃滿袖。嗚痕更關情。青子懸枝。綠樹成陰。

木蘭花 寄題慈壁山房

向煙霞堆裏。著吟屋。最高層。望海日翻紅。林霏散白。猿鳥幽深。雙岑倚天翠溼。看浮雲收盡。雨還晴。晴色千松逗冷。照人眼底長青。閒情。玉塵風生。暮繭字。校鵝經。愛靜繙紺帙。芸臺斐几。荷製蘭纓。分明晉人舊隱。掩巖扉。月午籟沈沈。三十六梯樹杪。遡空遙想登臨。

清平樂

綠窗初曉。枕上聞嗚鳥。不恨王孫歸不早。只恨天涯芳草。錦書紅淚千行。一春無限思量。折得垂楊寄與。絲絲都是愁腸。

臺城路 寄弁陽翁

半空河影流雲碎。亭皋嫩涼收雨。井葉還驚。江蓮亂落。弦月初生商素。堂深幾許。漸爽入雲幃。翠綃千縷。紈扇思疏。晚螢光冷照窗戶。文園憔悴頓老。又西風暗換。絲囊無數。鐙外殘燼。琴邊瘦枕。一一情傷遲暮。故人勸旅。料渭水長安。感時吟苦。政自多愁。砌蛩終夜語。

浪淘沙

寶押繡簾斜。鶯燕誰家。銀箏初試合琵琶。柳色春羅裁袖小。雙戴桃花。芳草滿天涯。流水韶華。晚風楊柳綠交加。閒倚闌干無藉在。數盡歸鴉。

杏花天

年時中酒風流病。正雨暗。靡蕪深徑。人家寒食煙初禁。狼藉梨花雪影。西湖夢紅沈翠冷。記舞板歌裙厮趁。斜陽苦與黃昏近。生怕畫船歸盡。

小重山

畫檐簪柳碧如城。一簾風雨裏。過清明。吹簫門巷冷無聲。梨花月。今夜負中庭。遠岫斂修頰。春愁吟入譜。付鶯

鶯。紅塵沒馬翠埋輪。西冷曲。歡夢絮飄零。

詞旨警句。歸辭夜堂歌舞月。拚卻春風。(浪淘沙)詞眼。魚煙歸用。燕昏鶯曉。

應鑿孫

鑿孫。字堯成。號芝室。

霓裳中序第一

愁雲翠萬疊。露柳殘蟬空抱葉。簾捲流蘇寶結。乍庭戶嫩涼。闌干微月。玉纖勝雪。委素紈塵鎖香篋。思前事鶯期燕約。寂寞向誰說。悲切。漏籤聲咽。漸寒施蘭釭未滅。良宵長是閒別。恨酒凝紅綃。粉斲瑤玦。鏡盟鸞影缺。吹笛西風數闋。無言久和衣成夢。睡損縷金蝶。

賀新郎

宿霧樓臺溼。曉晴初花明柳潤。燕飛鶯集。舊約重來歌舞地。留得豔香嬌色。又夢草東風吹碧。午困騰騰春欲醉。對文楸玉子無心拾。看蝶舞。傍花立。酒痕未醒愁先入。記年時翠樓寒淺。寶笙慵吸。想駐馬河橋分別。恨輕竹風飄煙笠。早塵暗華堂簾隙。倚盡黃昏人獨自。望江南回雁歸雲急。憑付與。錦牋墨。

王億之

億之。字景陽。號松閒。

高陽臺

雙槩敲冰。低篷護冷。扁舟曉渡西冷。回首吳山。微茫遙帶重城。隄邊幾樹垂楊柳。早嫩黃搖動春情。問孤鴻何處飛來。共喚飄零。輕帆初落沙洲暝。漸潮痕雨漬。面色風皺。旅思羈愁。偏能老大行人。姮娥不管征途苦。甚夜深儘照孤衾。想玉樓猶凭闌干。爲我銷凝。

余桂英

桂英。字子發。號野雲。

小桃紅

芳草連天暮。斜日明汀渚。懊恨東風。恍如春夢。愔愔又去。早知人酒病更詩愁。鎮輕隨飛絮。寶鏡空留恨。筆雁
渾無據。門外當時。薄情流水。如今何處。正相思。望斷碧山雲。又鶯囀晚雨。

胡仲弓

仲弓。字希聖。號葦航。清源人。其弟仲參希道。有竹莊小集。仇山村多與葦航湖山酬和之作。蓋亦杭之流寓也。

謝金門

蛾黛淺。只爲晚寒妝嬾。潤逼鏡鸞紅霧滿。額花留半面。漸次梅花開徧。花外行人已遠。欲寄一枝嫌夢短。溼雲
和恨翦。

尙希尹

希尹。字莘老。號畏齋。

浪淘沙

結客去登樓。誰繫蘭舟。半篙清漲兩初收。把酒留春春不住。柳暗江頭。老去怕閒愁。莫莫休休。晚來風惡下簾
鉤。試問落花隨水去。還解西流。

柴望

望。字仲山。號秋堂。又號歸田。衢之江山人。嘉熙中爲太學上舍。除中書省奏名。淳祐丙午元旦日蝕。詔求直言。
乃撰丙丁龜鑑十一卷。起周威烈王五十年丙午。止後漢高祖天福十二年丁未。數其吉凶禍福於前。指其治
亂得失於後。書成上之。忤時相。詔下府獄。大尹趙節齋疏救放歸。景炎二年。以布衣特旨授迪功郎。史館編校。
宋亡。自號宋遺臣。與其從弟通判隨亨。制參元亨。察推元彪。稱柴氏四隱。有道州台衣集一卷。涼州鼓吹一卷。

念奴嬌

胡仲弓 尙希尹 柴望 朱藻 黃鑄 王同祖

春來多困。正晷移簾影。銀屏深閉。喚夢幽禽。煙柳外。驚斷巫山十二。宿酒初醒。新愁半解。惱得成顛顛。攀鬆雲鬢。不忙鸞鏡梳洗。門外滿地香風。殘梅零落。玉糝蒼苔碎。乍暖乍寒。渾莫擬。欲試羅衣猶未。鬪草雕欄。買花深院。做蹋青天氣。晴鳩鳴處。一池昨夜春水。

朱 藻

藻。號野逸。

探桑子

障泥油壁人歸後。滿院花陰。樓影沈沈。中有傷春一片心。閒穿綠樹尋梅子。斜日籠明。團扇風輕。一徑楊花不避人。

黃 鑄

鑄。字時顏。號乙山。邵武人。官柳州守。

秋藥香令

花外數聲風定。煙際一痕月淨。水晶屏小。欹翠枕。院靜鳴蛩相應。香銷斜掩青銅鏡。背燈影。空砧夜半和鴈陣。秋在劉郎綠鬢。

王同祖

同祖。字與之。號花洲。金華人。景定建康志。王同祖奉齋郎。淳祐中建康府通判。次添差。沿江制置司機宜。文字有學詩初集一卷。

阮郎歸

一簾疏雨細於塵。春寒愁殺人。桐花庭院近清明。新煙浮舊城。尋蝶夢。怯鶯聲。柳絲如妾情。丙丁帖子畫教成。妝臺求晚晴。

王茂孫

茂孫字景周。乾梅山。

高陽臺 春夢

遲日烘晴。輕煙縷畫。瑣窗雕戶慵開。人獨春閒。金猊暖透蘭煤。山屏緩倚珊瑚畔。任翠陰移過瑤階。悄無聲綵翅翩翩。何處飛來。片時千里江南路。被東風誤引。還近陽臺。膩雨嬌雲。多情恰喜徘徊。無端枝上啼鳩喚。便等閒孤枕驚回。惡情懷。一院楊花。一徑蒼苔。

點絳脣 蓮房

折斷煙痕。翠蓬初離鴛鴦浦。玉纖相妒。翻被專房誤。乍脫青衣。猶著輕羅護。多情處。芳心一縷。都為相思苦。

王易簡

易簡字理得。號可竹。山陰人。登進士。除瑤安簿。不赴。隱居城南。有山中觀史吟。

齊天樂 客長安賦

宮煙曉散春如霧。參差護晴窗戶。柳色初分。錫香未冷。正是清明百五。臨流笑語。映十二欄杆。翠嚙紅妒。短帽輕鞍。倦遊曾徧斷橋路。東風為誰媚嫵。歲華頻感慨。雙鬢何許。前度劉郎。三生杜牧。贏得征衫塵土。心期暗數。總寂寞當年。酒籌花譜。付與春愁。小樓今夜雨。

醉江月

暗簾吹雨。怪西風梧井。淒涼何早。一寸柔情千萬縷。臨鏡霜痕驚老。雁影關山。蛩聲院宇。做就新懷抱。湘皋遺珮。故人空寄瑤草。已是搖落堪悲。飄零多感。那更長安道。衰草寒蕪吟未盡。無那平煙殘照。千古閒愁。百年往事。不了。黃花笑。漁樵深處。滿庭紅葉休埽。

慶宮春 謝草窗惠詞卷

庭草春遲。汀蘋香老。數聲珮悄蒼玉。年晚江空。天寒日暮。壯懷聊寄幽獨。倦游多感。更西北高樓送目。佳人不見。

王茂孫 王易簡 張桂 張磐

慷慨悲歌。夕陽喬木。紫霞洞窅雲深。娟娟餘音。鳳簫誰續。桃花賦在。竹枝詞遠。此恨年年相觸。翠櫺芳字。謾重省當時願曲。因君凝竚。依約吳山。半痕蛾綠。

詞旨警句。參差護晴窗戶。(齊天樂)心期暗數。總寂寞。當年酒籌花譜。付與春愁。小樓今夜雨。(同上)詞眼。翠鬢紅妒。

樂府補題。王易簡摸魚兒賦。尊云。怪鮫宮。水晶簾卷。冰痕初斷。香縷。澄波疊。粲人初到。三十六陂烟雨。春又去。伴點點荷錢。隱約吳中路。相思日暮。恨洛浦娉婷。芳艸翦翠。匿影照樓楚。功名夢。消得西風一度。高人今在何許。鱸香菰冷斜陽裏。多少天涯意緒。誰記取。但枯豉紅鹽溜玉。凝秋箸。尊前起舞。算惟有淵明。黃花歲晚。此與共千古。齊天樂賦。蟬云。翠雲深鎖。齊姬恨。纖柯暗翻冰羽。錦瑟重調。綉衣乍著。聊飲人間風露。相逢甚處。記槐影初涼。柳陰新雨。聽盡殘聲。為誰驚起。又飛去。商量秋信最早。晚來吟未徹。都是楚。斷韻還連。餘悲似咽。欲和愁邊佳句。幽期誰語。恨寒葉凋零。蛻痕塵土。古木斜暉。向人懷抱苦。

張 桂

桂。字惟月。號竹山。循王從子。恭簡公四世孫。有文曰。慚藁。

菩薩蠻

東風忽驟無人見。玉塘煙浪浮花片。步溼下香堦。苔黏金鳳鞵。翠鬟愁不整。臨水閒窺影。摘得野薔薇。游蜂相趁歸。

浣溪紗

兩壓楊花路半乾。蜂遺花粉在欄杆。牡丹開盡正春寒。嬾品么絃金雁並。瘦鷺雙釧玉魚寬。新愁不放翠眉間。

張 磐

磐。字叔安。號梅崖。宋末為嬸令。有梅崖集。

綺羅香 儵浦有感

浦月窺檐。松泉漱枕。屏裏吳山何處。暗粉疏紅。依舊爲誰勻注。都負了。燕約鶯期。更聞卻柳煙花雨。縱十分春到。郵亭賦懷。應是斷腸句。青青原上。薺麥。還被東風無賴。翻成離緒。望極天西。惟有隴雲江樹。斜照帶一縷新愁。盡分付暮潮歸去。步閒階待卜心期。落花空細數。

會稽志云。魚浦在蕭山縣西三十里。十道志云。舜漁處也。

浣溪紗

習習輕風破海棠。鞦韆移影上迴廊。晝長蝴蝶爲誰忙。度柳早鶯分暖綠。過花小燕帶春香。滿庭芳草又斜陽。詞旨警句。暗粉疏紅。依舊爲誰勻注。都負了。燕約鶯期。更聞卻柳煙花雨。（綺羅香）

張林

林。字去非。號樗巖。至正金陵新志云。張林。他州守。大軍至。迎降。

唐多令

金勒鞚花驄。故山雲霧中。翠蘋洲先有西風。可惜嫩涼時枕簟。都付與。舊山翁。雙翠合眉峯。淚華分臉紅。向樽前何太恁。纔是別離情便苦。都莫問。淡和濃。

柳梢青 燈花

白玉枝頭。忽看蓓蕾。金粟珠垂。半顆安榴。一枝濃杏。五色薔薇。何須羯鼓聲催。銀缸裏春工四時。卻笑燈蛾。學他蜂蝶。照影頻飛。

景定建康志。樗巖張林柳梢青題金陵烏衣園云。燕里花深。鷺汀雲淡。客夢江皋。日日言歸淮山。笑我塵鎖征袍。幾回把酒憑高。闌干外。魂飛暮濤。只有南園。一番風雨。過了櫻桃。

朱屏所孫 屏。廣韻所去切。音揀。明也。高氏刊本作鼎。誤。

屏孫。字令則。號萬山。

真珠簾

張林 朱屏孫 吳大有 張炎

春雲做冷春知未。春愁在碎雨敲花聲裏。海燕已尋蹤。到畫溪沙際。院落鞦韆楊柳外。待天氣十分晴霽。春市又青帘巷陌。紅芳歌吹。須信處處東風。又何妨對此。籠香覓醉。曲盡索餘情。奈夜航催離。夢滿冰衾身似寄。算幾度吳鄉煙水。無寐。試明朝說與西園桃李。

吳大有

大有，字有大，號松壑，涪人。寶祐間游太學，率諸生上書言買似道奸狀，退處林泉。與林昉、仇遠、白珽等七人以詩酒相娛。元初，辟爲國子檢閱，不赴。有松下偶抄、雪後清音、歸來幽莊集。

點絳脣 送李琴泉

江上旗亭，送君還是逢君處。酒闌呼渡。雲壓沙鷗暮。漠漠蕭蕭，香凍梨花雨。添愁緒。斷腸柔櫓。相逐寒潮去。

張炎

炎，字叔夏，西秦人。循王之後，居杭，號玉田。又號樂笑翁。有詞源二卷。山中白雲八卷。

鄭所南云：譏張玉田先輩，喜其三十年汗漫南北數千里，一片空在懷抱，日日化用爲醉，自仰拔姜堯章、史邦卿、盧蔭紅、吳夢窗諸名勝，互相鼓吹，春聲於繁華世界，能令後三十年西湖錦繡山水，猶生清響。

仇山村云：山中白雲詞，意度超元，律呂協洽，當與白石老仙相鼓吹。

舒蘭風云：玉田詩，有姜堯章深婉之風。詞有周清真雅麗之思。畫有趙子固蕭灑之意。

壺中天 養拙夜飲客有彈琵琶者卽事以賦

瘦筇訪隱，正繁陰閒鎖。一壺幽綠，喬木蒼寒圖畫古。窈窕人行韋曲，鶴響天高，水流花淨，笑語通華屋。虛堂松外，夜深涼氣吹燭。樂事楊柳樓心，瑤臺月下，有生香堪掬。誰理商聲簾戶悄。蕭颯懸璫鳴玉。一笑難逢，四愁休賦。任我雲邊宿，闌倚歌罷，露螢飛下秋竹。

渡江雲 次趙元父韻

錦蕖繚繞地，涼燈挂壁，簾影浪花斜。酒船歸去後，轉首河橋，那處認紋紗。重盟鏡約，還記得前度素嘉。惟只有葉

題絨付。流不到天涯。驚嗟。十年心事。幾曲欄杆。想蕭郎聲價。閒過了黃昏時候。疏柳嘯鴉。浦潮夜涌平沙白。翅斷鴻知落誰家。書又遠。空江片月蘆花。

甘州 錢草窗西歸

記天風飛珮霞邊。願曲萬花深。怪相如游倦。杜陵愁老。還歎飄零。短夢恍然今昔。故國十年心。回首三三徑。松竹成陰。不恨片帆南浦。只恨翦燈聽雨。誰伴孤吟。料瘦筇歸後。閒鎖北山雲。是幾番柳邊行色。是幾番同醉古園林。煙波遠。筆牀茶竈。何處逢君。

詞旨。樂笑翁奇對。隨花盤石。就泉通沼。斷碧分山。空簾剩月。沙淨草枯。水平天遠。接葉巢鶯。平波捲絮。晴光轉樹。曉氣分嵐。鷓鴣天高。水流花淨。料理琴書。夷猶今古。款竹門深。移花檻小。掃花尋徑。撥葉通池。亂雨敲春。深煙帶晚。開簾過雨。隔水呼燈。浪捲天浮。山邀雲去。岸角銜波。籬根聚葉。波蕩蘭棹。隣分杏路。雲映山輝。柳分溪影。荷衣銷翠。蕙帶餘香。香尋古字。譜指歌聲。行歌趁月。喚酒延秋。穿花覓路。傍柳尋隣。門當竹徑。路管臺城。鬢絲溼霧。馬錦翻桃。因花整帽。借柳維船。

警句。和雲流出空山。甚年年。淨洗花香不了。（南浦春水）寫不成書。只寄得相思一點。（解連環孤雁）纔放些情意。早瘦了梅花一半。也知不作花看。東風何事吹散。（探春慢雪霽）見說新愁。如今也到鷓鴣邊。（高陽臺西湖）莫開簾。怕見飛花。怕聽鶯鶯。（同上）須待月。許多情。都付與秋。（聲聲慢西湖）幾日不來。一片蒼雲未掃。（掃花游疏寮東豎園）春風不柰垂楊柳。吹卻絮雲多少。（齊天樂鑑曲餘舍會飲）帶天香。吹動一身秋。（八聲甘州贈桂卿）茂樹石牀因坐久。又卻被清風留住。（真珠簾近雅軒即事）忍不住低低問春。（慶宮春都下寒食）不知能聚愁多少。（霜葉飛聞老妓歌）

鄧牧伯牙琴云。叔夏春水一詞。絕唱今古。人以張春水目之。

至正直記。錢唐張叔夏。嘗賦孤雁詞。有寫不成書。只寄得相思一點。人皆稱之曰張孤雁。

詞旨。新王孫韓鑄。字亦顏。舉詞於樂笑翁。一旦。與周公謹買舟西湖。泊荷花而飲酒。杯中。公謹舉似亦顏。舉詞之意。翁指花云。蓮子結成花自落。

珊瑚網。元姑蘇汾湖居士陸行直輔之。有家妓。名卿卿。以才色見稱。友人張叔夏。為作古情平樂贈之云。候

幾處斷人語。西風岸。月落沙平流水漫。驚見蘆花來雁。可憐瘦損蘭成。多情應為卿卿。只有一枝梧葉。不知多少秋聲。後二十一載。行直以翰林典籍致政歸。則叔夏卿卿皆下世矣。行直作碧梧蒼石圖。并書張詞於卷端。且和之云。楚天雲斷。人隔瀟湘岸。往事悠悠江水漫。怕聽樓前新雁。深閨舊夢還成。夢中獨記憐卿。依約相思碎語。夜涼桐葉聲聲。

趙崇霄

崇霄。字有得。號蓮嶼。宋史宗室世系表。商王元份九世孫。仲慎子。

東風第一枝

妒雪梅颺。迷煙柳醒。游絲輕颺新霽。捲簾看燕初歸。步屐為花早起。春來猶淺。便做出十分春意。喜鳳釵纔卸珠幡。早換巧梳描翠。著數點催花雨膩。更一陣遞香風細。小鶯軟暖調聲。嫩蝶試晴舞翅。清歡易失。怕輕負年芳流水。好趁閒共整吟鞵。日日訪桃尋李。

范晞文

晞文。字景文。號藥莊。錢唐人。太學生。理宗時。與葉李上書。詆買似道。竄瓊州。入元。以程鉅夫薦。擢江浙儒學提舉。轉長興丞。有藥莊廢臺。又對牀夜話五卷。馮深居序。

意難忘

清淚如鉛。歎咸陽送遠。露冷銅仙。巖花紛墮雪。津柳暗生煙。寒食後。莫江邊。草色更芊芊。四十年。留春意緒。不似今年。山陰欲棹歸船。暫停杯兩外。舞劍燈前。重逢應未卜。此別轉堪憐。憑急管。倩繁絃。思苦調難傳。望故鄉。都將往事。付與嘯鶻。

鄭斗煥

斗煥。字丙文。號松窗。

新荷葉

乳鴨池塘。晴波漾綠鱗。宿藕根香。夏來生意還新。缺錢小鈿。花貼翠相間。萍星一番雨過。一番暗展圓青。魚戲龜游。看來猶未勝情。因憶年時。垂釣曾約輕盈。玉人何處。關情是半捲芳心。簾風一棹。鴛鴦催起歌聲。

曹良史

良史。字之才。號梅南。錢唐人。有梅南摘藁。

江城子

夜香燒了夜寒生。掩銀屏。理銀箏。一曲春風。都是斷腸聲。杜宇欲嗚楊柳外。愁似海。思如雲。背燈暗卸乳鵝裙。酒初醒。夢初醒。蘭炷香篝。誰爲暖羅衾。二十四簾人悄悄。花影碎。月痕深。

方回桐江集。跋曹梅南詩詞三摺云。曹君良史。錢唐人。衣冠佳盛。湖傲山酣。則有咸淳詩摘。兵火變遷。江淮奔走。則有梅南詩摘。句如雲生畫佛壁。葉落病僧房。閒來閉門處。認得讀書聲。牆園敗屋知無主。風響荒林似有人。深樹月昏神火出。斷煙雪霽獵人回。展轉征旗戰鼓。十年間筆力益老矣。至如鑲冰詞摘。則以詩之餘。續爲雕刻流麗之作。以至寶丹之字料。生薑白之文法。寄於少游美成之聲調。

董嗣杲

嗣杲。字明德。號靜傳。杭人。後入道。改名思學。字無益。有百花詩集。西湖百詠。

湘月

蓮幽竹邃。舊池亭幾處。多愛君子。醉玉吹香。還認取。忙裏得閒標致。心逐雲帆。情隨煙笛。高會知誰繼。宵筵會啓。暮然身外浮世。因見杜牧疏狂。前緣夢裏。謾蹙雙眉翠。香滿屏山春滿几。爐擁麝焦禽睡。月落梅空。霜濃窗掩。兩耳風聲起。豔歌終散。輸他鶴帳清寐。

絕妙好詞箋卷七

周密

密字公謹。濟南人。寓居吳興。復居錢唐。寶祐間爲義烏令。自號草窗。又號弁陽翁。又號蕭齋。又號四水潛夫。詩名蠶展集。詞名鬻洲漁笛譜。雜著有癸辛雜識四卷。齊東野語二十卷。志雅堂雜鈔一卷。浩然齋視聽鈔。弁陽客談。武林舊事十卷。澄懷錄二卷。雲煙過眼錄一卷。

國香慢 賦子固凌波圖 夷則商

玉潤金明。記曲屏小几。翦葉移根。經年沁人重見。瘦影娉婷。兩帶風襟零落。步雲冷、鵝笙吹春。相逢舊京洛。素靨塵縈。仙掌霜凝。國香流落恨。正冰銷翠薄。誰念遺簪。水空天遠。應念磬弟梅兄。渺渺魚波望極。五十絃愁滿湘雲。淒涼耿無語。夢入東風。雪盡江清。

珊瑚網。趙孟堅水墨雙鉤水仙卷自跋云。余久不作此。又方病目未愈。子用徵夙諾良亟。急起描寫。轉益拙俗。觀者求於形似之外可爾。彝齋弁陽老人周密題夷則國香慢云云。

樂郊私語云。趙孟堅子固。宋宗室也。入本朝。隱居嘉禾之廣陳鎮。時載以一舟。舟中琴書尊勺畢具。往往泊夢汀葦岸。看夕陽賦曉月爲事。從弟子昂。自茗中來訪。公閉門不納。夫人勸之。始令從後門入。坐定。第問弁山笠澤佳否。子昂云佳。公曰弟奈山澤佳何。子昂慚退。

畫鑿云。趙子固墨蘭最妙。葉如鐵花。莖亦佳。作石用筆。如飛白書狀。前人無此也。畫梅竹水仙松枝。皆入妙品。水仙爲尤高。子昂專師其蘭石。覽者當自知其高下。

畫禪室隨筆云。子固水仙。欲與楊无咎梅花作敵。周草窗極重其品。會刺舟嚴陵灘下。見新月出水。大笑云。此文公所謂綠淨不可唾。乃我水仙出現也。

一萼紅 登蓬萊閣有感

步深幽。正雲黃天淡。雪意未全休。鑑曲寒沙。茂林煙草。俛仰今古悠悠。歲華晚、漂零漸遠。誰念我、同載五湖舟。磴

古松斜。厓陰苔老。一片清愁。回首天涯歸夢。幾魂飛西浦。猴灑東州。故國山川。故園心眼。還似王粲登樓。最負他秦鬟妝鏡。好江山何事此時遊。爲喚狂吟老監。共賦銷憂。（自注云。闕在紹興西浦。東州皆其地。）

王象之輿地紀勝云。紹興郡治。在臥龍山上。蓬萊閣在郡設廳後。取元微之。我是玉皇香案吏。請居猶得近蓬萊句也。名公多題詠。沈紳詩云。玉鉞相公頌瑞地。金貂仙子挂冠鄉。錢公輔云。一級一級煙雲生。四面四面屏障迎。秦觀詩云。路隔西陵三兩水。門臨南鎮一千峯。

會稽志。張伯玉州宅詩序云。越守王工部。至和中。新葺蓬萊閣成。畫圖來乞詩。工部乃王逵也。

掃花游 九日懷歸

江籬怨碧。早過了霜花。錦空洲渚。孤蛩自語。正長安亂葉。萬家砧杵。塵染秋衣。誰念西風倦旅。恨無據。悵望極歸舟。天際煙樹。心事會細數。怕水葉沈紅。夢雲離去。情絲恨縷。倩回紋爲織。那時愁句。雁字無多。寫得相思幾許。暗凝竚。近重陽滿城風雨。

三姝媚 送聖與還越

淺寒梅未綻。正潮過西陵。短亭逢雁。秉燭相看。嘆俊游零落。滿襟依黯。露草霜花。愁正在廢宮蕪苑。明月河橋。笛外樽前。舊情消滅。莫訴離觴深淺。恨聚散怱怱。夢隨飄遠。玉鏡塵昏。怕賦情人老。後逢淒惋。一樣歸心。又喚起故園愁眼。立盡斜陽無語。空江歲晚。

法曲獻仙音 弔雪香亭梅

松雪飄寒。嶺雲吹凍。紅破數椒春淺。襯舞臺荒。浣妝池冷。淒涼市朝輕換。嘆花與人凋謝。依依歲華晚。共淒黯。問東風幾番吹夢。應慣識當年翠屏金鞦。一片古今愁。但廢綠平煙空遠。無語銷魂。對斜陽衰草淚滿。又西泠殘笛。低送數聲春怨。

武林舊事云。集芳園在葛嶺。元係張婉儀園。後歸太后殿。內有古梅老松甚多。理宗賜買平章。舊有清勤堂。望紅亭。雪香亭等。

高陽臺 送陳君衡被召

周 密

照野旌旗。朝天車馬。平沙萬里天低。寶帶金章。樽前茸帽風欹。秦關汴水經行地。想登臨都付新詩。縱英游。疊鼓清笳。駿馬名姬。酒酣應對燕山雪。正冰河月凍。曉隴雲飛。投老殘年。江南誰念方回。東風漸綠西湖柳。鴈已還人未南歸。最關情。折盡梅花。難寄相思。

慶宮春 送趙元父過吳

重疊雲衣。微茫鴻影。短篷穩載吳雪。霜葉敲寒。風燈搖暈。棹歌人語嗚咽。擁衾呼酒。正百里冰河乍合。千山換色。一鏡無塵。玉龍吹裂。夜深醉蹋長虹。表裏空明。古今清絕。高堂在否。登臨休賦。忍見舊時明月。翠銷香冷。怕空負年芳輕別。孤山春早。一樹梅花。待君同折。

高陽臺 寄越中諸友

小雨分江。殘寒迷浦。春容淺入蒹葭。雪霽空城。燕歸何處人家。夢魂欲渡蒼茫去。怕夢輕。被愁遮。感流年夜汝東還。冷照西斜。淒淒望極。王孫草。認雲中煙樹。鷗外春沙。白髮青山。可憐相對蒼華。歸鴻自趁潮回去。笑倦游。猶是天涯。問東風。先到垂楊。後到梅花。

探芳信 西冷春感

步晴晝。向水院維舟。津亭喚酒。嘆劉郎重到。依依漫懷舊。東風空結丁香怨。花與人俱瘦。甚淒涼。暗草沿池。冷苔侵甃。橋外晚風驟。正香雪隨波。淺煙迷岫。廢苑塵梁。如今燕來否。翠雲零落空隄冷。往事休回首。最銷魂。一片斜陽戀柳。

水龍吟 白荷

素鸞飛下青冥。舞衣半惹涼雲碎。藍田種玉。綠房迎曉。一匳秋意。擎露盤深。憶君清夜。暗傾鉛水。想鴛鴦正結。梨雲好夢。西風冷。還驚起。應是飛瓊仙會。倚涼飆。碧簪斜墜。輕妝鬪白。明璫照影。紅衣羞避。露月三更。粉雲千點。靜香十里。聽湘絃奏徹。冰綃偷翦。聚相思淚。

樂府題補。宛委山房賦龍涎香。調天香。浮翠山房賦白蓮。調水龍吟。紫雲山旁賦尊。調摸魚兒。餘聞書院賦蠟。調齊天樂。天柱山房賦蟹。調桂枝香。倡和者爲玉筍。王沂孫聖與。費淵周密公謹。天柱王易簡理得。友竹海虞。

瑞祥父。瑤翠唐藝孫英發。紫雲呂同老和父。眞房李彭老商隱。宛委陳恕可行之。菊山唐珏玉曆。月洲趙汝鎬眞卿。五松李居仁師呂。玉田張炎叔夏。山村仇遠仁近。皆宋遺民也。按陳恕可別本作練非。陳旂安雅堂集。有陳行之墓志云。會稽陳恕可。古巽先生述古之後。有樂府補題一卷。其爲姓陳無疑。

做學十解

四字令

擬花開

眉消睡黃。春凝淚妝。玉屏水暖微香。聽蜂兒打窗。筆塵半床。綃痕半方。愁心欲訴垂楊。奈飛紅正忙。

西江月

延祥觀拒霜擬稼軒

綠綺紫絲步障。紅鸞綵鳳仙城。誰將三十六陂春。換得兩隄秋錦。眼纈醉迷朱碧。筆花俊賞丹青。斜陽展盡趙昌屏。羞死舞鸞妝鏡。

武林舊事云。孤山路四聖延祥觀。有章太后沈香四聖像。小蓬萊閣。瀛嶼堂。金沙井。六一泉。花寒水潔。氣象幽古。三朝臨幸。

江城子

擬蒲江

羅窗晚色透花明。詔瑤笙。按瑤箏。試訊東風。能有幾分春。二十四闌憑玉暖。楊柳月。海棠陰。依依愁翠沁雙鬢。愛鶯聲。怕鶻聲。人自多情。春去自無情。把酒問花花不語。花外夢。夢中雲。

少年遊

宮詞擬梅溪

簾銷寶篆捲宮羅。蜂蝶撲飛梭。一樣東風。燕梁鶯院。那處春多。晚妝日日隨春輦。多在牡丹坡。花深深處。柳陰陰處。一片笙歌。

好事近

擬東澤

新雨洗花塵。撲撲小庭香溼。早是垂楊煙老。漸嫩黃成碧。晚簾都捲看青山。山外更山色。一色梨花新月。伴夜聽吹笛。

周密

西江月 擬花翁

情縷紅絲冉冉。嗁花碧袖熒熒。迷香雙蝶下庭心。一行惜惜簾影。北里紅紅短夢。東風燕燕前塵。稱銷不過牡丹情。中半傷春酒病。

醉落魄 擬參時

憶憶憶。宮羅褶褶銷金色。吹花有盡情無極。淚滴空簾。香潤柳枝溼。春愁浩蕩湘波窄。紅蘭夢繞江南北。燕鶯都是東風客。移盡庭陰。風老杏花白。

朝中措 茉莉擬夢窗

綵繩朱乘駕濤雲。親見許飛瓊。多定梅魂纔返。香癭半招秋痕。枕函釵縷。熏篝芳焙。兒女心情。尙有第三花在。不妨留待涼生。

醉落魄 擬一隱

餘寒正怯。金釵影卸東風揭。舞衣絲損愁千褶。一縷楊絲。猶是去年折。臨窗擁髻愁難說。花庭一寸燕支雪。春
花似舊。心情別。待摘玫瑰。飛下粉黃蝶。

浣溪紗 擬梅川

蠶已三眠。柳二眠。雙竿初起畫鞦韆。鶯櫺風響十三絃。魚素不傳新信息。鸞膠難續舊姻緣。薄情明月幾番圓。

甘州 燈夕書寄一隱

漸萋萋芳草綠江南。輕暉弄春容。記少年遊處。簫聲巷陌。燈影簾櫳。月暖烘爐戲鼓。十里步香紅。欹枕聽新雨。往事朦朧。還是江南春夢曉。怕等閒愁見。鴈影西東。喜故人好在水驛寄詩筒。數芳程漸催花信。送歸帆知第幾番風。空吟想梅花。千樹人在山中。

鬪莎行 與莫雨山談弔城舊事

遠草情鍾。孤花韻勝。一樓聳翠生秋暝。十年二十四橋春。轉頭明月簫聲冷。賦藥才高。題瓊語俊。蒸香壓酒芙蓉頂。景留人去怕思量。桂窗風露秋眠醒。

詞旨警句。夢魂欲渡蒼花去。怕夢輕。還被愁遮。(高陽臺) 休綴潘郎鬢影。怕綠窗年少年驚。(聲聲慢柳花)
花深深處。柳陰陰處。一片笙歌。(少年游)

寶洲魚笛譜。曲游春游西湖云。禁苑東風外。暖絲晴絮。春思如織。燕約鶯期。芳情偏在翠深紅隙。漠漠香塵隔。沸十里。亂絲叢笛。看畫船盡入西冷。聞卻半湖春色。柳陌新煙凝碧。映簾底宮眉。隄上游鞦。輕頭籠煙。怕梨雲夢冷。杏香愁暮。歌管酬寒食。奈蝶怨良宵岑寂。正滿湖碎月搖花。怎生去得。 橋寒。芳字上失惱字。武林舊事云。都城自損收燈。貴游巨室。爭先出郊。謂之探春。水面畫楫。擲比如鱗。無行舟之路。游之次第。先南而後北。至午則盡入西冷橋裏湖。其外幾無一舸矣。弁陽老人有詞云。看畫船盡入西冷。聞卻半湖春色。蓋紀實也。

馬臻霞外集。西湖春日壯游詩云。畫船過午入西冷。人擁孤山陌上塵。應被弁陽摸寫盡。晚來聞卻半湖春。蓉塘詩話。周草窗西湖十景詞。調寄木蘭花。慢蘇隄春曉云。恰芳菲夢醒。漾殘月。轉湘簾。正翠曉收鐘。形埒放仗。臺榭輕煙。東園夜游乍散。曉金壺。逗曉歌花籤。宮柳微開露眼。小鶯最泥春眠。冰匳黛淺紅鮮。臨曉鏡。競晨妍。怕誤卻佳期。宿妝旋整。忙上雕鞍。都緣探芳起早。看隄邊。早有已開船。菱帳殘香候蠟。有人病酒厭厭。平湖秋月云。碧霄澄暮靄。引瓊駕。碾秋光。看翠闕風高。珠樓夜午。誰搗元霜。蒼茫玉田萬頃。趁仙槎。咫尺接天橫。彷彿凌波步影。露濃環珮衣涼。鳴瑤淨洗新妝。隨皓彩。過西廂。正霧衣香潤。雲鬢紺煙。私語相將。鴛鴦誤驚曉夢。掠芙蓉。度影入銀塘。十二闌干佇立。鳳簫怨徹清商。斷橋殘雪云。覓梅花信息。擁吟袖。暮曛寒。自放鷓鴣人歸。月香水影。詩冷孤山。等閒泮寒暄暖。看融成。御水到人間。瓦甕竹根更好。柳邊小駐游鞍。琅玕中倚雲鬢。孤棹晚。載詩還。是醉魂醒處。畫橋第二。隘月初三。東闌有人步玉。怪冰泥。心怪錦綺斑。遺見暗波漲綠。謝池夢草相關。雷峯夕照云。塔輪分斷甬。倒霞影。漾新晴。看滿鑑春紅。輕橈占岸。疊鼓收聲。簾旌半鈎待燕。料香濃。徑遠遺蜂程。芳陌人扶醉玉。路傍嬾拾遺簪。郊垌未厭游情。雲暮合。謾銷凝。想罷歌停舞。煙花露柳。都付棲鶯。重闌已催鳳鑰。正卸車繡勒入爭門。銀燭擎花夜煖。禁街淡月黃昏。麴院風荷云。輕塵飛不到。過微雨。錦機張。正蔭綠池幽。交枝徑窄。臨水追涼。宮妝蓋羅障暑。泛青蘋。亂舞五雲裳。迷眼紅綃絳綵。翠深儉見鴛鴦。湖光兩岸蕭湘。風薦爽。扇搖香。算惱人偏是。紫絲露薄。連理秋房。涉江采芳舊恨。怕紅衣夜冷落橫塘。折得荷花忘卻。棹歌唱入斜陽。花港觀魚云。六橋春浪暖。漲桃甬。鐵初肥。正短棹輕蓑。牽甯荷葉。紫

綉尊絲。依稀岸紅。遠泛仙舟。誤入武陵溪。何處金刀。削玉。畫船傍柳。頻催芳隄。漸滿斜暉。舟葉亂。浪花飛。聽暮柳聲合。鷓鴣沈暗。露起煙殘。健滄夜深。浪靜。任煙寒。自載月明歸。三十六鱗。道卻素牋。不寄相思。南屏晚鐘云。疏鐘敲暝色。正遠樹。綠昏。看渡水僧歸。投林鳥聚。煙冷秋屏。孤雲漸沈。鴈影。向殘簫。倦鼓別。遊人。宮柳樓。磚未穩。露梢已挂。疏星。重城禁鼓。催更。羅袖怯。暮寒輕。想綺疏。空掩。鸞綃。鬢錦。魚鱗收。銀。蘭。鐙。伴人。夜語。怕香消。漏永。著溫存。猶憶迴廊待月。畫闌倚。偏桐陰。柳浪聞鶯云。晴空搖翠浪。畫禽靜。霽煙收。聽暗柳。曉鶯。新簧弄巧。如度秦謳。誰結翠絲。萬縷。鬪金梭。宛轉織芳愁。風裊餘音。甚處。絮花三月。宮溝。扁舟鏡繫。輕柔。沙路遠。倦追游。望斷橋殘日。蠻腰競舞。蘇小。嬌頭。偏憂杜鵑喚去。愛總蠻。竟日挽春留。曉覺瓊疏。午夢。翠丸驚度。西樓。三潭印月云。游船人散後。正瞻影。瀉寒揪。看冷沁。鮫眠。清宜兔浴。皓彩輕浮。扁舟泛天鏡裏。劍流光。澄碧浸明眸。栖鷺空驚碧草。素鱗遠避金鉤。臨流萬象。涵秋。懷渺渺。水悠悠。念漢臬遺佩。湘波步。襪。空想仙游。風收翠。匿乍啓。度飛星。倒影入芳洲。瑤瑟誰彈古怨。渚宮夜舞。鱗。兩峯插雲云。碧尖相對處。向煙外。挹遙岑。記舞鸞。驕撥。天香桂子。會去幽尋。輕陰易晴。易用。看南峯。淡日北峯雲。雙塔秋擎。露冷。亂鐘曉送。霜清。登臨望眼。增明。沙路白。海門青。正地幽天迥。水鳴山籟。風奏松琴。虛檻半空。聚遠。倚闌干。暮色與雲平。明月千巖。夜午。颺風跨鶴吹笙。

王沂孫

沂孫。字聖與。號碧山。又號中仙。會稽人。有碧山樂府二卷。又名花外集。延祐四明志。至元中。王沂孫。慶元路學正。

醉蓬萊 歸故山

掃西風門徑。黃葉凋零。白雲蕭散。柳換枯陰。賦歸來何晚。爽氣霏霏。翠蛾眉。嬾。聊慰登臨眼。故國如塵。故人如夢。

登高還嬾。數點寒英。爲誰零落。楚魄難招。暮寒堪攬。步履荒籬。誰念幽芳遠。一室秋燈。一庭秋雨。更一聲秋雁。試引芳樽。不知消得。幾多依黯。

法曲獻仙音 聚景亭梅次草窗韻

層綠峨峨。纖瓊皎皎。倒壓波痕清淺。過眼年華。動人幽意。相逢幾番春換。記喚酒。尋芳處。盈盈褪妝晚。已銷黯。況淒涼近來。離思。應忘卻明月夜深歸輦。荏苒一枝春。恨東風人似天遠。縱有殘花。洒征衣鉛淚都滿。但殷勤折取。自遣一襟幽怨。

董嗣杲西湖百詠注云。聚景園在清波門外。阜陵致養北宮。拓園西湖之東。斥鴥屠之。廬九。曾經四朝臨幸。繼以諫官陳言。出郊之令。遂絕。園今蕪圯。惟柳浪橋。花光亭存。

夢梁錄。高似孫過聚景園詩云。翠華不向苑中來。可是年年惜露臺。水際春風寒漠漠。官梅卻作野梅開。

淡黃柳甲戌冬。別周公謹丈於孤山中。次冬。公謹備會稽。相會一月。又次冬。公謹自剡還。執手聚別。且復別去。悵然于懷。敬賦此解。

花邊短笛。初結孤山約。雨悄風輕寒漠漠。翠鏡秦鬟釵別。同折幽芳怨。搖落。素裳薄。重拈舊紅萼。歎攜手。轉離索。料青禽一夢春無幾。後夜相思。素蟾低照。誰掃花陰共酌。

一萼紅 石屋探梅作

思飄飄。擁仙姝獨步。明月照蒼翹。花候猶遲。庭陰不埽。門掩山意蕭條。抱芳恨。佳人分薄。似未許。芳魄化春嬌。雨。澀風慳。霧輕波細。湘夢迢迢。誰伴碧尊雕俎。喚瓊肌皎皎。綠髮蕭蕭。青鳳颺空。玉龍舞夜。遙睇河漢光搖。未須賦。疏香淡影。且同倚。枯籬聽吹簫。聽久餘音欲絕。寒透鮫綃。

董嗣杲西湖百詠注云。石屋在大仁院內。錢氏建。巖石虛廣若屋。下有洞路。石上鐫五百羅漢。屋上建閣三層。

長亭怨 重過中菴故園

泛孤艇。東皋過徧。尙記當日。綠陰門掩。屐齒莓階。酒痕羅袖事何限。欲尋前迹。空惆悵。成秋苑。自約賞花人。別後。總風流雲散。水遠。怎知流水外。卻是亂山尤遠。天涯夢短。想忘了。綺疏雕檻。望不盡。苒苒斜陽。撫喬木。年華將

晚。但數點紅英。猶識西園淒婉。

慶宮春 水仙

明玉擎金。纖羅飄帶。爲君起舞迴雪。柔影參差。幽香零亂。翠圍腰瘦一捻。歲華相誤。記前度湘皋怨別。哀絃重聽。都是淒涼。未須彈徹。國香到此誰憐。煙冷沙昏。頓成愁絕。花惱難禁。酒銷欲盡。門外冰澌初結。試招仙魄。怕今夜瑤簪凍折。攜盤獨出。空想咸陽。故宮落月。

高陽臺

殘萼梅酸。新溝水綠。東風節序暄妍。獨立雕欄。誰憐枉度年華。朝朝準擬清明近。料燕翎須寄銀箋。又爭知一字相思。不到吟邊。雙蛾不拂青鸞冷。任花陰寂寂。掩戶閒眠。屢卜佳期。無憑卻怨金錢。何人寄與天涯信。趁東風。急整歸船。縱飄零滿院楊花。猶是春前。

西江月

爲趙元父賦雪梅圖

褪粉輕盈瓊盃。護香重疊冰綃。數枝誰帶玉痕描。夜夜東風不埽。溪上橫斜影淡。夢中落莫魂銷。峭寒未肯放春嬌。素被獨眠清曉。

躡莎行

題草窗詞卷

白石飛仙。紫霞悽調。斷歌人聽知音少。幾番幽夢欲同時。舊家池館生青草。風月交游。山川懷抱。憑誰說與春知道。空留離恨滿江南。相思一夜蘋花老。

醉落魄

小窗銀燭。輕鬟半擁釵橫玉。數聲春調清真曲。拂拂朱簾。殘影亂紅撲。垂楊學畫蛾眉綠。年年芳草迷金谷。如今休把佳期卜。一掬春情。斜月杏花屋。

詞旨警句。一掬春情。斜月杏花屋。(醉落魄)一室秋鐙。一庭秋雨。更一聲秋雁。(醉蓬萊)揉碎花心。吟碎淡黃雪。(醉落魄)翠簾一池秋水。半床露。半床月。(霜天曉角)恰似斷魂江上柳。越春深越痕。(謁金門)詞眼。挑雲研雪。

花外集。八六子云。掃芳林。幾番風雨。恩恩老盡春禽。漸薄潤侵衣不斷。嫩涼隨扇初生。晚窗自吟。沈沈幽徑。芳尋晚露。苔香蕙淨。蕭疏竹影庭深。護淡卻蛾眉。晨妝慵掃。寶釵蟲墜。續衾鸞破。當時暗水和雲。泛酒空山。留月聽琴。料如今。門前數里翠陰。一萼紅赤。城山中題梅花卷云。玉嬋娟。甚春餘雪在。猶未跨青鸞。疏萼無香。柔條獨秀。應恨流落人間。記會照黃昏。皎月。漸瘦影移上小闌干。一點清魂。半枝寒色。芳意斑斑。重省嫩寒清曉。過斷橋流水。問訊孤山。冰骨微銷。塵衣不洗。相見還誤輕攀。未須訝。東南倦客。掩鉛淚。看了又重看。故國吳天樹老。用道風殘。前詞初春懷舊云。小庭陰。有蒼苔老樹。風物似山林。侵戶清寒。拍池急雨。時聽飛過鳴禽。掃花徑。殘梅似雪。甚過了人日更多陰。壓酒人家。試鐙天氣。相次登臨。猶記舊遊亭館。正垂楊引鏡。嫩草抽簪。羅帶同心。泥金牛臂。花氣低唱輕斟。又爭信風流一別。念前事。空惹恨沈沈。野服山筇醉賞。不似如今。疏影咏梅云。瓊妃臥月。任素裳瘦損。羅帶重結。石逕春寒。碧辭參差。相思會步芳屨。籬根分破東風恨。又夢入水孤雲闊。算如今。也厭嬌。帶了一痕殘雪。猶記冰奩半掩。冷枝畫未就。歸棹輕折。幾度黃昏。忽到窗前。重想故人初別。蒼蚪欲捲。健翥去。護蛻卻。連環香骨。早又是。翠蔭蒙茸。不似一枝清絕。聲聲慢云。迎門高髻。倚扇清吟。娉婷未數西洲。淺拂朱鉛。春風二月。相逢靚妝俊語。有舊家京洛風流。斷腸句。試重拈。綵筆。與賦閒愁。記凌波去後。問明璫羅幃。御爲誰留。枉夢相思。幾回南浦行舟。莫辭玉尊起舞。怕重來燕子。空樓。優悵悵。抱琵琶。閒過此秋。

樂府被題。王沂孫天香賦龍涎香云。孤蟾蟾煙。層瀾蛻月。驪宮夜採鉛。水汎銜槎。風夢深菽露。化作斷魂心字。紅瓷候火。還乍譜。冰瓊玉指。一縷紫簾翠影。依稀海山雲氣。幾回癡嬌半醉。尊春鐙。夜寒花碎。更好故溪飛雪。小窗深閉。荷令如今頓老。總忘卻。尊前舊風味。謾惜餘薰。空篝素被。摸魚兒賦。尊云。玉簾寒。翠絲微斷。浮空清影零碎。碧芽也抱春洲怨。雙捲小絨芳字。還又似。繫羅帶。相思幾點青銅綴。吳中舊事。悵酪乳爭奇。鱸魚護好。誰與共秋醉。紅湖與。昨夜西風又起。年年輕誤歸計。如今不怕歸無準。卻怕故人千里。何況是。正落日垂虹。怎賦登臨意。滄浪夢裏。縱一舸重遊。孤懷暗老。餘恨渺煙水。齊天樂賦蟬云。綠陰千樹。西窗曉。厭厭畫眠驚起。嫩翼風微。流聲露悄。半翦冰牋誰寄。淒涼倦耳。謾重拂琴絲。怕尋冠珥。夢短宮深。向人猶與訴。惟悴。殘虹收盡。過雨。晚來頻斷續。都是秋意。病葉難留。纖柯易老。空憶斜陽身世。山明月碎。甚已絕餘音。向餘枯蛻。鬢影參差。斷魂青鏡裏。周密鬢洲魚笛譜。題中仙詞卷云。結客千金。醉春雙玉。舊遊宮柳藏仙屋。白

頭吟老茂陵西。清平夢遠沈香北。玉笛天津。錦囊昌谷。春紅轉眼成秋綠。重翻花外侍兒歌。休聽酒邊供奉曲。

張炎山中白雲瑣窗寒。玉碧山。又號中仙。越人也。能文工詞。琢語峭拔。有白石意度。今絕響矣。余悼之。玉筍山所誦長歌之哀。過於痛哭。斷碧分山。空簾牖月。故人天外。香留酒罈。蝴蝶一生花裏。想如今。醉魂未醒。夜臺夢語秋聲碎。自中仙去後。詞牋賦筆。便無清致。都是淒涼意。悵玉筍埋雲。錦袍歸水。形容憔悴。料應也。孤吟山鬼。那知人彈折素絃。黃金鑄出相思淚。但柳枝門掩。枯陰候蟲愁暗葦。

趙與仁

與仁。字元父。號學舟。宋史宗室世系表。燕王德昭十世孫。希挺長子。入元。爲辰州教授。

柳梢青 落桂

露冷仙梯。霓裳散舞。記曲人歸。月度層霄。雨連深夜。誰管花飛。金鋪滿地苔衣。似一片斜陽未移。生怕清香。又隨涼信。吹過東籬。

琴調相思引

冰箔紗簾小院清。晴塵不動地花平。昨宵風雨。涼到木樨屏。香月照妝秋粉薄。水雲飛珮藕絲輕。好天良夜。閒理玉鞦韆。

西江月

夜半河痕依約。雨餘天氣冥濛。起行微月徧池東。水影浮花。花影動簾櫳。量減難追醉白。恨長莫盡題紅。鴈聲能到畫樓中。也要玉人知道有秋風。

清平樂

柳絲搖露。不縮蘭舟住。人宿溪橋知那處。一夜風聲千樹。曉樓望斷天涯。過鴻影落寒沙。可惜些兒秋意。等閒過了黃花。

好事近

春色醉茶麈。晝永篆煙初絕。臨水楊花千樹。盡一時飛雪。穿簾度竹弄輕盈。東風老猶劣。睡起凭闌無緒。聽幾聲呢鳩。

詞旨警句。昨宵風雨。涼到木樨屏。(琴詞相思引)

仇遠

遠字仁近。號山村。錢唐人。居白鶴池上。入元。仕為溧陽州學正。張翥。張用。莫維賢。皆出其門。有名當世。有與觀集一卷。

生查子

釵頭綴玉蠶。耿耿東窗曉。京洛少年游。猶恨歸來早。寒食正梨花。古道多芳草。今夜試青鐙。依舊雙花小。

八犯玉交枝 招寶山觀月上

滄島雲連。綠瀛秋入。暮景卻沈洲嶼。無浪無風。天地白。聽得潮生人語。擎空孤柱。翠倚高閣憑虛。中流蒼碧迷煙霧。惟見廣寒門外。青無重數。不知是水。不知是山。是樹。漫漫知是何處。倩誰問。凌波輕步。謾凝佇。乘鸞秦女。想庭曲。霓裳正舞。莫須長笛吹愁去。怕喚起魚龍。三更噴作前山雨。

延祐四明志云。招寶山。在定海縣東北八里。一名候濤山。為海控扼。吳萊甬東山水古蹟記云。慶元東偏海。有招寶山。或云。他處見山有異氣。疑下有寶。或云。東夷以海貨來互市。必泊此山前。至峽口。怪石巖險。離立。南曰金雞。北曰虎蹲。又前為蛟門。峽東浪激。或大如五石斗甕。躍入空中。卻墮下。碎為零雨。或遠如雪山冰岸。聲勢崩騰。秋風一作。海水又壯。排空觸岸。杳不知舟楫所在。

樂府補題。仇遠齊天樂賦蟬云。夕陽門巷荒城曲。清音早鳴秋樹。薄翦綃衣。涼生鬢影。獨飲天邊風露。朝朝暮暮。奈一度淒吟。一番淒楚。尙有殘聲。暮然飛過別枝去。齊宮往事謾省。行人猶與說。當時齊女。雨歇空山。月籠古柳。彷彿舊會聽處。離情正苦。甚癩拂冰箋。倦拈琴譜。滿地霜紅。淺莎尋蛻羽。花草粹編。仇山村瑤華謾咏雪云。疏疏密密。紛紛漠漠。乍舞風無力。殘靄斷礎。轉眼化作方珪圓璧。非花非

絮似逞巧先投窗隙。立小樓。不見青山萬里。鳥飛無迹。休憐凍梗冰苔。但飛入平林。都是春色。年華婉婉。誰信道老卻梁園詞客。暝青近也。且一白。何須三白。把一白分與梅花。要點壽陽妝額。

張翥說菴詞。最高樓。爲山村仇先生壽云。方寸地。七十四年春。世事幾浮雲。躬行齋內蒲團穩。昔英會裏酒盃頻。日追遊。時囑咏。任天真。喜女嫁男。婿今已畢。便東帛安車那肯出。無一事。挂閒身。西湖鷗鷺長爲侶。北山猿鶴莫移文。願年年。湯餅會。樂情親。

跋

先君子究心詞學有年。是繼因戊辰秋錢唐厲太鴻先生北來。假館于舍。先君子人事之暇。相與篝燈茗椀。商確箋注。搜羅考訂。頗瘁心力。成書於己巳夏。卽歿之前數日也。正欲授梓。不謂疾作。遽爾見背。今春檢閱遺藁。手跡宛然。讀之。涕淚交并。因急付剞劂。用副先志焉。乾隆庚午春三月上浣。男善長善和謹識。

絕妙好詞續鈔目錄

原續

- 翁孟寅 見卷三 摸魚兒
- 王 澡 見卷三 祝英臺近
- 趙希邁 見卷三 滿江紅
- 薛夢桂 見卷三 醉落魄
- 翁元龍 見卷四 江城子 西江月 朝中 措 鵲橋仙
- 張 樞 見卷五 戀繡衾 清平樂 木蘭 花慢 增詩話
- 李 演 見卷五 賀新郎
- 劉 瀾 見卷五 買陂塘
- 李彭老 見卷六 惜紅衣 木蘭花慢 祝英臺近 清平樂 章臺月 青玉案
- 李萊老 見卷六 倦尋芳 點絳脣 西江月
- 周 容 小重山
- 張 涅 祝英臺近
- 章謙亨 玉樓春 增孫花翁水龍吟
- 魏子敬 生查子 以上見浩然齋雅談
- 陳參政 木蘭花慢 見志雅堂雜鈔
- 失 名 謁金門 小重山 踏莎行 望遠行
- 無名氏 減字木蘭花
- 王夫人 滿江紅 卅文天祥鄧光薦和韻之作 又增詩話 以上見浩然齋雅談

嚴 蔡 如夢令 附鶴橋仙 卜算子

此 仙 鶴橋仙 以上見癸辛雜志新集及齊東野語

附詞譜三段見浩然齋雅談

又續

陸 游 見卷一 釵頭鳳 附蜀媚妓詞 皆見齊東野語

吳 琚 見卷一 水龍吟 見武林舊事

吳文英 見卷四 玉樓春 見武林舊事 附詞譜思佳客一調見浩然齋雅談

張 掄 柳梢青 壺中天慢 臨江仙

曾 覲 阮郎歸 柳梢青 壺中天慢 以上見武林舊事

周必大 點絳脣二闕 見齊東野語

俞國寶 風入松 見武林舊事

此 仙 憶少年

附辛幼安劉潛夫詞譜 又附韓忠武王 臨江仙南鄉子 絃石烈子仁上西平 買師憲生辰

諸壽詞 以上見齊東野語 長橋月短橋月詞譜見癸辛雜識後集 石林詞譜一段見浩然齋

雅談

錢唐姚 煌星甫注

絕妙好詞續鈔

翁子孟寅 見卷三

摸魚兒

捲西風方肥塞草。帶鉤何事東去。月明萬里關河夢。吳楚幾番風雨。江上路。二十載頭顱凋落。今如許。涼生弄塵。嘆江左夷吾。隆中諸葛。談笑已塵土。寒汀外。還見來時鷗鷺。重來應是春暮。輕裘峴首陪登眺。馬上落花飛絮。拚醉舞。誰解道。斷腸賀老江南句。沙津少駐。舉目送飛鴻。幅巾老子。樓上正凝佇。

賓陽嘗遊維揚。買師憲開帷閣。甚前席之。其歸。又置酒以餞。賓陽即席賦此詞呈。師憲大喜。舉席間飲器。凡數十萬。悉以贈之。

王 澡 見卷三

祝英臺近 別詞

玉東西。歌宛轉。未做苦離調。著上征衫。字字是愁抱。月寒鬢影刁蕭。舵樓開纜。記柳暗乳鴉曉。短亭草。還是綠與春歸。羅屏夢空好。燕語難憑。悴憔悴未渠了。可能妬柳羞花。起來渾嬾。便瘦也教春知道。

趙希邁 見卷三

滿江紅

三十年前。愛買劍買書買畫。凡幾度詩壇爭敵。酒兵爭霸。春色秋光如可買。錢慳也不會論價。任麤豪爭肯放低頭。諸公下。今老大。空嗟訝。思往事。還驚詫。是和非未說。此心先怕。萬事全將飛雪看。一閒且問蒼天借。樂餘齡。泉石在膏肓。吾非詐。

薛夢桂 見卷三

翁孟寅 王澡 趙希邁 薛夢桂 翁元龍

父大圭。紹熙間。上書乞立儲。在趙忠定諸人先。叔載。擢高科。歸京籍。風度清遠。所居西湖五雲山。日隔凡關。日林壑。通命之曰方厓。小隱。諸名士無不納交。儂語古文。詞筆灑落。不特詩也。

醉落魄

單衣乍著。滯寒更傍東風作。珠簾壓定銀鉤索。雨弄初晴。輕旋玉塵落。花脣巧借粧梅約。嬌羞纔放三分萼。前不用多評伯。春淺春深。都向杏梢覺。

公羽元龍 見卷四

元龍與吳君特爲親伯仲。作詞各有所長。世多知君特。而知時可者甚少。

江城子

一年簫鼓又疏鐘。愛東風。恨東風。吹落鐘花。移在杏梢紅。玉鑿翠鈿無半點。空溼透。繡羅弓。燕魂鶯夢漸惺忪。月簾櫳。影迷濛。催趁年華。都在豔歌中。明日柳邊春意思。便不與。夜來同。

西江月

畫閣換黏春帖。寶箏拋學銀鉤。東風輕滑玉釵流。織線燕紋鶯繡。隔帳燈花微笑。倚窗雲葉低收。雙鴛刺罷底尖頭。剔雪閒尋萱蕙。

朝中措 茉莉

花情偏與夜相投。心事鬢邊羞。薰醒半床涼夢。能消幾個開頭。風輪漫卷。冰壺低架。香霧颼颼。更著月華相惱。木犀淡了中秋。

鵲橋仙 七夕

天長地久。風流雲散。惟有離情無算。從分金鏡不曾圓。到此夜年年一半。輕羅暗網。蛛絲得意。多似妝樓鍼綫。曉看玉砌淡無痕。但吹落梧桐幾片。

時可詞。如搗蓮牽藕綫。藕斷絲難斷。潭水沒鴛鴦。教尋波底香。真花間語也。

張樞 見卷五

玉田之父也。斗南筆墨蕭爽。人物醜藉。善音律。嘗度依聲集百闕。音韻諧美。真承平佳公子也。

戀繡衾

屏綃裏潤惹篆煙。小窗間人泥晝眠。正雪暖茶糜架。奈愁春塵鎖雁絃。楊花做了香雲夢。化池萍滄汎翠鈿。自
不怨東風老。怨東風輕信杜鵑。

清平樂

鳳樓人獨。飛盡羅心燭。夢繞屏山三十六。依約水西雲北。曉窗嬾試脂鉛。一縷鸞髻微偏。留得宿妝眉在。要教
知道孤眠。

木蘭花慢

歌塵凝燕壘。又軟語。在雕梁。記翦燭調絃。翻香校譜。學品伊涼。屏山夢雲正暖。放東風捲雨入巫陽。金冷紅條孔雀。翠閒綵結鴛鴦。銀釭燄冷小蘭房。夜悄怯更長。待綵葉題詩。含情贈遠。煙水茫茫。春妍尙如舊否。料曉痕暗
裏。滉紅妝。須覓流鶯寄語。爲誰老卻劉郎。

次斗南韻云。路穿匡曲幾回環。天地爲鑪不掩關。守分固於貧亦樂。任緣或以倦知還。門前認取朝宗水。屋
上元非捷徑山。若欲結茆相共住。雲根可著兩三間。失載作者姓名。

斗南歎踐朱華。爲宣詞令。閣門簿書。詳知朝儀典故。其姑繡雲夫人。承恩穆陵。因得出入九禁。備見一時宮
中燕幸之事。嘗賦宮詞七十首。盡載當時感際。非其他想像而爲者。今據其十於此。堯殿融春大宴開。山呼
纔了樂聲催。侍臣宜勸君恩重。宰相親王對舉杯。觀堂鐘響待催班。步入朱廊十二間。宣坐賜茶開講席。花
磚咫尺對天顏。月籠梅影夜深時。白玉排簾索獨吹。傳得官家暗宣使。黃金約臂翠花枝。翠枝斜插插金花。
特髻低蟠貼水荷。應奉人多宜喚少。海棠花下看飛梭。笙歌散後歸深院。花柳陰中過曲廊。靜掩金鋪三十
六。黃昏處處蒸銜香。燦錦堂西過夕陽。水風欲起芰荷香。內監催掃池邊地。準備官家納晚涼。晚涼開宴近
中秋。香染金風倚桂樓。花月新篇初唱徹。內人傳旨索歌頭。(穆陵製花月篇)銀簧乍詭參差竹。玉轡新

調尺合絃。奏罷六么。花十八。水晶簾底賜金錢。但廊隔樹簾簾卷。曲水穿橋路路通。禁漏滴斜花外日。御香熏暖柳邊風。紫閣深嚴。殿西書林飛白揭宸奎。黃封繳進昇平奏。直筆夫人看內批。

李 演 見卷五

賀新涼 多景樓落成

笛叫東風起。弄尊前楊花小扇。燕毛初紫。萬點淮峯孤角外。驚下斜陽似綺。又婉婉一番春意。歌舞相繆愁自猛。捲長波一洗人間世。空熱我醉時耳。綠蕪冷葉瓜州市。最憐予洞簫聲盡。闌干獨倚。落落東南牆一角。誰護山河萬里。問人在玉關歸未。老矣青山燈火客。撫佳期漫灑新亭淚。歌哽咽。事如水。

淳熙間。丹陽太守重修多景樓。落成高宴。一時席上。皆湖海名流。酒餘。主人命妓持紅樓。徵諸客詞。秋田李演廣翁詞先成。衆人驚賞。爲之閣筆。

劉 瀾 見卷五

買陂塘 薛天台鴈蕩東湖

御風來翠鄉深處。連天雲錦平遠。臥游已動蓬舟興。那在芙蓉城畔。中瀨岸。任壓頂崢嶸。蛾滿鬢絲零亂。飛吟水殿。載十丈青青。隨波弄粉。菰雨淚如霰。斜陽外。也有仙妝半面。無言應對花怨。西湖千頃腥塵暗。更憶鑑湖一片。何日見。試折藕占絲絲與腸俱斷。遐征漸倦。嘗頰尾湖頭。綠波綵筆。相伴老坡健。

此養源絕筆也。

李 彭 老 見卷六

惜紅衣

水西雲北。記前回。同載高陽伴侶。一色荷花香十里。偷把秋期頻數。脆筩排雲。輕橈噴雪。不信催詩雨。碧簫呼酒。秀牋題徧新句。誰念病損文園。歲華搖落。事與孤鴻去。露井邀涼吹短髮。夢入賈州淩浦。暗草飛螢。喬枝翻鶻。看月山中住。一聲清唱。醉鄉知有仙路。

木蘭花慢 送客

折秦淮露柳。帶明月。倚歸船。看佩玉。紉蘭囊。詩貯錦。江滿吳天。吟邊。喚回夢蝶。想故山。薇長已多年。草得梅花賦。了。權歌遠和離絃。風絃。盡入吟編。傷倦客。對秋蓮。過舊經行處。漁鄉水驛。一路聞蟬。留連漫聽燕語。便江湖夜。兩隔燈前。潮返溽陽暗水。鴈來好寄瑤牋。

祝英臺近

載輕寒。低鳴鶻。十里杏花雨。露草迷煙。縈綠過前浦。青青陌上垂楊。綰絲搖珮。漸遮斷舊曾吟處。聽鶯語。吹笙人遠天長。誰翻水西譜。淺黛凝愁。遠岫帶眉嫵。畫闌閒倚多時。不成春醉。趁幾點白鷗歸去。

清平樂

合歡扇子。撲撲花陰裏。半醉海棠扶不起。淡日秋千閑倚。寶箏彈向誰聽。一春能幾番晴。帳底柳絲吹滿。不教好夢分明。

章臺月

露輕風細。中庭夜色涼如水。荷香柳影成秋意。螢冷無光。涼入樹聲碎。玉簫金縷西樓醉。長吟短舞花陰地。素娥應笑人憔悴。漏歇簾空。低照半牀睡。

青玉案

楚峯十二陽臺路。算只有飛紅去。玉合香囊曾暗度。榴裙翻酒。杏簾吹粉。不識愁來處。燕忙鶯懶青春暮。蕙帶空留斷腸句。草色天涯情幾許。茶麝開盡。舊家池館。門掩風和雨。

張直夫嘗爲詞序云。靡麗不失爲國風之正。閒雅不失爲騷雅之賦。摹擬玉臺。不失爲齊梁之工。則情爲性用。未聞爲道之累。

樓茂叔云。裙襪之樂。何待晚悟。筆墨勸淫。谷將誰執。或者假正大之說而掩其不能。其罪我必焉。雖然。與知我等耳。

李萊老 見卷六

李萊老 周容 張惺

秋崖與兄箕房競爽。號窮溪二隱。

倦尋芳

繚繚黏繚。慘徑飛梅。春緒無賴。繡壓垂簾。骨有許多寒在。寶幄香銷。龍麝餅。鈿車塵冷。鴛鴦帶。想西園。被一程風雨。羣芳都礙。逗晴色。鶯囀人起。倦倚銀屏。愁沁眉黛。待拚千金。卻恨好晴難買。翠苑歡游。孤解佩。青門佳約。妨挑菜。柳初黃。單池塘。萬絲愁鬢。

點絳脣

綠染春波。袖羅金縷。雙鷓鴣。小桃勻碧。香襯蟬雲溼。舞帶歌鈿。間傍秋千立。情何極。燕鶯塵蹟。芳草斜陽笛。

西江月 海棠

綠凝曉雲冉冉。紅酣晴霧冥冥。銀簪懸燭錦官城。困倚牆頭半影。雨後偏饒豔冶。燕來同作清明。更深猶喚玉鞦韆。不管西池露冷。

周 容

容。字子寬。四明人。

小重山

謝了梅花恨不禁。小樓羞獨倚。暮雲平。夕陽微放柳梢明。東風冷。眉岫翠寒生。無限遠山青。重重遮不斷。舊離情。傷春還上去年心。怎禁得。時節又燒燈。

張 涅

涅。字清源。

祝英臺近

一番風。連夜雨。收拾做春莫。豔冷香銷。鶯燕慘無語。曉來綠水橋邊。青門陌上。不忍見落紅無數。怎分付。獨倚紅藥闌邊。傷春甚情緒。若取留春。欲去去何處。也知春亦多情。依依欲住。子規道不如歸去。

章謙亨

謙亨字枚叔吳興人鉛山令。

玉樓春 中歲

團樂小酌醺醺醉。厮捱著没人肯睡。呼盧直到五更頭。便鋪了妝臺梳洗。庭前鼓吹喧人耳。驀忽地又添一歲。休嫌不足少年時。有多少老如我底。

枚叔嘗為浙東憲。風采為一時所稱。然醜藉滑稽。不同流俗。

又羅希聲水龍吟除夕一詞。小童教寫桃符。道人還了常年例。神前竈下。被除清淨。獻花酌水。禱告些兒也。都不是求名求利。但吟詩寫字。分數上面。略精進。儘足矣。飲量恣教不醉。好時節。逢場作戲。驅儻爆竹。輕錫酥豆。通宵不睡。四海皆兄弟。阿翁也同添一歲。願家家戶戶。和和順順。樂昇平世。此集中所無也。希聲聲之下。余氏失鈔所書孫花翁五字。

魏子敬

生查子

愁盈鏡裏山。心疊琴中恨。露溼玉闌秋。香伴銀屏冷。雲歸月正圓。鴈到人無信。孤損鳳皇釵。立盡梧桐影。

劉興伯云。此詞題道塗壁上。甚工。

陳參政

參政。北人。名未詳。

木蘭花慢 送陳石泉南還

歸人猶未老。喜依舊。著南冠。正雪暗滄沱。雲迷茫碣。夢落邯鄲。鄉心日行萬里。幸此身生入玉門關。多少秦煙隴霧。西湖淨洗征衫。燕山從不見吳山。回首一歸難。慨故都禾黍。故家喬木。那忍重看。鈞天紫城何處。問瑤池入駿幾時還。誰在天津橋上。杜鵑聲裏闌干。

章謙亨 魏子敬 陳參政 失名

此詞載之志雅堂雜鈔。詞餘亦入選。

失名

謁金門

休只坐也。去看花則箇。明日滿庭紅欲墮。花還愁似我。索性凝眠一寤。憑箇夢兒好做。杜宇不知春已過。枝頭聲越大。

小重山

鼓報黃昏禽影歇。單衣猶未試。覺寒怯。塵生錦瑟。可曾閱。人去也。閒過好時節。對景復愁絕。東風吹不散。鬢邊雪。些兒心事對誰說。眠不得。一枕杏花月。

二詞徐愛山堪舉之。不知何人作也。

失名

躡莎行

照眠淺花。翦情菰葉。夢雲吹散無蹤蹟。聽郎言語識郎心。當時一點誰消得。柳暗花明。螢飛月黑。臨窗滴淚研殘墨。合懽帶上舊題詩。如今化作相思碧。

原注。此詞與謁金門人病酒詞。並見趙聞禮釣月集。不詳何人所作。今查人病酒詞。已見本集。作譚宣子詞。

失名

望遠行 元夕

又還到元宵臺榭。記輕衫短帽。酒朋詩社。爛漫向羅綺叢中。馳騁風流俊雅。轉頭是三十年話。量減才慳。自覺是歡情衰謝。但一點難忘酒痕香。如雪鬢霜髭。嬉游不忒深夜。怕相逢風前月下。

此詞翁賓陽謂是孫季蕃作。然花翁集中無之。

無名氏

太原府治宣詔亭壁間。

減字木蘭花

井州霜早。禾黍離離成腐草。馬困人疲。惟有郊原雀鼠肥。分明有路。好逐衡陽征鴈去。鼓角聲中。全晉山河一半空。

金貞祐中。太原已受兵。人情恂恂。府治宣詔亭壁上。忽有此詞。草窗云。蓋鬼詞也。

王夫人

清惠。宋昭儀。從謝太后北觀。題詞于汴京夷山驛中。入元為女道士。號仲華。

滿江紅

太液芙蓉。渾不似舊時顏色。曾記得春風雨露。玉樓金闕。各播蘭馨妃后裏。暈潮蓮臉君王側。忽一聲鼙鼓揭天來。繁華歇。龍虎散。風雲滅。千古恨。憑誰說。對山河百二。淚盈襟血。客館夜驚塵土夢。宮車曉碾關山月。問姮娥於我肯從容。同員缺。（橋寒。蘭馨詞絲作蘭簪。）

東園友聞云。此詞或傳張瑄英所賦。

文天祥和韻。燕子樓中。又捱過幾番秋色。相思處。青春如夢。乘鸞仙闕。肌玉暗銷衣帶緩。淚珠斜透花銅側。最無端。蕉影上窗紗。青燈歇。曲池合。高臺滅。人間事。何堪說。向南陽阡上。滿襟清血。世態便如翻覆手。妾身元是分明月。笑樂昌。一段好風流。菱花缺。代王夫人再用韻。試問琵琶。胡沙外。怎生風色。最苦是。姚黃一朵。移根丹闕。王母歡闌瑤宴罷。仙人淚滿金盤側。聽行宮。半夜用淋鈴。聲聲歇。綵雲散。香塵滅。銅駝恨。那堪說。想男兒懷。嶽。嶽穿艱血。回首昭陽辭落日。傷心銅爵迎新月。算妾身。不願似天家。金甌缺。鄧光薦和韻。王母仙桃。親會醉。九重春色。誰信道。鹿銜花去。浪翻鼉鬪。眉鎖姮娥山宛轉。髻梳墜馬雲。歎側。恨風沙。吹透漢宮衣。餘香歇。覓裳。散。庭花滅。昭陽燕。應難說。想春深。銅雀。夢殘。艱血。空有琵琶傳出塞。更無瓊珮歸月。又爭知。有客夜悲歌。尊。敲缺。光薦。名剡。號中齋。文信國客。廬陵人。

無名氏 王夫人 巖藻

王昭儀送水雲歸吳序云。水雲留金臺一紀。琴書相與無虛日。秋風天際。束書告行。此懷愴然。定知夜夢先過黃河也。一時同人。以勸君更盡一盃酒。西出陽關無故人。分韻賦詩爲贈。他時海上相逢。當各說神仙人語。又豈以聲律爲拘拘耶。清惠詩。朔風獵獵割人面。萬里歸人淚如霰。江南江北路茫茫。粟酒千鍾爲君勸。陳真叔詩。天山雪子落紛紛。醉擁貂裘坐夜分。明日馬頭南地去。琴邊應是有文君。黃慧真詩。高臺燕山冰雪勁。萬里長安風雨橫。君衣雲錦勒花驄。此酒一盃何日更。何鳳儀詩。十年燕客身如病。一曲剡溪心不競。憑君寄與愛梅仙。天理現時人事盡。周靜真詩。燕山雪花大如席。馬上吟詩無紙筆。他時若遇隴頭人。折寄梅枝須一一。葉靜慧詩。塞上礮聲響似雷。憐君騎馬向南回。今宵且向穹廬醉。後夜相思無此杯。孔清真詩。瘦馬長吟塞驢吼。坐聽三軍擊刁斗。歸人鞍馬不須忙。爲我更酌葡萄酒。鄭惠真詩。琵琶撥盡昭君泣。蘆葉吹殘蔡女疑。歸見林道煩說似。唐僧三藏入天西。方妙靜詩。萬里秦城風漸浙。一望蘇州雲暮暮。君今得旨歸故鄉。反鎖衙門勿輕出。翁懿叔詩。金門夜醉紫霞觴。乞得黃冠還故鄉。一似陳搏歸華岳。又如李泌過衡陽。章妙懿詩。一從騎馬逐鈴鑾。過了千山又萬山。君已歸裝向南去。不堪鴻斷唱陽關。蔣懿順詩。十年牢落醉穹廬。不用歸榮駟馬車。他日倘思人在北。音書還寄雁來無。林順德詩。歸舟夜泊西與渡。坐看潮來又潮去。紅草紅花春復春。山青水綠元如故。袁正叔詩。抱琴歸去海東濱。莫逐成連覓子春。十里西湖明月在。孤山尋訪種梅人。清惠又有擣衣詩呈水雲。妾命薄如葉。流離萬里行。黃塵燕塞外。愁聽擣衣聲。又李陵臺和汪水雲李陵臺上望答子五言詩。客路八千里。鄉心十二時。孟勞欣已稅。區脫永相離。忽報江南使。新來貢荔支。汪水雲秋日酬王昭儀詩。愁到濃時酒自斟。挑燈看劍淚痕深。黃金臺迥少知己。碧玉調高空好音。葛葉秋風孤館夢。一燈舊用故鄉心。庭前昨夜梧桐語。勁氣蕭蕭入短襟。又女道士王昭儀仙游詩。吳國生如夢。幽州死未寒。金閨詩卷在。玉案道書閒。苦霧蒙丹旌。酸風射素棺。人間無葬地。天上有仙山。

巖 蕊

蕊。字幼芳。天台營妓。善琴弈歌舞。絲竹書畫。色藝冠時。間作詩詞。有新語。頗通古今。善逢迎。四方聞名。千里來訪。

如夢令 賦紅白桃花

道是梨花不是。道是杏花不是。白白與紅紅。別是東風情味。曾記。曾記。人在武陵微醉。

唐與正守台日。酒邊命賦此。卽成。與正賞之雙綠。又七夕郡齋開宴。坐有謝元卿者。命以己之姓爲韻賦一詞。酒行。詞成。鵲橋仙云。碧梧初墜。桂花纔吐。池上水花微謝。穿針人在合歡樓。正月露。玉盤高瀉。蛛忙鵲嬾。耕慵織倦。空做古今佳話。人間剛道隔年期。在天上方纔隔夜。元卿爲之心醉。時朱晦菴以使節行部至台。欲撫與正之罪。連及蔡。大受委頓。至徽阜陵之驛。後朱改除。岳商卿爲憲。命自陳。蔡略不措思。口占卜算子云。不是愛風塵。似被前緣誤。花落花開自有時。總賴東君主。去也終須去。住也如何住。若得山花插滿頭。莫問奴歸處。卽日判令從良。

此仙

鵲橋仙 七夕

鸞輿初駕。牛車齊發。隱隱鵲橋呼軋。尤雲帶雨正歡濃。但只怕來朝初八。霞垂綵幔。月明銀燭。馥郁香噴金鴉。年年此際一相逢。未審是甚時結煞。

宋慶之寓永嘉時。得韶歲。鄉士從之者頗衆。適七夕會飲。有僧法辨。善五星。在坐每以八煞爲說。衆人號爲辨八煞。酒間。一士致仙。扣試事。忽箕動神降。宋怪之。漫云。姑置此。且求七夕一詞如何。復請韻。宋指辨云。以八煞爲韻。忽運箕如飛。成此詞。羣誇其警敏。

附錄。宣和中。李師師以能歌舞稱。時周邦彥爲太學生。時游其家。一夕。祐陵臨幸。倉卒避去。旣而賦小詞。所謂并刀如水。吳鹽勝雪者。蓋紀此夕事也。未幾。李被宣喚。遂歌于上前。問誰作。以邦彥對。遂與解褐。自此顯。旣而朝廷賜醴。師師又歌大酺六醴二解。上顧教坊使袁綯。問綯曰。此起居舍人新知路州周邦彥作也。問六醴之義。莫能對。召邦彥問之。對曰。此犯六調。皆聲之美者。然絕難歌。上喜。意將留行。且以近多祥瑞。將使播之樂章。命蔡元長叩之。邦彥云。某老矣。頗悔少作。會起居郎張果。廉知邦彥嘗于親王席上作小詞。贈舞鬟云。歌席上。無賴是橫波。寶髻玲瓏。玉燕。繡巾柔膩。掩香羅。何況會真。無個事。因甚。斂雙蛾。淺淡梳妝。疑是畫。惺忪言語。勝聞歌。好處是情多。爲蔡道其事。上知之。由是得罪。

此仙

何籟作宴清都。有天遠山遠水遠人遠之語。一時號爲何四遠。然前有宋景文。出知壽春。過維揚。賦浪淘沙。近留別劉原父云。少年不管流光如箭。因循不覺招華換。到如今。始惜月滿。花滿。酒滿。扁舟欲解。垂楊岸。尙同歡宴。日斜歌闕將分散。倚闌遙望。天遠。水遠。人遠。籟蓋用此也。

狂彥章舟行汴河。見傍岸畫舫。有映簾而窺者。只見其額。賦詞云。小舟簾隙。佳人半露梅妝額。綠雲低映花如刻。恰似秋宵。一半銀蟾白。蓋以月喻額也。辛幼安嘗有句云。聞道綺陌東頭。行人會見。餘底纖纖月。則以月喻足。無乃太嫫乎。

（按龍洲詞。似一鉤新月。綫碧籠雲。不但稼軒也。）

絕妙好詞續鈔補錄

陸游 見卷一

陸務觀以史師垣薦賜第。孝宗一日內宴。史與會覲皆預焉。酒酣。一內人以肥子從會乞詞。時德壽宮有內人預掌果子者交涉。方付有司治之。覲因謝不敢。曰：獨不聞德壽宮有公事乎？遂已。他日史偶爲務觀道之。務觀以告張燾子宮。張時在政府。翼日奏。陛下新嗣服。豈宜與臣下裁狎如此。上媿。問曰：卿得之誰？曰：臣得之陸游。游得之史浩。上由是惡游。未幾去國。

釵頭鳳

紅酥手。黃藤酒。滿城春色宮牆柳。東風惡。歡情薄。一懷愁緒。幾年離索。錯。錯。錯。春如舊。人空瘦。淚痕紅浥鮫綃透。桃花落。閒池閣。山盟雖在。錦書難託。莫。莫。莫。（藤一作藤）

陸務觀初娶唐氏。閩之口女也。於其母夫人爲姑姪。伉儷相得。而弗獲於其姑。既出而未忍絕之。則爲之別館。時時往焉。其姑知而掩之。雖先知挈去。然事不得隱。竟絕之。亦人倫之大變也。唐後改適同郡宗子士程。嘗以春日出遊。相過於禹迹寺南之沈氏園。唐以語趙。遣致酒肴。翁悵然久之。爲釵頭鳳一詞。題園壁間云云。實紹興乙亥歲也。翁居鑑湖之三山。晚歲每入城。必登寺眺望。不能勝情。嘗賦二絕云。夢斷香銷四十年。沈園柳老不飛綿。此身行作稽山土。猶弔遺蹤一悵然。又云。城上斜陽畫角哀。沈園無復舊池臺。傷心橋下春波綠。曾是鸞鴦照影來。蓋慶元己未歲也。未久。唐氏死。至紹熙壬子歲。復有詩。序云。禹迹寺南。有沈氏小園。四十年前。嘗題小闕壁間。偶復一到。而園已三易主。讀之悵然。詩云。楓葉初丹槲葉黃。河陽愁鬢怯新霜。林亭感舊空回首。泉路憑誰說斷腸。壞壁醉題塵漠漠。斷雲幽夢事茫茫。年來妄念消除盡。回向蒲龕一炷香。又至開禧乙丑歲。莫。夜夢游沈氏園。又作兩絕句云。路近城南已怕行。沈家園裏更傷情。香穿客袖梅花在。綠醖寺橋春水生。城南小陌又逢春。只見梅花不見人。玉骨久沈泉下土。墨痕猶鎖壁間塵。沈園後屬許氏。又爲狂之道宅云。蜀娼類能文。蓋薛濤之遺風也。放翁客自蜀。挾一妖歸。蓄之別室。率數日一往。偶以病少疏。妓頗疑之。客作詞自解。妓即韻答之云。說盟說誓。說情說意。動便春愁滿紙。多應念得脫空經。是那個先生教底。不茶不飯。不言不語。

一味供他憔悴。想思已是不會開。又那得工夫咒你。或謗翁。嘗挾蜀尼以歸。卽此也。又傳一蜀妓送行詞云。欲寄意。渾無所有。折盡市橋官柳。看君著上征衫。又相將放船楚江口。後會不知何日。又是男兒休。要鎮長相守。苟富貴。無相忘。若相忘。有如此酒。亦可喜也。

吳 琚 見卷一

水龍吟 喜雪

紫皇高宴。蕭臺雙成戲。擊瓊包碎。何人爲把。銀河水翦。甲兵都洗。玉樣乾坤。八荒同色。了無塵翳。喜冰消太液。暖融鳩鵲。端門曉。班初退。聖主憂民深意。轉洪鈞。滿天和氣。太平有象。三宮二聖。萬年千歲。雙玉盃深。五雲樓迴。不妨頻醉。細看來。不是。飛花片片。是豐年瑞。

淳熙八年正月元日。上坐紫宸殿。引見人使。訖卽率皇后。皇太子。太子妃。至德壽宮。行朝賀禮。訖。官家恭請太。上太后。來日就南內排當。初二日。進早膳訖。遣皇太子到宮。恭請兩殿。並只用驕兒。禁衛候擁入內。官家親至殿門恭迎。親扶太上降輦。午正二刻。就後虛排當三盞。至萼綠華堂看梅。未初。雪大下。正是臘前。太上甚喜。官家云。今年正欠些雪。可謂及時。太上云。雪卻甚好。但恐長安有貧者。上奏云。已令有司。比去年數倍支散矣。太上亦命提舉官。于本宮支撥官會。照朝廷數目。發下臨安府。支散貧民一次。又移至明遠樓。張鑼進酒。節使吳玘。進喜雪。水龍吟詞云云。上大喜。賜鑲金酒器二百兩。細色段匹。復古殿香。羔兒酒等。太后命本宮歌板色。歌此曲進酒。太上盡醉。至更後。宣驕兒入便。上親扶太上。上輦還宮。

吳文英 見卷四

玉樓春 元夕

茸茸狸帽遮梅額。金蟬羅翦胡衫窄。乘肩爭看小腰身。倦態強隨閒鼓笛。問稱家在城東陌。欲買千金應不惜。歸來困頓帶春眠。猶夢嬈嬈斜趁拍。

都城自舊歲冬孟駕回。則已有乘肩小女。鼓吹舞縮者數十隊。以貢貴邸豪家幕次之。翫。而天街茶肆。漸已羅列鑼鼓等求售。謂之鑼市。自此以後。每夕皆然。三橋等處。客邸最盛。舞者往來最多。每夕樓鑼初上。則蕭鼓已

紛然自獻於下，酒邊一笑。所費殊不多。往往至四鼓乃還。自此日感一日，吳夢窗玉樓春云云，深得其意態也。披翁嘗作女醫體贊，其後徑山大憲師宗杲亦作半面女醫體贊。吳君特嘗戲賦，思佳客詞云：釵燕攜雲睡起時，隔牆折得杏花枝，青春半面妝如畫。細雨三更花欲飛。情輕愛別，舊相知。斷腸青冢幾斜暉。亂紅一任風吹起，結習空時不點衣。 橋案。情字衍。

張 掄

掄字才甫。南渡故老。有蓮社詞一卷。

柳梢青

柳色初濃。餘寒似水。纖雨如塵。一陣東風。縠紋微皺。碧沼鱗鱗。 仙娥花月精神。奏鳳管鸞絃鬪新。萬歲聲中。九霞杯內。長醉芳春。

乾道三年三月初十日。太上云。傳語官家。後園有幾株好花。來日請官家過來開看。次日進早膳後。車駕與皇后太子過宮。至清妍亭看茶蘼。就登御舟。繞隄開遊。與湖中一般。太上倚闌開看。適有雙燕掠水飛過。得旨令會觀賦之。遂進阮郎歸。（詞見後）既登舟。知閣張掄進柳梢青云云。會觀和進。（詞見後）各有宣賜。

壺中天慢 牡丹

洞天深處。賞嬌紅輕玉。高張雲幕。國豔天香相競秀。瓊苑風光如昨。露洗妖妍。風傳馥郁。雲雨巫山約。春濃如酒。五雲臺榭樓閣。聖代道洽功成。一塵不動。四境無鳴柝。屢有豐年天助順。基業增隆山嶽。兩世明君。千秋萬歲。永享昇平樂。東皇呈瑞。更無一片花落。（此詞或謂是康伯可所賦。張掄以爲己作。）

淳熙六年三月十五日。車駕過宮。恭請太上太后幸聚景園。次日皇后先到宮。候車駕至。從太上太后至聚景園。備遊園中。再至瑤津西軒。都管使臣劉景長。供進新製泛蘭舟曲破。吳興。祐舞。各賜銀絹。遂至錦壁賞大花。三面漫坡。牡丹約千餘叢。各有牙牌金字。上張大樣碧油絹幕。又別翦好色樣一千朵。安頓花架。並是水晶玻璃。天青伏窰金瓶。就中開沈香桌兒一隻。安頓白玉碾花商尊。約高二尺。徑二尺三寸。獨插照殿紅十五枝。應隨駕官人內官。並賜兩面翠綵繡金牡丹一枝。翠葉牡丹沈香柄金線御書扇各一把。是日知閣張掄進壺中

天慢云云。賜金杯盤法錦等物。

臨江仙

聞道彤庭森寶仗。霜風逐雨驅雲。六龍扶輦下青冥。香隨鸞扇遠。日映赭袍明。簾卷天街人頂戴。滿城喜氣氤氳。等閒散作入荒春。欲知天意好。昨夜月華新。

九月十五日。明堂大禮。十三日值雨。未時。奏請宿齋。北內送天花摩詰。蜜煎山藥。棗兒。乳饅。巧炊。火炊。角兒等。十四日早。車駕詣景靈宮。回太廟宿齋。雨終日不止。午後。太上遣提舉至太廟。傳語官家。連日祀事不易。所有十六日詣宮飲福。以陰雨泥濘勞頓。可免到宮行禮。天氣陰寒。請官家善進御膳。頻添御服。聖旨遣閣長回奏。上感聖恩。至日若登樓肆赦時。依舊詣宮行禮。若值雨不登門時。續當奏聞。至晚雨不止。宣諭大禮使趙雄。來早更不乘輅。止用逍遙輦。詣文德殿致齋。一應儀仗排立。並行放免。從駕官並常服以從。併遣御藥奏聞北內。來日爲值雨。更不乘輅。謹遵聖旨。更不過宮行飲福禮。太上令傳語官家。既不乘輅。此閒也不出去看也。大禮使趙雄。雖已得旨。猶不許放散。上聞之。曰。來早若不晴時。有何面目。雄聞之。曰。縱使不晴。得罪不過罷相耳。堅執不肯放散。至黃昏後。雨止。月明。上大喜。遣內侍李思恭。宣諭大禮使。仍舊乘輅。候登門肆赦訖。詣宮行飲福禮。十五日晴色甚佳。車駕太廟。乘輅還內。日映御袍。天顏甚喜。都民皆贊歎聖德。至巳時。太上直閣子官往齋殿。傳語官家。且喜晴明。可見誠心感格。御賜用匹段。玉報響。七寶篋刀子事件。素食果衣等。仍諭連日勞頓。免行飲福禮。今上就遣知省回奏。上感聖恩。天氣轉晴。皆太上皇帝聖心感格。容肆赦訖。詣宮行禮。併謝聖恩。十六日登門肆赦畢。車駕詣宮小次。降輦。提舉太上皇聖旨。特減八拜。仍免至壽聖處。飲福行禮畢。略至絳華堂。進仗索。知閣張掄進臨江仙詞云云。

十一年六月初一日。車駕過宮。太上同至飛來峯。看放水簾。後苑小廚兒三十人。打息氣。唱道情。太上云。此是張掄所撰鼓子詞。

會 觀

觀。字純甫。汴人。紹興中。以寄班祇候。與龍大猷同爲建王內知客。孝宗受禪。以曆邸舊人。除權知閣門事。淳熙初。除開府儀同三司。加少保。醴泉觀使。有海野詞一卷。

阮郎歸 雙燕

柳陰庭院占風光。呢喃春晝長。碧波新漲小池塘。雙雙蹴水忙。萍散漫。絮飛揚。輕盈體態狂。爲憐流水落花香。銜將歸畫梁。

柳梢青 和張才甫韻

桃靨紅勻。梨腮粉薄。鴛徑無塵。鳳閣凌虛。龍池澄碧。芳意鱗鱗。清時酒聖花神。看內苑風光更新。一部仙韶。九重鸞仗。天上長春。

壺中天慢 中秋

素靚颺碧。看天衢穩送一輪明月。翠水瀛壺人不到。比似世間秋別。玉手瑤笙。一時同色。小按霓裳疊。天津橋上。有人偷記新闕。當日誰幻銀橋。阿瞞兒戲。一笑成癡絕。肯信羣仙高宴處。移下水晶宮闕。雲海塵清。山河影滿。桂冷吹香雪。何勞玉斧。金甌千古無缺。

淳熙九年八月十五日。駕過德壽宮起居。太上留坐曰。今日中秋。天氣甚清。夜間必有好月色。可少留。看了月去。上恭領聖旨。晚宴香遠堂。堂東有萬歲橋。長六丈餘。並用吳璘進到玉石。鑿成四畔雕鏤闌檻。瑩徹可愛。橋中心作四面亭。用新羅白羅木蓋造。極爲雅潔。大池十餘畝。皆是千葉白蓮。凡御榻。御屏。酒器。香奩。器用。並用水晶。南岸列女童五十人。奏清樂。北岸芙蓉崗一帶。並是教坊工。近二百人。待月初上。簫韶齊舉。縹緲相應。如在霄漢。既入座。樂少止。太上召小劉貴妃。獨吹白玉笙。覽裳中序。上自起執玉盃。奉兩殿酒。并以壘金嵌寶注。椀杯盤等。賜貴妃。侍宴官開府會觀。恭上壺中天慢云云。上皇曰。從來月詞。不會用金甌事。可謂新奇。賜金束帶。紫番羅。水晶注椀一副。上亦賜寶盞。古香。至一更五點還內。是夜隔江西興。亦聞天樂之聲。

周必大

必大。字子充。一字宏道。廬陵人。紹興二十一年進士。歷官左丞相。封益國公。贈太師。諡文忠。有省齋集。平園續稿。近體樂府一卷。

點絳脣 梅

周必大 俞國寶 崑仙

歸白江梅。大都玉斲酥凝就。兩肥霜逗。凝睇闌房秀。莫待冬深。雪壓風欺後。君知否。卻嫌伊瘦。又怕伊憊。

又 贈小瓊

秋夜乘槎。客星容到天孫渚。眼波微注。將謂牽牛渡。見了還非。重理霓裳舞。誰無誤。幾年不遇。莫訝周郎顧。

周平園嘗出使過池陽。太守趙富文彥博招飲。籍中有曹盼者。潔白純靜。或病其訥而不類。公為賦梅以見意。酒酣。又出家姬小瓊。舞以侑歡。公又賦一闕云。范石湖嘗云。朝士中姝麗。有三傑。謂韓无咎。晁伯知。家姪及小瓊也。禁中亦聞之。異時有以此事中傷公者。阜陵亦為一笑。後一闕。詞絲入選。

俞國寶 俞一作于

國寶。臨川人。淳熙間太學生。有醒齋遺珠集。

風入松 題酒肆

一春長費買花錢。日日醉湖邊。玉驄慣識西湖路。驕嘶過沽酒樓前。紅杏香中歌舞。綠楊影裏鞦韆。暖風十里麗人天。花壓鬢雲偏。畫船載取春歸去。餘情付湖水湖烟。明日重攜殘酒。來尋陌上花鈿。

西湖游幸。淳熙間。一日。御舟經斷橋。橋旁有小酒肆。頗雅潔。中設素屏。書風入松一詞於上。光堯注目。稱賞久之。宣問何人所作。乃太學生俞國寶醉筆也。上笑曰。此詞甚好。但未句未免儒酸。因為改定云。明日重扶殘醉。則迥不同矣。即日命解褐。

此 仙

憶少年

淒涼天氣。淒涼院宇。淒涼時候。孤鴻叫斜月。伴寒燈殘漏。落盡梧桐秋影瘦。鑑古畫難就。重陽又近也。對黃花依舊。

湖學甲子歲科舉後。士友有請仙問得失者。賦此詞。此人竟失舉。

王佐宣子帥長沙日。茶賊陳豐。嘯聚數千人。出沒旁郡。朝廷命宣子討之。時馮太尉湛請居在焉。宣子乃權官用之。謀知賊巢所在。乘日晡放飯少休時。遣亡命卒三十。持短兵以前。湛自率五百人繼其後。徑入山寨。豐方抱孫獨坐。其徒皆無在者。卒覩官軍。錯愕不知所爲。亟鳴金噴集。已無及矣。於是成擒。餘黨亦多就捕。宣子乃以湛功聞于朝。于是湛以勞復原官。宣子增秩。辛幼安（見卷一）以詞贊之。有云。三萬卷。龍頭客。渾未得。文章力。把詩書馬上。笑驅鋒鏑。金印明年如斗大。紹輝元自兜鍪出。宣子得之。疑爲誤已。意頗銜之。殊不知陳後山亦常用此語。送蘇尚書知常州云。枉讀平生三萬卷。紹輝當作兜鍪。幼安正用此。然宣子尹京之時。常有與執政云。佐本書云。歷官出處。自有本末。未嘗得罪于清議。今乃蒙置諸士大夫所不可爲之地。而與數君子接踵而進。除目一傳。天下士人。視佐爲何等類。終身之累。孰大于此。是亦宣子之本心耳。隆興間。魏勝穆死淮陰。孝宗追惜之。一日諭近臣曰。人才須用而後見。使魏勝不因邊釁。何以見其才。如李廣在文帝時。是以不用。使生高帝時。必將有大功矣。其後放翁贈劉改之曰。李廣不生楚漢間。封侯萬戶宜其難。蓋用阜陵語也。改之大喜。以爲善名我。異時劉潛夫（見卷三）作沁園春曲云。使李將軍遇高皇帝。萬戶侯。何足道哉。又祖放翁之語也。

韓忠武王以樞就第。絕口不言兵。自號清涼居士。時乘小驪。放浪西湖泉石間。一日至香林園。蘇仲虎尙書方宴客。王徑造之。賓主歡甚。盡醉而歸。明日。王餉以羊羔。且手書二詞以遺之。臨江仙云。冬日青山蕭灑靜。春來山暖花濃。少年衰老與花同。世間名利客。富貴與窮通。榮華不是長生藥。清閑不是死門風。勸君識取主人翁。丹方祇一味。盡在不言中。南鄉子云。人有幾何般。富貴榮華總是閒。自古英雄都是夢。爲官。寶玉妻兒宿業纏。年事已衰殘。鬢髮蒼蒼骨髓乾。不道山林多好處。貪歡。祇恐癡迷誤了賢。王生長兵閒。初不能書。晚歲忽若有悟。能作字及小詩詞。皆有見趣。信乎非常之才也。

開禧用兵。金人元帥紇石烈子仁。領兵據濠梁。大書一詞於濠之倅廡壁閒。詞名上平南。卽上西平之調云。萬鋒搖。螳臂振。舊盟寒。恃洞庭彭蠡狂瀾。天兵小試。萬驍一飲楚江乾。捷書飛上九重天。春滿長安。舜山川。周禮樂。唐日月。漢衣冠。洗五州妖氣。關山已平。全蜀風行。何用一泥丸。有人傳喜。日邊都護先還。子仁蓋女真之能文者。故敢肆言無憚如此。

賈師憲當國日。以治湖山。作堂曰半閒。又治園曰養樂。然名爲就養。其實怙權固位。欲罷不能也。每歲八月

八日生辰。四方善頌者以數千計。悉俾翹館臚考。以第甲乙。一時傳頌。爲之紙貴。然皆諛詞。嗚呼也。偶得首選者數闕。戲書于此。陳惟善合寶鼎詞云。神靈誰斷。幾千年。再乾坤初造。算當日。杵碁如許。爭一著。吾其從左談笑。頃又十年生聚。處處邨風葵棗。江如鏡。楚氣餘幾。猛聽甘泉捷報。天衣細意從頭補。爛山龍華蟲黼藻。宮漏永。千門角鑰。截斷紅塵飛不到。街九軌。看千貂避路。庭院五侯深鎖好。一部太平六典。一一周公手做。赤鳥繡裳。消得道。斑斕衣。好儘龐眉鶴髮。天上千秋難老。甲子平頭纔一過。未說汾陽考。看金盤露滴瑤池。龍尾放班回早。廖瑩中羣玉木蘭花慢云。請諸君著眼。來看我福華鶴。記江上秋風。鯨鯨振雪。雁徵迷煙。一時幾多人物。只我公。隻手護山川。爭覩階符瑞象。又扶紅日中天。因懷。下走奉檠。磨盾夜無眠。知重開宇宙。活人萬萬。合壽千千。鳧鷖太平世也。要東還。越上是何年。消得清時鐘鼓。不妨平地神仙。陸景思甘州云。滿清平世界。慶秋成。看看斗米三錢。論從來。活國論功第一。無過豐年。辦得閒民一飽。餘事笑談閒。若問平戎策。微妙難傳。玉帝要留公住。把西湖一曲。分入林園。有茶鍾丹竈。更有釣魚船。覺秋風未會吹著。但砌蘭常倚北堂萱。千千歲。上天將相。平地神仙。從鑿坡塘柳云。指庭前翠雲金甌。罪罪香滿。仙宇一清。透徹渾無底。秋水也無流處。君試數。此樣襟懷。頓得乾坤住。閒情半許。聽萬物氤氳。從來形色。每向靜中覷。琪花路。相接西池。喜母年年。弦月時序。荷衣鞠佩尋常事。分付兩山。容與天證取。此老平生。可問青天語。瑤巖緩舉。要見我何心。西湖萬頃。來去自鷗鷺。郭應西居安聲聲慢云。捷書連畫。甘雨瀾通宵。新來喜沁堯眉。許大擔當。人間佛力須彌。年年八月八日。長記他三月三時。平生事。想祗和天語。不遣人知。一片閒心。歸外。被乾坤係定。虹玉履圍。闐闐雲邊。西風萬籟吹齊。歸舟更歸何處。是天教家在蘇隄。千千歲。比周公多箇綵衣。且侑不儂語云。綵衣宰輔。古無一品之會參。袞服湖山。今有半閒之姬旦。所謂三月三日。蓋頌其庚申蘋草坪之捷。而歸舟乃勸齋名也。賈大喜。自仁和宰除官告院。既而語客曰。此詞固佳。然失之太俳。安得有著綵衣周公乎。

嘗記淳熙間。王氏子與陶女名師兒。共翳西湖。有人作長橋月。短橋月。正其事也。至載之周平園日記中。寒花庵中與絕妙詞選。吳禮之。字子和。錢塘人。有願受老人詞五卷。王生陶氏。月夜共沈西湖。賦霜天曉角。弔之云。遠環易缺。難解同心結。癡賤佳人才子。情緣重怕離別。意切人路絕。共沈煙水闊。蕩漾香魂何處。長橋月。斷橋月。(是斷橋。可名短橋也。)石林詞。誰採蘋花寄與。又悵望蘭舟容與。或以爲重押韻。遂改爲寄

取。殊無義理。蓋容與之與。自音豫。乃去聲也。揚子雲河東賦云。豐輿安步。風旒容與。注。天子之容。服而安豫。與讀爲豫。模禮樂志。練時日。澹容與。注。閑舒皆去聲。

跋

余氏秋室絕妙好詞續鈔一卷。蓋繼草窗之志也。戊子夏。予有重鈔詞箋之舉。友人瞿子穎山。將續鈔重爲編次。囑附於後。其詞大半從浩然齋雅談輯出。餘惟志雅堂雜鈔一闕。癸辛雜識。齊東野語數闕。兼綴以詞話。今檢武林舊事。又鈔錄當時供奉諸作。而雅談雜識野語中。尙有未採者。亦在所勿棄。至若王邁林外。甄龍友諸人之詞。句旣零星。語涉諧謔。不復錄矣。知不免罅漏。聊以補余氏續鈔之闕云爾。己丑秋八月十一日。問年道人徐楸。識於秋聲舊館。

詞選後序

詞選二卷。吾師張皋文翰風兩先生之所錄也。夫楚謠漢賦。既殊風雅。齊歌唐律。亦乖蘇李。何者。古愈遠則愈殺。聲彌近則彌悲。此由音調所成。故亦淵源莫二。譬之纂繡異製。而合度於鑷。蛾眉各盼。而同美於魂。故知法不虛采。神不虛豔。其揆一也。樂府既衰。填詞斯作。三唐引其緒。五季暢其支。兩宋名公。尤工此體。莫不飛聲尊俎之上。引節絲管之間。然乃瑤樓玉宇。天子識其忠言。斜陽煙柳。壽皇指爲怨曲。造口之壁。比之時史。太學之詠。傳其主文。舉此一隅。合諸四始。途歸所會。斷可識矣。近世爲詞。厥有三蔽。義非宋玉而獨賦蓬髮。諫謝淳于而唯陳履舄。揣摩牀第。污穢中菁。是謂淫詞。其蔽一也。猛起奮末。分言析字。訾嘲則俳優之末流。叫嘯則市儈之盛氣。此猶巴人振喉。以和陽春。龜蜮怒噬。以調疏越。是謂鄙詞。其蔽二也。規模物類。依托歌舞。哀樂不衷其性。慮歎無與乎情。連章累篇。義不出乎花鳥。感物指事。理不外乎酬應。雖旣雅而不豔。斯有句而無章。是謂游詞。其蔽三也。原其所昧。厥亦有由。童蒙擷其粗。而失其精。達士小其文。而忽其義。故論詩則古近有祖禰。談詞則風騷若河漢。非其惑歟。昔之選詞者。蜀則花間。宋有草堂。下降元明。種別十數。推其好尚。亦有優劣。然皆雅鄭無別。朱紫同貫。是以乖方之士。罔識別裁。蓋折楊皇華。槩而同悅。申椒蕭艾。禱而不芳。今欲塞其岐途。必且嚴其科律。此詞選之所以止于一百十六首也。先生以所託旣末。知音蓋希。雖復闢彼窳宦。且擬弄諸巾篋。珪竊不敏。以爲先路有覺。來哲難誣。昭明之選不與。則六代文賦宗風。蓋息乎。乃校而刻之。序其後云爾。嘉慶二年八月日歙金應珪。

詞選目錄敘

李太白一首 溫飛卿十八首 無名氏一首

右唐詞三家二十首

南唐中主四首 後主七首 韋端己四首 牛松卿三首 牛希濟一首 歐陽炯一首 鹿虔扈一首 馮

正中五首

右五代詞八家二十六首

宋徽宗一首 晏同叔一首 范希文一首 晏叔原一首 韓玉汝一首 歐陽永叔二首 張子野三首

蘇子瞻四首 秦少游十首 賀方回一首 趙德麟一首 張芸叟一首 王元澤一首 周美成四首 田

不伐二首 陳子高二首 李玉一首 謝任伯一首 朱希真五首 辛幼安六首 張安國一首 韓无咎

一首 李知幾一首 姜堯章三首 尹惟曉一首 史邦卿一首 王聖與四首 張叔夏一首 黃德文一

首 吳彥高一首 李易安四首 鄭文妻孫氏一首 無名氏一首

右宋詞三十三家六十八首

凡詞四十四家一百十六首

敘曰。詞者蓋出于唐之詩人。採樂府之音。以制新律。因繫其詞。故曰詞。傳曰。意內而言外。謂之詞。其緣情造端。興于微言。以相感動。極令風謠。里巷男女。哀樂以道。賢人君子。幽約怨悱。不能自言之情。低徊要眇。以喻其致。蓋詩之比興。變風之義。騷人之歌。則近之矣。然以其文小。其聲哀。放者爲之。或跌蕩靡麗。雜以昌狂俳優。然要其至者。莫不惻隱肝膺。感物而發。觸類條鬯。各有所歸。非苟爲雕琢曼辭而已。自唐之詞人李白爲首。其後韋應物。王建。韓翃。白居易。劉禹錫。皇甫湜。司空圖。韓偓。並有述造。而溫庭筠最高。其言深美閎約。五代之際。孟氏李氏。君臣爲體。競作新調。詞之雜流。由此起矣。至其工者。往往絕倫。亦如齊梁五言。依託魏晉。近古然也。宋之詞家。號爲極盛。

然張先。蘇軾。秦觀。周邦彥。辛棄疾。姜夔。王沂孫。張炎。淵淵乎文有其質焉。其盪而不反。傲而不理。枝而不物。柳永。黃庭堅。劉過。吳文英之倫。亦各引一端。以取重于當世。而不免有一時放浪通脫之言。出于其間。後進彌以馳逐。不務原其指意。破析乖刺。壞亂而不可紀。故自宋之亡而正聲絕。元之末而規矩墮。以至于今。四百餘年。作者十數。諒其所是。互有繁變。皆可謂安蔽乖方。迷不知門戶者也。今第錄此篇。都爲二卷。義有幽隱。並爲指發。幾以塞其下流。導其淵源。無使風雅之士。懲于鄙俗之音。不敢與詩賦之流。同類而風誦之也。嘉慶二年八月武進張惠言。

詞選卷一

張惠言錄

李太白白

菩薩蠻

平林漠漠煙如織。寒山一帶傷心碧。暝色入高樓。有人樓上愁。
玉階空佇立。宿鳥歸飛急。何處是歸程。長亭更短亭。

溫飛卿 庭筠

菩薩蠻

小山重疊金明滅。鬢雲欲度香腮雪。懶起畫蛾眉。弄粧梳洗遲。
照花前後鏡。花面交相映。新貼繡羅襦。雙雙金鸚鵡。
(此感士不遇也。篤法彷彿長門賦。而用節節逆叙。此章從夢曉後領起懶起二字。合後文情事照花四句。雜駭初服之意。)

水精簾裏頗黎枕。暖香惹夢鴛鴦錦。江上柳如煙。雁飛殘月天。
藕絲秋色淺。人勝參差翦。雙鬢隔香紅。玉釵頭上風。
(夢字提。江上以下。略叙夢境。人勝參差。玉釵香隔。言夢亦不得到也。江上柳如煙是關絡。)

蕊黃無限當山額。宿粧隱笑紗窗隔。相見牡丹時。暫來還別離。
翠釵金作股。釵上雙螭舞。心事竟誰知。月明花滿枝。
(提起。以下三章。本入夢之情。)

翠翹金縷雙鸚鵡。水紋細起春池碧。池上海棠梨。雨晴紅滿枝。
繡衫遮笑靨。煙草粘飛蝶。青瑣對芳菲。玉關音信稀。

杏花含露團香雪。綠楊陌上多難別。燈在月籠明。覺來聞曉鶯。
玉鉤褰翠幙。粧淺舊眉薄。春夢正關情。鏡中蟬鬢輕。
(結)

玉樓明月長相憶。柳絲裊娜春無力。門外草萋萋。送君聞馬嘶。
畫羅金翡翠。香燭消成淚。花落子規啼。綠窗殘

李太白 溫飛卿

夢迷。(玉樓明月長相憶。又提柳絲裊。送君之時。故江上柳如絲。夢中情境亦爾。七章闌外垂絲柳。八章綠楊滿院。九章楊柳色依依。十章楊柳又如絲。皆本此柳絲裊。歸言之。明相憶之久也。)

鳳皇相對盤金縷。牡丹一夜經微雨。明鏡照新粧。鬢輕雙臉長。畫樓相望久。闌外垂絲柳。音信不歸來。社前雙燕回。

牡丹花謝鶯聲歇。綠楊滿院中庭月。相憶夢難成。背窗燈半明。翠鈿金壓臉。寂寞香闌掩。人遠淚闌干。燕飛春又殘。(相憶夢難成。正是殘夢迷情事。)

滿宮明月梨花白。故人萬里關山隔。金雁一雙飛。淚痕沾繡衣。小園芳草綠。家住越溪曲。楊柳色依依。燕歸君不歸。

寶函鈿雀金鸂鶒。沈香閣上吳山碧。楊柳又如絲。驛橋春雨時。畫樓音信斷。芳草江南岸。鸞鏡與花枝。此情誰得知。(鸞鏡二句結。與心事竟誰知相應。)

南園滿地堆輕絮。愁聞一霎清明雨。雨後卻斜陽。杏花零落香。倚門。(此下乃叙夢。此章言黃昏。)

夜來皓月纔當午。重簾悄悄無人語。深處麝煤長。臥時留薄粧。當年還自惜。往事那堪憶。花落月明殘。錦衾知曉寒。(此自臥時至曉。所謂相憶夢難成也。)

兩晴夜合玲瓏日。萬枝香裊紅絲拂。閒夢憶金堂。滿庭萱草長。繡簾垂翠靄。眉黛遠山綠。春水渡溪橋。凭闌魂欲銷。(此章正寫夢。垂簾凭闌。皆夢中情事。正應人勝參差三句。)

竹風輕動庭除冷。珠簾月上玲瓏影。山枕隱濃粧。綠檀金鳳皇。兩蛾愁黛淺。故國吳宮遠。春恨正關情。畫樓殘點聲。(此言夢醒。春恨正關情。與五章春夢正關情。相對雙鎖。青瑣金堂。故國吳宮。略露寓意。)

更漏子

柳絲長。春雨細。花外漏聲迢遞。驚塞雁。起城烏。畫屏金鷓鴣。香霧薄。透簾幙。惆悵謝家池閣。紅燭背。繡簾垂。夢長君不知。(此三首。亦菩薩蠻之意。驚塞雁二句。言懽感不同。與下夢長君不知也。)

星斗稀。鐘鼓歇。簾外曉鶯殘月。蘭露重。柳風斜。滿庭堆落花。虛閣上。倚闌望。還是去年惆悵。春欲暮。思無窮。舊歡如夢中。（蘭露重三句與塞雁城烏義同。）

玉爐香。紅蠟淚。偏照畫堂秋思。眉翠薄。鬢雲殘。夜長衾枕寒。梧桐樹。三更雨。不道離愁正苦。一葉葉。一聲聲。空階滴到明。

夢江南

梳洗罷。獨倚望江樓。過盡千帆皆不是。斜暉脈脈水悠悠。腸斷白蘋洲。

無名氏

後庭宴

千里故鄉。十年華屋。亂魂飛過屏山簇。眼重眉褪不勝春。菱花知我銷香玉。雙雙燕子歸來。應解笑人幽獨。斷歌零舞。遺恨清江曲。萬樹綠低迷。一庭紅撲簌。

南唐中主

浣溪沙

風壓輕雲貼水飛。乍晴池館燕爭泥。沈郎多病不勝衣。沙上未聞鶂雁信。竹間時有鷓鴣啼。此情唯有落花知。一曲新詞酒一杯。去年天氣舊亭臺。夕陽西下幾時回。無可奈何花落去。似曾相識燕歸來。小園香徑獨徘徊。

山花子

菡萏香銷翠葉殘。西風愁起綠波閒。還與韶光共憔悴。不堪看。細雨夢回雞塞遠。小樓吹徹玉笙寒。多少淚珠何限恨。倚闌干。

手卷真珠上玉鉤。依前春恨鎖重樓。風裏落花誰是主。思悠悠。青鳥不傳雲外信。丁香空結雨中愁。回首綠波三峽暮。接天流。

後主

無名氏 南唐中主 後主 韋端己

臨江仙

櫻桃落盡春歸去。蝶翻輕粉雙飛。子規啼月小樓西。玉鉤羅幕。惆悵暮煙垂。別巷寂寥人散後。望殘煙草低迷。爐香閒裊鳳凰兒。空持羅帶。回首恨依依。

虞美人

春花秋月何時了。往事知多少。小樓昨夜又東風。故國不堪回首月明中。雕闌玉砌應猶在。只是朱顏改。問君能有幾多愁。恰似一江春水向東流。

浪淘沙

簾外雨潺潺。春意闌珊。羅衾不耐五更寒。夢裏不知身是客。一晌貪歡。獨自莫憑闌。無限江山。別時容易見時難。流水落花歸去也。天上人間。往事只堪哀。對景難排。秋風庭院薜蘿侵階。一桁珠簾閒不卷。終日誰來。金劍已沈埋。壯氣蒿萊。晚涼天靜月華開。想得玉樓瑤殿影。空照秦淮。

清平樂

別來春半。觸目愁腸斷。砌下落梅如雪亂。拂了一身還滿。雁來音信無憑。路遙歸夢難成。離恨恰如春草。更行更遠還生。

相見歡

林花謝了春紅。太匆匆。無奈朝來寒雨晚來風。胭脂淚。相留醉。幾時重。自是人生長恨水長東。無言獨上西樓。月如鉤。寂寞梧桐深院鎖清秋。翦不斷。理還亂。是離愁。別是一般滋味在心頭。

韋端己莊

菩薩蠻

紅樓別夜堪惆悵。香燈半捲流蘇帳。殘月出門時。美人 and 淚辭。琵琶金翠羽。絃上黃鶯語。勸我早歸家。綠窗人

似花。（此詞蓋留蜀後寄意之作。一章言奉使之志。本欲遠歸。）

人人盡說江南好。遊人只合江南老。春水碧于天。畫船聽雨眠。鐘邊人似月。皓腕凝霜雪。未老莫還鄉。還鄉須斷腸。（此章述蜀人勸留之辭。卽下章云。滿樓紅袖招也。江南卽指蜀。中原沸亂。故曰還鄉須斷腸。）

如今卻憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。（上云未老莫還鄉。猶冀老而還鄉也。其後朱溫篡成。中原愈亂。遂決勸進之志。故曰如今卻憶江南樂。又曰白頭誓不歸。則此詞之作。其在相蜀時乎。）

洛陽城裏春光好。洛陽才子他鄉老。柳暗魏王堤。此時心轉迷。桃花春水綠。水上鴛鴦浴。凝恨對斜暉。憶君君不知。（此章致思唐之意。）

牛松卿 填

菩薩蠻花開集七首。詞意頗雜。蓋非一時之作。詞餘存刪二首。章法絕妙。

舞裙香暖金泥鳳。畫梁語燕驚殘夢。門外柳花飛。玉郎猶未歸。愁勻紅粉淚。眉翦春山翠。何處是遼陽。錦屏春晝長。

綠雲鬢上飛金雀。愁眉斂翠春煙薄。香閣掩夫容。畫屏山幾重。窗寒天欲曙。猶結同心苣。啼粉澹羅衣。問郎何日歸。（驚殘夢一點以下。純是夢境。章法似西洲曲。）

西溪子

捍撥雙盤金鳳。蟬鬢玉釵搖動。畫堂前人不語。絃解語。彈到昭君怨處。翠蛾愁。不擡頭。

牛希濟

生查子

春山煙欲收。天淡稀星少。殘月臉邊明。樂淚臨清曉。語已多。情未了。回首猶重道。記得綠羅帶。處處憐芳草。

牛松卿 牛希濟 歐陽炯 鹿虔扈 馮正中

歐陽炯

三字令

春欲盡。日遲遲。牡丹時。羅幌卷。翠簾垂。彩牋書。紅粉淚。兩心知。人不在。燕空歸。負佳期。香燼落。枕函欹。月分明。花淡薄。惹相思。

鹿虔扈

臨江仙

金鎖重門荒苑靜。綺窗愁對秋空。翠華一去寂無蹤。玉樓歌吹。聲斷已隨風。煙月不知人事改。夜闌還照深宮。藕花相向野塘中。暗傷亡國。清露泣香紅。

馮正中 延巳

蝶戀花

六曲闌干偎碧樹。楊柳風輕。展盡黃金縷。誰把鈿箏移玉柱。穿簾燕子雙飛去。滿眼游絲兼落絮。紅杏開時。一霎清明雨。濃睡覺來鶯亂語。驚殘好夢無尋處。莫道閒情拋棄久。每到春來。惆悵還依舊。日日花前常病酒。不辭鏡裏朱顏瘦。河畔青蕪堤上柳。爲問新愁。何事年年有。獨立小橋風滿袖。平林新月人歸後。幾日行雲何處去。忘卻歸來。不道春將暮。百草千花寒食路。香車繫在誰家樹。淚眼閒樓頻獨語。雙燕來時。陌上相逢否。掩亂春愁如柳絮。依依夢裏無尋處。 (三詞忠愛纏綿。宛然騷辨之義。延巳爲人。專蔽嫉妒。又敢爲大言。此詞蓋以排間異己者。其君之所以信而弗疑也。)

虞美人

玉鉤鸞柱調鸚鵡。宛轉留春語。雲屏冷落畫堂空。薄晚春寒無奈落花風。 寒簾燕子雙飛去。拂鏡塵鸞舞。不知

今夜月眉彎。誰佩同心雙結倚闌干。

清平樂

雨晴煙晚。淥水新池滿。雙燕飛來垂柳院。小閣畫簾高捲。黃昏獨倚朱闌。西南初月眉彎。砌下落花風起。羅衣特地春寒。

宋徽宗

燕山亭 見杏花作

裁翦冰綃。輕疊數重。冷淡胭脂勻注。新樣靚妝。豔溢香融。羞殺蕊珠宮女。易得凋零。更多少無情風雨。愁苦。問院落淒涼。幾番春暮。憑寄離恨重重。這雙燕何曾。會人言語。天遙地遠。萬水千山。知他故宮何處。怎不思量。除夢裏有時曾去無據。和夢也新來不做。

晏同叔 殊

躑躅行

小徑紅稀。芳郊綠徧。高臺樹色陰陰見。春風不解禁楊花。濛濛亂撲行人面。翠葉藏鶯。珠簾隔燕。鑪香靜逐遊絲轉。一場愁夢酒醒時。斜陽卻照深深院。（此詞亦有所與。其歐公蝶戀花之流乎。）

范希文 仲淹

蘇幕遮

碧雲天。紅葉地。秋色連波。波上寒煙翠。山映斜陽天接水。芳草無情。更在斜陽外。黯鄉魂。追旅思。夜夜除非。好夢留人睡。明月樓高休獨倚。酒入愁腸。化作相思淚。（此去國之情。）

晏叔原 幾道

宋徽宗 晏同叔 范希文 晏叔原 韓玉仲 歐陽永叔 張子野 一五三

臨江仙

夢後樓臺高鎖。酒醒簾幕低垂。去年春恨卻來時。落花人獨立。微雨燕雙飛。記得小蘋初見。兩重心字羅衣。琵琶弦上說相思。當時明月在。曾照綵雲歸。

韓玉汝 續

芳草

鎖離愁。連綿無際。來時陌上初薰。繡裀人念遠。暗垂珠露。泣送征輪。長行長在眼。更重重。遠水孤雲。但望極。樓高盡日。目斷王孫。消魂。池塘別後。曾行處。綠妒輕裙。恁時攜素手。亂花飛絮裏。緩步香茵。朱顏空自改。向年年。芳意長新。徧綠野。嬉遊醉眼。莫負新春。

歐陽永叔 修

蝶戀花

庭院深深深幾許。楊柳堆煙。簾幙無重數。玉勒雕鞍遊冶處。樓高不見章臺路。兩橫風狂三月暮。門掩黃昏。無計留春住。淚眼問花花不語。亂紅飛過秋千去。（庭院深深。閨中既以遠遠也。樓高不見。哲王又不寤也。章臺遊冶。小人之徑。雨橫風狂。政令暴急也。亂紅飛去。斥逐者非一人而已。殆爲韓范作乎。此詞亦見馮延巳集中。李易安詞序云。歐陽公作蝶戀花。有庭院深深深幾許之句。余酷愛之。用其語。作庭院深深數闋。其聲卽舊臨江仙也。易安去歐公未遠。其言必非無據。）

臨江仙

柳外輕雷池上雨。雨聲滴碎荷聲。小樓西角斷虹明。闌干倚處。待得月華生。燕子飛來窺畫棟。玉鉤垂下簾旌。涼波不動簟紋平。水精雙枕。傍有墮釵橫。

張子野 先

天仙子

水調數聲持酒聽。午睡醒來愁未醒。送春春去幾時回。臨晚鏡。傷流景。往事悠悠空記省。沙上竝禽池上暝。雲破月來花弄影。重重翠幕密遮燈。風不定。人初靜。明日落紅應滿徑。

木蘭花 乙卯吳興寒食

龍頭船艫吳兒競。筍柱秋千遊女竝。芳洲拾翠暮忘歸。秀野躡青來不定。行雲去後遙山暝。已放笙歌池院靜。中庭月色正清明。無數楊花過無影。

青門引

乍暖還輕冷。風雨晚來方定。庭軒寂寞近清明。殘花中酒。又是去年病。樓頭畫角風吹醒。入夜重門靜。那堪更被明月。隔牆送過秋千影。

蘇子瞻賦

賀新郎

乳燕飛華屋。悄無人。槐陰轉午。晚涼新浴。手弄生綃白團扇。扇手一時似玉。漸困倚孤眠清熟。簾外誰來推繡戶。枉教人夢斷瑤臺曲。又卻是。風敲竹。石榴半吐紅巾蹙。待浮花浪蕊都盡。伴君幽獨。穠豔一枝細看取。芳意千重似束。又恐被秋風驚綠。若待得君來向此。花前對酒不忍觸。共粉淚。兩簌簌。

水龍吟 和章質夫楊花韻

似花還似非花。也無人惜從教墜。拋家傍路。思量卻似。無情有思。縈損柔腸。困酣嬌眼。欲開還閉。夢隨風萬里。尋郎去處。又還被鶯呼起。不恨此花飛盡。恨西園落紅難綴。曉來雨過。遺蹤何在。一池萍碎。春色三分。二分塵土。一分流水。細看來。不是楊花。點點是。離人淚。

洞仙歌自序云。僕七歲時。見眉州老尼。姓朱。忘其名。年九十餘。自言會隨其師。入蜀主孟昶宮中。一日大

熱。王與花。蕊夫人。夜起避暑摩訶池上。作一詞。朱具能誦之。今四十年。朱已死久矣。人無知此詞者。獨記首兩句。暇日尋味。豈洞仙歌令乎。乃為足之云。

冰肌玉骨。自清涼無汗。水殿風來暗香滿。繡簾開。一點明月窺人。人未寢。欹枕釵橫鬢亂。起來攜素手。庭戶無聲。時見疏星度河漢。試問夜如何。夜已三更。金波澹。玉繩低轉。但屈指西風幾時來。又不道流年暗中偷換。

卜算子

缺月挂疏桐。漏斷人初定。時有幽人獨往來。縹緲孤鴻影。驚起卻回頭。有恨無人省。揀盡寒枝不肯棲。寂寞沙洲冷。（此東坡在黃州作。嗣陽居士云。缺月。刺明微也。漏斷。暗時也。幽人。不得志也。獨往來。無助也。驚鴻。賢人不安也。回頭。愛君不忘也。無人省。君不察也。揀盡寒枝不肯棲。不儉安于高位也。寂寞沙洲冷。非所安也。此詞與考槃詩極相似。）

秦少游游觀

望海潮

梅英疏澹。冰漸溶洩。東風暗換年華。金谷俊遊。銅駝巷陌。新晴細履平沙。長記誤隨車。正絮翻蝶舞。芳思交加。柳下桃蹊。亂分春色到人家。西園夜飲鳴笳。有華燈礙月。飛蓋妨花。蘭苑未空。行人漸老。重來事事堪嗟。煙暝酒旗斜。但倚樓極目。時見棲鴉。無奈歸心。暗隨流水到天涯。

滿庭芳

山抹微雲。天粘衰草。畫角聲斷譙門。豔停征棹。聊共飲離尊。多少蓬萊舊事。空回首。煙靄紛紛。斜陽外。寒鴉數點。流水遶孤村。消魂。當此際。香囊暗解。羅帶輕分。謾贏得青樓。薄倖名存。此去何時見也。襟袖上空惹啼痕。傷情處。高城望斷。燈火已黃昏。

前調

晚色雲開。春隨人意。驟雨方過還晴。高臺芳樹。飛燕蹴紅英。舞困榆錢自落。秋千外。綠水橋平。東風裏。朱門映柳。低按小秦箏。多情。行樂處。珠幡翠蓋。玉轡紅纓。漸酒空金盞。花困蓬瀛。豆蔻梢頭舊恨。十年夢。屈指堪驚。憑闌久。疏煙淡日。寂寞下蕪城。

江城子

西城楊柳弄春柔。動離憂。淚難收。猶記多情曾爲繫歸舟。碧瓦朱橋當日事，人不見，水空流。韶華不爲少年留。恨悠悠。幾時休。飛絮落花時候一登樓。便做春江都是淚，流不盡，許多愁。

躑躅行 郴州旅舍

霧失樓臺。月迷津渡。桃源望斷無尋處。可堪孤館閉春寒。杜鵑聲裏斜陽暮。驛寄梅花。魚傳尺素。砌成此恨無重數。郴江幸自遶郴山。爲誰流下瀟湘去。

鷓鴣天

枝上流鶯和淚聞。新啼痕閒舊啼痕。一春魚雁無消息。千里關山勞夢魂。無一語。對芳尊。安排腸斷到黃昏。甫能炙得燈兒了。兩打梨花深閉門。

海棠春

流鶯窗外啼聲巧。睡未足。把人驚覺。翠被曉寒輕。寶篆沈煙裊。宿醒未解。宮娥報道。別院笙歌會早。試問海棠花。昨夜開多少。

減字木蘭花

天涯舊恨。獨自淒涼人不問。欲見迴腸。斷續熏鑪小篆香。黛蛾長斂。任是東風吹不展。困倚危樓。過盡飛鴻字字愁。

浣溪沙

漠漠輕寒上小樓。曉鶯無賴似窮秋。淡煙流水畫屏幽。自在飛花輕似夢。無邊絲雨細如愁。寶簾閒挂小銀鉤。

生查子

眉黛遠山長。新柳開青眼。樓閣斷霞明。羅幙春寒淺。柝嫌玉漏遲。燭厭金刀翦。月色忽飛來。花影和簾卷。

賀方回 集

賀方回 趙德麟 張芸叟 王元暉

青玉案

淩波不過橫塘路。但目送芳塵去。錦瑟年華誰與度。月臺花榭。瑣窗朱戶。唯有春知處。碧雲冉冉蘅皋暮。綵筆新題斷腸句。試問閒愁都幾許。一川煙草。滿城風絮。梅子黃時雨。

趙德麟 令時

錦堂春

樓上縈簾弱絮。墻頭礙月低花。年年春事關心事。腸斷欲棲鴉。舞鏡鸞衾翠減。啼珠鳳蠟紅斜。重門不鎖相思。夢隨意遠天涯。

張芸叟 舜民

賣花聲 題岳陽樓

木葉下君山。空水漫漫。十分斟酒斂芳顏。不是渭城西去客。休唱陽關。醉袖撫危闌。天淡雲閒。何人此路得生還。回首夕陽紅盡處。應是長安。

王元澤 男

眼兒媚

楊柳絲絲弄輕柔。煙縷織成愁。海棠未雨。梨花先雪。一半春休。而今往事難重省。歸夢繞秦樓。相思只在。丁香枝上。豆蔻梢頭。

詞選卷二

張惠言錄

周美成 邦彥

六醜 薔薇謝後作

正單衣試酒。悵客裏光陰虛擲。願春暫留。春歸如過翼。一去無迹。爲問家何在。夜來風雨。葬楚宮傾國。釵鈿墜處。遺香澤。亂點桃蹊。輕翻柳陌。多情更誰追惜。但蜂媒蝶使。時叩窗隔。東園岑寂。漸蒙籠暗碧。靜邊珍叢底。成歎息。長條故惹行客。似牽衣待話。別情無極。殘英小。強簪巾幘。終不似一朵釵頭顛。向人欹側。漂流處。莫趁潮汐。恐斷紅尚有相思字。何由見得。

蘭陵王 柳

柳陰直。煙裏絲絲弄碧。隋堤上。曾見幾番。拂水飄緜送行色。登臨望故國。誰識京華倦客。長亭路。年去歲來。應折柔條過千尺。閒尋舊蹤跡。又酒趁哀絃。燈照離席。梨花榆火催寒食。愁一翦風快。半篙波暖。回頭迢遞便數驛。望人在天北。悽惻。恨堆積。漸別浦縈迴。津候岑寂。斜陽冉冉春無極。念月榭攜手。露橋聞笛。沈思前事。似夢裏。猴暗滴。

花犯 梅花

粉牆低。梅花照眼。依然舊風味。露痕輕綴。疑淨洗鉛華。無限清麗。去年勝賞曾孤倚。冰盤共宴喜。更可惜雪中高士。香篝熏素被。今年對花太匆匆。相逢似有恨。依依憔悴。凝望久。青苔上。旋看飛墜。相將見。脆圓薦酒。人正在空江煙浪裏。但夢想一枝瀟灑。黃昏斜照水。

少年遊

井刀如水。吳鹽勝雪。纖指破新橙。錦幄初溫。獸香不斷。相對坐調笙。低聲問。向誰行宿。城上已三更。馬滑霜濃。不如休去。直是少人行。

周美成 田不伐 陳子高 李玉

田不伐

南柯子

夢怕愁時斷。春從醉裏回。淒涼懷抱向誰開。些子清明時候。被鶯催。
柳外都成絮。闌邊半是苔。多情簾燕獨徘徊。依舊滿身花雨。又歸來。
團玉梅梢重。雪羅菱扇低。簾風不動蝶交飛。一樣綠陰庭院。鎖斜暉。
對月懷歌扇。因風念舞衣。何須惆悵惜芳菲。拚卻一年憔悴。待春歸。

陳子高 克

菩薩蠻

赤欄橋盡香街直。籠街細柳嬌無力。金碧上晴空。花晴簾影紅。
黃衫飛白馬。日日青樓下。醉眼不逢人。午香吹暗塵。(北刺時也。)
綠蕪墻遶青苔院。中庭日淡芭蕉卷。蝴蝶上階飛。風簾自在垂。
玉鉤雙語燕。寶甃楊花轉。幾處簸錢聲。綠窗春夢輕。(此自寓。)

李 玉

賀新郎

篆縷消金鼎。醉沈沈。庭陰轉午。畫堂人靜。芳草王孫知何處。唯有楊花糝徑。漸玉枕。騰騰春醒。簾外殘紅春已透。鎮無聊。殢酒厭厭病。雲鬢亂。未忺整。
江南舊事休重省。徧天涯。尋消問息。斷鴻難倩。月滿西樓憑闌久。依舊歸期未定。又只恐。餅沈金井。嘶騎不來銀燭暗。枉教人。立盡梧桐影。誰伴我。對鸞鏡。

謝任伯 克家

憶君王

依依宮柳拂宮牆。樓殿無人春晝長。燕子歸來依舊忙。憶君王。月照黃昏人斷腸。

朱希真 敦儒

好事近 漁父

搖首出紅塵。醒醉更無時節。生計綠蓑青笠。慣披霜衝雪。晚來風定釣絲閒。上下是新月。千里水天一色。看孤

鴻明滅。漁父長身來。只共釣竿相識。隨意轉船回棹。似飛空無迹。蘆花開落任浮生。長醉是良策。昨夜一江風雨。都不

會聽得。撥轉釣魚船。江海儘爲吾宅。恰向洞庭沽酒。卻錢塘橫笛。醉顏禁冷更添紅。潮落下前磯。經過子陵灘畔。得梅

花消息。短棹釣魚船。江上晚煙籠碧。塞雁海鷗分路。占江天秋色。錦鱗潑刺滿籃魚。取酒價相敵。風順片帆歸去。有何

人留得。失卻故山雲。索手指空爲客。蓴菜鱸魚留我。住鴛鴦湖側。偶然添酒舊葫蘆。小醉度朝夕。吹笛月波樓下。有何

辛幼安 棄疾

摸魚兒 薄暝已亥。自湖北漕移湖南。同官王正之。置酒小山亭賦。

更能消幾番風雨。匆匆春又歸去。惜春長怕花開早。何況落紅無數。春且住。見說道天涯芳草無歸路。怨春不語。算只有殷勤。畫簷蛛網。盡日惹飛絮。長門事。準擬佳期又誤。蛾眉曾有人妒。千金縱買相如賦。脈脈此情誰訴。君莫舞。君不見玉環飛燕皆塵土。閒愁最苦。休去倚危闌。斜陽正在。煙柳斷腸處。（鶴林玉露云。詞意殊怨。斜陽煙柳之句。其與未須愁。日暮天際乍輕陰者異矣。聞壽王見此詞。頗不悅。然終不加罪也。）

賀新郎 別茂嘉十一弟

朱希真 辛幼安 張安國

綠樹聽嘒鳩。更那堪。杜鵑聲住。鶯鶯聲切。嘒到春歸無嘒處。苦恨芳菲都歇。算未抵人閒離別。馬上琵琶關塞黑。更長門翠輦辭金闕。看燕燕。送歸妾。將軍百戰聲名裂。向河梁。回頭萬里。故人長絕。易水蕭蕭西風冷。滿座衣冠似雪。正壯士悲歌未徹。嘒鳥還知如許恨。料不嘒清淚長嘒血。誰伴我。醉明月。茂嘉蓋以得罪請徙。故有是言。

前調 法華經

鳳尾龍香撥。自開元。霓裳曲罷。幾番風月。最苦潯陽江頭客。畫舸亭亭待發。記出塞黃雲堆雪。馬上離愁三萬里。望昭陽宮殿孤鴻沒。絃解語。恨難說。遼陽驛使音塵絕。瑣窗寒。輕攏漫撚。淚珠盈睫。推手含情還卻手。一抹涼州哀徹。千古事雲飛煙滅。賀老定場無消息。想沈香亭北繁華歇。彈到此。為嗚咽。

永遇樂 京口北固亭懷古

千古江山。英雄無覓。孫仲謀處。舞榭歌臺。風流總被。雨打風吹去。斜陽草樹。尋常巷陌。人道寄奴曾住。想當年。金戈鐵馬。氣吞萬里如虎。元嘉草草。封狼居胥。贏得倉皇北顧。四十三年。望中猶記。燈火揚州路。可堪回首。佛狸祠下。一片神鴉社鼓。憑誰問。廉頗老矣。尙能飯否。

祝英臺近

寶釵分。桃葉渡。煙柳暗南浦。怕上層樓。十日九風雨。斷腸點點飛紅。都無人管。更誰勸流鶯聲住。鬢邊覷。試把花卜歸期。才簪又重數。羅帳燈昏。哽咽夢中語。是他春帶愁來。春歸何處。卻不解帶將愁去。此與德祐太學生二詞用意相似。點點飛紅。傷君子之弃。流鶯。惡小人得志也。春帶愁來。其刺趙張乎。

菩薩蠻 書江西造口壁

鬱孤山下清江水。中間多少行人淚。西北是長安。可憐無數山。青山遮不住。畢竟東流去。江晚正愁余。山深聞鷓鴣。鷓鴣。鷓林玉露云。南渡之初。金人追隆祐太后御舟。至造口。不及而還。幼安因此起與鷓鴣之句。謂恢復行不得也。

張安國 孝祥

六州歌頭

長淮望斷。關塞莽然平。征塵暗。霜風勁。悄邊聲。黯銷凝。追想當年事。殆天數。非人力。洙泗上。絃歌地。亦殫腥。隔水
氈鄉落日。牛羊下。區脫縱橫。看名王宵獵。騎火一川明。笳鼓悲鳴。遣人驚。念腰間箭匣中劍。空埃蠹。竟何成。時
易失。心徒壯。歲將零。渺神京。干羽方懷遠。靜烽燧。且休兵。冠蓋使。紛馳騫。若爲情。聞道中原遺老。常南望。翠葆霓
旌。使行人到此。忠憤氣填膺。有淚如傾。

韓元谷 元吉

六州歌頭

東風着意。先上小桃枝。紅粉膩。嬌如醉。倚朱扉。記年時。隱映新妝面。臨水岸。春將半。雲日暖。斜陽轉。夾城西。草
沙平。驟馬。垂楊渡。玉勒爭嘶。認蛾眉凝笑。臉薄拂胭脂。繡戶曾窺。恨依依。昔攜手處。香如霧。紅隨步。怨春遲。消
瘦損。憑誰問。只花知。猴空垂。舊日堂前燕。和煙雨。又雙飛。人自老。春長好。夢佳期。前渡劉郎幾許。風流地也。自應
悲。但茫茫暮靄。目斷武陵溪。往事難追。

李知幾 石

臨江仙

煙柳疏疏人悄悄。畫樓風外吹笙。倚闌聞喚小紅聲。熏香臨欲睡。玉漏已三更。坐待不來來又去。一方明月中
庭。粉牆東畔小橋橫。起來花影下。扇子撲流螢。

姜堯章 夔

揚州慢 淳熙丙申至日過揚州

淮左明都。竹西佳處。解鞍少駐初程。過春風十里。盡薺麥青青。自胡馬窺江去後。廢池喬木。猶厭言兵。漸黃昏清
角。吹寒都在空城。杜郎俊賞。算如今重到須驚。縱豆蔻詞工。青樓夢好。難賦深情。二十四橋仍在。波心蕩。冷月

無聲。念橋邊紅藥。年年知爲誰生。

暗香 石湖詠梅

舊時月色。算幾番照我。梅邊吹笛。喚起玉人。不管清寒與攀摘。何遜而今漸老。都忘卻春風詞筆。但怪得竹外疏花。香冷入瑤席。江國正寂寂。歎寄與路遙。夜雪初積。翠尊易泣。紅萼無言耿相憶。長記曾攜手處。千樹壓西湖寒碧。又片片吹盡也。幾時見得。（題曰石湖詠梅。此爲石湖作也。時石湖蓋有隱遯之志。故作此二詞以沮之。白石石湖仙云。須信石湖仙。似鷗夷。飄然引去。未云。聞好語。明年定在槐府。此與同意。首章言已嘗有用世之志。今老無能。但望之石湖也。）

疏影 又

苔枝綴玉。有翠禽小小。枝上同宿。客裏相逢。籬角黃昏。無言自倚修竹。昭君不慣胡沙遠。但暗憶江南江北。想佩環月夜歸來。化作此花幽獨。猶記深宮舊事。那人正睡裏。飛近蛾綠。莫似春風。不管盈盈。早與安排金屋。還教一片隨波去。又卻怨玉龍哀曲。等恁時重覓幽香。已入小窗橫幅。（此章更以二帝之憤發之。故有昭君之句。）

史邦卿 達祖

雙雙燕

過春社了。度簾幕中間。去年塵冷。差池欲住。試入舊巢相並。還相雕梁藻井。又輒語商量不定。翻然快拂花梢。翠尾分開紅影。芳徑芹泥雨潤。愛貼地爭飛。競誇輕俊。紅樓歸晚。看足柳昏花暝。應是棲香正穩。便忘了天涯芳信。愁損翠黛雙蛾。日日畫闌獨凭。

尹惟曉 煥

霓裳中序第一 茉莉

青鬢繁素靨。海國仙人偏耐熱。餐盡風香露屑。便萬里凌空。肯憑蓮葉盈盈步。月。悄似憐輕去。瑤闕。人何在。憶渠癡小。點點愛清絕。愁絕。舊遊輕別。忍重看鎖香金篋。淒涼清夜簟。杳杳詩魂。真化風蝶。冷香清到骨。夢十里

梅花霽雪歸來也。慳慳心事。自共素娥說。

王聖與 沂孫

眉嫵 新月

漸新痕。懸柳淡彩穿花。依約破初暝。便有團圓意。深深拜。相逢誰在香徑。畫眉未穩。料素娥猶帶離恨。最堪愛。一曲銀鉤小。寶奩掛秋冷。千古盈虧休問。歎謾磨玉斧。難補金鏡。太液池猶在。淒涼處。何人重賦清景。故山夜永。試待他窺戶端正。看雲外山河。還老桂花舊影。（碧山詠物諸篇。並有君國之憂。此喜君有恢復之志。而惜無賢臣也。）

齊天樂 蟬

一襟餘恨宮魂斷。年年翠陰庭樹。乍咽涼柯。還移暗葉。重把離愁深訴。西窗過雨。怪瑤佩流空。玉箏調柱。鏡暗妝殘。爲誰嬌鬢尙如許。銅仙鉛淚如洗。歎移盤去遠。難貯零露。病翼驚秋。枯形閱世。消得斜陽幾度。餘音更苦。甚獨抱青商。頓成淒楚。謾想熏風。柳絲千萬縷。

高陽臺 此題應是梅花

殘雪庭除。輕寒簾影。霏霏玉管春葭。小帖金泥。不知春是誰家。相思一夜窗前夢。奈個人水隔天遮。但淒然。滿樹幽香。滿地橫斜。江南自是離愁苦。況游驄古道。歸雁平沙。怎得銀箋。殷勤與說年華。如今處處生芳草。縱凭高。不見天涯。更消他。幾度東風。幾度飛花。（此傷君臣晏安。不思國恥。天下將亡也。）

慶清朝 榴花

玉局歌殘。金陵句絕。年年負卻熏風。西鄰窈窕。獨憐入戶飛紅。前度綠陰載酒。枝頭色比似尋同。何須擬。蠟珠作蒂。紺綵成叢。誰在舊家殿閣。自太真仙去。掃地春空。朱檐護取。如今應誤花工。顛倒絳英滿徑。想無車馬到山中。西風後。尙餘數點。還勝春濃。（此言亂世尙有人才。惜世不用也。不知其何所指。）

張叔夏 炎

王聖與 張叔夏 黃德文 吳彥高 李易安

高陽臺 西湖春感

接葉巢鶯。平波卷絮。斷橋斜日歸船。能幾番遊。看花又是明年。東風且伴薔薇住。到薔薇。春已堪憐。更淒然。萬綠西冷。一抹荒煙。當年燕子知何處。但苔深章曲。草暗斜川。見說新愁。如今也到鷗邊。無心再續笙歌夢。掩重門。淺醉閒眠。莫開簾。怕聽飛花。怕聽啼鶯。

黃德文 孝道

湘春夜月

近清明。翠禽枝上銷魂。可惜一片清歌。都付與黃昏。欲共柳花低訴。怕柳花輕薄。不解傷春。奈楚鄉旅宿。柔情別緒。誰與溫存。空尊夜泣。青山不語。殘月當門。翠玉樓前。唯是有一波湘水。搖蕩湘雲。天長夢短。問甚時重見桃根。這次第。算人間沒個。并刀剪斷。心上愁痕。

吳彥高 傲

青衫溼 感舊

南朝千古傷心地。還唱後庭花。舊時王謝。堂前燕子。飛入人家。恍然在遇。天姿勝雪。宮鬢堆鴉。江州司馬。青衫淚溼。同是天涯。

李易安 清照

壺中天慢

蕭條庭院。又斜風細雨。重門須閉。寵柳嬌花寒食近。種種惱人天氣。險韻詩成。扶頭酒醒。別是閒滋味。征鴻過盡。萬千心事難寄。樓上幾日春寒。簾垂四面。玉闌干慵倚。被冷香消新夢覺。不許愁人不起。清露晨流。新桐初引。多少游春意。日高煙斂。更看今日晴未。

聲聲慢

尋尋覓覓。冷冷清清。悽悽慘慘切切。乍暖還寒時候。最難將息。三杯兩盞淡酒。怎敵他曉來風急。雁過也。正傷心。卻是舊時相識。滿地黃花堆積。憔悴損如今。有誰堪摘。守着窗兒獨自。怎生得黑。梧桐更兼細雨。到黃昏點點。滴滴。這次第。怎一個愁字了得。

鳳凰臺上憶吹簫

香冷金猊。被翻紅浪。起來慵自梳頭。任寶奩塵滿。日上簾鉤。生怕離懷別苦。多少事。欲說還休。新來瘦。非關病酒。不是悲秋。休休。這回去也。千萬徧陽關。也只難留。念武陵人遠。煙鎖秦樓。唯有樓前流水。應念我終日凝眸。凝眸處。從今又添一段新愁。

醉花陰 九日

薄霧濃雲愁永晝。瑞腦銷金獸。佳節又重陽。玉枕紗廚。半夜涼初透。東籬把酒黃昏後。有暗香盈袖。莫道不消魂。簾卷西風。人似黃花瘦。

鄭文妻孫氏

憶秦娥

花深深。一鉤羅幃行花陰。行花陰。閒將柳帶。試結同心。日邊消息空沈沈。畫眉樓上愁登臨。愁登臨。海棠開後。望到如今。

無名氏

綠意 荷葉

碧圓自潔。向淺洲遠浦。亭亭清絕。猶有遺簪。不展秋心。能卷幾多炎熱。鴛鴦密語同傾蓋。且莫與浣紗人說。怨歌忽斷花風。碎卻翠雲千疊。回首當年漢舞。怕飛去。謾縹留仙裙摺。戀戀青衫。猶染枯香。還笑鬢絲飄雪。盤心清露如鉛水。又一夜西風聽折。喜淨看匹練秋光。倒瀉半湖明月。（此傷君子負枉而死。蓋似李綱趙鼎之流。回首當年。漢舞云者。言其自結主知。不肯遠引。結語喜其已死。而心得白也。）

詞選附錄序

詞選刻既成。余謂張子。詞學衰且數百年。今世作者。甯有其人耶。張子爲言其友七人者。曰惲子居。丁若士。錢黃山。左仲甫。李申耆。陸祁生。黃仲則。各誦其詞數章曰。此幾于古矣。余以爲當今海內之士。有能爲詞者。不止此七人。七人者之詞。不止此數章。然要以後世必傳此七人者之詞。其有斷此而選者。必不遺此數章。則可知已矣。因比而錄之。益以張子之詞爲九家。金子彥。明甫者。學于張子。爲詞有師法。又次錄焉。嗚呼。諸君子之于古也。則既不謬矣。余之所爲。其不謬于諸君子否耶。聊著數章。以自考焉。凡爲一卷。附詞選之後。歛鄭善長。

詞選附錄

竹眠詞一首 陽湖黃景仁。字仲則。

醜奴兒慢

日日登樓。一換一番春色。者似捲如流春日。誰道遲遲。一片野風吹草。草背白煙飛。顏牆左側。小桃放了。沒箇人知。嫣然一笑。分明記得。三五年時。是何人挑將竹淚。粘上空枝。請試低頭。影兒憔悴浸深池。此間深處。是伊歸路。莫惹相思。

念宛齋詞二一首 陽湖左輔。字仲甫。

南浦 夜尋琵琶亭

潯陽江上。恰三更霜月共潮生。斷岸高低向我。漁火一星星。何處離聲刮起。撥琵琶千載。賸空亭。是江湖倦客。飄零商婦。干此盪精靈。且自移船相近。遶回闌百折。覓愁魂。我是無家張儉。萬里走江城。一劍蒼茫弔古。向荻花楓葉。又傷心。只琵琶響斷。魚龍寂寞。不會醒。

浪淘沙 曹溪驛折得桃花一枝。數日零落。裏花片投之浔江。歌以送之。

水軟橈聲柔。草綠芳洲。桃花幾樹隱紅樓。者是春山魂一片。招入孤舟。鄉夢不曾休。惹甚閒愁。忠州過了又涪州。擲與巴江流到海。切莫回頭。

蕪塘詞六首 武進惲敬。字子居。

阮郎歸 畫胡蝶

身亭天與交妃腰。雌雄一樣描。雙魂如縷恐驚搖。曉來風露饒。吹乍散。玉人簫。香叢影亂飄。游絲難畫可憐朝。粉痕看漸消。

竹眠詞一首 念宛齋詞二首 蕪塘詞六首 黃山詞七首

少年白騎放驕憨。躡青三月三。歸來未到捉紅蠶。化蛾真不甘。

江橘葉一分含。那防仙嫗探。雙雙鳳子出花龕。

繭兒風太酣。輕須薄翼不禁風。教花扶著儂。一枝又逐月痕空。都來幾日中。

曾有伴。去無蹤。闌前種豆紅。蜜官隊裏且從容。

問心同不同。

拗花人影過雙鬟。玉釵飛上寒。開簾瞥見轉彎環。放簾山外山。

人去後。影空闌。花萼分是單。天風吹下亂紅間。

羅浮夢未還。

江南風暖草初齊。花迷蝶不迷。尋芳攬過海棠西。簷前紅日低。

三兩點。向人飛。林閒積漸稀。莫隨柳絮澆香泥。

蝶歸花不歸。

心情不耐月兒青。輸也深夜螢。竹閒香霧幾曾停。飛來三兩星。

穿繡檻。度銀屏。階前路慣經。輕輕不礙護花鈴。

阿奴枝上聽。

黃山詞七首 陽湖錢季重。字季重。

六醜 朱藤

正木綿乍試。又砌石紛披。花萼計春竟留。盡蜂狂蝶惡。亭午風弱。屈指人何在。小庭深處。剩一枝天灼。胭脂滿地。餘香足。亂摩銀箏。輕調湘竹。回頭已成依約。聽風風雨雨。春去無腳。南園西閣。玉虎纏金鑰。一十三年久。香漠漠。兔葵燕麥森束。縱有人護惜。也教錯愕。濃陰密。半來簾箔。也不是當日勻香暈粉。珍珠絡索。春雲裏。細語叮囑。恐飛紅吹到他邊去。惹伊淚落。

醜奴兒慢 蝶夢

悵花弔酒。終日春魂如夢。更良夜棲香未穩。露重煙濃。芳草天涯。不會驚醒五更鐘。怎生禁得。一庭紅溼。細雨濛濛。忍記那年。美人攜手。小立花叢。舉紈扇。春衫輕撲。惹得飛紅。到了而今。年華忽忽別匆匆。相思兩字。憑誰寄去。夢裏郵筒。

四園竹

蜂須蝶粉。不住鬧薔薇。紅凝繡幕。綠映窗紗。做得春肥。清晝長。閒拄杖。闌干獨倚。眼前棖觸相思。草離離。從茲綠到江南。料無有缺些兒。更想東風吹去。開到鄉園。舊日花枝。知也未。甚近日香篝夢反稀。

鷓鴣天

落魄天南意未降。倦遊何處覓歸艤。幾時載酒攜紅袖。終日焚香坐碧幢。尋杜若。採蘭汀。清愁怕見影雙雙。纔能吹得燈兒黑。明月無言又到窗。

又

策馬年年上板橋。微雲漠漠水迢迢。相思故欲拈紅豆。清淚常彈到碧蕉。看蝶舞。聽鶯嬌。平生恨事最難消。梅花落後桃花落。芳草無情獨餽桃。

相見歡

胡蝶
朝來謾捲窗紗。獨咨嗟。堪恨滿園春色又天涯。夫容好。王孫老。兩相誇。怎奈生時芳草死時花。林間多少媽紅。總成空。但識三眠楊柳廿番風。黃昏近。春宵冷。意恹恹。夢到誰家深院。簾聲中。

茗柯詞七首

武進張惠言。字皋文。

木蘭花慢

楊花

儘飄零盡了。誰人解。當花看。正風避重簾。雨迴深幕。雲護輕幡。尋他一春伴侶。只斷紅相識。夕楊間。未忍無聲委地。將低重又飛還。疏狂情性。算淒涼。耐得到春闌。但月地和梅。花天伴雪。合稱清寒。收將十分春恨。做一天愁影。邊雲山。看取青青池畔。淚痕點點凝斑。

水調歌頭

春日。賦示楊生子拔。

東風無一事。粧出萬重花。閒來閱徧花影。惟有月鉤斜。我有江南鐵笛。要倚一枝香雪。吹徹玉城霞。清影渺難卽。飛絮滿天涯。飄然去。吾與汝。泛雲槎。東皇一笑相語。芳意落諸家。難道春花開落。又是春風來去。便了卻韶華。

花外春來路。芳草不曾遮。

百年復幾許。慷慨一何多。子當爲我擊筑。我爲子高歌。招手海邊鷗鳥。看我胸中雲夢。蒂芥近如何。楚越等閒耳。肝胆有風波。生平事。天付與。且婆娑。幾人塵外相視。一笑醉顏酡。看到浮雲過了。又恐堂堂歲月。一擲去如梭。勸子且秉燭。爲駐好春過。

珠簾捲春曉。胡蝶忽飛來。游絲飛絮無緒。亂點碧雲釵。腸斷江南春思。粘著天涯殘夢。賸有首重回。銀蒜且深押。疏影任徘徊。羅帷卷。明月入。似人開。一尊屬月起舞。流影入誰懷。迎得一鉤月到。送得三更月去。鶯燕不相猜。但莫凭闌久。重露溼蒼苔。

今日非昨日。明日復何如。竭來真悔何事。不讀十年書。爲問東風吹老。幾度楓江蘭徑。千里轉平蕪。寂寞斜陽外。渺渺正愁予。千古意。君知否。只斯須。名山料理身後。也算古人愚。一夜庭前綠徧。三月雨中紅透。天地入吾廬。容易衆芳歇。莫聽子規呼。

長鏡白木柄。斲破一庭寒。三枝兩枝生綠。位置小窗前。要使花顏四面。和著草心千朵。向我十分妍。何必蘭與菊。生意總欣然。曉來風。夜來雨。晚來煙。是他釀就春色。又斷送流年。便欲誅茆江上。只怕空林衰草。憔悴不堪憐。歌罷且更酌。與子遶花間。

傳言玉女

多謝東風吹送故園春色。低晴淺雨。做清明時節。昨夜花影。認得江南新月。一枝枝濛濛春魂如雪。卻問東風。怎都來。共闌寂。繡屏綺陌。有春人濃覓。閒庭閉門。揀鎖一絲愁絕。夢兒無奈。又隨春出。

立山詞七首

陽湖張琦。字翰風。

六醜

見夫容花作

悵秋光漸老。看點點霜花飄足。庾郎正愁。愁來無處著。漫遶籬落。是處秋容好。岸邊深巷。見數枝幽獨。雕闌深護珍珠絡。因倚香雲。斜敲暖玉。相看更燒銀燭。恰清尊半醉。前事悵觸。蘭舟初泊。記雙紅梳掠。坐對名花晚。情莫

莫燈前細語蛾綠。但回頭無奈。別離成各。西風緊。更催叢萼。料得是一樣心頭滋味。減來還惡。凝愁處。莫倚闌角。看一痕澹月微雲裏。依然是昨。

摸魚兒

漸黃昏。楚魂愁斷。嘯鶻早又相喚。芳心欲寄天涯路。無奈水遙山遠。春過半。看絲影花痕。罽盡青苔院。好春一片。只付與輕狂。蜂兒蝶子。吹送午塵暗。關山客。漫說歸期易算。知他多少淒怨。不曾真箇東風妒。已是燕殘鶯懶。春晚晚。怕花雨朝來。一霎方塘滿。嫣紅誰伴。儘倚徧回闌。暮雲過盡。空有淚如霰。

南浦

驚回殘夢。又起來。清夜正三更。花影一枝枝瘦。明月滿中庭。道是江南綺陌。卻依然小閣倚銀屏。悵海棠已老。心期難問。何處望高城。忍記當年歡聚。到花時長此託春醒。別恨而今誰訴。梁燕不曾醒。簾外依依香絮。算東風吹到幾時停。向鴛鴦無奈。嘯鶻又作斷腸聲。

醜奴兒慢

乍昨又雨。消得幾番花信。正一片新苔似繡。細草如茵。胡蝶飛飛。不曾認得綠羅裙。淒涼庭院。海棠一樹。箇是殘春。多少冷遊鶯。歌燕舞。吹暗芳塵。儘賸得斷紅零粉。付與愁魂。相對天涯。輕寒漠漠又斜曛。憑誰知道。鷓鴣嘯能。獨自黃昏。

菩薩戀

橫塘日日風吹雨。隔簾卻望江南路。胡蝶慣輕盈。風前魂屢驚。闌干人似玉。黛影分窗綠。斜日照屏山。相思羅袖寒。

銅壺滴盡流蘇月。紫騮嘶過垂楊陌。何處繫香車。海棠三兩花。門前波似鏡。門裏參差影。昭眼綠羅帟。畫橈開白蘋。

江花玉面嬌相逐。香風乍送凌波曲。瞥見鬢鬟低。棹回情轉迷。釵頭雙鳳翅。照水胭脂淚。碧藕折連絲。夢輕君未知。

蝴蝶翼詞五首 陽湖李兆洛字申音

菩薩蠻

越羅掩斂無重數。夫容和露搵香蕊。窗外曉雲殘。黛眉臨遠山。尋花雙鳳子。覓徧珍叢底。花影限紅墻。飄殘半

縷香。無端紫鳳嬌。銜佩葳蕤不解香。羅帶深。慕可憐。宵濃春荳蔻梢。金蟲閒未燼。慵倚屏山影。倭墮綠雲斜。未妨雙

臉霞。畫眉樓畔花如霰。疏香飛上參差繭。翠羽暗低迷。語長人未知。金箋新研玉。鈿局敲雙陸。複袖錦鴛鴦。經年繡

一雙。海棠低護行雲徑。畫樓西畔分明影。不爲見時難。忍扶羅袖看。撩人回面語。顛裊釵翹舞。花氣泛紅螺。橫飛出

窺蛾。簾前細裊沈煙紫。隔簾柳絮飄香砌。蛛縷戀殘魂。搖搖更不禁。玉簫吹未徹。垂手還凝立。不覺月痕西。下簾霜

窈芳樓詞二首 武進丁履恆字若士

綠意 雁

暗蛩吟斷。又遠空嘹唳。數行驚雁。拋卻梁州。萬里雲羅。猶帶塞聲悽怨。羅浮夢醒。君歸去。那正好。草明香暖。怎知小別經年。卻把鬢華輕換。偏爲金商已逗。怕飛雪。來寄吳山湘岸。瘦影聯翩。還喜攜羣。小聚圓沙低暗。和煙冷抱。蒹葭宿。早消盡。濃霜片片。到東到。吹入江南。又向塞垣飛遠。

高陽臺

燼落荷燈。水沈蓮漏。涼風已度輕裊。庭院淒涼。暗蛩鳴咽。墻根不知卻下。簾兒坐。又敲窗亂葉紛紛。任爐熏攪入新愁。不甚氤氳。清宵本自多悵。況征鴻信杳。目斷行雲。料得新蟾。如今也到重門。無聲露溼羅衣薄。恐斑斑

不認嚙痕。倚黃昏。幾曲闌干。幾度消魂。

滿庭芳 北樓晚望

冥霧沈山。淡煙籠渚。畫出一片秋空。遠林霜葉。渲染十分紅。夢想來時陌上。相將見。應誤春工。知何處。水村山郭。淡蕩酒旗風。匆匆。又負了。黃花香晚。綠醕栢濃。算難將心事。訴與歸鴻。更向危闌閒倚。蒼波渺。目斷孤蓬。高城外。宛句雙水流。句夕陽東。

清鄰詞五首 陽湖陸繼輅字祁生

鬲溪梅 胡蝶

雙雙粉翼出芳叢。趁殘紅。忽地分飛無奈晚來風。栖香誰與同。天涯何許絆游蹤。恨匆匆。遮莫花房曉露溼冥蒙。千回曲折通。

簾前剛被扇兒驚。恁無情。一捻腰肢誰解惜輕盈。回身避乳鶯。春歸拚與殉殘英。可憐生。薄命難將綵筆更描

卿。都疑翦紙成。游絲不繫可憐身。竟誰鄰。早又飛花和雨委輕塵。將魂付與春。羅浮仙侶怨輕分。怕黃昏。待得清光一院月如

銀。無由更覓君。一庭紅雨落難收。溼春眸。記取雙飛切莫傍簾鉤。有人簾內愁。歸期欲訂又還休。暫句留。此去知他能否更經

秋。年華似水流。輕軀瘦損不勝春。宿花城。一晌相逢雙影未分明。夢兒真不真。蜜官樹底謾紛紛。怎同羣。欲倩呢喃燕子祝斜

蘭移詞六首 飲金應城。字子彥。

賀新涼 詠螢

芳草何曾歇。問王孫。一春游處。箇邊相識。誤入紗囊因何事。一字神倦不食。算只伴鱣魚岑寂。風雨黃昏庭院黑。

清鄰詞五首 蘭移詞六首 竹鄰詞七首

照沈沈。蝶夢蕪。無迹。玉山路。悔輕別。景華宮裏音塵絕。悵秋風。洛陽古樹。青燐堆血。白鳥如雷。羞難盡。慘慘陰陵妖碧。又恐到清霜時節。小扇輕羅。無人惜。更銀屏翠幙。深深隔。笑燭燿。近牆隙。

湘春夜月 簾

鎮愁人。畫簾盡日低垂。一任蝶舞鶯歌。都付與斜暉。無奈梁間燕子。帶東風。一縷。暮地歸來。又深苔。細草。和將春思。吹入睨眉。屏山倦倚。熏爐欲燼。寶篆微微。且上銀鉤。恰放得。纖纖月影。斜捲花枝。雕闌舊夢。倩誰剛。萬縷相思。算只是。把雙犀依舊。從教深押。莫問天涯。

前調 花影

捲簾旌。惜花心事黃昏。多謝一片流光。恰挽住花魂。一夜一分月色。又一分花意。催送芳春。算都來做箇。風前夢影。煙裏愁痕。佳人何處。當時無奈。淺笑輕顰。竹外依依。似彷彿。傷心眉黛。暗泣羅裙。東風最惡。向空枝。搖蕩還頻。便拚得。教一年憔悴。怕他暗裏。老卻春人。

水調歌頭

春色奈何許。芳逕萬重花。朝來怕說花事。濃豔正交加。一片春山都被。多少愁魂鎖住。無處落朝霞。腸斷江南路。芳草夕陽斜。凝望處。空回首。碧雲遮。知他風外飛絮。飄泊到誰家。折得一枝紅萼。賸有暗香盈袖。何處贈天涯。愁絕黛眉影。寂寞倚窗紗。

臨江仙

篆縷厭厭人悄悄。敲鬟慵倚銀屏。紅兒笑道月華明。海棠枝上。一半碧雲橫。坐待窺窗窗正滿。一身花影亭亭。隔牆何處又吹笙。簾兒下了。雙袖悄寒生。

前調

花外颺鵲簾外燕。夕陽容易黃昏。絲絲篆縷是愁魂。闌干倚偏。幽恨共誰論。賸得柳梢明月上。夜深還照重門。厭厭心事素娥聞。也應怪得。不是舊眉痕。

竹鄰詞七首 欽金式玉。字朗甫。

六州歌頭

重帷深鎖。玉漏正三更。屏山暗。金荷燼。篆煙凝。短長亭。依約年時路。清溪曲。垂楊畔。朱門裏。晶簾下。月華明。風外翹鬟掠削。搔頭玉。隔住紅英。把花枝斜睇。雙臉淺霞生。芳意盈盈。更恁惺。憶郎不見。眉翠薄。鬢雲亂。悄含情。飛鴻遠。空惻悵。望高城。只星星。飛絮天涯影。風搖漾。不曾停。人瘦損。花憔悴。總飄零。愁煞東風輕別。知何處。粉袖銀箏。怎禁他花外。殘點一聲聲。好夢頻驚。

南浦 秋燕

年年寄旅。向天涯底事。又難留。幾度涼颼蕭瑟。倦羽不勝秋。此去斜陽無數。怎拋他幽恨鎖重樓。算來年重到。人還在否。難問舊簾鉤。只爲雕梁春信。趁東風容易到南州。兩兩風風花事。一度一含愁。諳盡淒涼情緒。再相逢。切莫話溫柔。只憐伊瘦損。闌干竟日自凝眸。

高陽臺 胡蝶

乍暖簾櫳。輕寒庭院。游絲繫住春魂。一捻纖腰。恰誰付與愁痕。年時此地看花處。到花時。一例傷神。怎消他。幾度簾垂。幾度香溫。斜陽回首江南夢。只浮雲似雪。流月如銀。一晌憐儂。不教飄逐芳塵。天涯處處吹香絮。便相逢。誰伴黃昏。更禁他。容易飛花。容易殘春。

更漏子

繡羅香。蟬鬢影。瘦損怕看鸞鏡。人意悄。篆煙濃。開簾燕子風。鶯亂語。愁無緒。一霎枝頭紅雨。歡易盡。淚空垂。春心花不知。

相見歡

真珠一桁簾旌。坐調笙。夢裏不知芳草一池生。蠻絃語。紅兒舞。總關情。無奈枝頭嗁鳥喚花醒。暗螢點向深苔。去還來。都是星星流影惹簾開。夫容面。輕羅扇。撲盈懷。不道一天清露溼香堦。微雲度盡窗綃。夜迢迢。又恐秋聲無賴上芭蕉。玉繩轉。金波暗。可憐宵。只牘棲香胡蝶抱空條。

字橋詞七首

欽鄭善長名檢元以字行。

摸魚兒 送春

又簾纖滿庭花雨。榆錢難買春住。春來誰占風光好。賸有此時愁苦。春也誤。算一捻嬌紅。怎禁東風妒。平蕪欲暮。正燕燕鶯鶯。輕狂無奈。寂寞掩朱戶。斜陽外。又向高樓凝竚。天涯一樣飛絮。河橋倚馬年時地。唯有垂楊千縷。春便去。縱留得殘春。也只添愁緒。清樽餞汝。但索倩游蜂。抱儂春恨。一例覓歸路。

綠意 殘荷

芳塘曲處。看翠雲憔悴。收盡殘暑。記得羅衣。波上頻瀟。嬌鬢一時相妒。而今一片煙波冷。只賸得雙雙鷗鷺。知恁時越女還來。空憶採蓮前度。眼底紅芳嫁盡。但枯葦歷亂。堪訴愁苦。卷向薰風。坼向西風。消受斜陽無數。曉來清露憐儂甚。正無奈盤心非故。只看他鉛淚難收。洒向一池煙雨。

湘春夜月 簾

一絲絲。替儂織就相思。只是一片湘波。怎便隔天涯。約住滿庭花氣。問東風可解。吹送芳菲。算驚回殘夢。唯應燕子。頻蹴雙犀。游絲千尺。楊花萬點。惱亂春暉。庭院淒涼。卻憑得深深爲我。低護顰眉。朝來欲捲。怕暗塵點上羅衣。從此便。更休論春事。任教銀蒜。終日垂垂。

南浦 秋燕

雕梁睡穩。又西風夜夜。做秋聲。吹破栖香好夢。倦羽似頻驚。醒醉幾番花月。到如今。只合共淒清。怎舞衣不管。平蕪零落。猶自趁身輕。誤卻高樓凝竚。恨天涯消息不堪聽。屈指誰憐幽獨。筆柱一行平。怕是匆匆輕別。又憑他掠盡夕陽明。算魂消無奈。有人凝恨。傍簾旌。

高陽臺 柳

暮雨催眠。朝風催起。絲絲縮住春愁。依舊清明。還教伴我登樓。平蕪一片斜陽影。問韶光。何處句留。怎憑他。蘸盡流波。送盡行舟。當年繫馬江南路。正歌臺月暗。舞榭煙稠。纖手而今。攀來可記溫柔。儂心化作天涯絮。怕重來。錯認簾鉤。便拚他。過了殘春。又是殘秋。

前調 秋海棠

粉暈微搵。脂痕淺印。招來嬝嬝秋魂。一椽紅粧。偏教背卻青春。相思無數深閨淚。向西風染就愁痕。有誰憐。幾度凝嬌。幾度含顰。江南昨夜霜花滿。算蕭蕭蘭徑。都付芳塵。倚盡雕闌。殷勤誰伴黃昏。斷腸賸得娉婷影。斂嬌紅欲上羅裙。又消他。漠漠輕煙。漠漠斜暎。

甘州

漸香篝餘燼冷。羅衾。簾捲對秋陰。悵夫容已老。西風不管。獨自沈吟。可惜斷紅雙臉。只是淚痕深。細憶遼陽夢。恨殺蘭砧。十二闌干倚徧。只霜花抱信。又到疏林。看亭臯落葉。片片是秋心。怕天涯幾經搖落。向雪關風渡更難禁。怎倩得征鴻爲我。寄與芳音。

續詞選序

詞選之刻。多有病其太嚴者。擬續選而未果。今夏外孫董毅子遠來暑。攜有錄本。適愜我心。爰序而刊之。亦先兄之志也。道光十年七月張琦。

續詞選目錄

- 李太白一首 張子同一首 溫飛卿五首 皇甫子奇二首
右唐詞四家九首
後唐莊宗一首 韋端己三首 薛昭蘊一首 毛熙震二首 李珣三首 馮正中三首
右五代詞六家十三首
晏同叔二首 范希文一首 歐陽永叔一首 王介甫一首 柳耆卿二首 蘇子瞻三首 秦少游八首
賀方回一首 章質夫一首 舒信道一首 趙德麟一首 劉巨濟一首 周美成七首 徐幹臣一首 陳
子高三首 魯逸仲一首 葉少蘊一首 陳去非一首 趙長卿一首 辛幼安二首 張安國一首 程正
伯三首 劉潛夫一首 俞國寶一首 姜堯章七首 劉改之 一首 楊炎一首 謝勉仲一首 陸子逸一
首 高賓王一首 史邦卿三首 方巨山一首 吳君特二首 蔣勝欲一首 周公謹二首 王聖與四首
張叔夏二十三首 吳彥高一首 德祐太學生二首 李易安一首 朱淑真一首 徐君寶妻一首
右宋詞四十二家一百首
凡詞五十二家一百二十二首

續詞選卷一

陽湖董毅錄

李太白白

憶秦娥

簫聲咽。秦娥夢斷秦樓月。秦樓月。年年柳色，灞陵傷別。樂游原上清秋節。咸陽古道音塵絕。音塵絕。西風殘照，漢家陵闕。

張子同 志和

漁歌子

西塞山前白鷺飛。桃花流水鱖魚肥。青箬笠，綠蓑衣。斜風細雨不須歸。

溫飛卿 庭筠

歸國遙

香玉。翠鳳寶釵垂翠鬋。鈿筐交勝金粟。越羅春水綠。畫堂照簾殘燭。夢餘更漏促。謝娘無限心曲。曉屏山斷續。雙臉。小鳳戰篋金點豔。舞衣無力風斂。藕絲秋色染。錦帳繡幃斜掩。露珠清曉簟。粉心黃蘂花鬢。黛眉山兩點。

酒泉子

楚女不歸。樓枕小河春水。月孤明。風又起。杏花稀。玉釵斜篸雲鬢重。裙上鏤金雙鳳。入行書。千里夢。雁南飛。

訴衷情

鶯語。花舞。春晝午。雨霏微。金帶枕。宮錦鳳凰帷。柳弱燕交飛。依依。遼陽音信稀。夢中歸。

河傳

湖上。閒望。雨瀟瀟。煙浦花橋路遙。謝娘翠蛾愁不銷。終朝。夢魂迷晚潮。蕩子天涯歸棹遠。春已晚。鶯語空腸斷。

李太白 張子同 溫飛卿 皇甫子奇 後唐莊宗 韋端已 一八五

若耶溪。溪水西。柳堤不聞郎馬嘶。

皇甫子奇 松

夢江南

蘭燼落。屏上暗紅蕉。閒夢江南梅熟日。夜船吹笛雨瀟瀟。人語驛邊橋。
樓上寢。殘月下簾旌。夢見秣陵惆悵事。桃花柳絮滿江城。雙鬢坐吹笙。

後唐莊宗

憶仙姿

曾宴桃源深洞。一曲舞鸞歌鳳。長記別伊時。和淚出門相送。如夢如夢。殘月落花煙重。

韋端已 莊

歸國遙

金翡翠。爲我南飛傳我意。罨畫橋邊春水。幾年花下醉。別後只知相愧。淚珠難遠寄。羅幙繡幃鴛被。舊歡如夢裏。

應天長

綠槐影裏黃鸝語。深院無人春晝午。畫簾垂。金鳳舞。寂寞繡屏香一炷。碧雲天。無定處。空有夢魂來去。夜夜綠窗風雨。斷腸君信否。

更漏子

鐘鼓寒。樓閣暝。月照古桐金井。深院閉。小庭空。落花香露紅。煙柳重。春霧薄。燈背水窗高閣。閒倚戶。暗沾衣。待郎郎不歸。

薛昭蘊

謁金門

春滿院。疊損羅衣金綫。睡覺水晶簾未卷。簾前雙語燕。斜掩金鋪一扇。滿地落花千片。早是相思腸欲斷。忍教頻夢見。

毛熙震

臨江仙

幽闈欲曙聞鶯囀。紅窗日影微明。好風頻謝落花聲。隔幃殘燭。猶照綺屏擘。繡被錦茵眠玉暖。炷香斜裊煙輕。淡蛾羞斂不勝情。暗思閒夢。何處逐雲行。

清平樂

春光欲暮。寂寞閒庭戶。粉蝶雙雙穿檻舞。簾卷晚天疏雨。含愁獨倚闌幃。玉爐煙斷香微。正是銷魂時節。東風滿樹花飛。

李珣

菩薩蠻

迴塘風起波紋細。刺桐花裏門斜閉。殘日照平蕪。雙雙飛鷓鴣。征帆何處客。相見還相隔。不語欲魂銷。望中煙水遙。

隔簾微雨飛雙燕。砌花零落紅深淺。拾得寶箏調。心隨征棹遙。楚天雲外路。動便經年去。香斷畫屏深。舊歡何處尋。

西溪子

金縷翠鈿浮動。妝罷小窗圓夢。日高時。春已老。人未到。滿地落花慵掃。無語倚屏風。泣殘紅。

馮正中 延巳

薛昭蘊 毛熙震 李珣 馮正中 晏同叔 范希文 歐陽永叔 一八七

羅敷豔歌

馬嘶人語春風岸。芳草綿綿。楊柳橋邊。落日高樓酒旆懸。舊愁新恨知多少。目斷遙天。獨立花前。更聽笙歌滿畫船。

小堂深靜無人到。滿院春風。惆悵牆東。一樹櫻桃帶雨紅。愁心似醉兼如病。欲語還慵。日暮疏鐘。雙燕歸來畫閣中。

喜遷鶯

宿鶯啼。鄉夢斷。春樹曉朦朧。殘燈和燼閉朱櫳。人語隔屏風。香已寒。燈已絕。忽憶去年離別。石城花雨倚江樓。波上木蘭舟。

晏同叔 珠

浣溪沙

玉腕冰寒滴露華。粉融香雪透輕紗。晚來妝面勝荷花。鬢鞦欲迎眉際月。酒紅初上臉邊霞。一場春夢日西斜。

破陣子

燕子來時新社。梨花落後清明。池上碧苔三四點。葉底黃鸝一兩聲。日長飛絮輕。巧笑東鄰女伴。采桑徑裏逢迎。疑怪昨宵春夢好。元是今朝鬪草贏。笑從雙臉生。

范希文 仲淹

御街行

紛紛墜葉飄香砌。夜寂靜。寒聲碎。真珠簾捲玉樓空。天澹銀河垂地。年年今夜。月華如練。長是人千里。愁腸已斷無由醉。酒未到。先成淚。殘燈明滅枕頭欹。諳盡孤眠滋味。都來此事。眉間心上。無計相迴避。

歐陽永叔 修

躑躅行

候館梅殘。溪橋柳細。草熏風暖。搖征轡。離愁漸遠。漸無窮。迢迢不斷如春水。寸寸柔腸。盈盈粉淚。樓高莫近危。菊倚平蕪。盡處是春山。行人更在春山外。

王介甫 安石

桂枝香 金陵懷古

登臨送目。正故國晚秋。天氣初肅。千里澄江似練。翠峯如簇。征帆去棹殘陽裏。背西風、酒旗斜矗。綵舟雲淡。星河驚起。圖畫難足。念自昔、豪華競逐。歎門外樓頭。悲恨相續。千古憑高。對此謾嗟榮辱。六朝舊事隨流水。但寒煙衰草凝綠。至今商女。時時猶唱後庭遺曲。

柳耆卿 永

雨霖鈴

寒蟬淒切。對長亭晚。驟雨初歇。都門帳飲無緒。方留戀處。蘭舟催發。執手相看淚眼。竟無語凝咽。念去去千里煙波暮靄。沈沈楚天闊。多情自古傷離別。更那堪冷落清秋節。今宵酒醒何處。楊柳岸、曉風殘月。此去經年。應是良辰好景虛設。便總有千種風情。更與何人說。

八聲甘州

對蕭蕭暮雨灑江天。一番洗清秋。漸霜風淒緊。關河冷落。殘照當樓。是處紅衰綠減。苒苒物華休。惟有長江水。無語東流。不忍登高臨遠。望故鄉渺邈。歸思難收。歎年來蹤跡。何事苦淹留。想佳人、妝樓長望。誤幾回、天際識歸舟。爭知我、倚闌干處。正恁凝愁。

蘇子瞻 賦

念奴嬌 赤壁懷古

王介甫 柳耆卿 蘇子瞻 秦少游

大江東去。浪淘盡。千古風流人物。故壘西邊。人道是。三國周郎赤壁。亂石穿空。驚濤拍岸。捲起千堆雪。江山如畫。一時多少豪傑。遙想公瑾當年。小喬初嫁了。雄姿英發。羽扇綸巾。談笑閒檣櫓。灰飛煙滅。故國神遊。多情應笑我。早生華髮。人生如夢。一尊還酹江月。

蝶戀花

春事闌珊芳草歇。客裏風光。又過清明節。小院黃昏人憶別。落花處處聞啼鴉。咫尺江山分楚越。目斷魂消。應是音塵絕。破夢五更心欲折。角聲吹落梅花月。

水調歌頭

明月幾時有。把酒問青天。不知天上宮闕。今夕是何年。我欲乘風歸去。又恐瓊樓玉宇。高處不勝寒。起舞弄清影。何似在人間。轉朱閣。低倚戶。照無眠。不應有恨。何事偏向別時圓。人有悲歡離合。月有陰晴圓缺。此事古難全。但願人長久。千里共嬋娟。（忠愛之言。惻然動人。神宗讀瓊樓玉宇。高處不勝寒之句。以爲終是愛君。宜矣。）

秦少游游觀

如夢令

門外鴉啼楊柳。春色著人如酒。睡起熨沈香。玉腕不勝金斗。消瘦消瘦。還是褪花時候。遙夜月明如水。風緊驛亭深閉。夢破鼠窺燈。霜送曉寒侵被。無寐無寐。門外馬嘶人起。幽夢匆匆破後。妝粉亂紅霑袖。遙想酒醒來。無奈玉銷花瘦。回首回首。遶岸夕陽疏柳。樓外殘陽紅滿。春入柳條將半。桃李不禁風。回首落英無限。腸斷腸斷。人與楚天俱遠。池上春歸何處。滿目落花飛絮。孤館悄無人。夢斷月堤歸路。無緒無緒。簾外五更風雨。鶯嘴啄花紅溜。燕尾點波綠皺。指冷月笙寒。吹徹小梅春透。依舊依舊。人與綠楊俱瘦。

阮郎歸

滿天風雨破寒初。燈殘庭院虛。麗譙吹徹小單于。迢迢清夜徂。鄉夢斷。旅情孤。崢嶸歲又除。衡陽猶有雁傳書。

郴陽和雁無。

八六子

倚危亭。恨如芳草。萋萋剗盡還生。念柳外青驄別後。水邊紅袂分時。愴然暗驚。無端天與娉婷。夜月一簾幽夢。春風十里柔情。怎奈向歡娛漸隨流水。素絃聲斷。翠綃香滅。那堪片片飛花弄晚。濛濛殘雨籠晴。正銷凝。黃鸝又啼數聲。

賀方回 鐫

柳色黃

薄雨催寒。斜照弄晴。春意空闊。長亭柳色纔黃。遠客一枝先折。煙橫水際。映帶幾點歸鴉。東風消盡龍沙雪。還記出門時。卻而今時節。將發畫樓芳酒。紅淚清歌。頓成輕別。已是經年。杳杳音塵都絕。欲知方寸。共有幾許清愁。芭蕉不展丁香結。枉望斷天涯。兩厭厭風月。

章質夫 案

水龍吟 柳花

燕忙鶯懶芳殘。正堤上柳花飄墜。輕飛亂舞。點畫青林。全無才思。閒趁游絲。靜臨深院。日長門閉。傍珠簾散漫。垂垂欲下。依前被風扶起。蘭帳玉人睡覺。怪香衣雪沾瓊綴。繡牀漸滿。香毬無數。才圓卻碎。時見蜂兒。仰粘輕粉。魚吞池水。望章臺路杳。金鞍游蕩。有盈盈淚。

舒信道 賈

菩薩蠻

畫船揭鼓催君去。高樓把酒留君住。去住若爲情。江頭潮欲平。江潮容易得。卻是人南北。今日此尊空。知君何日同。

賈方回 章質夫 舒信道 趙德麟 劉巨海 周美成

趙德麟 令時

蝶戀花

欲減羅衣寒未去。不卷珠簾。人在深深處。殘杏枝頭花幾許。啼紅止恨清明雨。 盡日水沈香一縷。宿酒醒遲。惱破春情緒。飛燕又將歸信誤。小屏風上西江路。

劉巨濟 望

清平樂

深沈院宇。枕簟清無暑。睡起花陰初轉午。一霎飛雲過雨。 雨餘隱隱殘雷。夕陽卻照庭槐。莫把珠簾垂下。妨他雙燕歸來。

周美成 邦彥

滿庭芳 夏日溧水無想山作

風老鶯雛。雨肥梅子。午陰嘉樹清圓。地卑山近。衣潤費爐煙。人靜烏鴉自樂。小橋外。新綠濺濺。凭闌久。黃蘆苦竹。擬泛九江船。 年年。如社燕。飄流瀚海。來寄修椽。且莫思身外。長近尊前。憔悴江南倦客。不堪聽。急管繁絃。歌筵畔。先安枕簟。容我醉時眠。

玉樓春

桃溪不作從容住。秋藕絕來無續處。當時相候赤闌橋。今日獨尋黃葉路。 烟中列岫青無數。雁背夕陽紅欲暮。人如風後入江雲。情似雨餘黏地絮。

尉遲杯

隋堤路。漸日晚密鬢生深樹。陰陰淡月籠沙。還宿河橋深處。無情畫舸。都不管煙波隔前浦。等行人醉擁重衾。載將離恨歸去。 因思舊客京華。長偃傍疏林。小榼歡聚。冶葉倡條俱相識。仍慣見珠歌翠舞。如今向漁村水驛。夜

如歲焚香獨自語。有何人念我無聊。夢魂凝想鴛侶。

西河 金陵懷古

佳麗地。南朝盛事誰記。山圍故國繞清江。髻鬟對起。怒濤寂寞打孤城。風檣遙度天際。斷崖樹。猶倒倚。莫愁艇子曾繫。空餘舊迹鬱蒼蒼。霧沈半壘。夜深月過女牆來。傷心東望淮水。酒旗戲鼓甚處市。想依稀王謝鄰里。燕子不知何世。入尋常巷陌人家相對。如說興亡斜陽裏。

浪淘沙慢

曉陰重。霜凋岸草。霧隱城堞。南陌脂車待發。東門帳飲乍闕。正拂面垂楊堪纜結。掩紅淚玉手親折。念漢浦離鴻去何許。經時信音絕。情切。望中地遠天闊。向露冷風清無人處。耿耿寒漏咽。嗟萬事難忘。惟是輕別。翠樽未竭。憑斷雲留取。西樓殘月。羅帶光銷紋衾疊。連環解。舊香頓歇。怨歌永。瓊壺敲盡缺。恨春去不與人期。弄夜色。空餘滿地梨花雪。

夜飛鵲

河橋送人處。良夜何其。斜月遠墮餘輝。銅盤燭淚已流盡。霏霏涼露沾衣。相將散離會處。探風前津鼓。樹杪參旗。花聽會意。縱揚鞭亦自行遲。迢遞路迴清野。人語漸無聞。空帶愁歸。何意重經前地。遺鈿不見。斜徑都迷。兔葵燕麥。向斜陽影與人齊。但徘徊班草。欲飲醇酒。極望天西。

解語花 元宵

風銷焰蠟。露挹烘爐。花市光相射。桂花流瓦。纖雲散。耿耿素娥欲下。衣裳淡雅。看楚女纖腰一把。簫鼓喧。人影參差。滿路飄香麝。因念帝城放夜。望千門如畫。嬉笑遊冶。鈿車羅帕相逢處。自有暗塵隨馬。年光是也。惟只見舊情衰謝。清漏移飛蓋歸來。從舞休歌罷。

徐幹臣 仲

二郎神

徐幹臣 陳子高 魯逸仲 葉少蘊

悶來彈鵲。又攪碎一簾花影。謾試著春衫。還思纖手。熏徹金猊燼冷。動是愁端如何向。但怪得新來多病。嗟舊日沈腰。而今潘鬢。怎堪臨鏡。重省。別時淚漬。羅襟猶凝。料爲我厭厭。日高慵起。長託春醒未醒。雁足不來。馬蹄難去。門掩一庭芳景。空貯立。盡日闌干倚徧。畫長人靜。

陳子高克

謁金門

愁脈脈。目斷江南江北。煙樹重重芳信隔。小樓山幾尺。細草孤雲斜日。一晌弄晴天色。簾外落花飛不得。東風無氣力。花滿院。飛來飛去雙燕。紅雨入簾寒不卷。曉屏山六扇。翠袖玉笙悽斷。脈脈兩蛾愁淺。消息不知郎近遠。一春長夢見。柳絲碧。柳下人家寒食。鶯語匆匆花寂寂。玉階春辭絕。閒凭熏籠無力。心事有誰知得。檀炷燒窗燈背壁。畫簷殘雨滴。

魯逸仲

南浦

風悲畫角。聽單于。三弄落譙門。投宿駸駸征騎。飛雪滿孤村。酒市漸闌燈火。正敲窗亂葉舞紛紛。送數聲鶯雁。乍離煙水。嘹唳度寒雲。好在半牖淡月。到如今。無處不銷魂。故國梅花歸夢。愁損綠羅裙。爲問暗香閒豔。也相思萬點付啼痕。算翠屏應是。兩眉餘恨倚黃昏。

葉少蘊夢得

賀新郎

睡起啼鶯語。掩蒼苔。房櫳向晚。亂紅無數。吹盡殘花無人見。惟有垂楊自舞。漸暝靄初回輕暑。寶扇重尋明月影。

暗塵侵。上有乘鸞女。驚舊恨。遽如許。江南夢斷橫江渚。浪黏天。葡萄漲綠。半空煙雨。無限樓前滄波意。誰採蘋花寄取。但悵望蘭舟容與。萬里雲颿何時到。送孤鴻。目斷千山阻。誰爲我。唱金縷。

陳去非 與義

臨江仙

憶昔午橋橋上飲。坐中都是豪英。長溝流月去無聲。杏花疏影裏。吹笛到天明。二十餘年成一夢。此身雖在堪驚。閒登小閣眺新晴。古今多少事。漁唱起三更。

趙長卿

臨江仙

過盡征鴻來盡雁。故園消息茫然。一春憔悴有誰憐。懷家寒食夜。中酒落花天。見說江頭春浪渺。殷勤欲送歸船。別來此處最艱牽。短篷南浦雨。疏柳斷橋煙。

續詞選卷二

陽湖董毅錄

辛幼安 棄疾

念奴嬌 書東流村壁

野塘花落。又匆匆過了清明時節。剗地東風欺客夢。一枕雲屏寒怯。曲岸持觴。垂楊繫馬。此地曾經別。樓空人去。舊遊飛燕能說。聞道綺陌東頭。行人曾見。簾底纖纖月。舊恨春江流不盡。新恨雲山千疊。料得明朝。尊前重見。鏡裏花難折。也應驚問。近來多少華髮。

滿江紅

敲碎離愁。紗窗外風搖翠竹。人去後。吹簫聲斷。倚樓人獨。滿眼不堪三月暮。舉頭已覺千山綠。但試把一紙寄來書。從頭讀。相思字。空盈幅。相思意。何時足。滴羅襟點點。淚珠盈掬。芳草不迷行客路。垂楊只礙離人目。最苦是立盡月黃昏。闌干曲。

張安國 孝祥

滿江紅 驟雨

斗帳高眠。寒窗靜瀟瀟雨意。南樓近。更移三鼓。漏傳一水。點點不離楊柳外。聲聲只在芭蕉裏。也不管滴破故鄉心。愁人耳。無似有。游絲細。聚復散。真珠碎。天應分付與。別離滋味。破我一牀胡蝶夢。輸他雙枕鴛鴦睡。向此際。別有好思量。人千里。

程正伯 垓

摸魚兒

掩淒涼黃昏庭院。角聲何處嗚咽。矮窗曲屋風燈冷。還是苦寒時節。凝竚切。念翠被薰籠。夜夜成虛設。倚窗愁絕。

聽鳳竹聲中。犀帷影外。簌簌釀寒雪。傷心處。卻憶當年輕別。梅花滿院初發。吹香弄藥無人見。惟有暮雲千疊。情未徹。又誰料而今好夢分吳越。不堪重說。但記得當初。重門鎖處。猶有夜深月。

卜算子

獨自上層樓。樓外青山遠。望到斜陽欲盡時。不見西飛燕。獨自下層樓。樓下蛩聲怨。待到黃昏月上時。依舊柔腸斷。

水龍吟

夜來風雨匆匆。故園定是花無幾。愁多怨極。等閒孤負。一年芳意。柳困桃慵。杏青梅小。對人容易。算好春長在。好花長見。元只是。人憔悴。回首池南舊事。恨星星。不堪重記。如今但有。看花老眼。傷時清淚。不怕逢花瘦。只愁怕老來風味。待繁紅亂處。留雲借月。也須擦醉。

劉潛夫 克莊

沁園春 夢方孕若

何處相逢。登寶釵樓。訪銅雀臺。喚廚人斫就。東溟鯨膾。圉人呈罷。西極龍媒。天下英雄。使君與操。餘子誰堪共酒。柝車千乘。載燕南代北。劍客奇才。飲酣鼻息如雷。誰信被晨雞催喚回。歎年光過盡。功名未立。書生老矣。機會方來。使李將軍。遇高皇帝。萬戶侯何足道哉。推衣起。但淒涼感舊。慷慨生哀。

俞國寶

風入松

一春長費買花錢。日日醉湖邊。玉鸞慣識西湖路。驕嘶過。沽酒樓前。紅杏香中歌舞。綠楊影裏秋千。暖風十里麗人天。花壓鬢雲偏。畫船載得春歸去。餘情付。湖水湖煙。明月重扶殘醉。來尋陌上花鈿。

姜堯章 夔

辛幼安 張安國 程正伯 劉潛夫 俞國寶 姜堯章

一萼紅 人日登長沙定王臺

古城陰。有官梅幾許。紅萼未宜簪。池面冰膠。牆腰雪老。雲意還又沈沈。翠藤共閒穿徑竹。漸笑語驚起臥沙禽。野老林泉。故王臺榭。呼喚登臨。南去北來何事。蕩湘雲楚水。目極傷心。朱戶黏雞。金盤簇燕。空歎時序侵尋。記曾共西樓雅集。想垂柳還裊萬絲金。待得歸鞍到時。只怕春深。

長亭怨慢 自序云。桓大司馬曰。昔年移柳。依依漢南。今看搖落。悽愴江潭。樹猶如此。人何以堪。此語余深

愛之。

漸吹盡枝頭香絮。是處人家。綠深門戶。遠浦縈迴。暮帆零亂。向何許。閱人多矣。誰得似長亭樹。樹若有情時。不會得青青如此。日暮。望高城不見。只見亂山無數。韋郎去也。怎忘得玉環分付。第一是早早歸來。怕紅萼無人爲主。算只有并刀難剪。離愁千縷。

齊天樂 蟋蟀

庚郎先自吟愁賦。淒淒更聞私語。露溼銅鋪。苔侵石井。都是曾聽伊處。哀音似訴。正思婦無眠。起尋機杼。曲曲屏山。夜涼獨自甚情緒。西窗又吹暗雨。爲誰頻斷續。相和砧杵。候館吟秋。離宮弔月。別有傷心無數。幽詩謾與。笑籬落呼燈。世閒兒女。寫入琴絲。一聲聲更苦。

念奴嬌 荷花

鬧紅一舸。記年時。常與鴛鴦爲侶。三十六陂人未到。水佩風裳無數。翠葉吹涼。玉容消酒。更灑菰蒲雨。嫣然搖動。冷香飛上詩句。日暮青蓋亭亭。情人不見。爭忍凌波去。只恐舞衣寒易落。愁入西風南浦。高柳垂陰。老魚吹浪。留我花閒住。田田多少。幾回沙際歸路。

琵琶仙 吳興

雙槳來時。有人似舊曲桃根桃葉。歌扇輕約飛花。蛾眉正奇絕。春漸遠汀洲自綠。更添了幾聲啼鴉。十里揚州。三生杜牧。前事休說。又還是官燭分煙。奈秋裏匆匆換時節。都把一襟芳思。與空階榆莢。千萬縷藏鴉細柳。爲玉尊起舞迴雪。想見西出陽關。故人初別。

翠樓吟 武昌安遠樓成

月冷龍沙。塵清虎落。今年漢酺初賜。新翻胡部曲。聽瓊幕元戎歌吹。層樓高峙。看檻曲縈紅。簷牙飛翠。人姝麗。粉香吹下。夜寒風細。此地宜有神仙。擁素雲黃鶴與君遊戲。玉梯凝望久。歎芳草萋萋千里。天涯情味。仗酒祓清愁。花消英氣。四山外。晚來還捲。一簾秋霽。

八歸 湖中送胡德華

芳蓮墜粉。疏桐吹綠。庭院暗雨乍歇。無端抱影銷魂處。還見篠牆螢暗。蕪階蛩切。送客重尋西去路。問水面琵琶誰撥。最可惜一片江山。總付與啼鴉。長恨相從未款。而今何事。又對西風離別。渚寒煙淡。棹移人遠。縹緲行舟如葉。想文君望久。倚竹愁生步羅襪。歸來後。翠尊雙飲。下了珠簾。玲瓏閒看月。

劉改之 詞

賀新郎

老去相如倦。向文君。說似而今。怎生消遣。衣袂京塵曾染處。空有香紅尙輭。料彼此魂消腸斷。一枕新涼眠客舍。聽梧桐。疏雨秋風顛。燈暈冷。記初見。樓低不放珠簾捲。晚妝殘。翠蛾狼籍。淚痕凝臉。人道愁來須殢酒。無奈愁深酒淺。但託意焦琴紈扇。莫鼓琵琶江上曲。怕荻花楓葉俱淒怨。雲萬疊。寸心遠。

楊炎

蝶戀花 稼軒坐閣作。首句用邱六書中語。

檢點笙歌多釀酒。不放東風。獨自迷楊柳。院院翠陰停永晝。曲闌隨處堪垂手。昨日解醒今夕又。消得情懷。長被春傷憊。門外馬嘶人去後。亂紅不管花消瘦。

謝勉仲 題

浪淘沙

劉改之 楊炎 謝勉仲 陸子逸 高賓王 史邦卿

黃道雨初乾。霽靄空蟠。東風楊柳碧毵毵。燕子不歸花有恨。小院春寒。倦客亦何堪。塵滿征衫。明朝野水幾重山。歸夢已隨芳草綠。先到江南。

陸子逸

瑞鶴仙

臉霞紅印枕。睡起來。冠兒猶是不整。屏閒麝煤冷。但眉山壓翠。淚珠彈粉。堂深畫永。燕交飛。風簾露井。悵無人與說相思。近日帶圍寬盡。重省。殘燈朱幌。淡月疏窗。那時風景。陽臺路迴。雲雨夢。便無準。待歸來。先指花梢教看。卻把心期細問。問因循過了青春。怎生意穩。刺時之言。

高賓工 觀國

菩薩蠻

春風吹綠湖邊草。春光依舊湖邊道。玉勒錦障泥。少年遊冶時。煙明花似繡。且醉旗亭酒。斜日照花西。歸鴉花外啼。

史邦卿 達祖

綺羅香 春用

做冷欺花。將烟困柳。千里偷催春暮。盡日冥迷。愁裏欲飛還住。驚粉重。蛺蝶宿西園。喜泥潤。燕歸南浦。最妨他。佳約風流。鈿車不到杜陵路。沈沈江上望極。還被春潮晚急。難尋官渡。隱約遙峯。和淚謝娘眉嫵。臨斷岸。新綠生時。是落紅帶愁流處。記當日。門掩梨花。翦燈深夜語。

萬年歡

兩袖梅風。謝橋邊。岸痕猶帶陰雪。過了。匆匆燈市。草根青發。燕子春愁未醒。誤幾處。芳音遠絕。煙溪上。采葦人歸。定應愁煞花骨。非干厚情易歇。奈燕臺句老。難道離別。小徑吹衣。曾記故里風物。多少驚心舊事。第一是。侵階

羅襪。如今但柳髮晞春。夜來和露梳月。

東風第一枝 立春

草腳愁回。花心夢醒。鞭香拂散牛土。舊歌空憶珠簾。綵筆倦題繡戶。粘雞貼燕。想占斷東風來處。暗惹起一搗相思。亂藏翠盤紅縷。今夜覓夢池秀句。明日動探花芳緒。寄聲沽酒人家。款約嬉遊伴侶。憐他梅柳。怎忍後天街酥雨。待過了一月燈期。日日醉扶歸去。

方巨山 岳

水調歌頭 平山堂用東坡韻

秋雨一何碧。山色倚晴空。江南江北愁思。分付酒螺紅。蘆葉蓬舟千里。菰菜蓴羹一夢。無語寄歸鴻。醉眼渺河洛。遺恨夕陽中。蘋洲外。山欲暝。斂眉峯。人間俯仰陳迹。歎息兩仙翁。不見當年楊柳。只是從前煙雨。磨滅幾英雄。天地一孤嘯。匹馬又西風。

吳君特 文英

唐多令

何處合成愁。離人心上秋。縱芭蕉不雨也颼颼。都道晚涼天氣好。有明月。怕登樓。年事夢中休。花空煙水流。燕辭歸客尙淹留。垂柳不繫裙帶住。謾長是。繫行舟。

憶舊游 別黃澹翁

送人猶未苦。苦送春隨人去天涯。片紅都飛盡。陰陰潤綠。暗裏啼鴉。賦情頓雪雙鬢。飛夢逐塵沙。歎病渴淒涼。分香瘦減。兩地看花。西湖斷橋路。想繫馬。垂楊依舊欹斜。葵麥迷煙處。問離巢孤燕。飛過誰家。故人爲寫深怨。空壁掃秋蛇。但醉上吳臺。殘陽草色歸思賒。

蔣勝欲 捷

方巨山 吳君特 蔣勝欲 周公謹 王聖與

賀新郎

夢冷黃金屋。歎秦箏、斜鴻陣裏，素絃塵撲。化作嬌鶯飛歸去，猶認紗窗舊綠。正過雨、荆桃如菽。此恨難平君知否。似瓊臺湧起、彈碁局。消瘦影、嫌明燭。鴛樓碎、瀉東西玉。問芳蹤、何時再展。翠釵難卜。待把宮眉橫雲樣。描上生綃畫幅。怕不是、新來妝束。綵扇紅牙今都在。恨無人、解聽開元曲。空掩袖、倚寒竹。

周公謹 密

疏影 梅影

冰條凍葉。又橫斜照水。一花初發。素壁秋屏。招得芳魂，彷彿玉容明滅。疏疏滿地珊瑚冷。全誤卻、撲花幽蝶。甚美人、忽到窗前。鏡裏好春難折。間想孤山舊事。浸清漪倒映。千樹殘雪。暗裏東風，可慣無情。攪碎一簾香月。輕妝誰寫。崔微面、認隱約、煙綃重疊。記夢回、紙帳殘燈。瘦倚數枝清絕。

鷓鴣天 清明

燕子時時度翠簾。柳寒猶未透香棉。落花門巷家家雨。新火樓臺處處煙。情默默，恨慳慳。東風吹動畫秋千。刺桐開盡鶯聲老。無奈春風祇醉眠。

王聖與 沂孫

南浦 春水

柳下碧粼粼。認麴塵、乍生色嫩如染。清溜滿銀塘。東風細、參差穀紋初徧。別君南浦。翠眉曾照波痕淺。再來漲綠迷舊處。添卻殘紅幾片。蒲萄過雨新痕。正拍拍輕鷗。翩翩小燕。簾影蘸樓陰。芳流去。應有淚珠千點。滄浪一舸。斷魂重唱蘋花怨。采香幽徑。鴛鴦睡。誰道滿裙人遠。

水龍吟 落葉

曉霜初著青林。望中故國淒涼早。蕭蕭漸積。紛紛猶墜。門荒徑悄。渭水風生。洞庭波起。幾番秋杪。想重崖半沒。千峯盡出。山中路。無人到。前度題紅杳杳。遶宮溝、暗流空繞。啼螿未歇。飛鴻欲過。此時懷抱。亂影翻窗。碎聲敲砌。

愁人多少。望吾廬甚處。只應今夜。滿庭誰掃。

齊天樂 螢

碧痕初化池塘草。熒熒野光相趁。扇薄星流。盤明露滴。零落秋原飛燐。練裳暗近。記穿柳生涼。度荷分暝。誤我殘編。翠囊空歎夢無準。樓陰時過數點。倚闌人未睡。曾賦幽恨。漢苑飄苔。秦陵墜葉。千古淒涼不盡。何人爲省。但隔水餘輝。傍林殘影。已覺蕭疏。更堪秋夜永。

瑣窗寒

趁酒梨花。催詩柳絮。一窗春怨。疏疏過雨。洗盡滿階芳片。數東風二十四番。幾番誤了西園宴。認小簾朱戶。不如飛去。舊巢雙燕。曾見。雙蛾淺。自別後多應。黛痕不展。撲蝶花陰。怕看題詩團扇。試憑他流水寄情。翅紅不到春更遠。但無聊病酒厭厭。夜月茶糜院。

張叔夏 炎

南浦 春水

波暖綠粼粼。燕飛來。好是蘇堤纔曉。魚沒浪痕圓。流紅去。翻笑東風難掃。荒橋斷浦。柳陰撐出扁舟小。回首池塘。青欲徧。絕是夢中芳草。和雲流出空山。甚年年淨洗。花香不了。新綠乍生時。孤村路。猶憶那回曾到。餘情渺渺。茂林觴詠如今悄。前度劉郎從去後。溪上碧桃多少。

憶舊遊 大都長春宮。卽舊之太極宮也。

看方壺擁翠。太極垂光。積雪初晴。闔闔開黃道。正綠章封事。飛上層青。古臺半壓琪樹。引袖拂寒星。見玉冷闌坡。金明邃宇。人住深清。幽尋自來去。對華表千年。天籟無聲。別有長生路。看花開花落。何處無春。露臺深鎖丹氣。隔水喚青禽。尙記得歸時。鶴衣散影都是雲。

壺中天 夜渡古黃河。與沈堯道會子敬同賦。

揚舲萬里。笑當年底事中分南北。須信平生無夢到。卻向而今遊歷。老柳官河。斜陽古道。風定波猶直。野人驚問。

泛槎何處狂客。迎面綠葉蕭蕭。水流沙共遠。都無行迹。衰草淒迷秋更綠。惟有閒鷗獨立。浪挾天浮。山邀雲去。銀浦橫空碧。扣舷歌斷。海蟾飛上孤白。

臺城路 庚辰秋九月之北。得在菊坡。因賦此詞。

十年前事翻疑夢。重逢可憐俱老。水國春空。山城歲晚。無語相看一笑。荷衣換了。任京洛塵沙。冷凝風帽。見說吟情。近來不到謝池草。 懽遊曾步翠窈。亂紅迷紫曲。芳意多少。舞扇招香。歌撓喚玉。猶憶錢塘蘇小。無端暗惱。又幾度留連。燕昏鶯曉。回首妝樓。甚時重去好。

甘州 錢沈堯道。并寄趙學舟。

記玉關躡雪事清遊。寒氣脆貂裘。傍枯林古道。長河飲馬。此意悠悠。短夢依然江表。老淚灑西州。一字無題處。落葉都愁。 載取白雲歸去。問誰留楚佩。弄影中洲。折蘆花贈遠。零落一身秋。向尋常野橋流水。待招來。不是舊沙鷗。空懷感。有斜陽處。卻怕登樓。 (自注云庚寅歲。沈堯道同余北歸。各處抗越險歲。堯道來問寂寞。語笑數日。又復別去。因賦此詞。)

掃花遊 賦高疏寮東野園

烟霞萬壑。記曲徑幽尋。霽痕初曉。綠窗窈窕。看垂花甃石。就泉通沼。幾日不來。一片蒼雲未掃。自長嘯。悵喬木荒涼。都是殘照。 碧天秋浩渺。聽虛籟泠泠。飛下孤峭。山空翠老。步仙風怕有。采芝人到。野色閒門。芳草不除更好。境深悄。比斜川。又清多少。

渡江雲 山陰久客。一再逢春。回憶西杭。鈔然愁思。

山空天入海。倚樓望極。風急暮潮初。一簾鳩外雨。幾處閒田。隔水動春鉏。新煙禁柳。想如今綠到西湖。猶記得當年深隱。門掩兩三株。 愁余荒洲古渚。斷梗疏萍。更漂流何處。空自覺圍羞帶減。影怯燈孤。常疑卽見桃花面。甚近來翻笑無書。書縱遠。如何夢也都無。

瑣窗寒 旅窗孤寂。用意垂垂。買舟西渡。未能也。賦此。爲錢塘故人韓竹閒問。

亂雨敲春。深煙帶晚。水窗慵凭。空簾謾捲。數日更無花影。怕依然舊時歸燕。定應未識江南冷。最憐他樹底。媽紅。

不語背人吹盡。清潤通幽徑。待移燈翦韭。試香溫鼎。分明醉裏。過了幾番風信。想竹間高閣半閒。小車未來猶自等。傍新晴隔柳呼船。待教潮信穩。

解連環 孤雁

楚江空晚。悵離羣萬里。恍然驚散。自顧影欲下寒塘。正沙淨草枯。水平天遠。寫不成書。只寄得相思一點。歎因循誤了。殘紈擁雪。故人心眼。誰憐旅愁荏苒。謾長門夜悄。錦箏彈怨。想伴侶猶宿蘆花。也曾念春前。去程應轉。暮兩相呼。怕驀地玉關重見。未羞他雙燕歸來。畫簾半捲。

憶舊遊 登蓬萊閣

問蓬萊何處。風月依然。萬里江清。休說神仙事。便神仙縱有。卽是閒人。笑我幾番醒醉。石磴掃松陰。任狂客難招。采芳誰贈。且自微吟。俯仰成陳迹。嘆百年誰在。闌檻孤憑。海日生殘。夜看臥龍和夢。飛入秋冥。還聽水聲東去。山冷不生雲。正目極空寒。蕭蕭漢柏愁茂陵。

月下笛 孤遊葛竹山中。聞門落葉。愁思黯黯。因動黍離之感。時寓甬東積翠山舍。

萬里孤雲。清遊漸遠。故人何處。寒窗夢裏。猶記經行舊時路。連昌約略無多柳。第一是難聽夜雨。謾驚回淒悄。相看竹影。擁衾誰語。張緒歸何暮。半零落依依。斷橋鷗鷺。天涯倦旅。此時心事良苦。只愁重灑西州淚。問杜曲人家在否。正翠袖天寒。又倚梅花那樹。

綺羅香 紅葉

萬里飛霜。千山落木。寒豔不招春妒。楓冷吳江。獨客又吟愁句。正船艤流水孤村。似花繞斜陽芳樹。甚荒溝一片淒涼。載情不去。載愁去。長安誰問倦旅。羞見衰顏借酒。飄零如許。謾倚新妝。不入洛陽花譜。爲回風起舞樽前。盡化作斷霞千縷。記陰陰綠徧江南。夜窗聽暗雨。

疏影 梅影

黃昏片月。似滿地碎陰。還更清絕。枝北枝南。疑有疑無。幾度背燈難折。依稀倩女離魂處。緩步出前村時節。看夜深竹外橫斜。應妒過雲明滅。窺鏡蛾眉淡掃。爲容不在貌。獨抱孤潔。莫是花光。描取春痕。不怕麗譙吹徹。還驚

海上燃犀去。照水底珊瑚疑活。做弄得酒醒天寒。空對一庭香雪。

梅子黃時兩病後。別羅江諸友。

流水孤村。愛塵車頓消。來訪深隱。向醉裏誰扶。滿身花影。鷓鴣相看如瘦。近來不是傷春病。嗟流景。竹外野橋。猶繫煙艇。誰引斜川歸興。便啼鴉縱少。無奈時聽。待棹擊空明。煙波千頃。彈到琵琶留不住。最愁人是黃昏近。江風緊。一行柳陰吹暝。

渡江雲 懷歸

江山居未定。貂裘已敝。空自帶愁歸。亂花流水外。訪里尋鄰。都是可憐時。橋邊燕子。似輕語。斜日江蘼。休問我。如今心事。錯認鏡中誰。還思。新煙驚換。舊雨難招。做不成春意。渾未省。誰家芳草。猶夢吟詩。一株古柳觀魚港。傍清深。足可幽棲。閒趣好。白鷗尙識天隨。

慶清朝。韓亦顏歸隱雨水之濱。予從之遊。散懷吟詠。一任所適。太白去後。三百年無此樂也。

淺草猶霜。融泥未燕。晴梢潤葉初乾。閒扶短策。鄰家小聚清歡。錯認籬根是雪。梅花過了一番寒。風還峭。較遲芳信。卻是春殘。此境此時此意。待攜琴獨去。石冷慵彈。飄飄爽氣。飛鳥相與俱還。醉裏不知何處。好詩盡在夕陽山。山深杳。更無人到。流水花閒。

探春慢 雪霽

銀浦流雲。綠房迎曉。一抹牆腰月淡。煖玉生煙。懸冰解凍。碎滴瑤階如霰。纔放些晴意。早瘦了梅花一半。也知不做花看。東風何事吹散。搖落似成秋苑。甚釀得春來。怕教春見。野渡舟回。前村門掩。應是不勝清怨。次第尋芳去。灞橋外。蕙香波煖。猶妒簷聲。看燈人在深院。

渡江雲 次趙元父韻

錦香繚繞地。深燈挂壁。簾影浪花斜。酒船歸去後。轉首河橋。那處認紋紗。重盟鏡約。還記得。前度秦嘉。惟只有。葉題堪寄。流不到天涯。驚嗟。十年心事。幾曲闌干。想蕭娘聲價。聞過了黃昏時候。疏柳啼鴉。浦潮夜湧。平沙白。問斷鴻。知落誰家。書又遠。空江片月蘆花。

臺城路 送周方山遊吳

朗吟未了西湖酒。驚心又歌南浦。折柳官橋。呼船野渡。還憶五湖風雨。漂流最苦。況如此江山。此時情緒。怕有鴟
夸笑人何事。載詩去。荒臺祇今在否。登臨休望遠。都是愁處。暗草埋沙。明波洗月。誰念天涯羈旅。荷陰未暑。快
料理歸程。再盥鷗鷺。只恐空山。近來無杜宇。

長亭怨 舊居有感

望花外小橋流水。門巷愔愔。玉簫聲絕。鶴去臺空。瓊環何處弄明月。十年前事。愁千折。心情頓別。露粉風香。誰爲
主。都成消歇。淒咽。曉窗分袂處。同把帶鴛親結。江空歲晚。便忘了尊前曾說。恨西風不庇寒蟬。便掃盡一林殘
葉。謝他楊柳多情。還有綠陰時節。

甘州 寄李筠房

望娟娟一水隱芙蓉。幾被暮雲遮。正憑高送目。西風斷雁。殘月平沙。未覺丹楓盡老。搖落已堪嗟。無避秋聲處。愁
滿天涯。一自盟鷗別後。甚酒瓢詩錦。輕誤年華。料荷衣初煖。不忍負煙霞。記前度翦燈一笑。再相逢知在那人
家。空山遠。白雲休贈。只贈梅花。

憶舊遊 寄友

記瓊筵卜夜。錦檻移春。同惱鶯嬌。暗水流花徑。正無風院落。銀燭遲銷。鬧枝淺壓鬢髻。香臉泛紅潮。甚如此心情。
還將樂事。輕趁冰消。飄零又成夢。但長歌嫋嫋。柳色迢迢。一葉江心冷。望笑人。不見隔浦難招。認得舊時鷗鷺。
重過月明橋。遡萬里天風。清聲謾憶何處。鸞簫。未句鸞字疑衍。此詞各家皆同。玉田譜作亦無異。非別有一體
可知。

聲聲慢 寄葉書隱

百花洲畔。十里湖邊。沙鷗未許盟寒。舊隱琴書。猶記渭水長安。蒼雲數千萬疊。卻依然一笑人閒。似夢裏。對清尊
白髮。秉燭更闌。渺渺煙波無際。喚扁舟欲去。且與憑闌。此別何如。能消幾度陽關。江南又聽夜雨。怕梅花零落
孤山。歸最好。甚閒人猶自未閒。

吳彥高 激

春從天上來自序云。會寧府遇老姬。善鼓瑟。自言黎園舊籍。因感賦此。

海角飄零。歎漢苑秦宮。墜露飛螢。夢回天上。金屋銀屏。歌吹競舉青冥。問當時遺譜。有絕藝。鼓瑟湘靈。促哀彈。似林鶯嚶嚶。山溜泠泠。梨園太平樂府。醉幾度春風。鬢髮星星。舞徹中原。塵飛滄海。風雪萬里龍庭。寫胡笳幽怨。人憔悴。不似丹青。酒微醒。對一軒涼月。燈火青荧。

德祐太學生

百字令 德祐乙亥

半堤花雨。對芳辰消遣。無奈情緒。春色尙堪描畫在。萬紫千紅塵土。鵲促歸期。鶯收佞舌。燕作留人語。繞欄紅藥。韶華留此孤主。真箇恨殺東風。幾番過了。不似今番苦。樂事賞心磨滅盡。忽見飛書傳羽。湖水湖煙。峯南峯北。總是堪傷處。新塘楊柳。小腰猶是歌舞。（見湖海新聞。三四謂衆宮女行。五謂朝士去。六謂臺官默。七指大學上書。八九謂只陳宜中在。東風謂買似道。飛書傳羽。北軍至也。新塘楊柳謂買妾。

祝英臺近 德祐乙亥

倚危闌斜日暮。暮暮甚情緒。穉柳嬌黃。全未禁風雨。春江萬里雲濤。扁舟飛渡。那更聽塞鴻無數。歎離阻。有恨流落天涯。誰念泣孤旅。滿目風塵。冉冉如飛霧。是何人惹愁來。那人何處。怎知道愁來不去。（穉柳謂幼君。嬌黃謂太后。扁舟飛渡謂北軍。至塞鴻。指流民也。人惹愁來謂買出。那人何處謂買去。

李易安 清照

賣花聲

簾外五更風。吹夢無蹤。畫樓重上與誰同。記得玉釵斜撥火。寶篆成空。回首紫金峯。雨潤煙濃。一江春浪醉醒中。留得羅襟前日淚。彈與征鴻。

朱淑真

謁金門

春已半。觸目此情無限。十二闌干閒倚徧。愁來天不管。好是風和日暖。輸與鶯鶯燕燕。滿院落花簾不卷。斷腸芳草遠。

徐君寶妻

滿庭芳

漢上繁華。江南人物。尙遺宣政風流。綠窗朱戶。十里爛銀鉤。一旦刀兵齊舉。旌旗擁。百萬貔貅。長驅入。歌樓舞榭。風捲落花愁。清平三百載。典章人物。掃地都休。幸此身未北。猶客南州。破鑑徐郎何在。空惆悵。相見無由。從今後。斷魂千里。夜夜岳陽樓。（徐君寶妻。岳州人。被掠至杭。其主者數欲犯之。輒以計脫。主者強焉。告曰。俟祭先夫。然後爲君婦。主者許諾。乃焚香再拜。題詞壁上。投池中死。）

中華民國廿四年三月廿五日收到

呈繳



國學名著

經部		史部		子部		集部	
論語	學庸	孟子	詩經	書經	易經	禮記	春秋三傳
正史	史記	漢書	後漢書	三國志	編年史	資治通鑑	續資治通鑑 (以上景甲)
史評	史通通釋	文史通義	諸子學	老子	莊子	墨子	荀子
理學	宋元學案	明儒學案	論衡	韓非子	文集	文選	古文辭類纂
詩歌	楚辭	古詩源	經史百家雜鈔	駢體文鈔	詞曲	詞綜	元曲選
小說	水滸傳	三國演義	紅樓夢	儒林外史	老殘遊記	文學批評	文心雕龍
	詩品						

世界書局發行

◀ 印精版字古仿用 書各列上 ▶

中華民國二十四年十一月初版

花間集
絕妙好詞箋
(合一册)

定價大洋九角


(外埠酌加運費匯費)

出版者 國學整理社


發行者 世界書局

印刷者 世界書局
上海大連灣路


發行所 世界書局
上海及各省



版權所有
不准翻印



#82
495-023
(3)



(3)